





~~7-12-17-15~~

9-3-9-40



STEPHANI BALVZII
MISCELLANEORVM

LIBER TERTIVS,

Hoc est,

C O L L E C T I O V E T E R V M
*monumentorum quæ hætenus latuerant in
variis codicibus ac bibliothecis.*



PARISIIS

Excudebat FRANCISCVS MUGVET Regis &
illustrissimi Archiepiscopi Parisiensis
Typographus.

MDCLXXX.
CVM PRIVILEGIO REGIS.





EMINENTISSIMO

DOMINO



HIERONYMO CASANATTÆ

S. R. E. CÂRDINALI.



ILLVSTRIVM
virorum dicta facta-
que posteris tradere &
semper rei publicæ bono
visum est expedire,
EMINENTISSIME DOMINE,
& *prebis eruditisque omnibus per-*

â ij

EPISTOLA:

gratum perque jucundum semper fuit, quod ita imaginem quandam antiquitatis intueri sibi viderentur, exempla verò ad imitandum hinc acciperent. Quod cum ego verum esse intelligerem, & inter schedas meas reperissem vitas aliquot insignium virorum quæ hæcenus latuerant, constitui illas emitte-
 re in publicum tibi que eam editionem dedicare, qui & natalibus & dignitate illustris, illustrior tamen es pietate in Deum, humanitate, doctrina, eruditione, ac ceteris virtutibus quæ cum istis consociantur. Ac laudes quidem tuas jam multi celebrarunt, EMI-
 NENTISSIME CARDINALIS, & deinceps alii celebrabunt, eruntque illa semper grata, quia vera. At ego in id tantum incumbam ut & huic nostræ ætati & ventura te-

EPISTOLA.

*statum faciam quantus sit affectus
tuus in literas, quantus amor eo-
rum qui illas profitentur; quorum
conatus ita juvas pro ea qua pluri-
mum vales auctoritate ut nullus aut
rarus sit qui non tibi multum debe-
re se sciat & profiteatur. Nam quod
ad me attinet, quum nondum tibi
notus essem ullo officio meo, tantum
quia nomen aliquod habere videbar
in rep. literaria, palam te fautorem
ac defensorem studiorum meorum
ostendisti; & cum tibi pro hoc insigni
beneficio gratias egissem, eodemque
tempore nonnihil à te petissem pro
illustranda nova, quam meditor,
Conciliorum editione, humanissi-
mas ad me literas dedisti, in qui-
bus tuam mihi benevolentiam to-
tam integram pollicebaris, simul-
que misisti id quod à te postulave-
ram. Deinde cum ex continuatio-*

EPISTOLA.

*ne mearum literarum factum fuisset
 ut plures quoque à te acciperem,
 non dicam illas, quod est verissi-
 mum, fuisse semper humanissimas,
 sed nullam ex his fuisse quae non no-
 vam promissionem contineret tuae
 amicitiae tuaeque auxilii ad promo-
 venda studia mea; nonnullae etiam
 ita fuerunt doctae & erudite ut hinc
 praecleara accessio facta fuerit iisdem
 studiis meis. Immo cum nescio quo
 fato intermissum fuisset literarum
 inter nos commercium, sic de eo re-
 novato gaudere te professus es (lu-
 bet enim heic gloriari) ut scriberes
 amare te literas meas earumque
 frequentia summopere delectari,
 iusseris porro verbis amantissimis ne
 deinceps ullis casibus interrumpi pa-
 terer illud literarum commercium,
 sed subsistuarum horarum otio, ut
 tua verba repetam, te quoque par-*

EPISTOLA.

ticipem facerem studiorum meorum.

*Quod quàm mihi honorificum sit ,
quàm praeclarum , quanta memoria
vi retinendum ac conservandum ,
faciliùs intelligi quàm explanari
datur ; praesertim si quis accuratè
consideret à quo ista scripta sint , ab
amplissimo nimirum Cardinale , à
viro nobilissimo , eodemque doctis-
simo. Qua cum ita sint , EMI-
NENTISSIME DOMINE , tu-
que praeterea me monueris ut editio-
nem Miscellaneorum meorum con-
tinuarem , tuamque mihi operam
etiam ad hanc studiorum meorum
partem sis peramanter pollicitus , mi-
seris insuper prestantissimi sanctissi-
mique viri Dominici Capranica
Cardinalis vitam à Baptista Poggio
scriptam , officii mei esse putavi ut
hoc quaecunque publicum mea in
te reverentia tuorumque in me be-*

EPISTOLA,

*neficioꝝ monumentum extaret;
quod are perennius fore opto, ut pia
posteritas sciat & me tibi plurimum
debere & dum spiritus hos regere-
ret artus, tibi prorsus devinctum
fuisse.*

Lutetiae Parisiorum,
Kalend. Martius
MDC LXXX.

STEPH. BALVZIVS.



PRÆFATIO

AD LECTOREM.



Tertius iste Miscellaneorum liber destinatus est memoria virorum quorundam illustrium veteris ævi, quorum gesta damus ex fide scriptorum coartaneorum. Neque verò necesse est multa præfari de hoc consilio meo, cum satis sit ostendisse quid in hoc libro contineatur.

Aldrici Cenomanensis Episcopi gesta, dignissima profecto quæ veniant in manus eruditorum, extant in veteri codice MS. Ecclesiæ Cenomanensis, unde apographum ad nos missum est mendosissimum. Sed nos menda bene multa sustulimus ope quorundam frag-

P R Æ F A T I O.

mentorū ex iisdem gestis ab erudita manu excerptorū, quæ ante hos annos in manus nostras inciderunt. Vnum illic in primis notatu dignum occurrit, nullam mentionem fieri epistolæ illius generalis quam Gregorius IV. in gratiam Aldrici scripsisse dicitur, cujus etiam fragmenta reperiuntur apud Ivonem & Gratianum. Et tamen horum gestorum auctores mentionem faciunt in capite XLIV. cujusdam epistolæ ab eodem Gregorio scriptæ ad Aldricum. Qua occasione poterant etiam istam generalem, quæ magni momenti erat, recensere.

Memorable etiam est decretum synodi habitæ anno DCCCXXXVIII. apud Carisiacum, quod refertur in capite quinquagesimo eorundem gestorum, & quo secundum canonem octavum Chalcedonensem ceterasque regulas ecclesiasticas monasterium Anisolenſe sive sancti Carilephi declaratur debere esse subjectum Episcopo Ceno-
manensi, in cujus diœcesi situm est.

PRÆFATIO.

Vērūm ea omnia in diversum ferme mutata postea sunt regnante Karolo Calvo, primū quidem anno DCCCLVI. in synodo quinque provinciarum apud Bonoilum, dein apud Pistas post sexennium, postremò in Vermeria palatio anno DCCCLXIV. Vtrarumque istarum synodorum decreta vulgaibmus in nova nostra collectione Conciliorum.

Vitam optimi doctissimique Cardinalis Dominici Capranicæ à Baptista Poggio scriptam debere me lubens profiteor Eminentissimo doctissimoque Cardinali Casanattæ, qui illam describi curavit ex veteri codice collegii Romani vulgò Capranicensis dicti. Fuit autem iste Poggius celeberrimi illius Poggii Florentini filius, ac, nisi conjectura fallit, auctor ac fundator Augustinianorum discalceatorum. Narrat enim Augustinus Iustinianus Episcopus Nebiensis in libro quinto annalium Gentensium fol. CCXXVI. floruisse anno MCCCCLXXII.

PRÆFATIO.

Baptistam Poggium virum doctissimum, ut apertè demonstrant varia ejus opera, illumque initium dedisse congregationi Augustinianorum quos diximus, fuisseque valde amatum à Carolo Rege Francorum & à Galeacio Duce Mediolanensi. Extat in veteri codice MS. Bibliothecæ Colbertinæ oratio ad Romanum Pontificem Nicolaum V. habita per alterum ex filiis Poggi, sanè eleganter scripta, ac fortassis ab isto Baptista. Porro vir clarissimus Odoricus Raynaldus aliquot istius vitæ fragmenta suis annalibus inseruit, descripta, ut res ipsa loquitur, ex eodem veteri codice ex quo nos habuimus. *

Vitæ clarissimi Cardinalis subjunxi tractum adversus eum illo tempore editum à quodam Iordano Bricio Iurisconsulto Aquisextiensi, non quòd illum magni faciam, sed ut hinc etiam colligant boni doctique omnes etiam summos sanctosque viros vitare interdum non posse dentes malignitatis

PRÆFATIO


Nam hic Iordanus pessimè loquitur de viro quem ceteri omnes illius ætatis homines, & inter hos sanctus Antonius Archiepiscopus Florentinus, summis laudibus efferunt.

Itinerarium Adriani VI. editum quidem fuit Toleti anno MDXLVI. per Ioannem ab Ayala typographum, curante Blasio Garaio. Verùm cùm ea editio sit rarissima, ac multa contineat notatu digna, & vix aliquis literatorum sit qui illam viderit, rem universo huic ordini gratam me facturum putavi si illam recuderem.

Porro cùm in hoc libro ediderim vitam sancti Geraldii Archiepiscopi Bracarensis, cujus socius, amicus, ac successor fuit Mauritius Burdinus, usus sum hac occasione ut vitam quoque istius darem à me elaboratam. Videbam enim virum clarissimum, bene olim de Ecclesia meritum, indignissimè tractari à vulgo historicorum, cùm interim certissimum sit ea omnia falsa esse quæ ab illis afferuntur ad ob-

PRÆFATIO.

scurandam gloriam tot illustrium ejus
bene factorum. Debebam primùm
hanc curam veritati, cujus amatores
esse debemus omnes, tum patriæ meæ,
quæ summum hunc virum genuit.
Spero autem eos qui nihilo minùs
malè sentire ac scribere de Burdino
voluerint, mihi condonaturos hunc
affectum. Tu certè, lector erudite,
condonabis, scio; atque id mihi satis
est. Vale.



E L E N C H V S

EORVM QUÆ IN HOC VOLUMINE
continentur.

GEſta Domini Aldrici Episcopi Cenomanenſis,
à diſcipulis ejus ſcripta, pag. 1.

Ex veteri codice MS. Eccleſia Cenomanenſis.

Vita beati Geraldii Archiepiſcopi Bracarenſis,
auctore ejus diſcipulo Bernaldo Archidiacono Bra-
carenſi, pag. 179.

Ex veteri codice MS. bibliotheca Colbertina.

Tractatus de converſione Pontij de Larazio, &
exordij Salvanienſis monaſterij vera narratio, au-
ctore Hugone Francigena monacho ejusdem mona-
ſterij, pag. 205.

Ex veteri codice MS. ejusdem monaſterij

Leonardi Aretini oratio in funere Nannis Strozæ
Equitis Florentini, pag. 226.

*Ex duobus antiquis codicibus MSS. uno bibliotheca
regia, altero Colbertina.*

Poggij Florentini oratio in funere Leonardi Are-
tini, pag. 248.

Ex veteri codice MS. bibliotheca Colbertina.

Vita Dominici Capranicæ Cardinalis, auctore
Baptiſta Poggio, pag. 263.

Ex veteri codice MS. collegij Capranicenſis Roma

Narratio vetus de morte Iuliani Cæſarini Cardi-
nalis, auctore Ægidio Carlerij Decano Camera-
cenſi, pag. 301.

Ex veteri codice MS. collegij Navarrici Pariſiſis.

Traſtatus Iordanis Bricij adverſus Cardinalem
de Capranica. pag. 393.

Ex alio veteri codice MS. ejusdem collegij Navarrici.

Itinerarium Adriani VI. auctore Blaſio Ortizio
Canonico Toletano. pag. 351.

Ex veteri editione Toletana anni 1546.

Vita Mauritij Burdini Archiepiſcopi Bracarenſis,
ſcriptore Stephano Baluzio Tutelenſi. pag. 471.



STEPHANI



STEPHANI BALVZII
MISCELLANEORVM
LIBER TERTIVS.

GESTA DOMNI ALDRICI
CENOMANICÆ VRBIS EPISCOPI,
à discipulis suis.



OMNVS Aldricus Cenomanicæ
urbis Episcopus, natione patris ex
parte Francus sive Saxo, matris
quoque ex parte Alamannus atque
Bajuvarius. Pater ejus nominabatur
Sion, mater quoque ejus Gerildis.
Prædictus ergo Episcopus regia ex progenie ortus,
atque aliis nobilissimis parentibus est procreatus.
Ab infantia autem cum Episcopis enutritus atque ad
eis nobiliter & sapienter est instructus; ecclesiasticis
quoque disciplinis voluntariè se submittens, ordina-
biliter congruenterque est inconnexus. Jam enim
duodecim annos habens, à jam dicto patre suo ad
palatium deductus est, & glorioso Karolo Franco-
rum Regi atque Domno Hludovico ejus filio hono-
rificè commendatus, & ab eo est decenter suscep-

A

tus. Ipse videlicet omnibus bonis moribusque dulcibus ornatus, omnia omnibus factus est, & tam Regi quàm omnibus ejus optimatibus & Regi famulantibus Domino annuente placere meruit. Per diem itaque Regi & fidelibus suis amabiliter militans, Domino autem nocte & secretè totis nisibus & vigiliis atque orationibus serviens, gratiam divinam meruit assequi. Sed sollicitè evenerat ut quancumque locus ei eveniret, in Ecclesia sanctæ Mariæ quæ est constructa in Aquisgrani palatio secretè psalmos decantaret & orationes faceret. Quadam autem die in prædicta Ecclesia sanctæ Mariæ in sinistra parte altaris secretè psalmos suos cantans, instinctu divino corde admonitus est ut militiam secularem dimitteret & Domino solummodò famulari studeret. Ipse quoque adhuc teneræ ætatis erat atque pube tenus. Tunc primò is .. se incipiebat, timens valde ne hoc illi diabolica ex parte suggereretur, obnixè Deum deprecatus est ut intercessione beatæ Mariæ, in cujus Ecclesia orabat, si divinitus jam dicta voluntas in ejus corde versaretur, manifestum ei pro sua misericordia faceret; sin autem diabolica immisissio esset, similiter & hoc illi notum faceret. Totis itaque nisibus & fluctando genua, pectusque tundendo, ante prædictæ sanctæ Mariæ aram deprecatus est ut Domini ex hoc meruisset facere voluntatem, ut diabolus eum seducendi nullum locum haberet. Ipse enim divinitus in antedicta bona voluntate confortatus & firmitus subjugatus est & plenius corroboratus. Deinde cœpit toto corde rogare Deum ut si diaboli esset exhortatio, recederet ab eo, & si divina esset gratia, pleniter eam secundum Dei voluntatem adimplere meruisset. In hac autem intentione ferme dimidium annum corde angens, angelica & divina confortatione suffultus, ad Regem deprecaturus accessit ut secularem militiam dimittere

ei liceret & militiæ spirituali se conjungere atque cum Domino famulari permetteret. Nullo tamen nisi tantummodo uno Deum timenti amico suo & carissimo familiari hoc confessus est, timens quippe ne si hoc sui intelligerent parentes & amici, ei hoc facere minimè permetterent. Rex autem hæc audiens, oppidò tristatus est, promittensque ei duodecim & ampliùs comitatus se daturum si hoc dimitteret & in sua militia perseveraret. Ipse verò à Rege hoc audiens ait, etiamsi dimidium suum regnum ei daret, ipsam voluntatem propter hoc non dimitteret. Videns autem Rex se illum à sua intentione non posse avertere, concessit ei licentiam & locum ubicunque eligeret in suo regno. Tunc ergo ipse inspirante divina gratia petivit locum sibi dari in quadam civitate cujus vocabulum est Mediomatricis, quæ & alio nomine Mettis vocatur; sibi que cum duobus Clericis tantummodo postulavit dari præbendam. Rex autem & hoc concessit, & quantum volebat sibi dare spondit. Tali enim conditione licentia accepta, à Rege osculatus est, & ad jam dictam urbem festinando profectus est; ibique amabiliter & devotè ab omnibus susceptus, & Clericus ab Episcopo ejusdem civitatis & cuncto clero divinis benedictionibus decantantibus, & hymnis spiritualibus modulantibus confortatus est, & vestimentis clericalibus indutus, & manuum impositionibus ab Episcopo & à cunctis sacerdotibus clericali benedictione consecratus, inter seniores fratres est collocatus. Deo igitur ibi totis nisibus die noctuque deserviens, factum est ut multos Domino lucrificeret. Cantum quippe Romanum atque Grammaticam sive divinæ scripturæ seriem humiliter discere meruit, quibus & donante omnium Domino pleniter atque doctissimè instructus est. Post duos quoque clericatus sui annos ab Episcopo ejusdem civitatis nomine

Gundulfo in Ecclesia sancti Stephani Diaconus est ordinatus. In ipso igitur gradu tres ferme annos militans mirabiliter & doctè quotidie diaconatus sui adimplere certavit officium. Mortuo quoque jam dicto Gundulfo prædicto ordinatore suo, alijs Episcopus in eadem civitate nomine Drogo filius Karoli piissimi Imperatoris subrogatus & ordinatus est: qui videns prædicti Aldrici Levitæ intentionem & studium bonum, quod tam in ministerio suo quàm & erga omnes habebat, cœpit eum exhortari ut sacerdos efficeretur. Noluit autem jam dictus Diaconus Aldricus neque ausus est divinam repellere benedictionem, ad quam sæpissime vocabatur à Drogone ejusdem civitatis Episcopo & successore jam dicto ordinatori suo, dum nobiliter degebat in diaconatus officio, eligente eum clero & populo Presbyter est ordinatus. Ipse autem meliùs ac meliùs virtutum pollens actibus, multosque erudiens suis prædicationibus sive bonis exhortationibus, multos & innumerabiles Deo & sanctæ Ecclesiæ lucrari meruit. Demum quoque eligentibus fratribus, & suadente sive exhortante Episcopo suo Drogone, licèt coactè, senior cantor ibi sublimatur. In scholis verò in quibus jam magister erat constitutus sapienter multos & innumerabiles in supradictis artibus erudiens, magnum lucrum in sancta Dei Ecclesia facere meruit, immo innumerabiles in jam dictis artibus doctissimè erudit. Videntes igitur eum antedictus Pontifex Domnus Drogo & cunctus clerus sive populus in jam dictis ministeriis & doctrinis magnum habere studium & multos doctores & magistros nobiles fecisse, in majus eum ministerium, quamvis coactè, sublimaverunt, & Primicerium secundum Romanum ordinem eum esse constituerunt. totumque clerum tam civitatis quàm & monasteriorum sive totius illius civitatis parrochiæ ei sub-

dictum esse præceperunt, & magistrum omnium eum constituerunt. Ille enim in his studiosissimè Domino serviens, omnibus bonis hominibus amabiliter familiariter meruit; eumque cuncti boni ita amabant quasi semetipsos; & quicquid eis imperabat, libenter faciebant. Audiens autem Hludovicus Imperator Francorum ejus opinionem, ad se eum vocavit, & in suo palatio, volente vel nolente, eum seniore[m] sacerdotem suumque confessor[m] præesse constituit. Qui & ibi omnibus palatinis bonis placens, ut solitus erat, omnibus omnia factus, ab omnibus honorabatur atque venerabatur. Ita quoque omnes eum diligebant, si fieri potest, quasi semetipsos, ejusque jussionibus in omnibus quasi senioris voluntariè & bono animo obtemperantes erant. Quatuor autem menses cum Imperatore in suo palatio nobiliter degens, eique amabiliter serviens, nec ad unum diem licentiam exinde evadendi & in patriam pergendi impetrare valebat. Episcopatum ei quippe quoddam, cujus vocabulum est Cenomanis, eligente eum ejusdem provinciæ Archiepiscopo Landramno, atque Comite ejusdem parochiæ Rorigone, sive omnibus præfixæ parochiæ nobilibus hominibus, atque cunctis palatinis, & clero & populo, per baculum Landramni Turonicæ civitatis & prædictæ parochiæ Metropolitanam jam dictum episcopatum in sua præsentia & eo instigante à Hludovico gloriosissimo Imperatore orantibus cunctis cura pastoralis est commissum; qui & hoc refugiens, & nolens prædictum episcopatum suscipere, omnibus tamen, licet coactus, hortantibus, ipsum sacrum suscepit ministerium. Ordinatus quoque à suo prædicto Metropolitano & ceteris nobilibus & sapientibus Episcopis in idipsum convenientibus, eligente eum clero & populo in prædicta civitate & in ipsa matre Ecclesia die XI. Kal,

Vide Anna-
les Bertinia-
nos, an. 8, 1.

Ianuarii est, anno igitur incarnationis Domini nostri Iesu Christi DCCC XXXII. Episcopus est consecratus. Terrio autem die post ordinationem suam jam dictus Dominus Imperator in suam adueniens civitatem, gratias agens Dominum laudavit quod jam ordinatus erat Episcopus. Prædictus ergo Pontifex Dominum Hludovicum Imperatorem cum psallentio & hymnis & canticis sive crucibus & ceteris divinis oraculis benignè & sapienter suscipiens, eumque ad Ecclesiam manu tenens & deducens per altaria orando, suis precibus eum Domino commendavit. Supra scripto igitur Imperatori omnibusque suis nobiliter & dulciter famulari studuit, ibique Dominus Imperator Hludovicus nativitatem Domini nostri Iesu Christi, præfato Aldrico Episcopo & suo clero sapientissimè & honorificè officium peragente, solemniter celebravit. Octo quoque dies in eadem civitate Dominus Imperator residens, villam quandam quæ Brogilus & Novavilla nuncupatur cum omnibus ad se pertinentibus, quæ dudum inde abstracta & in beneficium data fuerat, per suum præceptum ei atque Ecclesiæ suæ sedis sive Clericis & Domini servis inibi Domino famulantibus jure firmissimo perpetuis temporibus possidendam reddidit.

II. Prædictus quoque Pontifex in primo pontificatus sui anno aquam per aquæductum in prædictam civitatem Cenomanicam, quam nullus hominum ibi antea venire viderat, suo opere & bono ingenio adducere meruit, omnibusque qui antea valde aqua indigebant, nec eam nisi per magnum laborem eatenus habere poterant, sufficientem auxiliante Domino habere fecit. Vnum siquidem vel duo modia aquæ infra civitatem antea emere nemo valebat nisi unum denarium afferentibus eam de Sarcha vel de aliquo fonte dedisset, quoniam nec puteum inibi aliquem habebant. Ideo tam cara erat,

In ipso quoque anno claustrum ubi sui Canonici conuersari regulariter & canonicè possent ædificare^o cœpit, qui antea nunquam, ut fertur, claustrum habere meruerunt, sed per civitatem huc & illuc vagantes & dormientes & discurrentes tam in nocte quam in die per diversa domicilia manere solebant, & propter hoc impedimentum ad officium divinum occurrere, ut decebat, minimè valebant; eisque suam domum, in qua manerent, & solarios sive cellaria & alia ædificia, quæ ad suum opus habebat, tradidit. Et non in hoc sufficiens erat, sed etiam alias domos per circuitum nobiliter, sicut ad hoc opus decebat, construere certavit. Præfatus ergo Pontifex fuit vir mitissimus & sapiens valde, lingua eruditus, psalmos omnes per ordinem memoriter retinens, & in eorum sensibus subtilissima exercitatione limatus, lingua quoque in lectione posita, & exhortator omnium bonorum operum, plebique florentissimæ salutaria prædicans fidei catholicæ & apostolicæ, immaculatè conservare perenniter sua monita salutaria prædicans, corda fidelium corroborans, orthodoxæ fidei æmulator ac defensor fortissimus, paupertatis amator, erga inopes non solum mitis, sed etiam sollicitus, captivorum etiam redemptor, orphanorum quoque & viduarum largitor, necessaria tribuens, amator religiositatis Christianæ normæ, & religiosè volentibus vivere & Dei timorem habere in suis præcordiis dilectio residens, Vir verò erat mirissimus atque suavis omnique bonitate ornatus, amator cleri omnisque populi Christiani, tardus ad irascendum, & velox ad miserandum, nulli pro malo malum reddens, neque vindictam secundum meritum tribuens; sed pius & misericors erat omnibus, cunctos attrahens, neminemque dissipans. Magnum gregem adunare in unum & ingens lucrum adminiculante Domino infra annum

sanctæ Dei Ecclesiæ tam infra suam parrochiam quam & extra facere meruit, & multos Domino lucrari meruit. Fecit igitur prædictus Aldricus Pontifex in præscripto clauistro recta nova & dupla, in quibus & diversas mansiones ad opus fratrum & ad eorum necessitates procurandas mirabiliter & nobiliter construxit. Insuper & in jam dicto clauistro fecit Ecclesiam in honore sancti Stephani à novo, quam & in honore præfixi sancti Stephani & omnium sanctorum V: Iduum Novembris solemniter consecravit; in qua & in ipso die consecrationis ejus signum apparuit mirabile. Quidam enim sacerdos inibi suos vvantos perdidit dum prædictum sacra- retur templum; quos quidam Clericus inveniens, furtim de ipsa Ecclesia nova exportare cupiens, de prædicta sancti Stephani & omnium sanctorum Ecclesia exire non potuit, nec ipsos vvantos secum deferre valuit, antequam eos in ipsa Ecclesia videntibus multis eiecit, & fuga lapsus evasit. Fecit namque in prædicta Ecclesia altaria sex; quorum unum sursum positum in media absida collocatum in honore sanctæ Sophiæ sacravit & reliquias Domini nostri Iesu Christi, tam de spongia quam & de sandaliis ejus propriis, in confessione in eo facta collocavit. Fecit quoque atque sacravit jamdictus Pontifex in superiori & in dextera parte ipsius Ecclesiæ aliud altare in honore sancti Stephani, & sancti Vincentij, ac sancti Gervasii, sanctique Privati, sive sancti Quirini, atque sancti Naboris, necnon & sancti Nazarii martyrum Christi, & in eo decenter eorum reliquias collocavit. Fecit namque in superiori & in sinistra parte ipsius Ecclesiæ tertium altare, atque sacravit in honore sanctæ Dei genitricis Mariæ, sive sancti Clementis Romanæ Ecclesiæ Episcopi & martyris, & sancti Albin, sancti Amantii, ac sancti Arnulphi, seu sancti Martini, atque

sancti Clementis primi Metensis urbis Episcopi, atque sancti Audoeni, necnon & sancti Martialis, ac sancti Benedicti, & sancti Paterni, & sancti Silvestri confessorum Domini, & in eo propriis manibus decenter prædictorum sanctorum reliquias in confessione ipsius altaris collocavit. In subteriori ergo parte & in absida ipsius Ecclesiæ fecit & consecravit quartum altare in honore sancti Stephani & omnium sanctorum, & in eo sancti Stephani atque aliorum multorum sanctorum reliquias propriis manibus decenter collocavit atque conclusit. In dextera igitur & subteriori parte ipsius Ecclesiæ quintum fecit altare, quod & consecravit in honore sancti Pauli & sancti Iacobi Apostoli & sancti Matthæi Apostoli & Evangelistæ, & in confessione ipsius altaris prædictorum sanctorum Apostolorum reliquias propriis manibus decenter composuit atque conclusit. In sinistra & in subteriori parte ipsius Ecclesiæ sextum fecit altare, quod & consecravit in honore sancti Theodori & sancti Iuliani atque sancti Lamberti martyrum Christi, & in confessione ipsius altaris eorum pignora propriis collocavit manibus.

III. Anno siquidem incarnationis Domini nostri Iesu Christi DCCCXXIV. Indictione verò XIII. & anno imperii Domni Hludovici piissimi Imperatoris XXI. anno verò ordinationis præscripti Aldrici Episcopi tertio prædictam Ecclesiam jam dictus Pontifex solemniter & decenter dedicavit. In præscripto namque Kalendarum die Turonis metropolis civitate per consensum & electionem Landramni prædictæ Turonicæ urbis Archiepiscopi sive aliorum Episcoporum atque multorum Abbatum atque Comitum necnon & aliorum innumerabilium prudentium virorum à Hludovico præscripto Imperatore cura Cenomanicæ urbis & sollicitudo

torius populi ipsius urbis parochiæ Aldrico præfato Episcopo commissa est; cui omnipotens Deus, suppliciter oramus, unâ nobiscum tribuat requiem sempiternam & vitam æternam. Præscripto videlicet a. nno incarnationis Domini nostri Iesu Christi, x. quoque Kalendarum Decembris die solemniter consecravit jam dictus Aldricus Pontifex absidam matris & senioris civitatis Ecclesiæ, quam a novo fundavit & mirabiliter ornavit atque fabricavit, in qua & altare mirabiliter fabricatum & compositum construxit. Iam dictam quippe absidam unâ cum præfato altari consecravit in honore sancti Salvatoris & sanctæ Dei genitricis Mariæ & sanctorum martyrum Gervasii & Protasii, sed & sancti Stephani; in quo & reliquias sancti Salvatoris & sanctæ ejusdem Dei genitricis Mariæ atque de proprio corpore sanctorum martyrum Gervasii & Protasii sive sancti Stephani in sæpedito altari propriis manibus decenter collocavit & mirabiliter composuit. Aliam quoque partem præscriptæ matris & civitatis Ecclesiæ, cujus consecrationis dies penitus ab omnibus ignorabatur, in prædicto Domini Salvatoris nostri Iesu Christi nomine & sanctæ Dei genitricis Mariæ sanctorumque martyrum Gervasii & Protasii atque sancti Stephani reconciliavit atque solemniter dedicavit. In præfata namque Ecclesia seniori altaria construxit & à novo fundavit atque in supradicta die sacravit numero decem; & nomina super ea eorum sanctorum, in quorum memoriis ea consecravit, desuper ascribere iussit; quæ & adhuc per singula altaria inserta singillarim & distinctè ac diligenter investigantibus reperiri hodierna die queunt. Deambulatoria siquidem sursum per totum in circuitu ipsius Ecclesiæ fecit, in quibus & altaria quinque nobiliter construxit atque sacravit. Primum enim in dextera & in

orientali parte altare in prædictis deambulatoriis positum sacrauit in honore sancti Martini & sancti Hilarii ac sancti Germani sanctique Vedasti, sive sancti Domnoli atque sancti Carilefi & sancti Rigomeri confessorum Christi, & pignora prædictorum sanctorum in eo propriis manibus decenter & ecclesiastico more collocavit. Aliud verò altare in supradicta dextera parte & in eodem deambulatorio in medio positum sacratum in honore sancti Petri & sancti Iohannis Apostoli & Evangelistæ atque sancti Andreæ, necnon & omnium Apostolorum, & reliquias eorum in ipso collocavit altari. In occidentali quippe parve ipsius Ecclesiæ, in ipso solario fecit atque sacrauit altare in honore omnium sanctorum, in quo & multorum sanctorum pignora propriis collocavit manibus. In sinistra autem parte ipsius Ecclesiæ & in sinistro deambulatorio in orientali parte fecit & consecravit altare in honore sancti Dionysii & sancti Laurentii, ac sancti Remigii sanctique Medardi, seu sancti Bonifacii & sancti Rustici necnon & sancti Eleuterii martyrum & confessorum Christi, & eorum reliquias in ipso propriis manibus collocavit altari. In prædicto videlicet sinistro solari & deambulatorio in medio aliud fecit & sacrauit altare in honore sanctæ Dei genitricis Mariæ ac sanctæ Anastasiæ sanctæque Cæcilie, necnon & omnium sanctarum virginum, & pignora sanctarum virginum in eo multa propriis collocavit manibus. Deorsum quoque & in dextera sive orientali parte præfata Ecclesiæ fecit & consecravit altare in honore sancti Ambrosii & sancti Benedicti, sanctique Gregorii, ac sancti Augustini sive sancti Iuliani atque sancti Hieronymi, necnon & sancti Vigoris Christi confessorum, & eorum in eo decenter & ecclesiastico more collocavit reliquias. Extra chorum scilicet &

in dextera parte ipsius Ecclesiæ fecit & consecravir altare in honore sancti Georgii & sancti Felicis, ac sancti Symphoriani sive sancti Sixti atque sancti Tiburtii, sanctorum quippe Marcellini & Petri, & eorum in eo decenter collocavit reliquias. In sinistra namque & in orientali parte ipsius Ecclesiæ fecit & sacravir altare in honore sanctæ Scholasticæ & sanctæ Agnetis ac sanctæ Lucie, atque sanctæ Hlodesindæ, sive sanctæ Afræ, sanctæque Geretrudis & sanctæ Aldegundis virginum Christi, & in eo earum reliquias propriis decenter collocavit manibus. Extra chorum autem in sinistra parte ipsius Ecclesiæ fecit & consecravir altare in honore sanctæ Agathæ & sanctæ Felicitatis ac sanctæ Sabinæ sanctæque Eufemiæ sive sanctæ Perperuæ atque sanctæ Brigidæ necnon & sanctæ Genovefæ virginum Christi, & earum in eo decenter propriis manibus collocavit reliquias. In media quoque Ecclesia fecit altare, in quo & Crucifixum Domini nostri Iesu Christi auro & argento mirabiliter fabricatum erexit, & ipsum altare in media Ecclesia positum in honore sanctissimæ Trinitatis in eo decenter propriis collocavit manibus. Antedictus igitur Aldricus Cenomanicæ præfatæ urbis Episcopus anno incarnationis Domini nostri Iesu Christi **mcclxxv**, & anno imperii piissimi Hludovici Imperatoris **xxiii**, anno siquidem ordinationis suæ tertio, Inditione **xiv**, undecimo verò Kalendarum Iuliarum die solemniter consecravir occidentalem partem sæpeditæ matris & Cenomanicæ civitatis senioris Ecclesiæ, quam & à novo fundavit & mirabiliter ornavit, ad effectum quoque usque perduxit: in qua & altare fecit in honore sancti Iohannis Baptistæ, quod & insuper dicto Kalendarum die in honore sancti Iohannis Baptistæ solemniter consecravir, & prædicti sancti Iohannis Baptistæ sive aliq-

rum multorum sanctorum reliquias propriis manibus in eo decenter collocavit. Aliud ergo in dextera parte ipsius occidentalis partis Ecclesiæ fecit altare & in præscripto die consecravit in honore sancti Christophori & sancti Hippolyti atque sancti Saturnini martyrum Christi, & eorum reliquias in confessione ipsius altaris propriis decenter collocavit manibus. In sinistra namque parte ipsius occidentalis partis senioris Ecclesiæ in superscripto Kalendarum die tertium consecravit altare in honore sancti Victurii & sancti Victuri ac sancti Brixii sanctique Arvei atque sancti Baumadi seu sancti Almiri, seu sancti Vlfacii & sancti Iuliani primi ipsius urbis Episcopi, atque sancti Turibii & sancti Pavacii, necnon & sancti Liborii confessorum Christi, & eorum reliquias propriis manibus decenter in supradicto collocavit altari. Præscripto namque X I. Kalendarum Iuliarum die antedictus Aldricus Pontifex est de utero matris suæ natus, cui omnipotens Deus assidua intercessione prædictorum siue omnium sanctorum tribuat vita æternaliter unâ cum eis frui sempiterna. Amen.

IV. Dedit quippe præfatus Aldricus Pontifex villam quandam Canonicis suis cujus vocabulum est Buxarias, cum omnibus ad se pertinentibus, unâ cum silva cujus vocabulum est Felicionis, de qua & plenius prædicti Canonici eorum mererentur habere stipendia, & delectabilius Domino famulari, siue pro Imperatore antedicto Hludovico & conjugē sua Iudith, sed & pro liberis regalibus, siue pro universo exercitu eorum, atque pro sæpedito Aldrico ipsius urbis Episcopo orare certatim studeant, & delectabilius siue studiosius eis Domino militare delectaret. De præfixa videlicet villa censuit, atque suis successoribus contestando in suo privilegio quod de eadem villa prædictis Canonicis

fuis fecit adjurav^t ut fratres & Canonici Cenomanica in urbe degentes haberent plenam refectio-
nem in XI. Kalendarum Ianuariarum die, quando
mater & civitatis Ecclesia senior Cenomanica in
honore sancti Salvatoris & sanctæ ejusdem Dei ge-
nitricis Mariæ & sancti Gervasii & Prothasii sive
sancti Stephani est à jam dicto Aldrico Episcopo
solemniter dedicata. Similiter censuit ut de præfa-
ta villa plena prædictis fratribus & Canonicis XI.
Kalendarum Ianuariarum die fieret plena refectio;
in quo die & sæpèdictus Aldricus in præscripta civi-
tate & in præfata Ecclesia est canonicè & solemniter
à nobilissimis & doctissimis atque sanctissimis
Episcopis Pontifex ordinatus. Similiter censuit ut
in XI. Kalendarum Iuliarum antedictis Canonicis &
Dei servis de præfata villa fieret plena & optima re-
fectio, in quo die & præfixus Aldricus Episcopus
est de utero matris suæ natus, atque occidentalis
pars præscriptæ matris & civitatis Ecclesiæ ad eo-
dem Pontifice est solemniter dedicato. Similiter in
Assumptione sanctæ Dei genitricis Mariæ, quæ est
xv 111. Kalendar. Septemb. die, in cujus honore
præfata Ecclesia à sancto Iuliano sacrata fuit, cujus
consecrationis dies ab omnibus penitus ignorabatur,
sed modò renovata & reconciliata sive consecrata
est in honore prædictæ sanctæ Dei genitricis Ma-
riæ seu sanctorum Gervasii & Prothasii sive sancti
Stephani solemniter & canonicè in præscripto
Kalendarum die à præfixo Aldrico Episcopo, com-
stituit fieri & plenam refectionem jam dictis Dei
servis ministrari. In his quoque prædictis quinque
festivitatibus censuit ut prædicti Canonici & Dei
servi acciperent de præfata villa de pane optimo per
singulos prædictarum festivitatum dies modios qua-
tuor, arietes optimos sex, & de vino optimo mo-
dios duos, & de p^oione optima modium unum, &

cetera sicut in ejus testamento quod de eadem re fecit continentur inserta.

V. In ipso ergo ordinationis atque consecrationis præscriptæ matris & Cenomanicæ civitatis Ecclesiæ anno primo virtutes in superscripta Ecclesia apparuerunt multæ videntibus Domino insigniter tribuente multis. Quidam enim claudus & utrisque pedibus debilis in præfata Ecclesia ad vespertinalem synaxin adveniens, dum fratres Domino vota persolverent & officia vespertina peragerent, utrisque pedibus restauratus ac sanatus multis videntibus fuit, ita verò pristinum recipere meruit gressum quasi nunquam claudus ac debilis fuisset. Alius siquidem ad matutinalem synaxin veniens, qui mutus ab ortu nativitatis suæ & surdus erat, dum Canonici ac Dei servi in jam dicta sancti Salvatoris & sanctæ Dei genitricis Mariæ & sanctorum martyrum Gervasii & Prothasii atque sancti Stephani Ecclesia devotissimè matutinalem peragerent synaxin, tam auditum quàm & locutionem inibi pleniter recepit, & ita loqui ac audire meruit ceu nunquam surdus ac mutus fuisset. Sequenti namque tempore quidam cæcus veniens in jam dictam Ecclesiam, dum Missa à sæpedito Aldrico Episcopo & à suis consacerdotibus sive reliquis ministris devotissimè peragebatur, visum Domino largiente recipere in supradicta Ecclesia meruit plenum & ita videre veluti nunquam cæcus fuisset. Alius ergo plenus dæmonio, qui graviter à diabolo vexabatur, & sæpe tant in ignem quàm & in aquam sive in reliqua pericula se demergere volebat, qui & multis funibus constrictus atque colligatus erat ne aliquem lædere posset, in supradictam Ecclesiam ad matutinalem synaxin adveniens, dum ibi à Dei servis ibidem constitutis & à jam dicto Episcopo divina peragebatur intensissimè officia, à dæmonio curatus & pleniter sanatus est ceu nunquam

à dæmonio vexatus esset. Alia quoque innumerabilia signa in suprascripta Ecclesia & in antedicto primo ordinationis, consecrationis, sive reconciliationis suæ anno, necnon & in subsequentibus annis, innumerabilia multis apparuerent videntibus signa, quæ propter prolixitatem sive propter tædium lectoris atque auditoris hic non inseruimus; quæ tamen tanta sunt in eiciendis dæmoniis, in recipiendis gressibus, in reddendis auditibus, & reparandis visibus; sive in reliquis Dei beneficiis quanta; ut reor, duo vel tres quaterniones minimè capere valerent. Alii autem infirmi tam de febribus quàm de aliis infirmitatibus in suprascripta Ecclesia innumerabiliter multi Domino largiente sunt sanati; atque pristinam sanitatem recipere & plenam meruerunt adipisci salutem.

VI. Antedictus enim Dominus Aldricus prefatæ urbis Episcopus quando in prædicto. V. Iduum Nov. die à largitione Domni Hludovici piissimi Imperatoris, per consensum & electionem multorum nobilium virorum, sicut suprà dictum est, accepit jam dictum episcopatum, quidam æmuli sanctæ Dei Ecclesiæ & sui intimaverunt atque firmiter protestari sunt præfixo Domino Hludovico Imperatori quòd abbatia sancti Vincentii non esset de jure antedicti Episcopi, sed fiscus sæpedicti Domni Hludovici Imperatoris esse debebat. Dominus igitur Hludovicus Imperator ad hoc inquirendum atque veraciter investigandum suos strenuos & fideles misit Missos, qui hoc inquirerent si fiscus esse debebat, an de jure & dominatione antedicti Episcopi esse deberet. Aldricus verò in hoc valde angebatur; tristabaturque quòd tali occasione à jure & dominatione sæpedicti episcopij jam dicta abbatia sancti Vincentii perdita & injustè ablata fieret. Non enim habebat ibi cognitos homines, nec ipsam rem cognoscebat;

sed

sed Dominum obnixè deprecabatur ut sua negligentia ipsa abbatia sancti Vincentii de jure prædictæ Ecclesiæ perdita nec alienata fieret. Quem nempe Dominus in hoc exaudivit, & oppidò illum consolatus est; & ipsas res adminiculante Domino evindicare meruit, & ad jus suæ sedis Ecclesiæ jure firmissimo retinere, licet in ipso die introitus sui, quando primò in festivitate sancti Martini in ipsam civitatem Cenomanicam est ingressus, ipsa inquisitio facta fuisset, ubi & testes habuit qui ad jus sui præfixi episcopatus ipsam abbatiam testificaverunt atque confirmantes dixerunt quòd sub dominatione & jure præfati episcopatus esse deberet. Privilegium ergo quòd Dominus Domnolus de præfata abbatia fecit quando præfatum monasterium & jam dictam Ecclesiam de rebus suæ sedis Ecclesiæ ditavit, ipso tempore minimè invenire quivit, quod ei tunc absconditum fuit. Sed posteaquam illud jam evindicatum & per præceptum confirmatum monasterium habuit, ipsum privilegium Domino adminiculante invenire & adipisci meruit. Idcirco in hoc opusculo prædictum privilegium nobis inferere placuit; ut si, quod absit, futuris temporibus de sæpe jam dicta abbatia aliqua quæstio orta fuerit, & præfatum privilegium aliqua machinatione aut malo ingenio aliquis occultare vellet, in hoc opusculo exemplar ejus inveniretur, cum quo & solatium fideles ejusdem sanctæ Dei Ecclesiæ haberent, qualiter ipsa abbatia nunquam à jure & dominatione præfate Ecclesiæ perdita fieret. Similiter & privilegium quod jam dictus Dominus Domnolus de colonica ad Ecclesiam sancti Vincentii & ad opus fratrum ibi degentium cum consensu suorum Canonicorum atque aliorum tam Episcoporum quàm & aliorum nobilium virorum fecit hîc inferere placuit.

VII. EXEMPLAR PRIVILEGII

& traditionis quam Domnus Domnolus de villa Tricione & de Fraxinido, sive villula nomine Debuc, atque de aliis villulis sive rebus ac territoriis suæ sedis Ecclesiæ in die dedicationis sæpeditæ sancti Vincentii Ecclesiæ ad ipsam Ecclesiam fecit.

Domino venerabili Ecclesiæ Cenomanicæ clero Domnolus Episcopus. Congruum nobis fuit ut votum desiderabile in caritatis vestræ notitiam poneremus; quia si consensus vester desiderium cordis nostri decreta adverterit, credimus nullius nullo unquam tempore contrarietate à nobis pariter firmata posse convelli, cum pro salute populi, velut custodiam civitatis, reliquias Domini ac venerabilis sancti Vincentii martyris intercedente præsumptione ausi fuerimus deferre, cum Dei adjutorio & vestro, eidem loco dignitatis creximus in culmine, ita petimus ut nostro pariter dicitur & munere; & si sensus vester in nos contulerit claritatem, hanc paginulam donationis vestro quaesumus ut firmetur robore. Dono ergo in ipsius Domini Vincentii honore donatumque esse volumus villa cognominante Tricione, quam Abundantius visus est quondam tenuisse, per loca designata de Confluentes usque Bucias defluit in Indua usque termino Proliacense, subjungente ad se adjacentia Saturniacinse, inde pervia Saturniacinse pervenit ad vincta usque campo Daulso, deinde a broialo Censurio usque ad domum Meræ, inde ad campum Locogiacinse pervenit ad ipso Tricione, cum id quicquid Mallaricus Diaconus noster tempore vitæ suæ usu-

fructuario possidere videtur, cum agris, pratis, pascuis, silvis, aquis, aquarumve decursibus, cum mancipiis his nominibus, Leudomadō cum uxore Leudomalla, & infantulum Litomeri, Leudolfo, iteni Leudolfo, Chariobandi, Vinoflede; & Mogiane; gregi equino quem Allomeris intra terminum ipsū commanens custodire videretur. Idemque & villa Fraxeneto, quam bonæ memoriæ Ap. Presbyter tenuit, cum broialis Marcelliacensis, cum vineis, silvis, pratis, pascuis, aquis, aquarumque decursibus, cum accolis decem commanentibus in rem Ecclesiæ. Quicumque opportuni ad domum ipsam fuerint, quos per adsignationem Leudorico defensore perceperit possidendos, cum mancipiis his nominibus Lanvoneto, Fredulo cum uxore Taligia, Sefulfo; Castlino cum uxore Leudomalla & filio Leudoghifilo, cum filia Childegunde, Pappa cum filio suo Populonio, cum Leudomundo, & Leudomanda cum libertos omnes prædicti Presbyteri. Pari modo & locello ad Buccis, quem de Eutelio Presbytero accepimus, cum mancipia qui ibidem excolere videntur, pratum intra vinarium supra ripa Sarthæ secum quem Abundantius vel actores Ecclesiæ visi sunt tenuisse, Chyldigifilo puero, cum armento pecorum quem ipse custodire videtur, & campo adjacente ad memorato prato quem nostro opere fecimus, Sescismundo cum uxore sua VViliare. Hæc omnia quidem per hanc paginam donationis, quam Aunulfo Diacono præfato unanimiter rogavimus conscribendam, constat delegasse, nuncupata basilica habeat, teneat, possideat, quicumque loci ipsius dignitatem perceperit, jure hereditario perpetualiter habimet vendicet possidendum. Si ullo unquam tempore aut Pontifex civitatis aut quælibet persona à nobis donata vel tradita de dominatione basilicæ ipsius abstrahere voluerit, induat maledictionem pro

benedictione, & Domini nostri Iesu Christi vel omnium sanctorum martyrum incurrat offensam, & voluntas nostra perpetim auxiliante Domino capiat firmitatem, Aus Iuliani legis inderamentum. Actum Cenomanis civitate anno XI. regnante Domini nostri Chilperici Regis pridie Nonas Martias † Domnolus peccator subscripsit. Germanus peccator rogante clero Cenomanis subscripsit. Dinamus peccator consensit & subscripsit. Drauscio Presbyter subscripsit. Injuriosus peccator subscripsit. Meterius Presbyter consensum nostrum subscripsit. Populinius Presbyter consensit & subscripsit. Alloveus Presbyter consensum nostrum subscripsit. Setrius peccator consensit & subscripsit. Leudoveus Presbyter subscripsit. Daunaredus Presbyter consensum nostrum subscripsit. Frigimodus Presbyter, Viscicindis Diaconus consensum nostrum subscripsimus. Censius Diaconus consensum nostrum subscripsit. Romolus Diaconus consensit & subscripsit. Daddus Diaconus consensum nostrum subscripsit. Noxus Diaconus subscripsit. Seuvovechus Diaconus consensit & subscripsit.

VIII. ITEM EXEMPLAR
*quod Dominus Domnolus de villa Canon per
 consensum Canoniorum suorum Ecclesiam
 sancti Vincentii fecit.*

ANno x x. regni Domini nostri Chilperici gloriosissimi Regis, pridie Nonas Septembris, ego Domnolus in Christi nomine Episcopus cum evocassent Domino & fratri meo Andoveo Episcopo Andegavæ civitatis visitare sanctis liminibus patroni peculiaris mei Victorii Episcopi, immo & solemniter ipsius celebrassem, cum consensu omni-

nium fratrum meorum Presbyterorum, quia ante tempus testamentum meum condidi & in ipsam voluntatem meam adhuc non complevi, quod meum conscriptum videtur volo in omnibus conservetur, & hæc paginola plenum capiat opto robur. Dono basilicæ sanctorum Vincentii & Laurentii, quam meo opere construxi & ædificavi pro salvatione civitatis & populi conlocavi colonicam cognominatam Canono, cum agris, pratis, pascuis, silvis, aquis, aquarumve decursibus, & mancipiola duo Vvaldardo cum uxore sua vel infantibus eorum qui ibidem nunc commanere videntur, ab hodierno die prædictus Abbas antedicti loci ad stipendia fratrum nuncupatæ basilicæ faciat revocare, & tamen post obitum meum, quando Deus iusserit, qui præfens fuerit ordinatus de loco præfato commemorationem meam annis singulis adimplere procuret. Ideo tibi, Niviarde Diacone ac defensor nostræ Ecclesiæ, indico atque jubeo ut hoc tua traditione, sicuti nunc à dicta Ecclesia possidetur, cum omni soliditate vel adjacentia Suolevoo Abbati facias consignari. Hoc verò inferendum rogavi, ut qui voluntati meæ obvius esse voluerit, maledictionem illam incurrat quem Propheta in psalmo cix. decantavit, & præfens pagina maneat inconvulsa, quam pro rei veritate manu propria subscripsi & Domnis & fratribus meis muniendam rogavi Domnolus peccator subscripsi. Audoveus peccator subscripsi rogante Domino Domnolo Episcopo. * Theodulfus peccator subscripsi. Aimulfus Presbyter subscripsi. Leudoricus Presbyter subscripsi.

*Vide Greg.
Turon.lib.1.
c.14.

IX. Placuit etiam in hoc opusculo exemplar præcepti quod jam dictus Aldricus à Domino Hludovico piissimo Imperatore, quando res de sæpedita sancti Vincentii abbazia & ipsam abbatiam adjudicare & adipisci meruit,

*EXEMPLAR SUPRADICTI
præcepti de abbazia sancti Vincentii, siue de
cellulis sancti Albini & sancti Audoëni infra
& secus urbem positis, quam Dominus Al-
dricus causa iustitiæ & futuræ quæstionis ma-
litiæ excludenda percipere studuit.*

IN nomine Domini Dei & Salvatoris nostri Ie-
su Christi. Hludovicus divina ordinante provi-
dencia Imperator Augustus. Omnibus fidelibus san-
ctæ Dei Ecclesiæ & nostris præsentibus scilicet &
futuris notum esse volumus qualiter ad notitiam
nostram de tribus cellis perventum est, quæ una
earum intra muros Cenomanis civitatis sita est &
dicata in honore sancti Albini, reliquæ verò duæ
in suburbio memoratæ civitatis constructæ, & alte-
ra earum in honore sancti Vincentii, altera verò
in honore sancti Audoëni dicata habetur, quas
præsentis tempore Aldricus Episcopus sub jure
præscriptæ urbis possidebat, quod non iustè ad ean-
dem urbem sed ad publicum nostrum pertinere de-
berent. ad quam causam diligenter per meliores &
veraciores homines circumquaque memoratæ urbis
consistentes inquirendam nobisque renuntiandam
destinavimus fidelem nostrum Vvidonem nomine;
qui cum ad nos reversus esset, retulit nobis, sicut
relatione bonorum hominum circa fines memo-
ratæ civitatis consistentium cum sacramenti asser-
tione invenerat, quod præscriptæ cellæ non ad pu-
blicum nostrum pertinebant, sed sub jure memora-
tæ Cenomanis Ecclesiæ iustè & legitimè esse debe-
rent. Cumque ex memorari fidelis nostri Vvidonis
relatione per omnia ita verum esse cognovissemus,

propter futuras occasiones & resultationes penitus repellendas & abiciendas, complacuit nobis hoc nostræ auctoritatis atque memoriæ conscriptum super huiuscemodi factum conscribere, per quam præcipimus atque iubemus ut repulsa omnino publica & iudiciaria potestate præfata cellæ perpetuo in iure memoratæ Cenomanis Ecclesiæ consistant, eaque memoratus Aldricos Præsul sui que successores iure ecclesiastico habeant, teneant, atque possideant, & inde faciant quicquid pro commodo vel utilitate memoratæ Cenomanis Ecclesiæ faciendum esse decreverint. Et ut hæc nostræ auctoritatis conscriptio firmior habeatur & à fidelibus nostris melius credatur & diligentius conservetur, de anulo nostro subtus eam iussimus sigillari.

Hirminmarus Notarius ad vicem Theotonis recognovi & subscripsi.

Data 1 v. Kal. Ianuar. anno Christo propitio
xviii. Imperii Hludovici piissimi Augusti, Indictione decima.

Actum Cenomanis civitate in Dei nomine feliciter Amen.

X. Similiter in hac scedula vel in hoc libello inferere placuit exemplar præcepti quod supradictus Dominus Aldricus de villa quæ Brogilus, vel Novavilla nominatur cum omnibus ad se pertinentibus tam villulis quàm mancipiis, sive reiculis atque forestibus, necnon & omnibus ad eas justè pertinentibus accipere meruit; ut si necesse fuerit, hoc exemplar futuris appareat fidelibus præscriptæ Ecclesiæ, qualiter omnibus notum sit supradicta causa.



EXEMPLAR PRÆCEPTI *subscripti.*

IN nomine Domini Dei & Salvatoris nostri Iesu Christi. Hludovicus divina ordinante providentia Imperator Augustus. Si supplicationibus sacerdotum, quando pro suis vel Ecclesiarum sibi commissarum necessitatibus aliquid nobis intimare voluerint, autem benigniter atque libenter accommodatus, eorumque iustas & rationabiles petitiones ad optatum effectum pervenire facimus, non solum regiam atque imperialem consuetudinem in hoc exercemus, sed etiam eosdem sacerdotes ad Domini misericordiam pro nobis exorandam promptiores atque devotiores facimus. Idcirco notum fieri volumus omnium fidelium nostrorum tam presentium quam futurorum industriæ qualiter cum nos de Aquitania revertemur & in urbem Cenomanis pervenissemus, Aldricus ejusdem urbis venerabilis Episcopus accedens ad aures nostras retulit nobis de quadam villa quæ Brogilus vocatur & Novavilla nominatur, quæ ante hos complures annos de jure ejusdem Ecclesiæ cum appendiciis & omnibus ad se pertinentibus substracta atque ad publicum nostrum redacta, moderno tempore ab Heremberto vassallo nostro in beneficium data possideretur, & sic præcedenti tempore de manibus rectorum prædictæ urbis eandem villam cum appendiciis & omnibus ad se pertinentibus elapsam esse. Sed cum nos ad rei veritatem diligentius vestigandam fideles nostros Simonem Presbyterum & venerabilem Abbatem & Hildemannum vassallum nostrum mitteremus, renuntiaverunt nobis per omnia ita verum esse. Cumque eorum relatione memoratum beneficium Heremberti non ad

publicum nostrum sed ad jus prædictæ Ecclesiæ Cenomanis justè pertinere cognovissemus, complacuit clementiæ nostræ prefatum beneficium Heremberti, id est, forestem illam quæ Gauciacensis dicitur, cum duabus forestulis quæ Dovera & Tulpiacus vocantur, cum ædificiis in eadem constructis, quæ Brolius nominatur, necnon & Novamvillam cum omnibus ad se pertinentibus, id est, Salvariam, Colonicam, Cauqueriolas, curtem Herilavan. Fetrarias, villarem Saviniacum, Buxarias, in Monticellis capellam unam cum omnibus ad se pertinentibus, & in Caliniaco dimidium mansum, & in Vincariis mansum unum, & in Cipido atque Belino eos quos jumentarios dicunt, cum redditione census quem singulis annisolvere noscuntur, id est, mel & ceram, & in Cabanido eos quos porcarios vocant, & eos qui in illa ruba quæ est contra orientem manere noscuntur, necnon & illos qui super fluvium qui dicitur Sartha consistere noscuntur, similiter & medietatem telonei quod de illo porto annis singulis persolvitur, & quemadmodum sæpe dictus Herembertus memoratum beneficium cum omni integritate, sicut illa die sub jure nostræ dominationis erat quando à largitione nostra ipsum beneficium accepisse constat, pro emolumento animæ nostræ memorato venerabili Aldrico Episcopo ad partem præscriptæ suæ Ecclesiæ reddere, ut in perpetuum in utilitates & usus ejusdem Ecclesiæ Deoque in ea deservientium pertineat. Idcirco suggerente atque rogante prædicto venerabili Episcopo hanc nostræ confirmationis atque redditionis præceptionem ei vel ad partem jam dictæ urbis fieri jussimus, per quam decernimus atque jubemus ut nullus fidelium nostrorum de prædicta villa vel de his omnibus quæ ad præfata loca pertinere noscuntur memorato venerabili Aldrico Episcopo sive sac-

cessoribus ejus ullo unquam tempore inquietudinem facere aut quamlibet calumniam ingerere præsumat; sed liceat ei & successoribus ejus quieto ordine memorata loca cum omnibus ad se pertinentibus jure ecclesiastico tenere & possidere, & quicquid pro opportunitate & commoditate præfatæ Ecclesiæ exinde facere decreverint, liberam in omnibus habeant potestatem faciendi. Ut autem hæc nostra auctoritas perpetuam obtineat firmitatem, de anulo nostro jussimus sigillari.

Hirminmarus Notarius ad vicem Theotonis recognovi & subscripsi.

Data VI. Idus Ianuar. anno Christo propitio
XVI. imperii Domini Hludovici piiissimi Augusti,
Indictione X.

Actum Bes villa in Dei nomine feliciter. Amen.

XI. Insuper in hoc opusculo inscribere libuit exemplar præcepti quod sæpeditus Aldricus de nonis & decimis vel restaurationibus Ecclesiarum sive de censibus tam monasteriorum quàm cellularum & villarum quæ largitione regia vassalli dominici adipisci, licet injustè & contra canonicam auctoritatem, meruerunt. Nam oblatio fidelium ab Episcopis & ministris eorum secundùm canonicam institutionem dispensanda & gubernanda est, non à laicis & secularibus hominibus; quoniam qui hoc facere ex secularibus vel laicis hominibus præsumperint, sub anathematis nomine à sanctis patribus districtè feriuntur. Illis quoque hoc valde cavendum est, ne pro temporalibus hujus seculi à delictis cælestis regni perpetuò alienati, quod absit, fiant.



*EXEMPLAR PRÆDICTI
præcepti ita continetur.*

IN nomine Domini Dei & Salvatoris nostri Iesu Christi, Hludovicus divina ordinante providentia Imperator Augustus. Si his qui Deo debitum exhibent famulatum quiddam honoris conferimus, & ad suum ministerium liberius exequendum opem ferimus, hoc nobis proculdubio ad statum terreni regni corroborandum & ad æternæ vitæ beatitudinem capeffendam profuturum esse confidimus. Notum igitur esse volumus omnibus fidelibus nostris præsentibus scilicet & futuris quia nos de Aquitania revertentes, cum in urbem Cenomanis pervenissemus, quam Aldricus venerabilis Episcopus regere videtur, Clerici & Dei servi inibi consistentes in nostram advenerunt præsentiam, & conquesti sunt quòd nonas & decimas, unde necessarios sumptus habere debebant, fideles nostri, qui res sancti Gervasii munere beneficiario possidebant, aut negligenter persolverent, aut penitus reddere differrent; petieruntque & suppliciter deprecati sunt nos ut nostra imperialis potestas efficeret qualiter secundum antiquam consuetudinem & iussionem Domini & genitoris nostri Karoli præstaptissimi Augusti ac nostram pleniter de eisdem rebus decimæ & nonæ partibus præscriptæ Ecclesiæ sancti Gervasii & fratrum inibi consistentium pleniter & absque ulla dilatione persolverentur, & ædificia ejusdem Ecclesiæ sive domus episcopalis ac fratrum inibi degentium restructæ & restauratæ fierent. Insuper humiliter flagitantes postularunt ut villarum nomina ex quibus nonæ & decimæ ad supradictam Ecclesiam persolvi debent in nostræ auctoritatis

Lib. 1. Capitular. c. 157.
& lib. 2. c. 21.
12.

præcepto nominatim adscribi præciperemus, ne aliquo malo ingenio aut qualibet calliditate aut potentia alicujus divitis vel potentis hæ villæ vel hæ res à jure ejusdem Ecclesiæ alienatæ futuris fierent temporibus aut nonæ vel decimæ sive census vel restaurationes jam dictæ Ecclesiæ ablata fieri possent. Quorum deprecationes propter amorem Dei libenter audivimus, & sicut deprecati sunt, monasteria vel cellulas seu vicos vel villas quas nostra largitione ex jure præfixæ Ecclesiæ nostri fideles habere dinoscuntur nominatim in hoc præcepto inferere jussimus, ut futuris temporibus in jure & dominatione jam dictæ Ecclesiæ cum omni integritate permaneant, id est, monasterium sancti Petri quod Bertrannus Episcopus ædificavit, cum monasteriolo sancti Martini in Ponteleuve, & monasteriolum sancti victurii, in quo ipse Dominus Victorius corpore requiescit, & monasteriolum sanctæ Mariæ quod est constructum intra murum civitatis & fluvium Sarthæ, cum monasteriolo sancti Ricmeri ultra fluvium Sarthæ ad eum pertinente, & monasterium sanctæ Scholasticæ, & monasteriolum sancti Germani ultra fluvium Sarthæ, & monasteriolum vel synodochium sanctæ Mariæ, in quo Dominus Paduinus requiescit in corpore, & cellulam sancti Victorii infra civitatem, & monasterium sancti Capilefi, in quo ipse Dominus requiescit in corpore, & monasteriolum sancti Iuliani, in quo ipse requiescit in corpore, & monasterium sancti Georgii, monasterium Illidi, & monasterium Tussiacò, & monasterium sancti Iohannis & sancti Trechii in Buxiolo; & monasteriolum sancti Martini in Diaplentico, & monasterium sanctæ Mariæ in Aurionno, & monasterium Buxido, & cellulam Semiliaco, & monasterium Caladon. Hæc omnia, sicut diligenter inquisitum habemus, cum omnibus ad se

pertinentibus & in scriptis authenticis sancti Gervasii invenimus, ad prædictam Ecclesiam sancti Gervasii justè & legaliter pertinent. Ex quibus jubentes præcipimus ut festivitatis illorum sanctorum in quorum memoriis ipsa cœnobicia dicata esse noscuntur, per singulos annos ad præfixam matrem & civitatis Ecclesiam census ad ipsis qui eadem cœnobicia nostro beneficio tenent libenter ad opus Episcopi vel fratrum ibi degentium & ad ipsam Ecclesiam restaurandam & nunc & futuris temporibus persolvantur, & refectio Canonicis sancti Gervasii optima ab eodem Abbate, qui ipsum cœnobium tunc temporis habere videtur, in prædicta festivitate libenti animo fiat, sicut nostram gratiam & ipsa beneficia habere voluerint; ut nobis seu decessoribus vel genitoribus nostris propter ablationem vel minorationem harum rerum jam dictæ Ecclesiæ aliquod detrimentum aut periculum regni non ad crescat, sed perennis temporibus sub jure ejusdem Ecclesiæ permaneant. * Divitis enim Canonici omnibus & Ecclesiis baptismalibus in prædictæ urbis parochia consistentibus, cujuscunque juris sicut, census cunctos tam in oleo quàm in cera sive denariis pleniter partibus præfate Ecclesiæ, sicut in plenariis & breviariis ejusdem matris Ecclesiæ continentur, per singulos annos absque ulla contradictione aut mora persolvi præcipimus. De vicis verò publicis ac propriis vel villulis jam dictæ Ecclesiæ quas fideles nostri nostra largitione habent, omnino præcipimus ut nonæ & decimæ partibus præscriptæ matris Ecclesiæ ab eisdem fidelibus nostris libenter & pleniter persolvantur, & ædificia ejusdem Ecclesiæ sive domorum ad eam infracivitatem pertinentium reædificare vel restaurare faciant, id est, de villa Tavida, de villa Lugduno, de villa Baladon, de villa quæ Brogilus sive Novavilla

* vox corrupta.

nuncupatur, de villa Pradellis, de Murniaco, de villa Guilis, de tertia parte de cella sancti Almiri, de tertia parte de cella sancti Vlfacii, & de tertia parte de cella sancti Rigmiri, de villa Boulido, de Angono, de Solemnis villa, & vico & cella Virmero, & de villa Apiliaco, & de Aldrino, & Clausido, de Noviliaco, & Fanisnonia, & campo Sigirico, Luciaco, & monte, & de Commis cella sancti Leodegarii, Angor, & Boulir, de Vinogabron cum suis appendiciis, & Ailino vico publico, & Bruslor & Sogonna vicis publicis, & Silviano, & de villa Villaco & Triciono, & Silgiaco, & Sabololio, & Vinonio vico publico, & de villa lingua, & de villa Campaniaco, & de Tonedralio, de Geneda vicis publicis, & de villa Didas, & de Tredento, & Vitlena, Taurimiaco, Calfano, & villare de Verno & Adillanitz & Vigra, & Fontanas, & Sanmtiro, & Brafiato, Folcaria, Domnoiorio, & partem de Fraxinido, Mandaria, Dirigeto, villare de Verno, Clerinico & Camiliaco, de Traximarias, & Coxiaco vico publico, & villa Antoniaco, de villa Bonalfa, & de omnibus villis quæ ad cellam sancti Martini infra murum civitatis pertinent, & Caugiaco vico publico, & de villa Limbriaco, & Verincella, & Verniaco, & villa de Ferciaco, & de Ponciaco, de Cariliaco, Priliaco, de Vigra, & de beneficio Hardingi, & de villare & de valle Bovonis, & de Breviaco, & de Carbonariis, & de Ruiliaco, & de Sidrego, & de Paciaco portu super Garronam, & de Gaureco, & de cella quæ Longolin vocatur, & de Gajureco, & de Floreco, & de vico Diablentico, & de cella Arciacas, & de villa Camariaco, & Eviriaco, & Calla, & Commoriaco, & de villa Andoliaco, & de villa Griniaco, & Martiniaco, & Liverolas, & Sisciaco, & de cella Domo regis, & de pago Arduense, in quo sunt manentes villæ

sancti Gervasii, & de Curte Busane, & de Noviomio, & Scemoiaco, & Camiliaco, & Comaco, & Cor-
ma, & Noviomor, & Bostiliaco vicis publicis. Hæc
autem omnia quæ nominatim suprâ inserta sunt, ut
jam dictum est, evidentiùs & diligentius investiga-
tum habemus, & in authenticis ejusdem Ecclesiæ
scriptis ipsis Clericis nonobstantibus reperimus, sive
alias villas quæ propter prolixitatem vel propter
ignorantiam nominum villarum in hoc precepto
non sunt insertæ, ad jam dictam Ecclesiam justè
& legaliter pertinere; super quibus has nostræ au-
thoritatis litteras fieri decrevimus, per quas sta-
tuentes omnibus qui in præsentì tempore aut futu-
ris temporibus ex memoratæ matris Ecclesiæ bene-
ficia affecti sunt aut assequi potuerunt, præcipimus
ut de omnibus conlorationibus terræ, tam fœni
quàm annonæ omnium generum, tam de sua domi-
natione quàm & de vassallorum suorum, de viveri-
ciis quoque & perdonato, de pastionibus & pas-
cuariis, de herbaticis & pullis, de piscationibus &
pastionaticis, id est, de glandeticis, de melle, &
conlorationibus quæ in hortis sunt, de nutritimi-
nibus animalium & caseis qui fiunt, de vaccaritiis
dominatis; ac de omnibus redditionibus quæ ab
hominibus memoratæ matris Ecclesiæ recipiuntur,
excepto hostilense, id est, de bubus & coniecto ad
carros construendos. De his autem omnibus præ-
cipimus & censum legitimum & nonas & decimas
annis singulis partibus præscriptæ matris Ecclesiæ
absque ulla marritione vel dilatione reddere, insu-
per restaurationes tam in præfixa Ecclesia quàm in
domibus juxta eam adjacentibus in tegumentis &
restorationibus pro possibilitate rerum quas in be-
neficium exinde possidet facere non negligatis, si
gratiam nostram & eadem beneficia unusquisque
vestrum habere voluerit. Præscripta verò beneficia

volō ut fideles nostri supradicto centu cum consensu & benevolentia ejusdem Ecclesiæ Episcopi teneant usque dum illa cum eis quæ ex nostra datione habere videntur mutare possimus & supradictæ Ecclesiæ quæ justè & legitime, ut inquisitum habemus, debentur, auxiliante Domino restitui atque reddere mereamur. Et hoc omnibus vobis notum sit, quod si aliquis vestrum extiterit qui hanc jussionem nostram aut contemnendo aut negligendo adimplere distulerit, quia volumus atque præcipimus ut præscriptæ urbis Episcopus in jure ejusdem Ecclesiæ suæ in suam vel Canonicorum suorum potestatem vel dominationem eandem res revocare faciat usque dum illi qui jam dictæ Ecclesiæ res vel beneficia nostra largitione habebant in nostram veniant præsentiam pro eadem negligentia atque contemptu rationes reddere. Et prævideat unusquisque ne illam ibi audiat sententiam, *Qui negligit censum, perdat agrum*, & per hanc auctoritatem, sive pro eorum negligentia vel contemptu ipsa perdant beneficia. Et ut hæc jussio nostra veriùs credatur & diligentius conservetur, atque per omnia à vobis perficiatur & firmitus futuris temporibus teneatur, de anulo nostro subter has litteras nostras jussimus sigillari.

Capitula Karoli Calvi tit. VII. cap. 69.

Hirminmarus Notarius ad vicem Theotonis recognovi & subscripsi.

Data II. Kal. Januar. anno Christo propitio XII. imperii Domni Hludovici pissimi Augusti, indictione X.

Actum Cenomanis civitate in Dei nomine feliciter. Amen.

XII. Placuit etiam in hoc scripto inferere exemplaria præceptorum quæ præfatus Domnus Aldricus supradictæ urbis Episcopus de monasterio sanctæ Mariæ quod est situm intra murum civitatis & fluvium Sarthæ accepit, quod etiam Domnus Hludovicus

devotus piissimus Imperator propter amorem Dei & reverentiam sanctorum sive propter dilectionem & amorem prædicti Aldrici superscriptæ urbis Episcopi ad matrem & civitatis seniores Ecclesiam potestativè & legaliter tradidit. Quam annectus Dominus Aldricus in honore Domini nostri Salvatoris Iesu Christi & ejusdem genitricis Mariæ sive sanctorum Martyrum Gervasii & Prothasii atque sancti Stephani renovavit solemniterque consecravit atque reconciliavit, congregatis scilicet Episcopis atque sacerdotibus multis nobilibus sive reliquis Christi & sanctæ Dei Ecclesiæ ministris, cum consensu videlicet absentium multorum & innumera bilium nobilium Episcoporum prædictam matrem Ecclesiam in supradictorum memoriis consecrare solemniter ac studiosissimè meruit. Primò siquidem hoc accepit præceptum, quoniam putabat quod prædictum monasterium donatio Regum & fiscus esset Imperatorum. Sed postquam invenit traditiones & precarias sive privilegia & strumenta multarum chartarum in vestigario sive armario prædictæ Ecclesiæ, qualiter præfatum monasterium sanctæ Mariæ ad jam dictam matrem & civitatis Ecclesiam à Deo devotis & liberis atque nobilibus utriusque sexus hominibus traditum fuerat, aliud inde accepit præceptum, sicuti in eo continetur insertum. Idcirco hoc facere studuit ut si, quod absit, futuris temporibus aliqua ex hoc cautatio orta fuerit, & prædicta præcepta aliquo ingenio ablata vel perdata fuerint, exemplaria amborum in his reperiantur schedulis præceptorum, & in hoc inveniantur inserta libellò, quatenus ex hoc procuratores jam dictæ sedis Ecclesiæ, si necessitas fuerit, adiutorium & recuperationem habere valeant.

EXEMPLAR PRÆCEPTI
prioris.

IN nomine Domini Dei & Salvatoris nostri Iesu Christi. Hludovicus divina repropitiante clementia Imperator Augustus. Si illius amore cuius munere ceteris mortalibus prælati sumus, loca divino cultui consecrata congruis munificentiae nostrae beneficiis ad divinum cultum uberius exequendum substollimus, dignae retributionis præmio nos à Domino remunerari fideliter credimus. Quapropter omnium fidelium nostrorum benevolentiae tam præsentium quam & futurorum, Episcoporum videlicet, Abbatum, Ducum, Comitum, Domesticorum, & eorum superioris & inferioris ordinis tam ecclesiasticae quam reipub. administratorum notum esse volumus quia complacuit celsitudini nostrae quandam cellam sitam in pago Cenomanico in suburbio ipsius civitatis, id est, intra fluvium Sarthae & murum præfatæ urbis, quæ est constructa & dedicata in honore sanctæ Dei genitricis Mariæ & sancti Petri Apostoli atque aliorum sanctorum quorum reliquiae & memoriae inibi venerantur, sub integritate cum omnibus rebus, appendiciis, & terminis suis, & cum omnibus ad se pertinentibus, id est, basilicis, domibus ceterisque ædificiis, vineis, terris, pratis, silvis, campis, pascuis, aquis, aquarumque decursibus, molendinis, locis cultis & incultis, mobilibus rebus & immobilibus ac seipsas moventibus, mancipiis diversi sexus & ætatis, matris & civitatis Ecclesiæ Cenomanicæ senioris, quæ est fundata & dedicata in honore sancti Salvatoris & præfixæ sanctæ Mariæ semper virginis & sanctorum martyrum Gervasii & Prothasii atque sancti

Stephani, ubi præfenti tempore vir venerabilis nobisque fidelis Aldricus Episcopus pastor & rector esse dinoscitur, nostra largitione tradere atque concedere & de nostro jure in jus ac potestatem illius solemnî donatione transferre, ea videlicet ratione ut famulis servisque Dei inibi consistentibus & stipendia necessaria uberius ministrentur & necessitates ejusdem Ecclesiæ tam exterius quàm & interius facilius procurentur. Per hanc quoque auctoritatem nostram, per quam memoratam cellam cum omnibus ad se pertinentibus, sicut superius dictum est, præscriptæ matris & civitatis Ecclesiæ ac præfati Aldrici ejusdem sedis Episcopi delegamus, præcipientes interdiciamus ut nullus aut nostris aut successorum nostrorum temporibus eandem cellam inde abstrahere, usurpare, aut invadere præsumat, sed in sæpeditæ Ecclesiæ & in antedicti Aldrici ejusdem Ecclesiæ Pontificis successorumque suorum Pontificum ditione jure perpetuo consistat ad ea quæ suprâ diximus exequenda & perficienda. Et ut hæc nostræ concessionis traditionisve auctoritas sui vigoris perpetuam obtineat firmitatem, manu propria subter eam firmavimus & anuli nostri impressione adsignari jussimus.

Signum Hludovici serenissimi Imperatoris.

Hirminmarus Notarius ad vicem Hugonis recognovi & subscripsi.

Data X VI. Kalendas Aprilis anno Christo propitio xx.iii. imperii Domni nostri Hludovici piissimi Augusti, Indictione x i v.

Actum Aquisgrani palatio regio in Dei nomine feliciter. Amen.



EXEMPLAR SECVNDI

præcepti quod supradictus Dominus Aldricus Episcopus accipere studuit, postquam chartulas & privilegia in chartulario suæ sedis invenit qualiter præscriptum monasteriolum sanctæ Mariæ à bonis & Deo devotis at liberis hominibus ad supradictam matrem Ecclesiam traditum fuit.

IN nomine Domini Dei & Salvatoris nostri Iesu Christi. Hludovicus divina repropitiante clementia Imperator Augustus. Si sacerdotum servorumque Dei iustis & rationabilibus petitionibus aurem accommodamus, easque ad optatum effectum perducimus, non solum regiam & imperatoriam exercemus consuetudinem, sed etiam eosdem pro excessibus nostris Domini misericordiam exorando devotiores promptioresque facimus, atque per hoc immensam Dei misericordiam facilius nobis conciliandam esse confidimus. Idcirco notum esse volumus cunctis fidelibus sanctæ Dei Ecclesiæ & nostris præsentibus & futuris quia Aldricus venerabilis Cenonjanicæ urbis Episcopus suggessit nostræ excellentiæ monasterium sanctæ Mariæ & sancti Petri situm extra muros memoratæ urbis, à decessore suo Innocente quondam Episcopo in rebus & ex rebus sui Episcopis fundatum atque constructum, deinceps quibusdam intervenientibus causis à jure jam dictæ suæ sedis substractum, & ab illius dominatione hætenus fuisse dilatum. Vtique quod asserbat veraciter nobis patefceret, detulit obrutibus majestatis nostræ quædam chartarum monumenta

Regumque, decessorum videlicet nostrorum, auctoritates quasdam; quibus inspectis atque evidenter ostenditur prædictum monasterium juris sæpeditæ sedis Cenomanicæ sibi commissæ esse & in ipsius dominatione debere persistere, humiliter nostram implorans mansuetudinem ut quod tam evidentibus indiciis declaratur, nostra quoque assensione immo auctoritate denuo roboretur. Quæ ita liquidius cognoscentes eique ob amorem Dei & ejusdem sanctæ sedis reverentiam favorem nostri culminis adhibere dignum judicantes, hanc auctoritatis nostræ præceptionem ei suisque per tempora successoribus fieri ac dari jussimus, per quam decernimus atque sancimus ut memoratum monasterium sanctæ Mariæ ac sancti Petri, quod aliquandiu ab eorum jure & ditione substractum fuerat, abhinc in posterum habeant atque possideant, & quicquid more ecclesiastico de eo disponere voluerint, liberam habeant potestatem, neque ullo deinceps tempore à jure præscriptæ sedis seu ejus rectorum qualibet occasione aut violentia segregetur, sed semper in illius rectorumque ejus potestate & dispositione ac voluntate ad divinum cultum propensius exequendum cum omnibus ad se pertinentibus integerrimè sincerimèque perpetuò consistat. Et ut hæc nostræ redditionis auctoritas perpetuam obtineat firmitatem, manu propria subter eam firmavimus, & de anulo nostro jussimus sigillari. H L V D O V I C V S.

Hirminmarus Notarius ad vicem Hugonis recognovi & subscripsi.

Data XI. Kalend. April. anno Christo propitio
xxiii. imperii Hludovici piissimi Augusti, Indictione xiv.

Actum Aquisgrani palatio regio in Dei nomine feliciter. Amen.

Hic est inferendum item exemplar præcepti quod

ſæpeditus Dominus Aldricus de rebus & de monaſteriolis ſive cellulis atque vicis, necnon & villuliſ ſigillatim nominatis ſub emunitatis tuitione & gubernatione ſuæ ſedis Eccleſiæ, quam reædificavit, & quaſi à novo reſtruxit atque in melioravit, in majoravitque, & in honore ſancti Domini Salvatoris & beatæ ejuſdem Dei genitricis Mariæ atque ſanctorum martyrum Gervafii & Prothaſii ſive ſancti Stephani ſolemniter conſecravit, & præceptum iſtius exemplaris à Domino Hludovico piſſimo Imperatore percipere meruit, ſicut in eo continetur inſcriptum. Ita etenim in eo habetur ſcriptum.

In nomine Domini Dei & Salvatoris noſtri Ieſu Chriſti. Hludovicus divina repropitiante clementia Imperator Auguſtus. Si petitionibus ſacerdotum pro quibuſlibet eccleſiaſticis neceſſitatibus aures noſtras libenter accommodamus, & eas cum Dei auxilio ad effectum perducimus, id nobis ad æternæ remunerationis præmia capeſſenda profuturam liquido credimus. Igitur notum eſſe volumus ſagacitati fidelium noſtrorum præſentium videlicet & futurorum necnon ſucceſſorum noſtrorum quia adiens ſerentiam noſtram Aldricus Cenomanicæ urbis Epicoſpus innotuit nobis qualiter olim peccatis præpedientibus ſancta mater Eccleſia, quæ in eadem urbe in honore ſanctæ Dei genitricis Mariæ & ſanctorum Gervafii & Prothaſii martyrum Chriſti Deo eſt dicata, ubi multæ res dudum erant, adeo humiliata & rebus ſuis ſit exinanita ut & theſaurus ipſius Eccleſiæ à Chriſtianiſſimis Principibus de ea ablatus, & quædam ſtrumenta chartarum, per quæ res & mancipia eidem Eccleſiæ fuerant delegatæ, diſperſorum caſuum eventibus magna ex parte ibi deſuerunt, necnon paupertatis cauſa præpediente divini cultus officium miſerabiliter fuerit deſtitutum, & in eadem miſerabili conlapſione immo deſtitu-

tionē tamdiu ipsa perstiterit Ecclesia donec inspi-
ranſe Domino Dominus & genitor noster sanctæ
memoriæ Karolus nobilissimus orthodoxus Impera-
tor aliqua monasteriola & villas quasdam juris ejus-
dem episcopii cum rebus aliis per intercessionem
nobilium multorum & optimatum suorum eidem
reddiderit Ecclesiæ, quibus ipse sanctus adminicula-
tus locus liberè atque inexcusabiliter divinæ nunc
famulatur potentia. Postulavit atque nos prædictus
Pontifex ut de eisdem cellulis & rebus, sive quas
memoratus genitor noster & nos postea reddidimus
Ecclesiæ, necnon & de iis quas ante ipsam reddi-
tionem jure & legaliter memorata tenebat Ecclesia,
nostræ auctoritatis atque emunitatis præceptum
circa ipsum sanctum locum firmitatis gratia fieri de-
crevissemus, per quod firmius & securius memoratas
res modernis futurisque temporibus ipsa teneat &
possideat atque defendat Ecclesia. Ostendit etiam
nobis præceptum bonæ recordationis beati genito-
ris nostri Domni Karoli, in quo & eadem conti-
nebantur singillatim nominata quæ & in nostro,
nisi tantum ea quæ nos postea ex jure præfatæ Ec-
clesiæ propter amorem Dei & reverentiam sancto-
rum prædicto venerabili Aldrico Episcopo & su-
prascriptæ matri per nostræ auctoritatis præcepta
reddidimus Ecclesiæ. Cujus petitioni ob amorem Dei
& reverentiam ipsius sancti libenter annuimus, &
hoc præceptum auctoritatis nostræ circa ipsum san-
ctum locum facere censuimus; per quod jubemus ut
ipsas cellulas & res & mancipia cum omnibus ad se
pertinentibus vel aspicientibus, quæ moderno tempo-
re justè & legaliter ipsa tenet Ecclesia, sive eas quas
genitor noster & nos eidem reddidimus Ecclesiæ, nec-
non & eas quæ antea in jure ipsius episcopii consiste-
bant, firmiter atque inviolabiliter per hanc nostram
auctoritatem ipsa teneat atque defendat Ecclesia;

id est, cellulam sancti Vincentii cum omnibus ad se pertinentibus, & cellulam sancti Albini, seu cellulam sancti Audoëni, & cellulam sancti Rigomeri, & cellulam sancti Almeri, & cellulam sancti Viscii, & cellulam sancti Baumadi. Hæc omnia cum omnibus ad se pertinentibus, dum vicis canonicis, id est, Salicam, Montiniacum, Cocciacum, Platriacum, & Oxellum, Anciacum quoque, & Artinis, una cum aliis vicis quorum nomina in plenariis præfatæ matris Ecclesiæ habentur inserta, cum villis senioribus & aliis villulis ad eas pertinentibus, sicut in plenariis jamdictæ matris Ecclesiæ continentur, id est, Rupiacum, Cananiam, Culturæ, Baliavalancion, Colonicam, Vetusiacum, & Celsiacum vicum canonicum, & villam ejusdem episcopii, Alo-niacum quoque, & Asinarias, atque Vodebeis, Callemartium scilicet, sive alias villulas quarum nomina in promptu non habentur, sed in plenariis jamdictæ sanctæ matris Ecclesiæ tenentur inserta, & census omnium vicorum in eadem parrochia consistentium, sicut in plenariis & breviariis ejusdem Ecclesiæ habetur inscriptum, insuper & monasterium sancti Carilefi situm in condita Labricense cum omnibus ad se pertinentibus, & monasteriolum quod & situm intra murum præfixæ civitatis & fluvium Sarthæ, & est constructum atque dictum in honore sancti Salvatoris & sanctæ Dei genitricis Mariæ & sanctorum Apostolorum atque aliorum sanctorum. Hæc autem duo monasteriola propter amorem Dei & dilectionem jamdicti Aldrici Episcopi præfatæ cum omnibus ad se pertinentibus reddidimus matri Ecclesiæ perpetualiter possidendum atque tenendum. Reddidimus etiam præscriptæ Ecclesiæ & Conedralium vicum canonicum cum omni integritate, & villam quæ Brogilus vel Novavilla nuncupatur, cum forestibus & villulis sive omnibus ad

se pertinentibus. Reddidimus ei, & Lugdunum & Calisam & Tridentem ac Bonallam atque Baladon, & beneficia quinque vassallorum nostrorum, id est, Vestadigbei, Mundi, Vvolfardi, Bodonis, & socii ejus, cum omnibus ad se pertinentibus vel aspicientibus, sicut in præceptis nostris quæ de jam dictis monasteriis & villulis adscripta sunt vel pertinentibus jam dicto Aldrico Pontifici facere & scribere jussimus continetur insertum. Hæc verò omnia propter amorem Dei & reverentiam sanctorum venerabili Aldrico præfixo Episcopo & antedictæ matri Ecclesiæ, quam prædictus Aldricus inmajoravit & quasi à fundamento reedificavit, nobiliterque ornavit, & in honore Domini Salvatoris & sanctæ ejusdem Dei genitricis Mariæ atque sanctorum martyrum Gervasii & Prothasii sive sancti Stephani solemniter consecravimus & reconciliavimus, causa justitiæ in nostra elemosyna reddidimus & confirmavimus & in jure ejusdem Ecclesiæ ac dominationis rectorum ejus tenendum & ecclesiasticè gubernandum esse censuimus. Memorata igitur monasteriola & memoratas cellulas & villulas cum omnibus rebus & mancipiis ad se pertinentibus, quas modò justè & legaliter memorata tenet Ecclesia, per hanc nostram auctoritatem eidem sub nostræ emunitatis tuitione iterum confirmamus Ecclesiæ. Præcipientes ergo jubemus ut nullus judex publicus, neque quislibet ex judiciaria potestate, nec aliquis ex fidelibus nostris in dictis villis, locis, vel agris seu reliquis possessionibus memoratæ Ecclesiæ, quas moderno tempore in quibuslibet pagis & territoriis infra ditionem regni nostri justè habere & possidere cognoscitur, quæque etiam deinceps in jure ipsius sancti loci divina voluerit pietas augeri, nemo ad causas audiendas, vel inferendas requirendas, aut tributa vel fræda exigenda, aut mansiones vel paratas

faciendas, aut teloneum exigendum, nec fidejussores tollendos, aut homines ipsius Ecclesiæ tam ingenuos quàm & servos qui super terram ejusdem residere videntur injustè distringendos, nec ulla prohibitiones aut illicitas occasiones requirendas ullo unquam tempore ingredi audeant, vel exactare prædicta ex præfatis rebus quodam in loco præsumant. Et quicquid ex rebus jam dictæ Ecclesiæ fiscus sperare poterat, totum nos memoratæ Ecclesiæ concedimus. Insuper & illud in hoc præcepto inferere deprecante jam dicto Episcopo jussimus, sicut & in bonæ memoriæ Domini & genitoris nostri Karoli Imperatoris præcepto insertum reperimus, ut nullus judex aut Comes aut quislibet homo vel quælibet persona prædictæ Ecclesiæ ministros vel advocatos in mallo publico accusare præsumat antequam conveniat ministros rerum & judices villarum atque hominum à quibus læsus est, ut ab eis familiarem & justam accipiat justitiam; & si à prædictis ministris suam justitiam accipere non valuerit, tunc conveniat Episcopum jamdictæ Ecclesiæ, ut ab ipso suam justitiam familiarem & bonam atque justam accipiat. Et si ab ipso Episcopo neque à suis ministris suam justitiam accipere nequiverit, postmodum licentiam habeat ut in mallo publico suas querelas justè & rationabiliter atque legaliter quærat. Sed si antequam fecerit illud, jam dictæ sedis Ecclesiæ Episcopum & suos ministros & advocatos in mallo & cujusdam conditionis publico placito accusare aut pulsare præsumpserit, quia nostram jussionem atque nostrum præceptum & indictum contempsit sive prævaricavit, bannum nostrum ex hoc nobis componat, & prædictæ Ecclesiæ Episcopo vel suis ministris solidos centum argenti componat, & suam justitiam postmodum absque lege aut aliqua compositione recipiat. Prædictas enim causas me-

memoratae Ecclesiae Pontificibusque atque servis Dei inibi Domino famulantibus pro Dei amore & reverentia sanctorum concessimus, concessumque futuris temporibus esse volumus. Iterum iterumque jubentes praecipimus ut nullus ex fidelibus nostris, aut iudex publicus, vel etiam quaelibet immissa vel subrogata persona, aliquam inquietudinem aut injustam contrarietatem de praedictis monasteriis sive cellulis & rebus & mancipiis ac censibus, necnon & de his quae sive a nobis sive a successoribus nostris vel a reliquis Deum timentibus eidem Ecclesiae divina pietas deinceps augeri voluerit, nostris futurisque temporibus memoratae Ecclesiae facere praesumat; sed sub hoc nostrae confirmationis & tuitionis praeepto in iure ejusdem episcopii omni tempore in nostra eleemosyna quiete ac pacifice & iuste possiderit & legaliter tueri valeant, ita videlicet ut quicquid rectores vel ministri ipsius Ecclesiae pro opportunitate & utilitate de praefatis rebus facere voluerint, libero in omnibus perfruantur arbitrio faciendi, quatenus Pontifices ipsius sedis cum grege sibi commisso pro incolumitate nostra, conjugis, ac prolis, & stabilitate imperii a Deo nobis collati sua gratissima miseratione per immensum conservandi jugiter Domini implorent misericordiam: Et ut haec auctoritas per curricula annorum inviolabilem atque inconvulsam obtineat firmitatem, manu propria subter eam firmavimus, & anuli nostri impressione sigillari iussimus.

Signum Hludovici piissimi Imperatoris.

Maginarius Notarius ad vicem Hugonis recognovi & subscripsi.

Data Kal. Mart. anno Christo propitio xxiii.
imperii Dñi Hludovici piissimi Augusti Indict. iii.

Actum Pictavis civitate publica in Dei nomine feliciter. Amen.

XVI. Prædicta quoque præcepta in hoc opusculo ideo inferere placuit ut, sicut dictum est, si futuris aut modernis de supradictis rebus aliqua quaestio orta fuerit, exemplaria antedictorum in hoc libello inveniuntur inserta præceptorum; quatenus per ea fideles suprascriptæ Ecclesiæ & rectores atque gubernatores ejusdem ex his exemplariis adiutorium habere queant. Nonnulla etenim alia præcepta præfatus Dominus Aldricus jamdictæ urbis Episcopus accipere pro firmitatis causa studuit, quæ in his schedulis propter prolixitatem vel fastidium audientium vel legentium sive tedium scribentium inferere minimè libuit.

XVII. Prædictus quoque Aldricus sæpeditæ urbis Episcopus collegit quædam capitula canonum valde utilia & necessaria, quæ à suis consacerdotibus sæpissime legenda sive memoriæ commendanda tribuit. Ex quibus enim canonibus atque edictis patrum præfata capitula strictim colligere curavit, in suo proæmio continetur insertum. Primò vero collegit capitula nonnulla ex duodecim Conciliis sive ex decretis Romanæ sedis Episcoporum, quorum præfationem in prima fronte prædicti operis valde utilem posuit. Demum quoque quæ sequuntur ex aliis collegit canonibus atque dictis patrum diversarum provinciarum, atque nonnulla ex his quæ cum aliis sanctissimis & doctissimis Episcopis in synodis pariter sanxit, sive ex capitulis Christianissimorum Imperatorum in synodis Episcoporum decretis tam tempore Pipini quàm & Karoli sive Hludovici, sicut in præfationibus ipsius libelli à diligenter investigantibus inveniri potest. Sæpeditus quoque Aldricus Episcopus fecit tugurium, quod & ciborium nominatur, super altare seniori, quod est sacratum, ut præfixum est, in honore Domini Salvatoris & sanctæ Dei genitricis Mariæ atque

sanctorum martyrum Gervasii & Prothasii sive sancti Stephani necnon & simul in veneratione & honore omnium sanctorum. Ipsum enim ciborium auro & argento mirifice, sicut hodie apparet, fabricare studuit; in quo & cennas argenteas & deauratas desuper configere præcepit, sicut hæc temus à conspicientibus prædictum opus videtur. Hic namque fecit in loco in quo olim canes & meretrices sive latrones habitare solebant monasterium supra fluvium Sæthæ miliario & semis à jam dicta urbe distante in honore sancti Salvatoris & sanctæ Dei genitricis Mariæ & sanctorum martyrum Stephani, Gervasii, & Prothasii, atque omnium sanctorum, in quo & dormitorium novum decenter compositum fecit, & in ipso dormitorio absidam in orientali parte mirifice construxit, & in ea altare construxit & erexit; ipsam verò absidam, unà cum prædicto altare in die IV. Iduum Septembr. unà cum suis reliquiis in honore sancti Benedicti confessoris præcipui solemniter consecravit; & ubi antea latratus canum & ululatus pauperum qui à latronibus inibi inhabitantibus expoliabantur resonabant, ibi hymnos angelicos & propheticos sive ceterarum divinarum scripturarum laudes decantare & resonare die noctuque Domino constituit. Fecit quoque in ipso monasterio refectorium novum & nobiliter compositum, & cetera officina frarum, tam cellaria quàm & alia officina mirabiliter & decenter construxit & regulariter ordinavit, monachisque ad inhabitandum contradidit. In ipso ergo loco Kalend. Maii fundamenta Ecclesiæ & claustrum cœpit ponere & construere; in quo opere mira & magna virtus Dei est declarata, quia quæ in duos aut tres annos minime putabant esse consummata, in quatuor & quinto dimidio mensibus Domino adminiculante consummata est, id est, à Kal. Maiis usque XVI. Kal.

Octobris ; in quo Kalendarum die & ipsa Ecclesia est consecrata , & ipsi monachi in dormitorio inibi novo cœperunt dormire , & in refectorio inibi novo manducare. quæ nullo modo fieri potuissent nisi Domini misericordia & ejus magna virtus hoc operata esset. Vnde & ipse laudatur , qui hoc præstare & concedere atque divinitus operari dignatus est ; cui est honor & gloria in sæcula sæculorum. Amen.

XVIII. In prædicto itaque monasterio Ecclesiam mirificè & ordinabiliter compositam à novo construxit , in qua & quatuordecim altaria erexit , & ea in memorias & nomina atque honores eorum sanctorum dedicavit & consecravit , & eorum pignora in eis collocavit , quorum nomina super ea hætenus adscripta esse videntur. Ipsam ergo Ecclesiam , ut præfixum est , in honore Domini Salvatoris & sanctæ ejusdem Dei genitricis Mariæ sive sanctorum martyrum Gervasii & Prothasii atque sancti Stephani , necnon & simul in honore omnium sanctorum solemniter decenterque in die XVI. Kalend. Octob. consecravit. Dum ergo consecratio prædictæ Ecclesiæ à jam dicto Episcopo & à suis ministris præparabatur , mira res & minimè celanda accidit. Venit quoque quidam homo , nemine movente hominum aut vocante , sed divina clementia inspirante , compunctus , nomine Salahardus nobilis genere ad præfatum locum & ad jam dictum Episcopum , & ad ipsam congregationem , qui dixit se velle suum tradere proprium ad eandem devotionem & ad præfixum locum & suos filios binos ad supradictam Ecclesiam tradere servituti , ut & ibi , si Domino placuerit , monachi fierent , & cunctis diebus vitæ illorum inibi Domino deservirent. Quod ita post consecrationem supradictam peractam Domino annuente factum est. Tradidit itaque præfixus vir , multis nobilibus coram astantibus , præfixo Episcopo

unà cum suis sacerdotibus & monachis supra præscriptum altare sancti Salvatoris votum ejus suscipientibus de proprio suo quantum, ut reor, cum mille solidis argenti pretiosi nemo emere poterat. Vnde prædicto Episcopo & suis sacerdotibus atque monachis inibi Domino famulantibus chartam legalem fecit, & fidejussores ex eodem proprio nobiles & electos condonavit. Ista igitur miracula nisi instinctu Dei nullo modo fieri possent. Idcirco & ea hîc inseruimus ut cuncti servi Dei pro eis qui hæc legerint orent qui suis votis Domini famulatum amplificare magnificareque atque adimplere cupiunt sive cupierint.

XIX. Consecratione igitur solemniter & canonicè peracta, ad ipsam Ecclesiam sive ad ipsum altare quod in prædictorum honore sanctorum consecravit, & ad fulciendam fratrum necessitatem ibidem Domino servientium, unà cum suis sacerdotibus & Clericis sanctè viventibus, cum consultu & consensu videlicet universi cleri & populi, contradidit quatuor evangelia mirificè conscripta & calicem aureum unà cum patena sua. Etenim ipsum evangelium & prædictum calicem aureum, Deoque sacratum, unà cum cæteris Episcopis & confacerdotibus manus eorum desuper imponentibus, & cunctis reliquis consentientibus ac exorantibus, ibidem de rebus sitæ sedis Ecclesiæ cum consultu omnium contradidit, multis testibus circumstantibus nobilibus & liberis hominibus videntibus, id est, villam Apiacum, in qua sanctus Vlfacius confessor Christi requiescit in corpore, cum omni integritate, & villam Luciacum cum omni integritate, & medietatem de villa Can, & medietatem de villa Bernis, & illas culturas duas juxta præfatum monasterium infra illam silvam conjacentes, unà cum prato ex alia parte monasterii con-

sistente, sicut termini ipsorum monachorum dividunt, & illa molina duo juxta monasterium supra fluvium Sathæ constructum, & villam Salvariam cum alijs villulis juxta eam adjacentibus, cum manentibus triginta, & illam vineam indominicatam quæ juxta ipsum monasterium consistit. Hoc totum præfixæ Ecclesiæ & prædicto altari in dotem monachis ibidem Domino famulantibus regulariter cum consensu piissimi Hludovici Imperatoris & Episcoporum multorum, maximè comprovincialium & confacerdotum suorum, monachis ibidem degentibus perpetualiter ad possidendum contradidit, deprecans & contestans humiliterque implorans ut nemo ea inde auferat, sed plura adaugeat, & sicut vult unusquisque ut sua pia facta stabilia permaneant, ita & nostra, licet pauca, perpetualiter manere inconvulsa permittat. In quo die & in qua solemnitate constituit ut monachi in ipso monasterio degentes & regulariter viventes fratribus Canonicis matri & seniori civitatis Ecclesiæ famulantibus dent plenam refectionem, quæ & in subsequentiis commemorabitur. Ipsam ergo refectionem Clericis matri & seniori civitatis Ecclesiæ famulantibus dare censuit; quæ etiam similiter in honore Domini Salvatoris & sanctæ ejusdem Dei genitricis Mariæ sive sanctorum martyrum Gervasii & Prothasii atque sancti Stephani necnon & simul in veneratione & nomine omnium sanctorum noscitur à prædicto Aldrico Episcopo reconciliata & solemniter, ut præfixum est, sacra esse, ad cujus similitudinem & imitationem & hanc Ecclesiam in jam dicto monasterio consecravit. Quæ igitur quoniam subjecta est matri & seniori civitatis Ecclesiæ, idcirco & in ipsorum memoria quorum prædicta mater Ecclesia est consecrata & hanc consecrare disposuit. Quod & ita ordinabiliter & solemniter Domino adjuvante factum est.

XX. In die namque consecrationis præscriptæ Ecclesiæ, ut superius commemoratum est, censuit supradictis Canonicis & Dei servis matri & seniori civitatis Ecclesiæ famulantibus dari de jam dicto monasterio sancti Salvatoris de pane optimo modios i v. & de vino optimo modios i i i. & quarum de potione optima, frisingas verò vervecinas duas & porcinas similiter duas. Constituit etiam ut jam dicti Canonici pleniter & decenter venirent cum psallentio, id est, cum crucibus & reliquis divinis obsequiis & ornamentis, ut decet, nobilibus ad vespervas & vigiliis jamdictæ festivitatis & dedicationis Domini Salvatoris & ipsius monasterii Ecclesiæ, in qua tam vespertinale quàm & matutinale seu missale officium dedicationis Ecclesiæ, sicut in sacramentorio & lectionario sive antiphonario atque in ceteris sanctorum patrum institutis & rationabiliter ordinatis à prudentibus sanctæ Dei Ecclesiæ cultoribus invenitur, agatur, & pleniter decenterque & rationabiliter atque solemniter unà cum monachis ibidem degentibus & Domino famulantibus devotissimè ab omnibus perficiantur, & post vespervas in ipsius dedicationis vigilia prædicti Canonici in refectorio cum ipsis monachis talem refectionem sicut ipsi monachi unà cum eis habeant. Missa verò crastina in die ipsius solemnitatis canonicè & solemniter peracta, faciant ipsi Canonici utrum Episcopus vel magistri eorum melius & rationabilius judicaverint, aut in ipso monasterio reficiant pleniter, aut prædicta stipendia ad eorum refectoriū famuli eorum deferant, in quo & ipsi pleniter & decenter reficiant, lætantes quippe & gaudentes de prædicta solemnitate.

XXI. Constituit etiam prædictus Aldricus jam dictæ civitatis Episcopus & humiliter deprecatus est ut in præfixæ solemnitatis die unusquisque tam civitatis sacerdos quàm & suburbanus sive præfati

monasterii Presbyter unam decantaret, dum in præfenti peregrinatione vixerit, pro eo vivente Missam, post obitum quoque ejus, quando Dominus voluerit, similiter constituit & suppliciter deprecatus est, atque unâ cum eis pariter sanxit ut pro anima ejus prædicti sacerdotes in jam dicta die decantens devotissimè unusquisque Missam unam, & reliquus clerus, cuncti videlicet monachi & Canonici, unusquisque psalmos quinquaginta devotissimè decantet, orantes namque Dominum cæli ut vitam habere prædictus Aldricus mereatur sempiternam. Porro similiter constituit ut in die XI. Kal. Ianuar. dedicationis matris & senioris Ecclesiæ civitatis sacerdotes & Clerici Missas & psalmodia sicut & in dedicatione Ecclesiæ sancti Salvatoris jam dicti monasterii pro Aldrico Episcopo studiosissimè decantent, id est, unusquisque sacerdos Missam unam vel eo ampliùs, si libuerit, & unusquisque Clericus psalmos quinquaginta & eo ampliùs, si placuerit, orantes & deprecantes Dominum cæli ut anima ipsius vita sempiterna perfrui & requie æterna mereatur. Amen.

XXII. Similiter ergo & in dedicatione sancti Stephani Ecclesiæ, quam infra claustrum Canoniorum jam dictus Aldricus Episcopus à novo construxit, decretum est ut prædicti Canonici & ipsius civitatis Dei servi & suburbani omnes Presbyteri & Clerici ad ipsam solemnitatem dedicationis Ecclesiæ sancti Stephani manè prima revestiti convenientes, unusquisque sacerdos in ipsa Ecclesia pro animæ prædicti Aldrici Pontificis cantet Missam unam; & si ampliùs voluerit, in ipsius erit benignitate & potestate ut faciat. Et unusquisque Clericus psalmos quinquaginta; & si ampliùs voluerit, in ipsius erit benignitate & misericordia sine remuneratione & potestate, orantes & deprecantes Do-

minj misericordiam obnixè ut anima ipsius Aldrici Episcopi quiete æterna frui valeat, & requiem sempiternam unà cum sanctis & electis Dei habere mereatur. Amen,

X XIII. Sanxit quoque aptedictus Domnus Aldricus Episcopus unà cum fratribus & cœpiscopis ac Canonicis suæ sedis Ecclesiæ consideravit ut in die ordinationis ejus omnes Presbyteri tam urbani quàm & suburbani sive monasteriales relisquaque clerus ad vespervas & vigiliis ipsius festivitatis, sicut in natalitiis Episcoporum constitutum est solemniter agere, pariter & solemniter convenirent, & in ipsa officia solemniter cum ipsis Canonicis & devotissimè peragerent & post vespervas peractos in refectorio unà cum ipsis Ecclesiæ Canonicis ter biberent, & ad nocturnas vel ad matutinas pleniter postea venirent, & matutinalem synaxim unà cum ipsis Canonicis solemniter & decenter peragerent. In ipsius quippe solemnitatis die constituit atque sanxit unà cum sapientissimis Episcopis atque sacerdotibus ut mane prima omnes sacerdotes tam urbani quàm & suburbani revestiri infra ipsam matrem & senioremem Ecclesiam convenirent, & reliquus clerus unà cum eis adveniat; & unusquisque Presbyter pro jam dicto Aldrico Pontifice Missas devotissimè decantet tres, & unusquisque Clericus pro se psalterium decantet unum, aut simul omnis clerus versa vice unum decantet in choro psalterium, hæc verò officia & Missarum solemnia pro Aldrico venerabili Episcopo devotissimè completa, simul omnes ad legitimum & canonicum tempus in publicum & solempne introeant officium, sicut in natalitiis Pontificum facere constitutum est. Post actum quoque publicum atque solempne officium, simul tam ipsi Canonici quàm & omnes Clerici ad prædicta officia peragenda convenientes in refectorium pariter & sufficienter solem-

niterque reficiant de præbenda quæ eis ad prædicta officia peragenda & ad ipsam solemnitatem complendam à præfixo Aldrico dare de villa cujus vocabulum est Buxarias decretum est, sicut in testamento de ipsa villa fratribus à jamdicto Aldrico Episcopo præfato & in eo scripto atque firmato à multis Episcopis constitutum est. Prædicta verò festivitas & antedicta refectio fratrum quæ modò agitur in XII. Kalendarum Ianuariarum die, quæ & una die anticipatur propter dedicationem præfixæ matris & senioris civitatis Ecclesiæ, decretum & consideratum est à jamdicto Aldrico Episcopo & à prædictis sanctis coepiscopis & suis sacerdotibus & Canonicis universis ut transferatur in diem depositionis ejusdem, quando eum Dominus de hoc seculo vocare voluerit, & in ipsa die agatur tam refectio prædicta quàm & antedicta solemnitas, tantum enim ut hoc quod modò pro vino in Missis & psalmodiis & ceteris orationibus & ceremoniis agitur, tunc pro defuncto similiter, & prædicto numero adimpleto, id est, unusquisque sacerdos Missas tres, & unusquisque Clericus psalterium unum, in die depositionis ejus agatur pro defuncto Episcopo, & tunc unusquisque devotius & solemnius agere ceter, quia major necessitas est tunc quam nunc; quoniam non est amicus in vita qui post mortem animam illius non diligit, & pro ea orare non curat, arque pro requiæ ejus orare & certare negligit & dedignatur. Est namque à præfixis sacerdotibus & Dei servis consideratum & decretum ut quisque hæc præterierit, aut cujus negligentia prætermisum fuerit, sive in danda prædicta præbenda, seu in peragendis prædictis officiis, ut ante tribunal districti judicis reddat ex hoc rationem, & ibi sententiam suam accipiat. Videte, fratres & sancti successores antedicti Episcopi, ut hoc decretum non negligatis, sed magis

adimplere studeatis ; qualiter non damnationis pœnam, sed retributionis præmium in æternum percipere valeatis. Amen.

Oremus, fratres, ut Dominus animæ prædicti Pontificis Aldrici tribuat primæ resurrectionis partem, & vitam ei habere concedat in cœlis, ubi & gloria æterna perfrui unà cum sanctis Dei æternaliter mereatur, ipso dispensante & tribuente qui vivit & regnat cum Deo patre in unitate spiritus sancti per infinita seculorum secula. Amen.

XXIV. Similiter etiam in festivitate dedicationis occidentalis partis matris & senioris civitatis Ecclesiæ, in qua altare sancti Iohannis construxit & alia altaria tria, facere censuit, id est, ut unusquisque Presbyter tam urbanus quàm & suburbanus, sive cuncti monasteriales sacerdotes ad ipsam solemnitatem, quæ est XI. Kalend. Iuliarum, mane prima revestiti conveniant, & ibi pro jamdicto Pontifice Aldrico venerabili Episcopo Missam unam decantent, & si ampliùs voluerint, in eorum erit potestate & misericordia sine retributione, & unusquisque Clericus psalmos quinquaginta, & eo ampliùs decantet pro anima Aldrici jamdicti Episcopi, orantes quoque Dominum cœli & deprecantes misericordiam ejus ut anima prædicti Aldrici Episcopi vitam æternam habere valeat sive requiem sempiternam unà cum sanctis & electis Dei æternaliter frui mereatur per infinita seculorum secula. Amen.

XXV. Constituit enim præfatus Aldricus venerabilis Episcopus ut omnes Presbyteri tam urbani quàm & suburbanii sive monasteriales juxta urbem degentes & omnes sacerdotes infra illam commanentes ad prædictas sex festivitates decenter & revestiti convenirent, id est, XVIII. Kalend. Septembrium, quando festivitas Assumptionis sanctæ Dei genitricis Mariæ celebratur, & in festivitate

consecrationis occidentalis partis matris & senioris civitatis Ecclesiæ, quæ est XI. Kal. Iuliarum, & in festivitate dedicationis Ecclesiæ sancti Salvatoris infra monasterium monachorum quod Aldricus supradictus Episcopus supra fluvium Sarthæ à novo fundavit, & in quo monachos habitare & regulariter vivere constituit, & in festivitate sacrationis Ecclesiæ sancti Stephani quam jamdictus Aldricus Episcopus intra claustrum Canonicorum à novo fundavit, quæ est V. Idum Novembrium, & in festivitate natalitii præfati Aldrici Episcopi, quæ est XII. Kal. Ianuariarum propter anticipationem unius festi diei, id est, matris & senioris Ecclesiæ consecrationis celebratur, & in festivitate consecrationis matris & senioris civitatis Ecclesiæ, quæ est XII. Kal. Ianuariarum. Ad has ergo festivitates consideratum & decretum est ut prædicti sacerdotes re-vestiti mane prima conveniant, & in jamdictis Ecclesiis oblatas & vinum à custodibus ipsarum Ecclesiarum accipiant, & supradicta officia pro Aldrico Episcopo mane prima ante horam tertiam faciant, orantes humiliter & supplicantes, flexisque poplitibus Domini misericordiam obsecrantes tam sacerdotes cuncti quam & reliqui Clerici omnes ut absolvat Dominus animam Aldrici prædicti Episcopi ab omni vinculo delictorum, quatenus in resurrectionis gloria inter sanctos & electos Dei resuscitari mereatur, & vita sempiterna una cum eis perfruatur per infinita secula seculorum. Amen. Hæc ergo officia pro Aldrico prædicto Episcopo devotissimè & bono animo peracta, hora tertia in publicum & solemne ipsius diei officium omnes introeant, & officium solemne decenter solemniterque peractum in refectorio una cum prædictæ sanctæ matris Ecclesiæ Canonicis in prædictis sex diebus & festivitatibus plenam & condecentem refectionem

sicut ipsi Canonici habeant, gaudentes & lætantes
plaudentesque in prædictis festivitatibus persistunt,
laudantes & benedicentes Dominum qui eis tanta
bona tribuere non dedignatus est, orantes quoque
& supplicantes Dominum cœli præcibus incumbant,
ut hanc vitam pacificè & decenter sanctèque & piè
degere valeant, & postmodum, quando Deus vo-
luerit, vita æterna in cœlestibus sedibus unà cum
sanctis Dei frui mereamur, quod ipse præstare dig-
netur cui est honor & gloria in secula seculorum.
Amen. Hanc quisunque cupit dissolvere, à mem-
bris Ecclesiæ dissociatus eat,

XXVI, Fecit igitur antedictus Aldricus Episco-
pus monasterium in loco ubi dudum monasterium
fuerat in honore sanctæ Mariæ constructum, quod
& ipse legibus & per instrumenta chartarum à Dom-
no Imperatore Hludovico ad jus sæpèdictæ Eccle-
siæ acquisivit, sed penè destructum atque dirutum
& absque ulla ratione neglectum. In loco verò su-
pradicto ubi illud prædictum monasterium fuerat,
id est, inter murum civitatis & fluvium Sarrhæ,
monasterium prædictus Aldricus Episcopus, ut di-
ctum est, fundavit, & à novo prout melius potuit
construere studuit, Ecclesiam namque inibi fecit ma-
jorem quàm ibi destructam invenisset, eamque in
honore Domini Salvatoris & sanctæ ejusdem Dei
genitricis Mariæ sanctorumque martyrum Stephani,
Gervasii, & Prothasii IV. Idus Octob. canonicè
atque solemniter sacravit. Et propterea hoc illi vi-
sum fuit agere quia in eorum sanctorum nomine &
honore in quibus caput ipsius monasterii, id est,
mater Ecclesiæ civitatis sacrata erat, ut in ipsorum
memoria & honore membrum constructum sacra-
tumve foret, & sicut prædicta mater Ecclesiæ in
honore Domini Salvatoris & sanctæ Mariæ san-
ctorumque martyrum Gervasii & Prothasii dedicata

erat, ita & ipsa in eodem monasterio Ecclesia fuisset, qualiter eorundem sanctorum memoria ab omnibus ut decet inibi futuris veneretur temporibus: Porro claustrum juxta ipsam Ecclesiam fecit, id est, refectorium, dormitorium, cellarium, & cetera officina quæ ad monasterium pertinent nobiliter composuit, & ita constituit ut in medio claustro fons vivus & bonus surgeret, & inde per eorum officina aquam eis ministrando discurreret. In ipso quoque monasterio monachas instituit secundum regulam sancti Benedicti degentes, quas per licentiam Domini Imperatoris Hludovici & Domnæ Imperatricis Iudith ab Intramnis monasterio misit ibidem. Et hoc decrevit atque sanxit pariter cum suo Metropolitano & suis comprovincialibus & aliis multis Episcopis auctoritate prædicti Imperatoris Hludovici ut futuris temporibus semper monachæ regulariter viventes & secundum regulam sancti Benedicti degentes inibi permanerent, & si quis hæc destruere aut infringere nifus (quod absit) fuerit, ante tribunal æterni judicis inde tremebundam redderet rationem: Iphis quoque sanctis monialibus & monachis villas dedit, ut inde eorum stipendia & vestimenta atque cetera supplementa per singulos annos pleniter haberent, ut absque ullo impedimento aut indigentia regulariter vivere possent, id est, villam Macerias in condita Conedralinse cum omni integritate, & aliam in condita Vivonienſe cum omni integritate quæ Taumiacus nominatur, & est sita super fluvium Sarthæ, tertiam verò super eundem fluvium Sarthæ quæ Monasteriolus vocatur, & quartam in condita Gabronenſe, quæ Cambronis appellatur. Constituit namque ut de præfato monasterio & de supradiſtis villis ministri & monachæ ipsius monasterii Canonicis matris & senioris civitatis Ecclesiæ degentibus unam refectionem per singulos annos in solemnitate

prædictæ dedicationis Ecclesiæ, id est, quarto Idus Octob. plenam & bonam facerent, & ipsi Canonici ad officium dedicationis ipsius Ecclesiæ revestiti veniant, & illud inibi per singulos annos, sicut in libris officiorum continetur, solemniter celebrent, atque pro prædicto Aldrico Episcopo inibi Missas & psalmodia devotissimè cantent, id est, unusquisque Presbyter Missam unam aut duas, & unusquisque Clericus sive monacha psalmos centum decantent, perorantes Dominum cœli ut vitam æternam habere in cælestibus mereatur, insuper orantes & devotissimè supplicantes ut requiem æternam donet ei Dominus, & lux perpetua luceat ei. Amen.

Supradicta enim refectio Canoniorum talis debet esse, id est, ut accipiant per singulos annos de pane optimo modios quatuor, & friscingas porcinas optimas quatuor, & de vino optimo modios quatuor, tam in vita ipsius Aldrici quàm & post ejus obitum, ita fiat qualiter ambobus congregationibus delectet semper pro eo orare tam in ipso die quàm & in reliquis diebus, & memoria ipsius nominis ab eis devotissimè celebretur, qualiter cum sanctis Dei in cælestibus lætari & beata requie frui mereatur. Amen.

XXVII. Præfatus ergo Aldricus Episcopus ingressus villam sui episcopii, in condita videlicet Conedralinse monachos regulariter degentes instituit, ubi & monasteriolum, prout tunc temporis ratio dictavit & ipse melius potuit, Ecclesiam & claustrum ædificavit, & futuris temporibus habitationes monachis regulariter viventibus præparavit. Et hoc constituit, ut semper ibi monachi essent, & pro Domino Imperatore & pro eo sive pro universa Ecclesia die noctuque orarent, suasque animas inibi salvarent & aliorum lucrarent, bonamque vitam perpetualiter regulariter viuentes ducerent. Ipse

enim monachis ex rebus suæ sedis Ecclesiæ sibi que divinitus commissis ad eorum varias necessitates sufficienter fulciendas atque supplendas dare abundanter, prout tunc temporis exposcebat necessitas, non distulit. Vnde & scriptum quoddam sua ceterorumque venerabilium auctoritate Episcoporum reliquorumque ordinum Deo servientium necnon & laicorum religiosorumque pariter ac nobilium manibus roboratum futuris temporibus habendum & custodiendum propriis manibus tradidit, ut ex rebus in eo insertis eorum necessitates supplerent & Domino sui que successoribus regulariter militarent, atque multos Domino lucrarent, & pro Principibus & Pontificibus, quibus subiecti esse debebant, atque pro cunctis sanctæ Dei Ecclesiæ fidelibus futuris temporibus exorarent, quatenus eorum & aliorum servorum Dei precibus remissionem omnium peccatorum & vitam perpetuam habere mereantur in cælis. Amen.

XXVIII. Sæpeditus igitur Aldricus Cenomanicæ matris Ecclesiæ Episcopus quoddam monasterium monachorum in condita Duciacinse, in loco qui dicitur Talipiacus, super fluviolum Rhodani construxit prout melius tunc temporis ratio permisit. In ipso enim monasterio Talipiaco Ecclesiam in honore sancti Peri unâ cum clauistro monachorum & molendinis & ceteris officinis quæ ad curam & regulam monachorum pertinent prout melius potuit prædictus Pontifex construere & ornare nobiliterque & sapienter componere studuit. In præfato enim monasterio Talipiaco monachos de monasterio suo quod Anisola nominatur, in quo sanctus Carilephus corpore requiescit, misit, ut in eo regulariter viverent, & multos ad Dominum attraherent, suasque atque multorum aliorum animas inibi Domino multipliciter lucrarent, & pro Domno

Hludovico Imperatore seu pro filio ejus Karolo atque pro præfixo Aldrico Episcopo sive pro omnibus sibi commissis & universis sanctæ Dei Ecclesiæ fidelibus die noctuque fideliter exorantes rogarent ut nobis omnibus suam semper tribuat facere voluntatem vitamque concedat degere felicem, & insuper requiem tribuat sempiternam. Amen. In memorato ergo monasterio Talipiaco Præpositum suum nomine Jacob Archipresbyterum Abbatem constituit, qui monachorum curam ibi gereret, eosque monachos juxta regulam sancti Benedicti regulariter regeret, suamque atque aliorum animas inibi salvaret, atque ad supernam patriam, id est cæleste regnum Domino adjuvante deduceret, ut cælestibus in sedibus unâ cum sanctis & electis Dei perpetua-liter vivere cum eis regnare & gloriari præstante Domino nostro Iesu Christo mereantur. Amen. Has ergo villulas & res jamdictus Aldricus Episcopus præfixo monasteriolo & monachis inibi Domino degentibus per suum privilegium confirmavit unâ cum licentia Domini Hludovici piissimi Imperatoris & unâ cum consensu Vrsmari sui Metropolitani & ceterorum suorum comprovincialium sanctorum Episcoporum, assensum etiam præbente universo ordine & clero sibi commissio sive cuncto cœtu Cenomanicæ in parochia militantium sacerdotum ac levitarum atque reliquorum sacrorum ordinum ministrorum.

XXIX. Commemoratus namque Aldricus Cenomanicæ matris Ecclesiæ Episcopus divino honore fervens pariter & amore, monasterium sancti Vincentii juxta Cenomanicam urbem situm quasi à novo reædificavit & renovare studuit, ipsamque Ecclesiam sancti Vincentii teguminibus & aliis ædificiis ornare interius exteriusque non distulit, & juxta eum in aquilonari parte claustrum monachorum una cum aliis ædificiis quæ ad curam & regu-

lam eorum pertinere videntur, prout melius potuit, construere & ornare nobiliterque & sapienter atque decenter componere studuit. In præfato quippe monasterio præfixi sancti Vincentii, quod penè dirutum & quasi annullatum invenit, jam magna ex parte reedificato posuit monachos, ut regulariter in eo viverent, & multos ad Domini Salvatoris servitium & ad decorem sanctæ Dei Ecclesiæ attraherent, & ad lucrum animarum & corporum sive ad salvationem & exaltationem Christiani populi multos acquirerent, suasque atque aliorum innumera- bilium animas multipliciter inibi sanctè & justè ac piè & regulariter viventes Domino lucrarent, & pro Domino Hludovico Imperatore sive pro ejus conjugè Iudith Imperatrice atque pro nobilissima prole eorum Karolo glorioso Rege, quorum licentia & auxilio fulgus hæc agere cœpit, & pro omnibus sibi commissis gregibus & populis fideliter & incessabiliter die noctuque implorarent, seu pro omnibus sanctæ Dei Ecclesiæ filiis incessanter orarent ut Dominus Salvator noster, qui nos proprio sanguine redemit, die noctuque in suo servitio & ad suam peragendam voluntatem ubique custodiat, semperque felicem vitam ducere concedat, & ad societatem sanctorum intercedentibus fervorū & sanctorum Dei meritis perducere dignetur.



XXX. COMMEMORATIO

de mansionibus & novalibus quæ præfatus Aldricus Cenomonicæ urbis Episcopus ad utilitatem sanctæ Dei Ecclesiæ suorumque servorum & sustentationem pauperum sive indigentium atque supplementum sibi famulanti-um; & ad alenda sive nutrienda pecora, construere & extirpare studuit.

Iuxta monasterium sancti Salvatoris unam sibi ad inhabitandum fecit mansionem, & in monte Sedoneris octo fecit mansionilia, & in rebus de villa Vodebistria in Caterniaco tria, in Ruiniaco tria, super fluviolum Miliciæ tria, inter Agniacum & silva Briscia tria, in Drumniaco duo, in Mantula de ratione sanctæ Mariæ duo, in Mantula sancti Albini & fratrum unum, in Novavilla duo, in Rino petroso unum, in Colonica secus urbem, in loco qui dicitur Vivariis, unum, in Puscit duo, in illa rua ultra fluvium SARTHÆ duo, in illa rua sancti Vincentii unum, in Laudemauro unum, in Bellasilva tria, in silva Laudesinde duo, in villa Tricior-nis quinque, super fluvium Liti juxta Culturas duo, in monte ipsius villæ, ubi vinea antiqua fuit, unum, in silva Vvaestina septem, in Mouciaco tria, in Capon duo, in Noiolio unum, hoc est, in Vvaestina, in Vvindoninse pago unum, in villa Cipetra super fluvium SARTHÆ unum, in Parciaco unum, in Cafiliaco duo, in Aciaco unum, in Rupiaco tria, in Asinariis villa fratrum duo, in Colonica duo, in vetus vicum unum, in Celsiaco duo, in Stauriaco in pago Baiocassimo duo, in silva Blanau in pago Oxominse duo, in Spelteriis villa fratrum duo, in Co-

lonica duo, in verus vicum unum, in Durno unum,
 in Canania tria, & in Culcanna sive ad sanctum Iu-
 lianum duo, juxta monasterium sancti Carilephi su-
 per illud magnum vivarium unum, ad monasterium
 aliud, ad Belmont tertium, juxta Maceriolas qua-
 tuor, juxta illam silvam quam Godefredus fecit quin-
 que, in Panitariis sex & septem, in campo Cabal-
 lotum octo & novem, in Mont Camp decem, in
 Bovonis villare unum, in villam novam duo, in
 Vvatinnas duo, ad Ruciaum unum, in luco Aldri-
 ci unum, in Cipetum super fluvium Lizi in Belsa
 unum, in Pertica ad illam cellam unum, in Runcivia-
 tum unum, in Stiviale unum, ad mansiones juxta
 furcam Burgast unum, in Fraxinido in Belsa in Vu-
 odebris unum, juxta Vuodebris in loco qui dicitur ad
 sanctum Paternum unum, in Flaciaco unum, in Ru-
 fiaco super Sartham unum, ad Curtunvelt unum, in
 Brimo unum, in villa Maurane unum, in Breniaco
 in Brustondinse unum, in Brinnaico in Exominse qua-
 tuor, ad Cervias unum, ad Curt Cardrici unum,
 ad Piscosam unum, ad Gaure unum, in Sarcinaco
 super fluvium Meduanam unum, in Cambion unum,
 in Bolsingas unum, in Autlingua Saxonie unum, in
 Alona unum, juxta campum Sigelaici unum, in
 Brischiola unum, in Molindarestlingres unum, in
 Montmercantin unum, in finibus Culturensibus jux-
 ta Truecto sursum in illo monte e contra Montcuc
 unum, in silva Carnida quinque, in Novavilla in
 Audecavo unum, in campo Seurdom una cum sua
 Ecclesia unum, in cultura quae Monasteriolus vo-
 catur unum, in illo mente ad Archas unum, jux-
 ta Sabonarias unum, juxta Proliacum latronum
 unum, in Contiliaco unum, in Contidla unum, ad
 villam Hulduminum, ad Fraxino in finibus Balian
 anum.

- Sunt in summa centum quinquaginta duo man-

flonilia à novo fundata & reedificata non minima.

XXXI. Placuit quoque in hoc opusculo inferere exemplaria privilegiorum præfati Episcopi & præceptorum ab Imperatoribus & Regibus supra ipsa privilegia firmitatis studio à præscripto Domino Aldrico Episcopo impetrata, ne aliqua machinatione præfata privilegia quassarentur Imperatorum & Regum auctoritatibus confirmata, quæ suis monachis & Canonicis de quibusdam rebus & villulis fecit, ut eorum stipendia pleniter haberent, & absque indigentia Domino servirent, & mater Ecclesia suum privilegium pleniter retineret, sicut in subsequen- tibus hæc scire & investigare volentibus inveniri poterit.

*EXEMPLAR PRIVILEGII
quod fecit memoratus Pontifex fratribus suis
de quinque festivitatis anni & de villa
Buxariis.*

IN nomine sancti Salvatoris & veneratione sanctæ Dei genitricis Mariæ sanctorumque martyrum Stephani, Gervasii & Prothasii, quorum Ecclesiæ titularis, licet indignè, esse videor, ego Aldricus Cenomanicæ urbis indignus & peccator Episcopus primo anno ordinationis meæ oppidò mœtus de conversatione fratrum & Canonicorum nostrorum, quadam nocte in ratione positus, ut credo divinitus inspiratus, cœpi cogitare ut rationabilius & canonicè viverent, atque quod multo seu, ut fertur, nullo transacto tempore habuere claustrum haberent, in quo canonicè & regulariter conversarentur, & religio:è ac canonicaliter Domino devotè famulantes præsentibus scilicet atque futuris temporibus

inhabitarent. Memorato ergo in tempore per consensum Landramni venerabilis nostri Archiepiscopi, seu & per exorationem comprovincialium nostrorum omnium Episcoporum, dedi prædictis Canonicis nostris domum in dextera & australi parte constructam nostræ sedis & matris Ecclesiæ, quæ est consecrata in honore sancti Salvatoris & in nomine ac veneratione prædictorum sanctorum; id est, sanctæ Dei genitricis Mariæ, sanctorum martyrum Gervasii & Prothasii sive sancti Stephani, simulque in veneratione & nomine omnium sanctorum; quæ etiam in domo ego & antecessores mei dudum in habitare solebamus. Prædictam ergo domum nostram atque præfatum locum cum omnibus ædificiis superpositis & ædificatis dedi Canonicis nostris secundum ordinem canonicum ad inhabitandum. Ipsum quoque locum demum in modum claustrum juxta virium mearum imbecillitatem restaurare curavi, & ibidem secundum canonicam institutionem ac sanctorum patrum ordinem canonicaliter Deo & prædictæ Ecclesiæ servientes pariter institui degere vitam & ad canonicas pari modo cunctos devotissime concurrere horas, ac tempore refectionis, ut sanctus canonicalis ordo docet, ad eorum refectionem nostri operis studio noviter ædificatum ad reficiendum occurrant, & omnia quæ ad corporis sustentationem pertinent, secundum ordinem canonicum pleniter percipiant. Hæc ergo ita peracta, accessi humiliter ad clementiam Domini & senioris nostri Hludoyici piissimi Imperatoris, petens ab eo ut pro sua largissima eleemosyna aliquid de rebus nostræ sedis ac matris Ecclesiæ quas Vassi dominici per ejus beneficium tenebant mihi reddidisset. Quam petitionem Domino annuente non renuit, sed sicut deprecatus sum adimplevit, & per præceptum suum, suo quippe anulo sigillatum, confirmavit. Hæc autem

autem taliter peracta & à sua clementia impetrata, petii ut mihi licentiam daret ut aliquid de ipsis rebus ad necessaria fratrum & Canonicorum nostrorum quas mihi reddidit tribuerem. Quod ira & fecit. Tunc ergo gratulanti animo in eleemosyna & memoria jamdicti Domini mei Hludovici piissimi Augusti dedi sana mente & prompto animo præfixis fratribus & Canonicis nostris, unà cum consensu præfati Domini Landramni Turonensis Ecclesiæ Archiepiscopi & aliorum omnium scilicet comprovincialium coepiscoporum nostrorum, ad supplementum memoratorum fratrum nostrorum atque Canonicorum nostrorum, in pago Cenomanico infra quintam præfixæ civitatis villam unam nomine Buxarias cum omnibus ad se pertinentibus, & silvam aliquam quæ Follicionis vocatur cum omni integritate, atque futuris temporibus ad eorum supplementum augendum per hoc testamentum confirmavit. Ita sanè hoc feci ut per singulos annos habeant memorati fratres de præfata villa in festivitate dedicationis occidentalis partis matris & senioris Ecclesiæ, quæ X I. Kal. Iuliarum die, in qua etiam parte occidentali est in superscripto die sacratum altare in honore sancti Iohannis, & alia duo in honore aliorum sanctorum quorum nomina super ipsa altaria sunt conscripta, & quartum altare desuper in solario constructum in honore omnium sanctorum dinoscitur in jam dicto die à nobis esse sacratum. In memorato itaque X I. Kal. Iuliarum die, in veneratione jam dictæ dedicationi & solemnitatis, de prædicta villa Buxarias statuentes per hoc testamentum censemus, & censentes consultu & exhortatione multorum Episcoporum ac sacerdotum devotissimè statuimus ut accipiant superscripti Canonici & fratres nostri de frumento optimo modios sex, & de vino optimo modios quatuor, & insuper

portione quæ vulgò alixona dicitur modium unum, & arietes optimos quatuor, & porcos optimos duos. Et in dedicatione Ecclesiæ sancti Stephani quæ est infra claustrum constructa, cujus festivitas dedicationis est V. Idus Novembris, similiter habeant fratres de frumento optimo modios sex, & de vino optimo modios quatuor, & insuper de portione quæ dicitur silvia modium unum, & friscingas porcinas perbonas duas, & arietes quatuor. In anniversario etiam ordinationis nostræ, quæ celebratur XII. Kal. Ianuarias, quæ tamen anticipatur una die propter dedicationem matris & senioris nostræ sedis Ecclesiæ, quæ est XI. Kal. Ianuarias, habeant prædicti fratres ad eorum refectiorem de frumento optimo modios sex, & de vino optimo modios quatuor, & insuper portionem de finiculo modium unum, & ad pisces emendos de argento solidos quinque, de caseo autem modium unum, & de legumine optimo similiter modium unum. In dedicatione verò absidæ matris & senioris nostræ urbis Ecclesiæ & reconciliatione ipsius Ecclesiæ quam noviter ædificavi atque reædificare studui, quam & in honore sancti Salvatoris & in nomine sanctæ Dei genitricis Mariæ sanctorumque martyrum Stephani, Gervasii, & Prothasii, simulque in honore & veneratione omnium sanctorum XI. Kal. Ianuariarum die cum aliis Episcopis & sacerdotibus multis solemneriter dedicavi, & multorum sanctorum reliquias in ea propriis manibus collocavi, sive de corpore proprio sanctorum martyrum Gervasii & Protasii in confessione senioris altaris reliquias dedicando, decenter composui. In ipsa ergo festivitate habeant jamdicti fratres de frumento optimo modios sex, de vino autem optimo modios quatuor, insuper & de costo optimo modium unum, & ad pisces emendos solidos quinque, de caseo verò modium unum,

& de legumine similiter modium unum. Hæc autem omnia de præfata villa Buxarias memoratis fratribus, veluti præfixum est, devotissimè ministrentur. Ea scilicet ratione hæc illis dare censuimus ut prædictas quinque festivitates sæpèdicti fratres solemniter & devotissimè celebrent adjunctos sibi monasteriales omnes, sive suburbanos sacerdotes & reliquos Clericos, qui in supradictas festivitatum vigilias devotissimè veniant, & tunc mane prima revestiti in Ecclesia cujus festivitas celebratur devotissimè adesse procurent, ministrante autem eis custode ipsius Ecclesiæ oblatas & vinum sufficienter inibi per singula altaria pro me peccatore, dum advixero, unusquisque sacerdos Missam decantet unam & amplius, si libuerit & caritas ministraverit, & unusquisque Clericus psalmos quinquaginta & amplius quantum dilectio & amor Dei instigaverit. Ipsos autem psalmos tam ipsi Canonici quàm & suburbani vel monasteriales Clerici alterius chori in præfata Ecclesia vicissim decantare studeant. Post obitum verò meum, quando Deus voluerit, in prædictis festivitibus futuris temporibus similiter pro defuncto faciant tam in Missis quàm & psalmodiis humiliter precamur. Hæc ergo omnia diligenter peracta, hora tertia in publicum introeant officium, ipsius diei festivam peragentes solemnitatem: Peracto autem solemniter prædictæ festivitatis officio, tunc in refectorio una cum prædictis monasterialibus & suburbanis sacerdotibus ac Clericis religiosè lectionem continuo audientes & intendentes, religiosissimè & cum silentio reficiant. Hoc ergo summopere suppliciter obsecro sanctos successores meos & præpositos ac magistros seu ministros Canonicorum prædictorum, sive ipsos Canonicos præsentés scilicet & futuros, ut prædictos suburbanos seu monasteriales sacerdotes & Clericos qui ad prædictam festivi-

tatem venerint, & Inſcriptas orationes pro me miſerrimo peccatore fecerint, à memorata reſecti-
 one & ab eorum reſectorio à ſe non excludant; ſed
 ſi aliqua neceſſitate factum fuerit, tunc ſtatuentes
 imploramus ut unus Canonicorum bene fidelis de
 prædictis ſtipendiis quæ de memorata villa Buxa-
 rias tribuuntur accipiar unum modium panis & al-
 terum vini, inſuper & de jam dicta porione ſextaria
 quatuor, & unam friſcingam qualem meliorem in-
 venerit, & ex his, illis præparet infra præfixum clau-
 ſtrum in optimo loco devotè & religioſè & reſectio-
 nem plenam, ſed magis opto & ſuplex deprecor ut
 cum ſæpèdictis Canonicis noſtris in reſectorio cum
 illis religioſiſſimè reſciant, ſolemniſter quoque præ-
 dictas dies ducentes, & de tantis feſtivaribus læ-
 tantes, Deumque in omnibus laudantes ac depre-
 cantes ut tranquillam hanc degere valeant vitam,
 & præmia æternæ vitæ percipere mereantur. Inſu-
 per de prædictis ſtipendiis deprecans ſanctos ſuc-
 ceſſores meos atque miniſtròs præfatæ matris Eccle-
 ſiæ conſeſtor, atque conſeſtans humiliter deprecor,
 ut unum modium de præfixo pane per ſingulas jam
 dictas feſtivities & alium de prædicto vino, & de
 præſatis friſcingis unam quadraginta pauperibus in
 ſingulis memoratis feſtivities tribuat, & in op-
 timo loco ex his eis reſectionem præparent: qui
 inde reſectionem habentes Dominum ſalvatorem
 mundi collaudent, & pro me miſerrimo peccatore
 vivo atque defuncto orare ſtudeant, qualiter cum
 ſanctis & electis Dei æternaliter lætari valeam, &
 vira frui perpetua merear. Amen. Quicquid autem
 in jamdicta villa ampliùs elaboratum & acquiſitum
 quàm ſuperiùs in prædictis feſtivities miniſtran-
 dum inſertum eſt de qualicunque juſto ingenio vel
 arte, hoc ipſum veniat ad communem utilitatem
 prædictorum fratrum & ad eorum reſectionum aug-

mentum proficiat, & nihil eis de sumptibus præfatæ villæ à quoquam subtractum vel minoratum fiat, ut magis ac magis Domini omnipotentis servitium adimplere valeant, & pro perpetuitate imperii & Domini & senioris nostri Huldovici præscripti piissimique Imperatoris & sospitate conjugis & prolis ejus atque invictissima sui exercitus victoria exorare humiliter delectetur, & quasi ad vestigia pedum eorum provolutus deprecor universis in hac sede succedentes ut hanc firmitatem quam pro amore Domini Salvatoris & veneratione sanctæ Dei genitricis Mariæ sanctorumque martyrum Stephani, Gervasii, & Prothasii, atque omnium in veneratione sanctorum, & eleemosyna sæpediti Domni Huldovici Imperatoris, ac per ejus licentiam pro pondere peccaminum meorum fieri decertavit, in perpetuum conservent esse mansuram. Quam devotionem si quispiam violare præsumperit, ante tribunal Christi, pro cuius amore hoc factum esse dinoscitur, tramebundam in judicium deducat rationem. Ego Aldricus Cenomanicæ urbis indignus & peccator Episcopus hoc testamentum à me factum subscripsi. Ursinarus indignus Turonicæ urbis Archiepiscopus huic testamento annuens subscripsi. Dodo humilis Audecavensium antistes huic testamenti decreto assensum præbui & subscripsi. Ionas indignus Episcopus huic testamento annuens subscripsi. Ego Aurcarius Magontix urbis Archiepiscopus subscripsi, Ebrouinus indignus Episcopus huic testamento annuens subscripsi. Guntardus indignus Episcopus huic testamento annuens subscripsi. Ego Erchinradus Parisiacæ urbis Episcopus hoc testamentum deprecante Aldrico Episcopo subscripsi. Vvarnarius indignus Episcopus huic testamento subscripsi. Ego Echardus Episcopus hoc testamentum deprecante Aldrico Episcopo subscripsi. Theodoricus Cameracensis urbis

Episcopus hoc testamentum subscripsi. David Chorepiscopus subscripsi. Ansteus Decanus subscripsi. Godenus Archipresbyter subscripsi. Ricardus Presbyter subscripsi. Dedivinus Archipresbyter subscripsi. Eruardus, licet indignus, Presbyter subscripsi. Geraldus subscripsi. Gantiuinus Presbyter subscripsi. Ascaricus Presbyter subscripsi. Alexander Presbyter subscripsi. Gerihanus Presbyter subscripsi. Vvineboldus Presbyter subscripsi. Flodoinus Presbyter subscripsi. Flodebertus Presbyter subscripsi. Anisacharus Diaconus subscripsi. Rodricus Diaconus subscripsi. Regnogardus modicus subscripsi. Vivaldus Subdiaconus subscripsi. Data Kalend. April. in die sancto Paschæ anno incarnationis dominicæ DCCCXXXVII. Indictione, yero xv. anno quoque XXI. imperii Domni nostri Hludovici gloriosissimi Imperatoris, & anno ordinationis nostræ quinto. Actum ergo Cenomannica in urbe publica in Dei nomine feliciter. Amen.

XXXIII. *EXEMPLAR PRÆCEPTI*
Domni Hludovici Imperatoris super præscrip-
to privilegio de villa Buxarias.

IN nomine Domini Dei & Salvatoris nostri Iesu Christi. Ego Hludovicus divina repropitiante clementia Imperator Augustus. Omnibus sanctæ Dei Ecclesiæ & nostris fidelibus præsentibus & futuris notum sit quia vir venerabilis Aldricus Cenomannicæ urbis Episcopus nostræ suggestit mansuetudini eo quod primordiis ordinationis suæ confusum Canonorum matris Ecclesiæ sibi commissorum ordinem statumque invenerit, & claustrum qui canonicè vivere debent eatenus nullum habuerant, sed ipse divini cultus amore fervens, ex domibus quas

Episcopi antecessores sui propriis usibus habere so-
lerent, memoratorum Canonicorum habitaculis ac
variis usibus attribuerit, illicque constructis & se-
cundum opportunitatem cuiusque usibus ædifica-
tis ac decoratis, eos secundum auctoritatem cano-
nicam fecerit habitare. Retulit etiam serenitati no-
stræ eò quod jam dictæ matris Ecclesiæ quibusdam
additis oratoris aliisque forinsecus Ecclesiis, solem-
niter religiosèque eorum devotionem adimplere cu-
raverit, easdem dedicationum festivitates propriis
temporibus solemniter memorati Canonici, conve-
nientibus tam sacerdotibus quam religiosis laicis
reliquoque populo solemniter celebrare valerent,
eisdem Canonicis quandam ejusdem villam Buxarias
vocabulo per testamenti conscriptionem propria ce-
terorumque Episcoporum venerabilium manibus
roboratam propriè delegaverit, quatenus in sæpe-
dictis dedicationum festivitatis, præfixis etiam
quibusdam conditionibus dignam ac necessariam re-
fectionem habere valerent. Quæ sua institutio ut
perennibus temporibus inviolabilis persistere possit
nostræ supplicavit celsitudini ut super identè devo-
tissimè religiosè institutam nostram firmitatis gra-
tia auctoritatem percipere mereretur, per quam fu-
turis temporibus inconvulsè atque inviolabiliter
permaneret. Cujus supplicationibus annuentes, per
hoc nostræ auctoritatis scriptum statuentes decer-
nimus ut quod studio divini honoris & cultus re-
ligiosè patrassè atque instituisse dinoscitur, & jam
dicta inscriptionis suæ serie conscribi ac roborare
non distulit, cunctis temporibus maneat inconvul-
sum, nec quispiam successorum suorum de condi-
tionibus in ea comprehensis quicquam audeat im-
mutare aut memoratam villam a jure eorundem
Canonicorum abstrahere, sed quicquid de ea secun-
dum institutionem ejus, ut dictum est, ordinare at-

que disponere voluerint sæpediti Canonici, liberam in omnibus habeant potestatem; quatenus pro nobis, conjuge, proleque nostra, ac stabilitate totius imperii à Deo nobis concessi Domini misericordiam jugiter valeant exorare. Et ut hæc nostræ confirmationis auctoritas nostris successorumque nostrorum temporibus inviolabilem & inconvulsam obtineat firmitatem, de annulo nostro subter eam jussimus sigillari.

Hirminmarus Notarius ad vicem Hugonis recognovi & subscripsi.

Datum XIV. Kalendas Iul. anno Christo propitio **xxiii.** imperii Domni nostri Hludovici piissimi Augusti, Indictione **xv.**

Actum Theodonis villa palatio regio in Dei nomine feliciter. Amen.

XXXIV. SEQUITUR EXEMPLAR

** privilegii quod fecit prænominatus Aldricus Episcopus Ecclesiæ sancti Salvatoris super fluvium Sarthæ & monachis ibi Domino famulantibus.*

IN nomine sanctæ trinitatis & unicæ divinitatis. Ego Aldricus Cenomanicæ urbis indignus & peccator Episcopus, illustratione divinæ pietatis provocatus, una cum consensu & licentia Domni Hludovici piissimi Imperatoris seu omnium sanctorum comprovincialium Episcoporum atque aliarum multarum provinciarum nobilium ac sapientium Pontificum, sive cum omni nostræ curæ commissæ Deo devotæ congregationi matrique & nostræ sedis Ecclesiæ famulanti, pertractans ego casum fragilitatis humanæ, pavescentisque ultimum vocationis diem, ne multe mole peccami-

num, oneratus, sine fructu aliquo, quod absit, boni operis repertus inveniar, confortatusque aliquo prædicatoris præcipui, Pauli scilicet Apostoli, ubi ait, *Si cuius opus manserit, mercedem accipiant*, idcirco, ut dictum est, cum consensu & licentia superscripti Principis atque prædictorum sanctorum Præsulum sive præfixorum servorum Dei promptissimo animo, divina inspirante clementia, nostræ devotionis decrevit compunctio ut ad augendum cultum divinum sive matris & nostræ sedis Ecclesiæ atque parochiæ nobis commissæ, ac cumulandum honorem atque lucrum multarum animarum, ut monasteriolum aliquod in nostra parochia nostro labore ad perpetuam omnipotentis Dei laudem fundare & construere deberemus, quod ira annuente Domino & facere studuimus, in quo & Ecclesiam prout valuimus ad invocandum perpetualiter nomen Dei æterni in honore Domini Salvatoris & sanctæ ejusdem Dei genitricis Mariæ sive sanctorum martyrum Gervasii & Prothasii atque sancti Stephani, necnon & in honore & memoria simul omnium sanctorum construere & solemniter X V I. Kal. Octob. die cum aliis Episcopis & sacerdotibus sive reliquis sanctæ Dei Ecclesiæ ministris decenter & rationabiliter canonicèque atque insigniter Domino auxiliante curavimus consecrare, in qua & quindecim altaria erigere & in honoribus & memoriis eorum sanctorum quorum nomina super ea inserta esse præsentis temporis momento videntur, eorumque atque aliorum multorum sanctorum patrocinia & reliquias meis propriis manibus collocavi, solemniterque ea & decenter adjunctis nobis præfatis sanctissimis sociis ordinabiliter sanctificantes consecrare Domino miserante meruimus, quorum intercessionibus nos adjuvari misericorditer confidimus eorumque perpetuis tueri

præfidiis largiente Domino humiliter petimus. In memorato itaque Kalendarum die & in dedicatione præfatæ Ecclesiæ cum licentia & exhortatione jam dicti Principis sive præscriptorum sanctorum patrum, videlicet Episcoporum ac nobilium & sanctè viventium sacerdotum, per librum quatuor evangeliorum nobiliter ornatum & auro ex parte conscriptum, seu per calicem aureum unum cum patena sua desuper Episcopis & Sacerdotibus manus eorum imponentibus, multis scilicet nobilibus coram astantibus & videntibus, tradidimus simulque delegavimus unà cum jam dicto evangelio & memorato aureo calice de nostræ sanctæ sedis Ecclesiæ rebus ad supradictum sanctum locum, qui vocatur monasterium sancti Salvatoris, olim verò Brogilus à priscis vocabatur, & ad opus monachorum inibi regulariter viventium & Domino famulantium, donatumque in perpetuum ibidem ob mercedem & stabilitatem prædicti Domini nostri Hludovici piissimi Imperatoris, cujus largitione & præfatum locum acquirere meruimus, sive futurorum Dominorum, Regum videlicet Francorum, seu & nimis pro pondere peccatorum nostrorum donamus & per hoc testamentum confirmamus, confirmatumque futuris temporibus esse volumus, tam opportunitatem quàm & pro stipendio fratrum ibidem Domino servientium, necnon & consolationem peregrinorum, atque hospitum advenientium receptionem. Primo verò omnium delegavimus ibidem villam Salvarias cum manentibus xxx. & illas culturas duas juxta illud monasteriolum sitas, seu illam silvam quæ intra fluvium Sarthæ & inter prædictas culturas & præfatum monasteriolum consistit, atque illam vineam dominicam quæ inter Salvarias & jam dictum monasteriolum conjacet, & illa molina duo juxta illud monasteriolum supra fluvium Sarthæ sita, necnon

& illud pratum ex alia parte præfati monasterioli situm una cum silva, sicut termini prædictorum monachorum dividunt. Delegavimus etiam ibidem villam nostræ sedis Ecclesiæ Apiacum cum omni integritate, in qua sanctus Vlfacius pretiosus Christi confessor corpore requiescit; simulque tradidimus ibi medietatem de villa Canon; parique modo confirmamus ibidem villam Luciacum cum omni integritate; simulque inibi dedimus & medietatem de villa quæ Beruas vocatur de ratione sanctæ Mariæ, quam redditione Domini nostri Hludovici excellentissimi Imperatoris acquisivimus; & illam precariam quam Friderardus per precariam de rebus sanctæ Mariæ & sancti Gervasii tenet, tradimus totam similiterque donamus, & in villa quæ vocatur villa sancti Autleni manentes tres cum vineis tribus & campis aliis, & quantum pars sanctæ Mariæ ibi habetur. Videlicet & illas res quas Saleardus in die dedicationis ipsius Ecclesiæ eidem sancto loco & nobis sive ipsis monachis legaliter tradidit inibi, per hoc testamentum confirmamus, Hæc autem omnia in pago Cenomanico sunt sita. Supradictas igitur villas omnes & res cunctas superius nominatas & ad prædictas villas jure pertinentes una cum ceteris domibus, ædificiis, mancipiis, vineis, silvis, campis, pratis, pascuis, aquis, aquarumve decursibus, farinariis, mobilibus & immobilibus, omnia & ex omnibus ad præfatum sanctum locum pro lucranda sancta mercede & augmento nostræ sanctæ sedis Ecclesiæ atque nostræ congregationis ornatu donamus, tradimus, simulque delegavimus, & omnia quæ eidem sacrosancto loco & fratribus & monachis inibi Domino famulantibus & regulariter viventibus divina pietas deinceps augeri voluerit & a bonis hominibus ibidem condonatum atque traditum fuerit, ita ut ab hac die ibidem per-

petualiter Domino auxiliante in augmentis proficiant. Vnde constitui ob hoc piæ devotionis amore veniente jamdictæ sancti Salvatoris Ecclesiæ consecrationis festivitate omni anno fratribus matri & nostræ sedis Ecclesiæ famulantibus consolationem ministrandam ab Abbate & monachis in præfato monasterio Domino famulantibus, id est, de pane optimo modios sex, & frisingas porcinas tres, herbicinas verò similiter tres, & de vino optimo modios quatuor, & de portione optima quinque. Ea verò ratione hæc illis dare censuimus ut supradictæ matris Ecclesiæ jam præfati Canonici pleniter ad memoratam dedicationis Ecclesiæ cum silentio, & ceteris divinis ornamentis veniant festivitatem cum ceteris suburbanis sacerdotibus & reliquis Clericis, & tunc mane prima inibi pro me peccatore, dum advixero, unusquisque sacerdos canter unam Missam, & ampliùs, si libuerit & caritas ministraverit, & unusquisque Clericus psalmos quinquaginta & ampliùs, quantum dilectio & amor Dei instigaverit. Post obitum verò meum, in prædicta die similiter pro defuncto faciant. Hæc ergo omnia diligenter peracta, hora tertia in publicum introeant officium, & unà cum monachis ibidem Domino famulantibus solemniter ipsius diei festivam peragant solemnitatem; & tunc utrum elegerint faciant, aut inibi cum ipsis monachis pariter reficiant, aut si ibi non refecerint, tunc accepta stipendia in refectoriò infra domum & claustrum Canonicorum unà cum prædictis suburbanis Clericis & sacerdotibus reficiant. Hoc sanè humiliter obsecro sanctos successores meos atque Abbates vel monachos præfati monasterii & præpositos ac magistros seu ministros Canonicorum nostrorum sive ipsos Canonicos præsentem scilicet atque futuros & prædictos suburbanos seu monasteriales sacerdotes & Clericos qui ad prædictam

festivitatem venerint, & suprascriptas orationes pro me miserrimo peccatore fecerint, à memorata refectione vel ab eorum refectorio à se non excludant; sed si aliqua necessitate factum fuerit, tunc statuentes imploramus ut unus Canonicorum bene fidelis de prædictis stipendiis quæ jam dicti monachi tribuerint accipiat unum modium panis & alterum vini, Insuper ex portione sextaria quatuor, & unam friscingam qualem meliorem invenerit, & ex his illis præparet devotè & religiosè refectionem. Sed magis opto & supplex deprecor ut cum sæpèdictis Canonicis nostris in refectorio cum illis religiosissimè reficiant, solèmniter quoque illum diem ducentes, & de tanta festivitate lætantes, Dominumque in omnibus laudantes ac deprecantes ut tranquillam vitam hanc degere valeant & præmia æternæ vitæ percipere mereantur. Insuper de prædictis stipendiis deprecans sanctos successores meos contestor & contestans humiliter deprecor atque ministros ejusdem Ecclesiæ ut unum modium de præfixo pane & alterum de jamdicto vino & de præfatis friscingis unam quadraginta pauperibus in memorata festivitate tribuant, qui inde refectionem habentes Dominum Salvatorem mundi collaudent & pro me miserrimo peccatore orare studeant, qualiter cum sanctis & electis Dei lætari æternaliter mereamur. Amen. Porro quòd multas episcopales sedes & matres Ecclesias diversa monasteria sub se habere videmus constructa, quæso ne quidam superflue hoc me fecisse asserant, præsertim cum magis pro honore Ecclesiæ nobis commissæ & pro lucro animarum quàm pro facinore humano hoc me fecisse profiteor. Nec mirum si præfatum locum de rebus nostræ sedis Ecclesiæ ditaverim, cum multos sanctos Episcopos jam talia fecisse & legimus & cognovimus. Idcirco precor cunctos fideles sanctæ Dei

Ecclesiæ ut non hoc me superflue fecisse putent, sed magis pro me peccatore orare non dedignentur; ut si quam pro hoc mercedem adipisci meruero, ejusdem fieri mereantur participes. Denique humiliter precor Dominum nostrum Iesum Christum, beatum successorem meum mox futurum, & post eum in sede nobis commissa succedentes cunctos Episcopos, atque quasi ad pedes eorum provolutus suppliciter flagito, omnesque Principes ac nobiles & ignobiles, cunctosque Christianos obsecro ut parvula à nobis facta ad divinam omnipotentis Dei laudem & incrementum prædicti monasterioli sancti Salvatoris conservent, & in eorum eleemosyna sive ob prædicti Domini Salvatoris amorem, in cujus honore jam dictum monasteriolum ædificatum & dedicatum esse dinoscitur, augere inibi plura dignentur, & de eis quæ fecimus atque delegavimus inibi imminuere aut subtrahere non præsumant; quatenus & bona illorum facta in præsentī & in futuro, sicuti & nostra fecerint, Deo auspice conserventur; quatenus si aliquam mercedem pro pio præfixo facto Domino annuente habere meruerimus, ipsius mercedis auxiliante ipso Domino Salvatore nostro, pro cujus & amore hoc fecimus, effici mereamur consortes. Precor etiam cunctos sacerdotes ac Dei servos sive monachos omnes ut prædictas orationes in præfata die pro me peccatore pie & studiosissime adimplere procurent, qualiter absolutionem omnium peccatorum meorum eorum precibus adipisci valeam, & sanctorum consortio perpetualiter Domino largiente frui mereamur. Similiter precor obnixè Abbates & monachos cunctos in præfato sancti Salvatoris monasterio degentes ut prædicta stipendia Canonicis & fratribus nostris sive suburbanis sacerdotibus & Clericis ministrare in jam dicta die non negligant; quatenus ipsis ministrantibus nobisque humi-

liter famulantibus & ceteris fratribus & Dei servis orantibus per suffragia omnium sanctorum nos & illos Iesus Christus Dominus noster in æterna læticia unà cum sanctis suis fovere dignetur. Amen. Porro ut hoc testamentum sive privilegium à me pia voluntate factum per rationem supradictam omni tempore maneat illibatum atque firmissimum, manu propria illud pro firmitatis studio roboravimus, sive sanctos patres nostros Episcopos atque fratres nostros sacerdotes & levitas seu reliquos Clericos ceterasque personas quorum nomina subter habentur inserta firmare humiliter postulavimus.

Ego Aldricus Cenomanicæ urbis indignus peccator Episcopus hoc testamentum à me factum subscripsi. Vrsmarus indignus Turonicæ urbis Archiepiscopus huic testamento annuens subscripsi. Dodo humilis Audecavensium antistes huic testamento decreto assensum præbens subscripsi. Vvarnarius indignus Episcopus huic testamento annuens subscripsi. Ebrounus indignus Episcopus huic testamento annuens subscripsi. Ego Autcarius Magontię urbis Archiepiscopus hoc testamentum deprecante illo Aldrico prædictæ urbis Episcopo subscripsi. Gunardus indignus Episcopus huic testamento annuens subscripsi. Ego Erchinradus Episcopus hoc testamentum deprecante Aldrico Episcopo subscripsi. Ego Hechardus Episcopus hoc testamentum deprecante Aldrico Episcopo subscripsi. Ego Theodoricus Cameracensis urbis Episcopus hoc testamentum subscripsi. David Chorepiscopus subscripsi. Austeus Decanus subscripsi. Deduius Archipresbyter subscripsi. Eraulduſ Presbyter indignus subscripsi. Ricaudus Presbyter subscripsi. Godenus Archipresbyter subscripsi. Geraldus Presbyter subscripsi. Floduinus licet indignus Presbyter subscripsi. Gantzui-

nus Presbyter subscripsi. Ascaricus Presbyter subscripsi. Flodebertus Presbyter subscripsi. Alexander Presbyter subscripsi. Ansbaldus Presbyter subscripsi. Gerhaus Presbyter subscripsi. Anisacar Diaconus subscripsi. Rodricus Diaconus subscripsi. Vinaldus Diaconus subscripsi. Reginhardus modicus subscripsi. Leodaldus Diaconus scripsit. Data Kalende Aprilis in die sancto Paschæ anno incarnationis dominicæ DCCCXXXVII. Indictione verò XV. anno quoque XXIII. imperii Domini nostri Hludovici gloriosissimi Imperatoris, & anno ordinationis nostræ quinto. Actum ergo Cenomanica in urbe publicè in Dei nomine feliciter. Amen.

XXXV. SEQUITVR EXEMPLAR

precepti Domni Hludovici Imperatoris super memoratum privilegium sancti Salvatoris & monachorum quod eis jamdictus Aldricus Episcopus pio affectu fecit.

IN nomine Dei & Salvatoris nostri Iesu Christi. Hludovicus divina repropitiante clementia imperator Augustus. Omnibus fidelibus sanctæ Dei Ecclesiæ ac nostris præsentibus & futuris notum sit quia vir venerabilis Aldricus Cenomanicæ urbis Episcopus, divino honore fervens pariter & amore, monasteriolum in sua parrochia novo opere suoque proprio sudore & labore in honore Dei & Salvatoris nostri ac sanctæ ejusdem genitricis Mariæ beatorumque martyrum Gervasii & Protasii atque Stephani cunctorumque generaliter sanctorum in loco qui prius vulgò Broialus vocabatur construere studuit, & ad opus dignumque decorem atque perfectionem summo studio perducere procuravit, congruoque
tempore

tempore dedicavit solemniter, & de rebus jam dictæ sedis sibi divinitus commissæ sufficienter ad necessitates varias monachorum in eo Domino militantium abundè fulciendas atque supplendas dirare non distulit. Vnde & scriptum quoddam sua ceterorumque venerabilium Episcoporum reliquorumque ordinum Deo servientium necnon laicorum religiosorumque pariter ac nobilium manibus roboratum nostræ majestatis obtutibus offerens, humiliter nostræ supplicavit clementiæ ut quod ipse divino ratæ amore pia religiosaque devotione superno fultus auxilio fecerat, nostra imperiali auctoritate roborare atque in perpetuum absque cujuslibet convulsione aut tergiversatione firmissimum permanere deberet decernere studeremus, & ut monachi inibi degentes unà cum consensu suo successorumque ejus licentiam inter se eligendi haberent Abbates qui eos secundùm regulam sancti Benedicti regerent. Cujus piissimis Deo amabilibus & nobis admodum amplectendis supplicationibus aurem favoris libentissimè accommodantes, hanc nostræ auctoritatis conscriptionem ei fieri ac dari præcepimus, per quam decernimus atque sancimus ut memoratum opus religiosissimis ab eo patratis studiis omni tempore firmum & stabile permaneat, quemadmodum in memorato devotionis suæ scripto, quod nobis obtulerat ad relegendum, ipse complexus est, neque de rebus quas ad idem monasteriolum contulit, à quoquam ullo unquam tempore quippiam minuatur, aut conditiones inibi studio ejus inditas qualibet occasione convellere aut ullatenus quisque negligere præsumat, sed quemadmodum ad eo piè religiosèque sancita sunt, ita per hanc nostram auctoritatem inconvulsa perenniter maneant. Quandoquidem autem divina vocatione Abbas qui præsentis tempore præfectus est, aut qui futuris tem-

poribus subrogandi sunt, ab hac luce migraverint, una cum consensu ejusdem Aldrici Episcopi successorumque ejus, Præsulum videlicet memoratæ sedis, licentiam habeant ex seipsis eligendi Abbates, si tales inter eos reperiri poterint qui eis merito vitæ & scientiæ secundum regulam sancti Benedicti præesse & prodelle possint. Et ut hæc nostræ confirmationis auctoritas perpetuam nostris successorumque nostrorum temporibus obtineat firmitatem, de anulo nostro subter eam jussimus sigillari.

Hincminmarus Notarius ad vicem Hugonis recognovi & subscripsi.

Data XVII. Kal. Iulii anno Christo propitio
 XXXIII. imperii Domni nostri Hludovici piissimi
 Augusti, Indictione xv.

Actum Gundulfi villa in Dei nomine feliciter.
 Amen.

XXXVI. *SEQVITVR DESCRIPTIO*
de elemosyna præfati Aldrici præfixæ Ce-
nomanicæ urbis Episcopi qualiter sibi credita
singillatim disposuit & discretè Christi famu-
lis ejusque famulabus per hoc scriptum dare
constituit.

IN nomine sancti Salvatoris & veneratione sanctæ Dei genitricis Mariæ sanctorumque martyrum Gervasii & Prothasii atque sancti Stephani, quorum Ecclesiæ, licet indignè, titulatus esse videor, Aldricus Cenomanicæ urbis & prædictæ Ecclesiæ indignus & peccator Episcopus, omnibus in nostra dioecesi & parrochia consistentibus, Episcopis, Sacerdotibus, Diaconibus, Subdiaconibus, & reliquis sanctæ Dei Ecclesiæ ministris, seu cunctis fidelibus notum esse cupio quia pertractans casum humanæ

fragilitatis, unà cum licentia Domni Hludovici piissimi Imperatoris & consensu etiam Metropolitani Vrsmari Turonicæ urbis Archiepiscopi seu ceterorum comprovincialium Episcoporum atque multarum aliarum provinciarum sanctorum Episcoporum considerare cœpi cum Canonicis & ceteris parochianis nostris tam sacerdotibus quàm aliis divino cultui famulantibus atque nobilibus laicis tam nostris quàm & aliis liberis & bonis hominibus qualiter mea facultaticula & inibi commissa post meum obitum utiliter & rationabiliter foret in utilitatem sanctæ matris Ecclesiæ & meam eleemosynam dispensata, ne fortè (quod absit) aliquis sibi ea rapere aut furari aut in suos usus converti faciat sicut in multis jam factum cognovimus, sed omnia in utilitatem sanctæ Ecclesiæ & sustentationes nobis famulantium seu supplementa nostrorum Clericorum tam monachorum quàm & Canonicorum sive adminicula laicorum qui nostræ Ecclesiæ & nobis famulari videntur, necne in alimonias pauperum, per consilium predicti Metropolitani & per manus fidelium sacerdotum sive Diaconorum atque fidelium laicorum qui ad hoc peragendum à me denominati & constituti fuerint, fideliter & rationabiliter in suprà nominatas utilitates & necessitates, sicut in subsequētibz dicemus, distribuantur, id est, quicquid tunc temporis in nostro ergastulo de pecuniis diversi generis & vestimentis inventum fuerit, tota decima pars distribuatur Ecclesiæ quam fecimus super fluvium Sarthæ in loco qui dudum Broilus Casalis nominabatur, quam & in honore Domini Salvatoris & sanctæ Dei genitricis Mariæ sive sanctorum martyrum Gervasii & Prothasii atque sancti Stephani indigni sacravimus, & monachis ibi Domino famulantibus fideliter & cum caritate tribuatur, nona verò pars Ec-

& leguminibus sive fœnis per diversa loca & in omnibus villis nostris nobisque commissis reconditis, volumus atque præcipimus suppliciterque flagitamus ut decem partes fiant æqua lance divisas, una videlicet fideliter servetur matri Ecclesiæ & beato successori nostro quem Dominus elegerit, & alia detur vassallis & Cappellanis sive servientibus qui Domino nobisque in nostra mansuicula militare videntur, ut non ipsi quique, quod absit, in aliquo periclitentur inopia, sed habeant unde sustentati queant usquequo se cum sancto successore nostro mox futuro collocare Domino adjuvante utiliter valeant. Tertia tribuatur Canonicis & famulis sanctæ matris Ecclesiæ & nonnanis quæ in ea quotidie oblationes Domino offerunt, ut & pro me peccatore futuris temporibus Domino offerre eis delectet eorum oblationes. Quarta largiatur monachis qui sunt in monasterio sancti Carilephi & ingressivè in Savonariis atque sanctimonialibus monachis quæ sunt Intramnis monasterio. Quinta detur monachis quæ sunt in monasterio sancti Salvatoris paulò minùs miliario ab urbe distante super fluvium Sarthæ, & illis monachis quæ sunt in sancto Vincentio juxta urbem, seu sanctimonialibus monachis quæ sunt in monasterio sancti Salvatoris & sanctæ Mariæ sive sancti Gervasii inter fluvium Sarthæ & murum civitatis collocato. Sexta congregationibus quæ per cetera diversa monasteria tam in Cenomanica parochia quàm & in pago Andecavo sive Turonico atque Oxomenso & per ceteros pagos Domino militantibus fidelitèr, in quantum posse & esse facultas tribuerit, cum omni discretione rationabiliter tribuatur. Septima Presbyteris & Diaconibus ac reliquis Clericis nostra in parochia Domino per diversas Ecclesias militantibus discretè & rationabiliter tribuetur, ut eis semper pro me miserrimo

peccatore; delectet orare & sacrificia Domino affi-
dua offerre, & flexis poplitibus precor ut eis assidue
agere suadeatur. Octava, ut diximus, tam de vino
quàm & de annona diversî generis & legumina sive
fœno rationabiliter & discretè detur funditus fa-
miliis in nostris villis nobisque commissis comman-
nentibus, quæ ea suis sudoribus laboraverunt, ut
& eis pro me peccatore orare delectet; & hoc eis
agere precor sæpissime suadeatur. Nona & decima
pars omnis annonæ, vini & fœni & leguminis pau-
peribus, viduis, & orphanis fideliter cum omni dis-
cretionem & caritate funditus tribuatur. Omnes enim
precor ut pro me orare dignemini, ut remissionem
cunctorum valeam percipere peccatorum, & vitam
habere annuente Domino merear sempiternam. Fiat,
fiat. Greges autem jumentorum unà cum eorum amif-
sariis, & vaccarum ac boum seu porcorum, & ovium
sive caprarum, qui sunt in Breim in condita Novia-
cense, & in Proliaco infra villam quintam, seu in
Novavilla super fluvium Sarthæ, sive in Cavana, &
in Cepeto supra Sartham, & in Bruonis villare in
Belsa, & in altero Proliaco super fluviolum Viduam,
Ecclesiæ nobis commissæ & nostro successori cum
omni integritate possidendos & utiliter lucrandos
& gubernandos relinquimus. Ego autem in toto epis-
copio non inveni viginti jumenta. Modò Deo gra-
tias septem ei relinquo greges unà cum eorum amif-
sariis; neque in toto episcopio nobis commissio ex
omnibus pecoribus vel pecudibus tantum inveni
quantum modò Domino auxiliante in una ex supra-
dictis villulis relinquo ex his quæ meo pretio com-
paravi & meo labore acquisivi. Ideo supplex flagi-
to ne alicui durum aut contrarium sit si ea quæ meo
sudore acquisivi, & meo pretio comparavi, meis
benefactoribus tribuo & mihi servientibus dono,
atque Domino offerendo in mea eleemosyna fide-

liter, distribui præcipio, & pro redemptione multorum & innumerabilium peccatorum meorum dari Dei servis & pauperibus humiliter supplico. Illi ergo greges jumentorum unà cum eorum amissariis & vaccarum ac boum seu porcorum & ovium atque caprarum qui sunt in Alamanifcas, & illi greges jumentorum unà cum eorum amissariis & boum utriusque sexus & porcorum five ovium atque caprarum qui sunt in Drimiaco juxta Mantulam, & in Paciaco, in villæ videlicet parte quam David modò providet, fratribus & Canonicis nostris cum omni integritate absque ulla dilatione five diminutione fideliter & cum omni caritate dentur. Illi namque greges jumentorum unà cum eorum amissariis & boum utriusque generis, seu porcorum & ovium atque caprarum, qui sunt infra monasterium sancti Carilephi, & in villa Floriaco, & in Conflentio, & in villa Mauri & in Comnis, & in villare Martis, & Rusciaco, & in campo Sigalaici, & in illa cella five in Cantarnaco, atque in diversis mansionibus circa monasterium constructis, omnes integerrimè monachis qui in monasterio sancti Carilephi & in cella quæ Savonarias vocatur Domino militanti absque ulla minoratione aut tarditate detur. Ternos autem greges jumentorum unà cum eorum amissariis ac boum & vaccarum five caprarum & ovium qui sunt in Haliau, & quatuor porcarias quæ in eadem villa tam in marsilio. nibus quàm & in aliis locis esse videntur, & illos greges qui sunt in Cote Quadrici, in Saxonense, omnes tam jumentorum quàm & boum & vaccarum seu porcorum & ovium atque caprarum illis monachis qui Domino in Ecclesia sancti Savaltoris supra fluvium Sarthæ, ubi ille Abbas præesse videtur, cum omni integritate & cum caritate absque ullo scrupulo aut contradictione five dilatione si-

deliter tribuantur. Illi quoque greges jumentorum unà cum eorum amissariis & boum utriusque generis seu porcorum & ovium atque caprarum qui sunt in villa Colonica juxta urbem in illa curte quæ dicitur Villa, quam Gundoldus modò providet, & in Carrariis super fluvium SARTHÆ, & in Canon, dentur monachis integerrimè qui Domino in monasterio sancti Vincentii militant. Illi ergo greges jumentorum unà cum amissariis & boum utriusque generis seu porcorum & ovium qui sunt in Gres & in Fraxinido, in Belsa, & in Semmuro, monachis in Gres Domino in Ecclesia sanctæ Mariæ & sancti Almiri militantibus funditus absque ulla tarditate aut minoratione tribuantur. Illi quoque greges unà cum eorum amissariis jumentorum & vaccarum ac boum sive ovium & porcorum atque caprarum omnes qui sunt in Aviniaco, seu in Casiliaco, & in illa parte Paciaci quam Gundoldus providet, nostris sororibus sanctimonialibus monachis quas inter murum civitatis & fluvium SARTHÆ in Ecclesia Domini Salvatoris & sanctæ ejusdem Dei genitricis Mariæ semperque virginis sive sanctorum martyrum Gervasii & Prothasii atque sancti Stephani sub monastico ordine & sub regula sancti Benedicti vivere collocavimus, cum summa caritate & omnium integritate absque ulla dilatione fideliter attribuantur. Illi quoque greges jumentorum unà cum eorum amissariis & boum utriusque sexus & ovium sive porcorum atque caprarum qui sunt in Rupiaco, integerrimè fratri meo Isaac filioque ejus Rotgario absque ulla diminutione aut dilatione tribuantur. Illi autem greges jumentorum unà cum eorum amissariis & boum utriusque generis seu porcorum & ovium atque caprarum qui sunt in Contrella, & in Varennis, in Vindosnense, & in Breuviaco, in Oxomense, & in Artinis super

Liz, & in Lanciati ultra Ligerim, sive in Vodebris, vassallis qui nobis in nostra mansuicula servjunt & Clericis qui Domino in nostra capella famulantur cum omni integritate dispositè & rationabiliter largiantur. Reliquos namque greges jumentorum & boum utriusque generis & ovium seu porcorum atque caprarum, omnes qui sunt in culturis & in silva Vvastina in diversis mansionilibus & locis tam super fluvium Liz quàm & in silva Vvastina, & in Tricione in diversis mansionilibus, & in locis diversis, & in Tauriaco, & in Bajocassino, & in Verusvico, sive in Celsiaco, ac in Nascas, seu in Cadarus, & in Colonica ultra Medanam, & in Culcamia ultra fluvium Ligeris, & in Callemarcio, sive in monte Sodeuris, in omnibus mansionilibus in eo constructis, & in rivo petroso, & in villa nova in Belsa, & in villa Macunen, & in Biocia super fluvium Brica, & in Villena in Parisiaco, in nostra elemosyna Presbyteris & Dei servis sive pauperibus fideliter & rationabiliter cum omni timore & reverentia distribui dispositè imploramus atque rogamus, & omnia fieri cum caritate optamus. De equis namque nostris & secmariis sive mulis & asinis ac poledris, quibus adhuc fruimur, & sine quibus regale & commune servitium explere nequimus, de illis qui antea dati minimè fuerint, præcipimus duos, quales meliores inventi fuerint, prædicto Domino Metropolitano nostro bene paratos & ornatos dari; & alios duos, quales post hos meliores inventi fuerint, Didani Andecavensis urbis Episcopo bene ornatos tribui jubemus. Ipsos enim sanctos Episcopos, si mihi superstites Domino miserante fuerint, ad obitum meum venire deprecor, & animam meam per eorum sanctas orationes Domino devotissimè commendari suppliciter flagito, & ad corpusculum meum eorum precibus Domino

unà cum anima commendari & cum orationibus eorum sepeliri humiliter postulo; & in omnibus summopere illos & quasi ad pedes eorum provolutus deprecor ut de me & pro me sic faciant sicut volunt ut de illis tam in vita quàm & post obitum fiat. Insuper quatuor equos bonos meæ sepulture loco & fratribus inibi Domino famulantibus dari jubeo. De ceteris ergo equis volo ut causa benedictionis singulos accipiant singuli qui præscripti & præordinati ad nostram eleemosynam faciendam fuerint, ut meliùs illis delectet pro me orare & commissum sibi negotium peragere. De reliquis quippe equis & poledris & mulis atque ásinis tres jubemus fieri portiones. Vna pars remaneat Ecclesiæ nobis commissæ & sancto successori nostro; alia verò largiatur dispositè & rationabiliter Clericis & vassallis & servientibus & ministerialibus nobis famulantibus. Tertia autem pars distribuatur fideliter & rationabiliter in nostram eleemosynam prout meliùs scierint & potuerint quibus hoc commissum fuerit. Taliter quoque illis hoc præcipio & deprecor agere & tam fidenter & rationabiliter dispensare qualiter inde rationem non metuant reddere in conspectu Domini nostri Iesu Christi, & ex hoc non recipiant, quod absit, damnationem æternam, sed præmium sempiternum. Illa verò omnia quæ in præfato tempore, ut dictum est, in prædictis locis & agris tam internis quàm externis inventa fuerint, Domino Deo devota mente & sano corpore pro ingenti & nimio pondere peccaminum meorum supplex & devotus offero, & per hanc chartulam, quam sana mente dictavi & supradicto prætextu scribere jussi, atque propria manu subter firmavi, ad supradicta & scripta, sicut hæc paginula testamenti commemorat, explenda & fideliter peragenda Domino Deo sponte & devotè trado; ut si

quis aliter, quod absit, ex præfatis rebus, in quam melius prævaluerit ac poterit, agere præsumperit, ipso Domino Deo meo & Salvatori nostro Iesu Christo reddat inde rationes, cui hæc præscripta peragenda & explenda devotè oblata & tradita sunt, & ante tribunal ipsius iudicis æterni ex hoc tremebundam deducat rationem. Confestor enim sanctum successorem meum mox futurum, quicumque fuerit, & quasi ad vestigia pedum ejus provolutus humiliter deprecor ut sic de me & pro me miserrimo peccatore faciat sicut vult ut sui successores post obitum ejus de eo faciant, & sic mea facta integra conservet sicut sua vult post se servari. Hanc ergo paginulam testamenti suppliciter flagito ut per omnia conservet; & si quis aliter ex his quæ hic inserta sunt facere voluerit, supplico ut eum corrigat, & eis quos ad hoc peragendum de nomine vero, sive quibus hoc negotium commissum fuerit, auxilium per omnia præstet, ut hæc absque ullo impedimento perficere queant. Si autem, quod absit, aliter fecerit, ante tribunal Domini nostri Iesu Christi tremebundam ex hoc reddat rationem. Obnixè quoque deprecor sanctum successorem meum, quemcunque Dominus fore voluerit, & omnes sacerdotes tam monachos quàm & Canonicos sive cunctos Clericos & laicos in nostra diocesi & parochia commanentes & conversantes ut in anniversaria obitus mei per singulos annos diligenter tractent & fideliter in eis pro me orare studeant & vigiliis & Missas devotè decantent, ut Domino annuente remissionem omnium peccatorum meorum & indulgentiam misericorditer percipere merear, & vitam insuper habere sempiternam valeam. Amen. Precor etiã Dominum successorem meum per Dominum omnipotentem, cunctosque fratres & sacerdotes nostros confestor, quatenus ei fideliter

suadeant ut si facultas permiserit, & illi plaquerit, per singulos annos in die obitus & aniversarii mei de suo faciat prædictis sacerdotibus tam monachis quàm & Canonicis & reliquis Clericis atque pauperibus plenam atque bonam refectiorem. Et si illi hoc durum, quod absit, aut difficile fuerit, tunc de villa Buxarias, quam fratribus & Canonicis nostris per testamentum firmiter corroboratum & per præceptum Domini Hludovici piissimi Imperatoris confirmatum sponte & devotissimè tradidi, atque perpetualiter possidendam & perfruendam reliqui, illa refectio quæ modò & sicut modò præparatur & agitur in die natalis & ordinationis meæ, precor ut convertatur funditus in die obitus & aniversarii mei, & sicut in prædicto testamento continetur per omnia ita agatur, & sicut in eo scriptum est devotissimè & fidelissimè perficiatur, ut refectiorem & consolationem habeant in illa die tam sacerdotes & Clerici quàm & pauperes & indigentes qui pro me miserrimo peccatore oraverint, ut omnes devota mente inibi requiem æternam habere exorent suppliciter. Insuper supplico prædictum successorem meum ut præfatum testamentum meum, quod de præfixa villa Buxarias feci, fratribus & Canonicis nostris per omnia conservet, & sicut in eo continetur insertum de quinque refectiombus eorum & aliorum sacerdotum ac Clericorum atque pauperum diligenter adimplere faciat, ut omnes per singulas festivitates exorent & dicant: *Aldrico, Domine, Pontifici nostro da requiem æternam & vitam sempiternam. Amen.* De jam dictis ergo rebus nemo aliquid meum putet esse nisi ad immeliandum & canonicè dispensandum, quoniam Domino omnia quæ in hac chartula memorata & conscripta sunt per hoc testamentum præsens taliter tradidi, & ad prædicta explenda & peragenda firmiter de-

legavi, & sicut in hac paginula distinctum & insertum est summopere deprecando fieri jussi & postulavi; & si quis aliter, in quantum facultas fuerit, aut deterius de præscriptis rebus Dominoque oblati ad præfixa peragenda egerit, ante tribunal Domini nostri Iesu Christi de sua præsumptione tremebundam deducat rationem. Obnixè quoque omnes precor ut taliter ex omnibus in hac chartula conscriptis agant qualiter in conspectu Domini, quod absit, & vitam æternam Domino tribuente unà cum sanctis & electis Dei habere mereantur. Amen.

XXXVII. SEQUITVR EXEMPLAR

*præcepti Domni Hludovici piissimi Augusti
super præscriptam descriptionem de eleemosyna
Aldrici Episcopi causa firmitatis & in-
convulsionis facti.*

IN nomine Domini Dei & Salvatoris nostri Iesu Christi. Hludovicus divina repropitiante clementia Imperator Augustus. Notum igitur esse volumus omnibus fidelibus nostris præsentibus & futuris quia Aldricus Cenomanicæ urbis venerabilis Episcopus obtulit ad relegendum majestatis nostræ obtutibus quoddam devotionis atque dispositionis suæ scriptum quo statuerat atque religiosa distributione disposuerat qualiter res quæ tempore suæ decessionis in episcopio sibi commissio invenirentur, in sua eleemosyna secundum voluntatem modumque à se ecclesiasticè descriptum fideliter largirentur, petens humiliter ut quod à se pia devotione votoque religiosissimo constabat dispositum, nostra imperiali auctoritate fieret inconvulsus. Cujus venerabilibus supplicationibus annuentes hanc nostræ auctoritatis conscriptionem ei fieri jussimus; per

quam decernimus atque sancimus ut quemadmodum ab eo per memoratum scriptum dispositum atque distributum constat, ita modis omnibus observetur atque firmissimè teneatur, neque cujuscumque cupida improbitas improbaque cupiditas id ullo astu convellere audeat, aut quippiam in suos usus retorqueat, sed sicut ab eo, ut, diximus, religiosissimè statutum liquidò cernitur, ita ab his quos ad eandem distributionem impetrandam elegerit, incunctanter atque intrepidè perficiatur; quatenus & ipse tantæ dispositionis fructum in æterna beatitudine ab omnium retributore percipiat, & nos ejusdem beatitudinis consortium copiosius consequi mereamur. Ut igitur hæc nostra auctoritas inviolabilem obtinere valeat vigorem, de anulo nostro subter eam jussimus sigillari.

Hirminmarus Notarius ad vicem Hugonis recognovi & subscripsi.

Data VII. Idus Septembris anno Christo propitio x xv. imperii Domini Hludovici piissimi Augusti Indictione prima.

Actum Carisiaco palatio regio in Dei nomine feliciter. Amen.

XXXVIII. E X E M P L A R
*immunitatis sanctæ Mariæ & sancti Gervasi
 & Aldrici Episcopi de monasterio sanctæ
 Mariæ.*

IN nomine Domini Dei & Salvatoris nostri Iesu Christi. Hludovicus divina repropitiante clementia Imperator Augustus. Si sacerdotum servorumque Dei justis & rationabilibus petitionibus aurem accommodamus, eorumque justas & rationabiles postulationes ad optatum effectum perducimus, non solum regiam & imperatoriam exercemus consue-

tudinem, sed etiam eosdem pro excessibus nostris Domini misericordiam exorandos devotiores promptioresque facimus, atque per hoc immensam Dei misericordiam facilius nobis conciliandam esse confidimus. Idcirco notum esse volumus cunctis fidelibus sanctæ Dei Ecclesiæ nostrisque presentibus scilicet & futuris quia Aldricus venerabilis Episcopus obtulit nobis quasdam auctoritates Regum Francorum videlicet decessorum nostrorum erga monasterium suum quod extra muros ejusdem urbis in honore sanctæ Dei genitricis Mariæ & sancti Petri Apostolorum principis aliorumque sanctorum situm atque consecratum est factas per quas eum immunem à quibuscunque publicis functionibus statuente sub sua immunitate & defensione constituerunt, suppliciter postulans ut pia facta antecessorum nostrorum consueta benignitate & mansuetudine nostræ celsitudinis roboranda imperiali auctoritate sanciremus. Cujus precibus aurem favoris libentissime accommodantes, has auctoritatis nostræ litteras circa memoratum monasterium fieri jussimus; per quas præcipientes volumus atque jubemus ut nullus quilibet majoris aut inferioris ordinis seu quisquam ex judiciaria potestate in curtes & villas seu loca aut agros ejusdem monasterii ad causas judiciario more audiendas & inferenda exigenda, aut teloneos requirendos, nec freda aut fidejussores tollendos, seu mansiones aut paratas faciendas, aut homines ipsius monasterii tam ingenuos quam servos distringendos, nec ullas redibitiones requirendas seu exigendas, ullo unquam tempore ingredi præsumat aut exigere audeat; sed quicquid exinde fiscus sperare poterat, totum in luminaria ejusdem Ecclesiæ atque necessitates congregationis in eo Domino militantis sublevandas ac fulciendas perpetuo cedat atque proficiat; quatenus memoratam congregatio-

nem pro nobis, conjuge, ac prole nostra, & stabilitate totius imperii nostri Domini misericordiam attentius exorare delectet. Si quis autem iudicariæ potestatis tam temerarius extiterit ut hanc nostram eorumque præceptiones violare conetur, noverit se, sicut in prædecessorum nostrorum immunitatibus continetur, d. c. sol. esse multandum; ex quibus duas partes rectores memorati monasterii, tertiam verò fiscus noster recipiat. Et ut hæc nostra auctoritas inviolabilem & inconvulsam obtineat firmitatem, manu propria subter eam firmavimus, & anuli nostri impressione adsignari iussimus.

Signum Hludovici piissimi Imperatoris.

Hirminmarus Notarius ad vicem Hugonis recognovit & subscripsit.

Data X. Kal. April. anno Christo propitio XXIII. imperii Domni nostri Hludovici piissimi Augusti, Indictione IIII.

Actum Aquisgrani palatio regio in Dei nomine feliciter. Amen.

XXXIX. ITEM EXEMPLAR
præcepti Domni Hludovici piissimi Imperatoris de monasterio Anisolæ Aldrico Episcopo & Ecclesiæ sibi commissæ imperialiter actum quando prædictus Dominus Hludovicus Imperator illud canonicè atque legaliter reddidit Ecclesiæ sanctæ Mariæ & sancti Gervasii, memorato Aldrico ejusdem matris Ecclesiæ Episcopo.

IN nomine Domini Dei & Salvatoris nostri Iesu Christi. Hludovicus divina repropitiante clementia Imperator Augustus. Si petitionibus sacerdotum servorumque Dei, justis & rationalibus [postulationibus]

Aulationibus pro quibuscumque Ecclesiarum sibi commissarum negotiis & necessitatibus eorum aures nostras libenter annuimus, & eas cum Dei auxilio ad effectum perducimus, non solum regiam & imperatoriam exercemus consuetudinem, sed id nobis ad æternæ remunerationis præmia percienda pro futurum liquidò credimus. Idcirco notum esse volumus cunctis fidelibus sanctæ Dei Ecclesiæ & nostris præsentibus scilicet & futuris quoniam adiens serenitatem nostram Aldricus venerabilis Cenomanicæ urbis Episcopus innotuit nobis quòd monasterium Anisole situm infra terminos parrochiæ suæ, in quo etiam sanctus Carilephus corpore requiescit, à jam dicto Domno Carilepho concedente atque ordinante Domno Innocente præscriptæ urbis quondam Episcopo de rebus tam sui episcopii quam & de rebus aliorum bonorum hominum tam Regum quam & aliorum nobilium virorum memorato Domno Carilepho traditis, quas & ipse postea per instrumenta chartarum & per licentiam sive permissum atque consensum Childeberti Regis Francorum ad matrem & civitatis Ecclesiam, quæ est constructa in honore sanctæ Mariæ Dei genitricis & sanctorum martyrum Gervasii & Prothasii, instante & confirmante jussu prædicti Childeberti Regis Francorum, & tradidit atque canonicè & legaliter confirmavit, in quibus rebus prædictum monasterium fundatum à jam dictis sanctis viris atque constructum est, & à prædictæ sedis Pontificibus canonicè legibusque longo tempore possessum atque dominatum, sec quibusdam intervenientibus causis postmodum à jure præfatæ matris Ecclesiæ substractum & aliquo tempore injustè fuisse alienatum. Sed hæc omnia, ut nobis à Drogone fratre & Archicapellano nostro & à reliquis fidelibus Missis nostris, quibus hoc investigare & diligenter inquirere præcepimus, ve-

raciter renunciatum est & scriptis manifestatum à bonæ memoriæ Domno & genitore nostro Karolo gloriosissimo Rege Francorum ad liquidum^o olim fuisse tam per se quàm per fidelissimos Missos suos perscrutata & diligenter investigata, & post rei veritatem veraciter investigatam pleniterque per omnia cognitam ad jus & dominationem præscriptæ Cenomanicæ matris Ecclesiæ Franconi ejusdem Ecclesiæ Episcopo Anisolæ monasterium canonicè & legaliter redditum, & per suum præceptum, propria scilicet sua manu roboratum, & anuli sui impressione signatum, futuris temporibus jure ecclesiastico possidendum, ut verè quod assererat, veraciter nobis per omnia patefceret, obtulit obtutibus majestatis nostræ quædam instrumenta sanctorum propriis subscriptionibus firmata, monumenta videlicet chartarum, & prædicti Domni & genitoris nostri Karoli piissimi Augusti inquisitionem atque supranominatum præceptum, per quod, ut jam dictum est, præscriptum Anisolæ monasterium memoratæ matri Ecclesiæ solemniter & legaliter reddidit. Insuper detulit nobis nonnulla aliorum regum præcepta non pauca decessorumque nostrorum, Regum videlicet Francorum, propriis manibus corroborata, & sigillis eorum subter sigillata; quibus inspectis atque relectis evidenter ostenditur prædictum monasterium juris sæpeditæ sedis Cenomanicæ sibi commissæ esse, & in ipsius dominatione jure firmissimo debere persistere, qua de re humiliter implorans nostram ut quod tam evidentibus indiciis declaratur, nostra quoque assensione immo auctoritate declararetur. Quæ ita liquidius cognoscentes, eisque ob amorem Dei & ejusdem sanctæ sedis reverentiam favorem nostri culminis adhibere dignum judicantes, hanc auctoritatis nostræ præceptionem suis per tempora successoribus fieri ac dari jussimus, per

quam decernimus atque sancimus ut memoratum
monasterium Anisolæ, quod aliquandiu ab eorum
jure & ditione subtractum fuerat; ab hinc in poste-
rum habeant & possideant; ut quicquid more ec-
clesiastico de eo disponere voluerint, liberam habeant
potestatem, neque ullo deinceps tempore à jure
præscriptæ sedis ejusque rectorum qualibet occasio-
ne aut violentia segregetur, sed semper in illius re-
ctorumque ejus potestate & dispositione & volunta-
te ad divinum cultum propensius exequendum
cum omnibus ad se pertinentibus integerrimè sin-
cerissimèque perpetuo consistat. Et ut hæc nostræ
redditionis auctoritas inviolabilem & inconvulsam
perpetuamque obtineat firmitatem, manu propria
subter firmavimus, & anuli nostri impressione ad-
signari jussimus.

Signum Hludovici piissimi Imperatoris.

Hirminmarus Notarius ad vicem Hugonis re-
cognovi & subscripsi.

Data VII. Idus Septemb. anno Christo propitio
x x v. imperii Domni Hludovici piissimi Augusti,
Indictione prima.

Actum Carisiaco palatio regio in Dei nomine
feliciter. Amen.

XL. EXEMPLAR. PRÆCEPTI

*Domni Hludovici piissimi Imperatoris de
moneta Aldrico Cenomanicæ urbis Episcopo
ejusque successoribus concessa.*

IN nomine Domini Dei & Salvatoris nostri Iesu
Christi. Hludovicus divina repropitiante cle-
mentia Imperator Augustus. Si sacerdotum servo-
rumque Dei justis & rationabilibus petitionibus ad
optatum aurem accommodamus, non solum regiam

& imperatoriam exercemus consuetudinem, sed etiam eosdem pro excessibus nostris Domini misericordiam exorandos devotiores promptioresque facimus, atque per hoc immensam Dei misericordiam facilius nobis conciliandam esse confidimus. Idcirco notum esse volumus cunctis fidelibus sanctæ Dei Ecclesiæ nostrisque præsentibus scilicet & futuris quia vir venerabilis Cenomanicæ urbis Episcopus Aldricus nomine nobis innotuit eò quòd antecessores sui, Merolus scilicet & Gauzciolenus, atque prædecessores eorum in prædicta urbe monetam publicam per præcepta bonæ memoriæ Domni & genitoris nostri Karoli & Pipini avi nostri sive Theoderici Regis atque anteriorum Regum plena eorum auctoritate concessam prædictam monetam habuissent, quæ propter ablationem rerum prædictæ sedis Ecclesiæ, sive propter vastationem earum, aliquo tempore, licet parvo, nostroque sive in fine genitoris nostri prædicta moneta dimissa & propter prædictarum rerum inopiam atque desolationem cessata esset; quam neque nos neque Dominus Karolus genitor noster neque ullus Missus noster nostra aut sua auctoritate prohibuit, sed solummodo propter præfatam indigentiam dimissa esset. Obtulit etiam antedictus Episcopus obtutibus nostris præcepta Regum prædecessorum nostrorum videlicet Francorum, in quibus continebatur quòd prædicta moneta antecessoribus prædicti Aldrici Episcopi à præscriptis Regibus concessa antiquis & modernis temporibus fuisset. Quæ & nos relegentes tanta invenimus, & signa atque sigilla Regum prædecessorum quoque nostrorum in eis inspicientes, vera esse quæ dicebat cognovimus. Idcirco præcipientes jubemus ut nullus Missus noster vel Comes ipsius provincie aut quilibet ex judiciariæ potestate ei successibusque suis ex præfata moneta ullo unquam tem-

pore aliquam calumniam aut molestiam aut injuriam pulsationem sive causationem atque machinationem facere præsumat, sed nostris futurisque temporibus præscripta moneta in præfata urbe sæpèdicto Episcopo atque ejus successoribus permaneat; ita tamen ut hoc prævideat tam præfixus Aldricus quàm & sui successores, ut aliqua falsitas in ipsa moneta non appareat. Et ut hæc concessio nostra de prædicta moneta futuris conservetur temporibus, quam nos pro Dei amore & pro reverentia ipsius loci fieri jussimus, & veriùs credatur & diligentius conservetur, manu nostra subter firmavimus, & de anulo nostro sigillari jussimus.

Signum Hludovici piissimi Imperatoris.

Hirminmarus Notarius ad vicem Hugonis recognovi & subscripsi.

Data XI. Kal. Aprilis anno Christo propitio
xxxiii. imperii Domni Hludovici piissimi Augusti,
Indictione xiv.

Actum Aquisgrani palatio regio in Dei nomine feliciter. Amen.

XLI. ITEM EXEMPLAR
præcepti immunitatis Domni Hludovici Imperatoris de sancti Carilephi monasterio de Aldrico Episcopo impetratum.

IN Nomine Domini Dei & Salvatoris nostri Iesu Christi. Hludovicus divina repropitiante clementia imperator Augustus. Si sacerdotum servorumque Dei justis & rationabilibus petitionibus aurem accomodamus, eorumque justas & rationabiles postulationes ad optatum effectum perducimus, non solum regiam & imperatoriam exercemus consuetudinem, sed etiam eosdem pro excessibus

nostris Domini misericordiam exorandos devotiores promptioresque facimus, atque per hoc immensam Dei misericordiam facilius nobis conciliandam esse confidimus. Idcirco notum esse volumus cunctis fidelibus sanctæ Dei Ecclesiæ nostrisque præsentibus scilicet & futuris quia Aldricus venerabilis urbis Cenomanicæ Episcopus obtulit nobis quasdam auctoritates Regum Francorum decessorum videlicet nostrorum erga monasterium suum quod infra terminos prædictæ urbis parrochiæ in loco qui vocatur Anisola, in quo sanctus Carilephus corpore requiescit, in honore prædicti sancti Carilephi aliorumque sanctorum situm atque consecratum est factas, per quas eum immunem à quibuscunque publicis functionibus statuantes sub sua immunitate & defensione constituerunt, suppliciter postulans ut pia facta antecessorum nostrorum consueverat benignitate & mansuetudine nostræ celsitudinis roboranda imperiali auctoritate sanciremus. Cujus precibus aurem favoris libentissimè accomodantes, has auctoritatis nostræ litteras circa memoratum monasterium fieri jussimus; per quas præcipientes volumus atque jubemus, ut nullus quislibet majoris aut inferioris ordinis seu quisquam ex judiciaria potestate in curtes vel villas seu loca aut agros ejusdem monasterii ad causas judiciario more audiendas, vel inferenda exigenda, aut teloneos requirendos, nec freda aut fidejussores tollendos, seu mansiones aut paratas faciendas, aut homines ipsius monasterii tam ingenuos quàm servos distringendos, nec ullas redibitiones requirendas sive exigendas ullo unquam tempore ingredi præsumat, aut exquirere audeat; sed quicquid exinde fiscus sperare poterat, totum in luminaria ejusdem Ecclesiæ atque necessitates congregationis in eo Domino militantis sublevandas ac fulciendas perpetuè

cēdat atque proficiat: quatenus memoratam congregationem pro nobis, conjuge, ac prole nostra, & stabilitate totius imperii nostri Domini misericordiam attentius exorare delectet. Si quis autem judiciarie potestatis tam temerarius extiterit ut hanc nostram eorumque præceptiones violare conetur, noverit se, sicut in prædecessorum nostrorum immunitatibus continetur, ꝑ c, sol, esse multandum; ex quibus duas partes rectores memorati monasterii, tertiam verò fiscus noster accipiat, Et ut hæc nostra auctoritas inviolabilem & inconvulsam obtineat firmitatem, manu propria subter eam firmavimus & anuli nostri impressione adsignari jussimus.

Signum Hludovici piissimi Imperatoris,

Hirminmarus Notarius ad vicem Hugonis recognovi & subscripsi,

Data VII. Idus Septembris anno Christo propitio xxv. imperii Domni Hludovici piissimi Augusti, Indictione prima.

Actum Carisiaco palatio regio in Dei nomine feliciter. Amen,

XLII. ITEM EXEMPLAR
præcepti Domni Hludovici piissimi Imperatoris de villa Lugduno, quod fecit prædictus Imperator Cenomanicæ matris Ecclesiæ & Aldrico ejusdem Ecclesiæ Episcopo.

IN nomine Domini Dei & Salvatoris nostri Jesu Christi. Hludovicus divina repropitiante clementia Imperator Augustus. Si fidelium nostrorum justas & rationabiles petitiones ac postulationes, quas pro utilitate & exaltatione sanctæ Dei Ecclesiæ exposcunt, ad optatum effectum perducimus, non solum regiam atque imperialem consue-

tudinem in hoc exercemus, sed etiã eos nobis promptiores, ut credimus, atque devotiores facimus. Idcirco omnibus sanctæ Dei Ecclesiæ fidelibus & nostris præsentibus scilicet & futuris notum esse volumus quia Banzlegbus Comes & Saxoniae patriæ Marchio noster nobis innotuit quòd quandam villam sitam in pago Cenomanico nomine Lugdunum de jure canonicae matris Ecclesiæ per nostrum beneficium possideret, de qua per singulos annos nonas & legitimos census atque decimas partibus præfatæ matris Ecclesiæ & ejusdem rectoribus persolveret. Qua de re memoratus Banzlegbus pertractans calum humanæ fragilitatis, & pavescens ultimum vocationis diem, timensque ne præfata villa aliquo cupiditatis suæ stimulo vel quolibet ingenio à jure præscriptæ matris Ecclesiæ alienata fieret, ideoque fervens amore divino, adiit clementiam nostram suppliciter deprecans ut memoratam villam nomine Lugdunum cum omnibus ad se pertinentibus partibus prædictæ Cenomanicæ sedis Ecclesiæ & Aldrico ejusdem urbis venerabili Pontifici, præsentialiter nostra imperiali auctoritate redderemus, & hanc redditionem per nostrum præceptum futuris temporibus firmius eidem Ecclesiæ suisque rectoribus possidendam confirmassemus. Cujus petitionem ob amorem Dei & reverentiam ejusdem sancti loci servorumque Dei inibi Domino famulantium libenter audivimus, & deprecationem ac pium desiderium ejus ad opus effectum adimplere dignum duximus. Quapropter per hoc nostræ auctoritatis scriptum statuentes decernimus atque jubemus ut quemadmodum sæpèdictus Banzlegbus fidelis noster memoratam villam cum omni integritate, sicut illa die sub jure nostræ potestatis erat quando à largitione nostra ipsum beneficium accepisse constat pro emolumento animæ nostræ & stabilitate imperii nostræ

memorato venerabili Aldrico Episcopo ad partem suæ Ecclesiæ præsentaliter reddidimus, ut in perpetuo in utilitates & usus ejusdem Ecclesiæ Deoque in ea deservieptium permaneat. Idcirco suggerentibus atque humiliter postulantibus prædictis fidelibus nostris, memorato videlicet Aldrico venerabili Episcopo & Banzlegbo jam dicto fidei nostro, hoc confirmationis nostræ atque redditionis præceptum sæpedito Aldrico Episcopo vel ad partem jam dictæ urbis fieri jussimus; per quod decernimus atque jubemus ut nullus sub ditione imperii nostri degens ullo unquam tempore de prædicta villa vel de omnibus ad eam pertinentibus in quibuscunque pagis vel locis sæpedito Aldrico Episcopo suisque successoribus ullo unquam tempore inquietudinem facere præsumat aut quamlibet calumniam ingerere, sed liceat ei & successoribus suis quieto ordinè memoratam villam cum omnibus locis & territoriis sive mancipiis & cum omnibus ad se pertinentibus jure ecclesiastico tenere & possidere; & quicquid pro oportunitate & commoditate præfatæ sedis Ecclesiæ exinde facere decreverint, liberam in omnibus habeant futuris temporibus potestatem faciendi. Et ut hæc nostræ redditionis auctoritas perpetuam obtineat firmitatem, manu propria subtér eam firmavimus & de anulo nostro sigillari jussimus.

Signum Hludovici serenissimi Imperatoris.

Hirminmarus Notarius ad vicem Hugonis recognovi & subscripsi.

Data X I. Kalend. Aprilis anno Christo propitio xxv. imperii Domni Hludovici piissimi Augusti, Indictione prima.

Actum Aquisgrani palatio regio in Dei nomine feliciter. Amen.

XLIII. DE DEDICATIONE *senioris altaris Anisole monasterii.*

ANno incarnationis Domini* nostri Jesu Christi
DCCCXXXVIII. Indictione verò prima,
anno siquidem xxv. imperii Domni Hludovici
piissimi Imperatoris, anno sexto ordinationis Aldrici
Cenomanicæ urbis Episcopi, quinto quoque
Iduum Maiarum die, solemniter senius dedicatum
est altare senioris Ecclesiæ monasterii Anisolæ à
præfixo Episcopo Aldrico in honore Domini Sal-
vatoris & sanctæ ejusdem Dei genitricis Mariæ
sanctique Martini confessoris præcipui. In præfixo
ergo Iduum die cum psallentio susceptus est jam
dictus Aldricus Episcopus, primò postquam ei red-
ditum fuit memoratum Anisolæ monasterium à
Domno Hludovico Imperatore, à monachis & re-
liquis nobilibus hominibus in ipso monasterio; cui
Dominus precibus prædictorum & omnium sancto-
rum æternam tribuat vitam. Amen.

Præsul, ave, noster cuncti te, Aldrice, rogamus,
Nunc altus Dominus, nunc humilisque pater.

En tua fama sacri vulgans præconia facti
Gallorum celsas venit ad usque domos.

Qui es pia spes patriæ, solamen & optima virtus,
Ast murus fortis, & clipeus validus.

XLIV. DE HOSPITALIVM

*constitutione & receptione, & de sex sancto-
rum corporibus in sinu matris Ecclesiæ delatis
& collocatis, quorum nomina hic habentur in-
serta, & de XII. signis in clocariis matris
Ecclesiæ collocatis per singulas horas reboan-
dis, & de consecratione Episcoporum & sacer-*

dotum ac reliquorum graduum sive sanctimonialium, atque de commemoratione dedicationum Ecclesiarum.

Memoratus igitur Aldricus Episcopus in præfata Cenomanica urbe duo hospitalia facere studuit. Vnum idque juxta præfatam Cenomanicam urbem super fluvium Sarthæ à radice pontis sanctæ Mariæ propter abundantiam aquarum & pascuorum construere certavit, ad receptionem videlicet Episcoporum & Comitum atque Abbatum sive cunctorum adventantium, in quo & Ecclesiam construxit, quam & in honore sancti Stephani solemniter dedicavit, & alia ædificia ad prædictum opus faciendum rationabiliter & mirifice ordinabiliterque construxit & disposuit. Alterum ergo hospitale juxta matrem & senioris civitatis scilicet Ecclesiam infra urbem construxit, in quo pauperes & debiles, cæci ac claudi, sive aliarum debilitatum subnixi & indigentes multi reciperentur, quibus alimenta & lectorum stramenta sufficienter & discretè ministrarentur. Præfixa quoque hospitia jam dictus Aldricus venerabilis Episcopus de rebus suæ sedis Ecclesiæ nobiliter dotavit, & villulas seu decimas, sicut in testamentis de is factis continetur insertum, unà cum consensu Episcoporum multorum & suorum consacerdotum ad memorata hospitalia & ad usus hospitum ac peregrinorum atque pauperum sive reliquorum adventantium canonicè rationabiliterque contradidit, & per testamenta ab Episcopis & sacerdotibus sive reliquis nobilibus & liberis hominibus roborata confirmavit. Præscriptus quippe Aldricus jam dictæ urbis Episcopus venerabilis invenit quædam corpora sanctorum sex, quæ in desertis Ecclesiis valde divinis officiis & luminaribus atque reliquis divinis cultibus negligē-

bantur, quæ unâ cum consilio confacerdotum suorum in gremio suæ sedis Ecclesiæ & in confessione senioris ejusdem Ecclesiæ altaris decenter & rationabiliter collocavit, id est, corpus sancti Iuliani præfatæ urbis Episcopi & prædicatoris primi, & sancti Thuribii prædicti Episcopi Iuliani successoris, sanctique Pavacii jam dictæ urbis etiam Episcopi & prædicatoris optimi, seu sancti Romani sacerdotis præcipui &, ut fertur, nepotis sancti Iuliani & sanctæ Romanæ Ecclesiæ ministri, quem etiam sanctæ Iuliæ fratrem nonnulli esse testantur, atque sanctæ Tevestinæ præcipuæ virginis, quæ & monasteriolum sanctæ Mariæ in rebus senioris Ecclesiæ unâ cum adiutorio sancti innocentis præfixæ urbis Episcopi construxit, sed & sanctæ Adæ, quæ & Adrehildis alio nomine nominatur, quæ, ut legitur, deprecante prædicto sancto Innocente de monasterio sanctæ Mariæ quod situm est in urbe Suefionis ad Cenomanicam urbem venit, & ibi in suburbio Cenomanico in præfato monasterio sanctæ Mariæ regulam sancti Benedicti docuit, & eam inibi decenter ordinavit, & partem corporis sancti Liborii supradictæ urbis Episcopi & confessoris optimi, & maximam partem corporis sancti Haduindi, Antedicta quoque corpora sanctorum in Ecclesia quam præfatus Aldricus præfixæ urbis Episcopus in honore Domini Salvatoris & sanctæ ejusdem Dei genitricis Mariæ atque sanctorum martyrum Gervasii & Protasii sive sancti Stephani simulque & in veneratione omnium sanctorum solemniter consecravit, & in memorata ejusdem Ecclesiæ seniori altaris confessione prædicta corpora, ut præfixum est, solemniter decenterque & ordinabiliter collocavit, ea videlicet ratione ut inibi officia & luminaria & cetera ad divinum cultum & ad honorem sanctorum pertinentia pleniter haberentur, & post modum

ubiqueque necessitas construendorum poposcerit monasteriorum, singillatim præfixa corpora in unoquoque monasterio collocaret; quatenus ex eorum memoriis & apertis intercessionibus magis cultus cresceret divinus, & laus Dei in melius & multis modis multiplicaretur; sicut in posteris actum esse Domino annuente probatur. Ipse ergo Aldricus in præfata seniore & matre Ecclesia civitatis duodecim signa ex metallo optimo fundere & firmare studuit, quæ & in jam dicta seniore Ecclesia decenter in clocariis collocavit, & ad singulos cursus mirabiliter & ordinabiliter reboare & sonare disposuit, quatenus & per ea populum ad Ecclesiam decenter & solemniter convocaret, & ex eis plura & multimoda laus Domini exornaretur & cresceret, ut & in cymbalis bene sonantibus cuncti assidue Dominum laudarent, & quandocunque dulcis eorum sonus in auribus populorum reboaret, de eorum sceleribus omnes recordarentur, & pro eis Domini misericordiam singulis horis invocarent, quatenus remissionem & absolutionem eorum percipere mererentur, & mundi atque puri ab omnibus sordibus peccatorum fierent, atque ad sempiternam pervenire gloriam mererentur. Præfatus igitur Aldricus Episcopus tantæ fuit dignitatis & honoris amorisque ut usque ad Romanam sedem ejus rumor pervenerit, eique Dominus Gregorius Romanæ sedis Ecclesiæ venerabilis Apostolicus Roma in pago Cænonianico suum vestimentum sacerdotale miserit, illud scilicet vestimentum quo in Pascha indutus fuerat. Misit etiam ei baculum pastorale, quod ferula nuncupatur, unâ cum sua epistola, vocans eum ut, si possibile foret, usque ad eum perveniret, eique concessit ut qualemcunque petitionem & benedictionem à sede sancti Petri accipere veller, aut per se ipsum aut per suum missum ei voluntarie & libenter

vide infra
cap. 71.

animo mitteret atque concederet. Fuit enim memoratus Episcopus Consiliarius Imperatoris & unus ex prioribus, quem tam Dominus Imperator quàm & sui optimates & regni procures obtemperabant & oppido credebant atque in omnibus obedientes ei se esse & benevoli dicebant. Sed inde valde tristabatur quòd sæpissime eum in palatio retinebant, & propterea suum ministerium ei ut desiderabat & volebat perficere non licebat, quoniam erat persæpe propè unum annum quòd de palatio non absoluebatur, sed ibi, licèt invitus, morabatur; & ideo multa remanserunt tam in sua civitate quàm & in suis monasteriis sive in sua parrochia imperfecta, sed & quædam nec inchoata quæ ad divinum cultum explendum & ad laudem omnipotentis Dei magnificandam atque ad utilitatem sanctæ Dei Ecclesiæ perficiendam facere prudenter disponebat & perfici desiderabat. Prædictus quoque Aldricus Episcopus fecit ordinationes per diversa & canonica tempora sexaginta. Episcopos ergo sacravit septem, Sacerdotes verò DCCC. Levitas DCCC. Subdiaconos quoque & reliquos ordines prout necessitas poscebat; quorum nomina propter prolixitatem & tædium scriptoris atque lectoris hic non inseruimus, sed in alia scedula, in qua nomina eorum & testes & titulos & tempora & reliqua quæ ad hoc pertinent plenius inseruimus; ut si quis hæc plenius nosse voluerit, in ea reperire valeat, vel si aliqua altercatio de eorum ordinatione futuris temporibus orta fuerit, in ipsa scedula appareat pleniter declaratum qualiter aut qua ratione sive ad quos titulos ordinati esse noscuntur. Ipsam enim scedulam apud senioremem custodem matris & civitatis Ecclesiæ reperire poterit si quis voluerit. Sacravit etiam prædictus Pontifex virgines inter monachas & Canonicas per diversa & canonica tempora CXX. In monaste-

fio videlicet Intramnenſi monachas virgines canonicè ſacravit **LXV.** Et in monaſterio ſanctæ Mariæ juxta urbem ſuper fluvium SARTHÆ, quod ipſe à novo fundavit & ornavit, monachas virgines conſecravit **XXXVIII.** & reliquas canonicas virgines per diverſa loca Domino militantes **XVII.**

XLV. DE TRANSLATIONE
corporis ſancti Pavacii & dextri brachii ſancti Liborii.

ANno incarnationis Domini noſtri Jeſu Chriſti **DCCCXL.** Indiſtione **III.** anno verò impetij Hludovici piſſimi Auguſti **XXVII.** & anno **VIII.** Aldrici hujus parrochiæ Episcopii atque hujus cœnobii fundatoris, **VII.** videlicet Iduum Juliarum die, ſolemniter tranſlatum eſt à præſcripto Episcopio & ab aliis Episcopis & ſacerdotibus & reliquis ſacris ordinibus corpus ſancti Pavacii & brachium dextrum ſancti Liborii in hanc ſancti Salvatoris Eccleſiam, hucque in nobiliſſima urna decenter à præfixis Episcopis & ſacerdotibus ſubſequentibus ſignis humatum; quorum precibus ab omnibus petimus liberari malis & cunctis frui æternaliter bonis, ipſo auxiliante cui eſt honor & gloria in ſæcula ſæculorum. Amen.

XLVI. CONSTITVTIO ALDRICI
urbis Cenomanicæ Episcopii de luminaribus & incenſibus Eccleſiæ ſenioris civitatis.

CONſtitutum eſt ab Aldrico Ceneimanicæ civitatis Episcopio ut ardeant per quotidianas noctes in ſeniori Eccleſia de oleo à vespere per totam noctem uſque manè tria; & de cera, quando tempus dictaverit, una; & ad nocturnas ſive matutinas

ardeant luminaria per quotidianas noctes de oleo decem & de cera quinque, tria ante senius altare, & quartum ante altare sanctæ Trinitatis vel crucifixum, & quintum ante altare sancti Iohannis. Illa verò luminaria quæ de oleo sunt ardeant per altaria & loca destinata, unum inter senius altare & sedem episcopalem, & aliud ante gradus senioris altaris; & tertium in medio choro, & quartum in exitu chori, & quintum ante altare sancti Georgii & sancti Felicis atque sancti Symphoriani & aliorum sanctorum quorum nomina super eo adscripta adesse videntur, & sextum ante altare sanctæ Agathæ & sanctæ Felicitatis & sanctæ Sabinæ & aliarum sanctarum virginum quarum nomina super illud scripta adesse videntur, septimum ante altare sanctæ Trinitatis, & octavum ante aram sancti Iohannis Baptistæ & nonum ante altare omnium sanctorum, & decimum ante aram sancti Christophori & sancti Hypolitii atque sancti Saturnini & reliquorum sanctorum quorum nomina super illud scripta esse videntur, & undecimum ante altare sancti Victorii & sancti Brixii atque sancti Arvei & reliquorum sanctorum in quorum honore factatum esse cognoscitur. In dominicis verò omnibus noctibus & in festiuitatibus x. sanctorum constitutum est ut amplius incendantur & ardeant luminaria xxx. de oleo & quinque de cera, & in festiuitate sancti Iohannis Apostoli & Evangelistæ, & in festiuitate sanctorum Innocentium, & in octavis Domini, sive in octavis Epiphaniæ, & in festiuitate sanctæ Agnetis, seu in festiuitate sanctæ Agathæ, & in festiuitate Apostolorum Philippi & Iacobi, & in inuentione sanctæ crucis, & in festiuitate sancti Petri, similiter & in festiuitate sancti Pauli, seu in festiuitate sancti Laurentii, & in decollatione sancti Iohannis Baptistæ, sive in festiuitate sancti Michaelis Archangeli, atque in festiuitate

vitate sancti Bartholomæi Apostoli, & in festivitate
 sancti Matthæi Apostoli & Evangelistæ, sive in fe-
 stivitate Apostolorum Simonis & Iudæ, nec non &
 in festivitate omnium sanctorum Kalendis Novem-
 bris, atque in festivitate sancti Martini, & in festi-
 vitate sanctæ Cæcilie virginis & martyris, atque in
 festivitate sancti Andree Apostoli. In his quoque
 festivitatibus amplius agatur, id est, in Epiphania &
 in Purificatione sanctæ Mariæ & in Ascensione
 Domini, seu in Pentecosten, & in dedicatione occi-
 dentalis partis Ecclesiæ senioris & altaris sancti
 Ioannis Baptistæ, quæ est X I. Kal. Iulii, & in
 nativitate sancti Iohannis Baptistæ, & in Assump-
 tione sanctæ Mariæ, & in nativitate sanctæ Mariæ,
 seu in natale Episcopi, quæ agitur in die festivitatis
 sancti Thomæ Apostoli, atque in dedicatione matris
 & senioris Ecclesiæ suæ senioris altaris. In his nam-
 que festivitatibus constitutum est ut ardeant lumi-
 naria triplicata, id est, de oleo x c. & cera x. hoc
 scilicet centum vel eo amplius, prout opportunitas
 & locus fuerit. Tamen nullo modo concessum est
 ut minus, sed amplius. In nativitate autem Domini
 tam festivè constitutum est fieri sicut illos dies de-
 cet; & in festivitate sanctorum Gervasii & Protha-
 sii sive sancti Stephani prout melius potuerit fiat.
 Est etiam constitutum a prædicto Episcopo ut in-
 census boni odoris offeratur per singula altaria &
 deferatur fratribus in Ecclesiam convenientibus &
 populis ad Ecclesiam venientibus ad matutinas &
 ad Missam sive ad vespervas atque completorium.
 Hæc autem per singulos quodidianos dies devotissi-
 mè, in dominicis verò diebus & in festivitatibus am-
 pliùs & solemnius agatur.

XLVII. Placuit etiam in hac scedula, quæ de
 quibusdam actibus Pontificum Cenomanica in urbe
 degentium usque ad Aldricum ejusdem urbis Epif-

copum conscripta esse dinoscitur, inferere relationem sive memoriale qualiter prædictus Aldricus antedictæ urbis Episcopus monasterium Anisole, in quo sanctus Carilephus confessor præcipuus corpore requiescit, ante Domnum Hludovicum Imperatorem legibus conquissivit; ut si deinceps aliqua altercatio de eorum fuerit, præfati memorialis exemplar in hac scedula conscriptum bonis hominibus ad relegendum appareat. Quod si aliquis ex hoc aliquam pulsationem prædictæ matri & civitatis Ecclesiæ deinceps suisque successoribus ullo unquam tempore facere tentaverit, in hac scedula reperiat qualiter evindicatum fuerit, & quid repetierit evindicare non valeat, sed subter inserta evindicatio firma & stabilis omni tempore permaneat.

*INCIPIT RELATIO VEL
evindicatio sive memoriale qualiter monasterium Anisole ad jus Cenomanicæ matris Ecclesiæ ante Domnum Hludovicum Imperatorem ab Aldrico Episcopo canonice & legibus evindicatum fuit.*

IN nomine Domini nostri Iesu Christi. Temporibus Hludovici piissimi Augusti subter inserta causatio vel evindicatio fuit de monasterio Anisole inter Aldricum Episcopum & Sigismundum Abbatem, qui illud tunc tenebat. Nam præfatus Aldricus dicebat & scriptis & testibus approbrabat quod de jure suæ sedis Ecclesiæ præfatum monasterium cum omnibus ad se pertinentibus esse debebat, & sui antecessores illud ex rebus Cenomanicæ matris Ecclesiæ magna ex parte fundarant, & ad ipsam matrem Ecclesiam subiectum esse debebat, & hoc legibus affirmabat. E. contra Sigismundus dicebat

quod proprium Domni Imperatoris esse debebat, & non de prædicta Ecclesia : sed nullam veram auctoritatem exinde ostendebat nisi tantum unam epistolam quam Pipinus propter odium Gauzioleni Episcopi cuidam suo monacho fecerat ut illi subiectum esset & non Gauzioleno ; & hoc propter odium Gauzioleni factum esse perscrutatum est. Quia quando fuit Pipinus Cenomanica in patria, & de quadam persecutione inimicorum suorum reversus per Cenomanicam patriam transibat, tunc eum præfatus Gauziolenus & suus frater Harivius non receperunt, sed infra Cenomanicam urbem cum omnibus quos secum conducere potuerunt se recluserunt, & Domnum Pipinum Regem illuc introire non permiserunt, sed damnum ei de suis hominibus facere nitebantur, & suum pincernam coram eo stantem, dum sua castra in vinea sancti Petri juxta urbem Cenomanicam posita erant, interfecerunt, & alios homines vulneraverunt. Videns autem Domnus Pipinus quod ibi proficere non potuit, vastans totam illam regionem, pergere cepit ad Franciam. Tunc in ipso itinere venit ad ipsum prædictum monasterium Anisolam, & præcepit illis monachis ut nullam obedientiam facerent jam dicto Gauzioleno, eo quod ei rebellis esset, sed sub suo mundeburdo vel sub sua tantummodo tuitione vel dominatione permanerent. Et tunc eis ac Siebaldo eorum Abbati talem epistolam dedit quod propter odium, ut dictum est, Gauzioleni, & non propter ullam aliam rem aut injustitiam factum esse liquet. Tunc enim ipse Siebaldus non fuit ausus ibi remanere, sed una cum Pipino usque in Franciam perexit. Postea vero cognoscens Pipinus quod injustè fecisset & propter odium Gauzioleni hoc egisset, præcepit filio suo Karolo & jurejurando contestatus est ut præfatum monasterium redderet Cenomanicæ matri

Ecclesiæ, cuius iustè esse debebat, ne aliquod detrimentum sua anima ex hoc haberet. Et sic fecit postea Dominus Carolus, & Franconi Episcopo illud reddidit, atque per præceptum suum prædictæ matri Ecclesiæ confirmavit. Multi autem hæcenus vivunt qui Domino Karolo hoc dicere audierunt, qualiter suus pater Dominus Pipinus ei hoc contestando facere præcepit. Et quando jam dictum monasterium Branconi reddidit, multi vivebant qui hoc Dominum Pipinum Karolo præcipere & contestari audierunt. Istam verò rationem pleniter prædictus Aldricus Episcopus perscrutatam apud veridicos homines habebat, & hoc testibus veris & bonis coram omnibus affirmabat. Taliter enim Aldricus & Sigismundus altercantes, pervenit ipsa ratio usque ad Dominum Imperatorem; qui hoc firmiter inquirere præcepit, & veraciter sibi renunciare iussit. Sed antequam ipsa causatio ante Dominum Imperatorem veniret, volebant eorum amici & boni homines eos inde pacare & concordare. Sed Aldricus Episcopus obtemperabat eorum iustis petitionibus, & Sigismundus non faciebat; sed quicquid ei iustè & rationabiliter sui amici agere suadebant, prædictus Sigismundus spernebat. Offerebat enim et memoratus Aldricus Episcopus ut aliquem censum ei ex hoc solveret, sicut sui antecessores prædicti Episcopi antecessoribus faciebant, & per suum beneficium illud tenere, & nunquam ei diebus vitæ suæ de illo aliquod impedimentum facere volebat, sed quietè & pacificè unà cum suis monachis eum inibi esse permittebat. Offerebat etiam & aliam causam prædicto Sigismundo, suadentibus prædictis amicis & bonis hominibus, jam dictus Aldricus Episcopus, ut si hanc non veller, saltem aliam faceret. Permittebat autem ei duas aut tres villas, quales sibi eligeret, per suum beneficium habere, & ex his nullum

servitium aut aliqua dona requireret, sed quicquid ex his vellet faceret. His omnibus à Sigismundo spretis, cœpit sæpeditus Episcopus suam justitiam justè & rationabiliter quærere, quia plenam & justam rationem sibi in hoc habere videbatur. Præcepit enim hanc justitiam inquirere Dominus Imperator Ebroino Pictaviensis urbis Episcopo & Erchino Parisiacæ civitatis Episcopo & Rorigoni Comiti & Altmaro Seneschalcho Domnæ Judith Imperatricis & Misso palatino unà cum aliis vassis dominicis. Sed dum hæc res ad effectum tunc minimè pervenit propter alias necessitates, & hoc Domino imperatori renuntiatum esset, præcepit ut ante se in suo palatio ipsa altercatio finirerur. Tunc ergo jussit Dominus Imperator ut haberent ambo eorum auctoritates & testimonia Aquisgrani palatio ad suum placitum quod ibi tempore quadragesimali cum Episcopis & Abbatibus & Comitibus & ceteris fidelibus suis habebat, ut ibi pleniter præfixa altercatio finem perciperet. Sed Sigismundus jam vocatus ad ipsum placitum minimè pervenit. Qua de re iterum Dominus Imperator per suam epistolam eum vocavit ut post Pascha veniret. Qui & hoc renuens, jam tertio vocatus minimè venit, neque missum aliquem misit cur hoc dimitteret. Tunc cernens Dominus Imperator suam inobedientiam & contumaciam, expectavit tamen adhuc post tertium conditum placitum quindecim dies ut veniret; sed cernens cum jam venire non velle, neque suam rationem justè diffinire, quia minimè hoc rationabiliter & veraciter se facere confidebat, & propterea venire ad placitum nolebat tunc Dominus Imperator interrogavit suos Consiliarios & Episcopos sive Abbates & Comites & reliquos fideles suos quid ex hoc facere deberet, & quale consilium ex hoc ei darent, & quid de tam inobediente suo præcepto facturum esset.

Tunc respondentes dixerunt utriusque ordinis omnes. Vidimus quòd iste Episcopus vester Aldricus habet suas auctoritates & præcepta regalia ~~per~~ genitoris vestri quàm & aliorum vestrorum antecessorum, videlicet Regum Francorum, in quibus, ut coram nobis relectum est, continetur insertum & sanctorum sacerdotum ac Regum manibus propriis corroboratum, quòd monasterium Anisolæ, unde agitur hæc iustitia, Cenomanicæ matri Ecclesiæ traditum fuit & ab Episcopis ejusdem matris Ecclesiæ constructum & ornatum atque legibus possessum. Habet etiam præfixus Episcopus, quos videmus & audimus, suos testes veros & bonos, qui has auctoritates firmas & veras esse testantur, & jurejurando quæ dicunt affirmant. Insuper testantur quòd infra legitimo tempore prædicta mater Cenomanicæ civitatis Ecclesia vestituram legitimam habuisset de prædicto monasterio, & adhuc triginta anni non sunt transacti quòd ex eo legitimam vestituram habuit, & propterea inde fuit modò alienatum quòd Franco Episcopus prædictæ Ecclesiæ suo propinquo Adalghyso illud impetraverit, ut pro illo regalia servitia & itinera faceret, quæ ille pro sua infirmitate & senectute facere non valebat. Affirmant etiam eundem Franconem aliquas villulas & quosdam vassallos casatosque, ut nominant, ex præfixo monasterio ad suum opus, dum advixit, retinere; sed illis ambobus defunctis non fuit ad præsens Episcopus ejusdem sedis qui Domnum Imperatorem Hludovicum ex hoc interpellaret ad tempus; & sic datum est alio, & tali occasione sublatum est de præfixa sede. Sed & hoc quod isti monachi dicunt quòd vestrum proprium esset, prædicti testes Aldrici Episcopi per eorum auctoritates & per vestros vassallos & alios veridicos & bonos homines affirmant non esse. Dicunt etiam, si vestrum proprium esset, res ipsius mo-

naſterii ſecundùm legem Salicam aut Ribuariam tuerentur ſicut alia loca & res quæ de veſtro ſunt proprio faciunt, & mancipia non partirentur, ſicut de aliis locis & rebus quæ de veſtro ſunt proprio in illà regione eſt conſuetudo facere; ſed de iſtis cauſis in rebus ſancti Carilephi ſicut in propriis, Domni Imperatoris obſervare apud eos eſt conſuetudo, nihil unquam conſervatum fuit; & pro iſtis cauſis affirmant & defendunt jam dicti teſtes ſæpèdictum monaſterium non veſtrum proprium aut alicujus eſſe, ſed de jure Cenomanicæ matris Eccleſiæ, de cujus rebus eſt fundatum, illud eſſe affirmant, quod & rationabiliter & legibus, ut nobis videtur, facere poſſunt. Teſtantur etiam ſuprà memorati teſtes quòd omnes Epiſcopi qui in prædicta civitate & in jam dicta ſede à tempore ſancti Innocentiſ Epiſcopi ſecundi, ſucceſſoris videlicet ſancti Victuriij, & à tempore ſancti Carilephi confeſſoris eximii fuerunt, prædictum monaſterium ſubjectum habuiſſent, exceptis duobus, quod propter prædictum odium & pro aliqua negligentia veraciter factum eſſe inquiſitum eſt. Teſtantur etiam quòd plus ad jus & ſubjectionem prædictæ matris Eccleſiæ præſatum monaſterium pertineat quàm ad veſtrum proprium aut ad aliam aliquam cauſam; & hoc, ſi aliqui teſtes contra ſe venerint, falſos eos, qualiter præceperitis, facere poſſe teſtantur firmiterque affirmant. Supradicta verò ratione hanc juſtitiam diligentiffimè ventilatam, rei veritatem cognoscentes, pleniter & rationabiliter legis divinæ & mundanæ nos utriuſque ordinis veſtri fideles auctoritate inſtructi, & plena ratione ſuffulti, judicamus voſque hortamur ut ei auferatur qui vobis inobediens extitit & ad veſtrum placitum non ſolùm ſemel aut bis vel ter vocatus venire contempſit, quia de ſua abſentia culpabilis & convictus eſſe cognoscitur, & ei veſtra auctoritate

nostroque iudicio reddatur præfatum monasterium qui vobis inobediens non fuit, nec ad placitum venire renuit, sed semper præsens cum suis auctoritatibus & nobilibus testibus affuit, & hoc pleniter & legaliter approbare est paratus quod suæ sedis Ecclesiæ præfatum monasterium esse debet. Et propterea præfato Aldrico Episcopo firma auctoritate ad jus suæ sedis Ecclesiæ præfatum monasterium cum omni integritate ut reddatur iudicamus. Quidam autem eorum dixerunt. De nobis ipsis aliter iudicare non possumus, quod si aliquis nostrum licet nemine querente, aut aliqua causatione pulsante, vocatus ad vestrum placitum venire contempserit, ni infirmitas aut legitima somnis eum detinuerit, & si aliqua somnis, aut infirmitas eum detinuerit, ni ipse suum advocatum aut suam excusationem rationabilem ad vos miserit, iussè & plena ratione perdere debet unusquisque nostrum quod de vestro habet. Et propterea sicut & de nobis, sic & de illo iudicamus; quia neutrum fecit, nec ipse venit, nec mandare studuit cur illud dimisit. Sed sicut isti homines qui præsentés adstant, id est, Hagano & Benedictus & alii, dicunt & affirmare volunt qualitercunque vobis placuerit, sive si aliquis ex vobis aliter dixerit, singulare certamen cum eo præliari sive in iudicio, si vobis placuerit, seu cum sacramento verum facere nulla non ob aliam causam præfatum Sigismundum remansisse, neque propter infirmitatem, neque propter aliam necessitatem, nisi quod venire, ne convinceretur, noluit, quia nullam iustitiam neque aliquam iustam aut rationabilem causam prædicta questione se habere confidebat. Et hæc prædicti homines quotidie ante vos & ante nos & reliquos fideles vestros clamant, & approbare, sicut prædictum est, vel qualiter vos placuerit & eis præceptum fuerit volunt. Et hoc sapissime publiciter in hoc pa-

latio est acclamatum & perquisitum nobis & ceteris fidelibus vestris audientibus ; sed nemo est qui eis contradicere aut resistere velit , sed plus dicunt omnes eos veritatem dicere. quod & verisimile nobis esse videtur. Sic vos jam quindecim dies per aliud placitum vel tertium ei concessum expectantes, neque suum advocatum aut suos auctoritates misit, neque ullam excusationem de se vel de suo contemptu facere noluit. Idcirco de sua absentia vel contumacia jam convictum atque damnatum eum esse legibus judicamus, ita ut nec ejus vox amplius de hac causa audiat. Et ut hoc quod dicimus & judicamus auctoritate canonum & legis plenius confirmemus, precamur ut nonnullæ sententiæ ad hoc pertinentes canonum & legum ante vos legere jubeatis. Et tunc publicè coram omnibus recitatæ sunt hæ sententiæ canonum & legum:

*EXCERPTVM EX DECRETIS
Papæ Bonifacii , capitulo III.*

MAnifestum est confiteri eum de crimine qui indulto & delegato judicio purgandi se occasione non utitur. Nihil enim interest utrum in præsentī Lib. 5. Capitular. c. 37.
lib. 7. c. 43. examine omnia quæ dicta sunt de eo comprobentur, cum ipsa absentia pro confessione constet.

Item ex decretis ejusdem Bonifacii Papæ.

NVlli dubium est quòd reus judicium nocens subtergit, quemadmodum ut absolvatur qui est innocens querit. Confitetur enim de omnibus quisquis se subterfugere judicium dilationibus putat.

Item ejusdem cujus supra.

CAvendum est ut si quis adesse neglexerit, dilationem sententiæ de absentia non lucretur; sed quæ malè pullulasse noscuntur, radicitus evellantur & emendentur.

Ex decretis Cælestini Papæ.

Non caret enim suspicione qui ad judicium venire contempserit & purgari se distulerit, quia ipsa absentia sua est comprobatio. Insuper occurret veritas, si falsitas displicet. Merito namque causa nos respicit si silentio faveamus errori. Ergo corripiantur qui hujusmodi sunt modis omnibus, ut veritas eorum versutiis non sopiatur, sed astuta eorum cavillatio aptissimè & prudenter omnibus manifestetur & emendetur, atque restituatur quod hætenus occultum & neglectum fuit.

Decreta Innoc. I. c. 35.

Item excerptum ex decretis Papæ Innocentii.

Decreta Cælestini I. c. 12.

Veritas sapius exagitata magis splendet ad lucem, & pernicies revocata in judicium gravius condemnatur. Nam fructus divinus est justitiam sapius recenseri, & errata corrigere, ablata restaurare. Nec otiosa ergo Dominus judex noster in nobis esse patitur quæ exercenda, non negligenda donavit.

Sequentia verò capitula ad eandem rationem pertinentia à sapientibus Comitibus & Scabinis dominicis sunt prolata; & per judicium coram omnibus sunt recitata.

*HÆC CAPITVLA QVÆ
subsequuntur de lege Romana sunt assumpta*

Imperator Valentinianus inter cetera Firmino Præfecto pratorio & Patricio data. Si quis pulsatus in judicio adesse noluerit, post secundam aut tertiam conventionem sciat se contumacis sententiam subiturum, id est, ut quicquid, si fuisset in judicio, addicendus erat petenti litigatori quasi victus exolvat. Data VII. Kal. Maii. Romæ Herculano V. c. Conf.

Novell. unica de Episc. judicio, in interpret.

Quinque capitula de effectu sententiarum & finibus litium Pauli sententiarum lib. V. Quicumque tribus auctoritatibus iudicis conventus, aut trinis litteris vel tribus edictis ad iudicium fuerit provocatus, aut uno pro omnibus peremptorio, id est, quod causam extinguit, fuerit evocatus, & præsentiam suam apud eum iudicem à quo ei denuntiaturum est exhibere non voluerit, adversus eum quasi in contumacem judicari potest. Quinimmo nec retractari per appellationem negotia possunt, quoties in contumacem fuerit iudicatum.

paul. lib. 5. sent. tit. 3. in interpret.

Item Theodosius libro quarto de sententiis ex periculo recitatum.

Imperatores Gratianus, Valentinianus, & Theodosius A A A, Clearcho Præfecto. Quicquid præsentibus partibus in causis fuerit ordinatum, habebit plenissimam firmitatem, nec poterit immutari. Data Kal. April. Honorio VIII. & Boëtio Consil.



*SEQVITVR SENTENTIA
de eadem lege Romana, de libro Pauli assumpta.*

SI enim iudicibus talia conceduntur, quanto magis Regibus & Imperatoribus fræna & lora ampliora & latiora relaxantur, quoniam de crimine majestatis gravius judicantur rei & incriminati quam alterius alicujus generis secularis: quia honor capitis decus est aliorum membrorum, & dedecus capitis ignominia est aliorum membrorum. Porro quia omnia membra sequuntur caput, scilicet ut in comparatione prædecessorum nostrorum, more videlicet antiquorum, loquamur, sicut ab illis non semel aut bis vel ter sed sæpe firmatum & definitum esse legimus, dehonoriatio & despectio seniorum & magistrorum & contumacia eorum contumelia est subditorum & juniorum, & honor & exaltatio atque benevolentia & obedientia seniorum & magistrorum honor & exaltatio est subditorum & juniorum, quia & illi ab istis & isti ab illis mutuò foveantur & exaltantur, & honor regni & populorum ampliatur, & vis atque justitia eorum crescit, & populus salvatur & exaltatur. Si quis autem contra hæc inire aut aliqua machinatione aliquid agere præsumpserit, damnatus in omnibus & ab omnibus interius exteriusque sententia ultionis feriat, ne in posterum quisquam talia agere præsumat, & si quis facere tentaverit, similiter damnetur, & ultionis sententiam non effugiat.

Item unde supra, si quis ad placitum venire distulerit.

SI quis subterfugiendo placitum huc illucque vadit, & ad placitum venire distulerit, & maxi-

mè si vocatus à iudicibus fuerit, omnimodis providendum est ne quærens suam justitiam pro tali occasione perdat, sed quasi convictus ille qui ad placitum venire distulerit, item culpabilis & convictus de sua absentia iudicetur, & deinceps hoc recuperare non valeat, sed magis metallis & aliis pœnis deputetur, ne ampliùs quisquam talia agere præsumat, & ille de sua versutia & absentia vicissè non lucretur, neque subterfugisse gaudeat, neque suam justitiam perdat. Data I X. Kal. Maii.

His & aliis auctoritatibus sanctorum patrum & canonum atque legum rationabiliter instructi iudicavimus & iterum iudicamus ut Aldrico sæpedito Episcopo jam dictæ res, qui semper pleniter instructus præsens adfuit, & nunquam ad suam justitiam comprobendam defuit, vestra auctoritate vestroque iudicio reddantur. Et si talis firmitas ex hoc facta sit quæ in posterum appareat, nunquam deinceps de hoc prædicta Ecclesia sibi commissa aliquod damnum aut scandalum aut ullam causationem patiatur. Et si aliquis, quod non credimus, ex hoc deinceps aliquam pulsationem aut causationem ei facere voluerit aut suis successoribus, evindicare non valeat, nec ejus vox penitus audiatur qui hoc facere tentaverit, sed hoc iudicium quod modò agitur, ratum futuris maneat temporibus, & vestra redditio firma & stabilis permaneat. His taliter peractis, hoc divisimus. Tunc Domnus Imperator coram illis reddidit Aldrico præfixo Episcopo per eorum iudicium plena auctoritate monasterium Anisola, in quo Domnus Carilephus corpore requiescit, ad jus Cenomanicæ matris Ecclesiæ, cui præfatus Episcopus præerat, futuris temporibus possidendum, & Missos ei dedit qui ei inde plenam vestituram facerent, Fulconem scilicet Comitem palatii & Arduinum & Gaufridum Comites & Folcraðum vassum

dominicum, qui postea, sicut Dominus Imperator eis iussit, plenam & legalem vestituram per cloccas & ostia senioris ipsius monasterii Ecclesie, in qua etiam sanctus Carilephus corporaliter requiescit, & per portas ipsius monasterii jam dicto Aldrico Episcopo multis coram testibus in ipso monasterio solemniter fecerunt. Hoc autem factum est anno incarnationis dominicæ DCCCXXXV. Indictione 11. & anno imperii præfati Domni Hludovici piissimi Imperatoris XXV. anno verò ordinationis sæpediti Aldrici Episcopi sexto. Pridie quoque Kalendarum Maiarum Aquisgrani palatio prædictum iudicium est actum, & in ipsa die ipsa ratio à præfixo Imperatore legibus est adimpleta & plena ratione peracta. Propterea ergo hoc memoriale conscribere libuit ut si aliqua altercatio deinceps exorta fuerit qualiter hæc res acta sit, per hoc memoriale declaratum appareat; ut si aliquis ex hoc aliquam querelam facere tentaverit, evindicare minimè valeat. Actum atque conscriptum est hoc memoriale Aquisgrani palatio Kal. Maii in sacrario sanctæ Mariæ, regnante Domino nostro Iesu Christo in perpetuum. Hæc verò chartæ & hæc præcepta publicè relecta & recitata sunt ante Dominum Imperatorem & Drogonem ejus fratrem & Archicapellanium, sive etiam ante suos Missos quos Dominus Imperator ad hanc causam audiendam & discernendam constituit, seu ante conscriptos Episcopos & Comites & ministros ac iudices, quando hoc iudicium in præscripto palatio iudicatum est, & quando præfatum monasterium ad jus præfixæ Cenomanicæ matris Ecclesie est legibus redditum & supradicto prætextu evindicatum, id est,

I. Traditio sancti Carilephi quam fecit sancto Innocenti Episcopo per licentiam & consensum Childeberti Regis.

II. Charta commendationis qualiter se Dominus Carilephus per licentiam sui Abbaris, exhortante Domino Avito, unà cum suis monachulis subdidit Ecclesiæ civitatis, & in manus sancti Innocentis Episcopi duabus vicibus se tradidit.

III. Precaria quam sanctus Carilephus accepit à sancto Innocente de eadem re.

IV. Præceptum Childeberti Regis quod jussit facere super traditionem sancti Carilephi & super precariam quam ipse sanctus Carilephus accepit à sancto Innocente.

V. Charta donationis de rebus & villulis, & auro & argento & vestimentis tam ecclesiasticis quam & aliis, sive libris & crucibus & capsis vel reliquiis sanctorum multorum quæ Dominus Innocens in adiutorium ad monasterium Anisolæ construendum & ornandum Domino Carilepho & suis monachalis per scripturam tradidit.

VI. Charta de conventionibus sancti Innocentis & sancti Carilephi miræ magnitudinis conscripta, & à quindecim Episcopis firmata, ut eorum conventiones nullo modo irritæ fierent, sed per omnia stabiles permanerent.

VII. Precaria quam sanctus Domnolus Episcopus Abbati suo Gallo fecit de monasterio sancti Carilephi.

VIII. Præceptum quod Chilpericus Rex sancto Domnolo Episcopo fecit & suo Abbati Gallo de monasterio Anisolæ.

IX. Præceptum emunitatis quod fecit Chilpericus Rex sancto Domnolo Episcopo de monasterio Anisolæ & de omnibus villulis & rebus ad eum pertinentibus.

X. Precaria quam Hadoindus Episcopus de monasterio sancti Carilephi Sigranno Abbati fecit.

XI. Præceptum quod Rex Chlotarius Haduindo Episcopo & Sigranno Abbati de monasterio Anisola fecit.

XII. Præceptum emunitatis quod fecit Chlotharius Rex Haduindo Episcopo de monasterio Anisola & de omnibus villulis & rebus ad illud pertinentibus.

XIII. Precaria quam Domnus Berarius Episcopus de monasterio sancti Carilephi Ibboleno Abbati fecit.

XIV. Præceptum Dagoberti Regis super precariam Ibboleno Abbatis quam à Domno Berario Episcopo de monasterio Anisola accepit.

XV. Præceptum emunitatis quod fecit Dagobertus Rex Domno Berario Episcopo de monasterio Anisola & de omnibus villulis & rebus ad illud pertinentibus.

XVI. Precaria quam Gauziolenus Episcopus de monasterio sancti Carilephi Didoni Abbati fecit.

XVII. Præceptum Chilperici Regis quod fecit Gauzioleno Episcopo & Sicbaldo Abbati super precariam eorum de monasterio Anisola.

XVIII. Præceptum Chilperici Regis sub emunitatis tuitione Cenomanicæ sedis Ecclesiæ factum Gauzioleno Episcopo. Simul & confirmatio in hoc ipso præcepto continetur quam fecit super precariam prædictus Rex Gauzioleno memorato Episcopo & Didoni Abbati suo.

XIX. Præceptum emunitatis quod fecit Theodoricus Rex Berario Episcopo de cellulis & villulis sui episcopii & nominatim de monasterio Anisola.

XX. Præceptum emunitatis quod fecit Dagobertus Rex Episcopo Herlemundo de cellulis & villulis de sup̄episcopatu; ubi & monasteriolum Anisola commemorat, & suæ sedis Ecclesiæ esse affirmat.

XXI. Monumentum de vita sancti Innocentis Episcopi.

XXII. Exemplar de vita & actibus sancti Turibi Episcopi.

XXIII.

XXIII. Præceptum quod fecit Dominus Karolus Franconi Episcopo quando ei monasterium Anisola per iudicium & plenam auctoritatem reddidit & suæ sedis Ecclesiæ confirmavit, sicut in eo continetur insertum.

XXIV. Præceptum quod fecit Dominus Hludovicus Imperator Franconi Episcopo de mancipiis sanctæ Mariæ & sancti Carilephi, in quo continetur monasterium Anisolæ subiectum esse debere Cenomanicæ matri Ecclesiæ.

XXV. Præceptum quod fecit Dominus Karolus Franconi Episcopo quando ei concessit ut hostes & itinera nulla faceret, sed Adalghisus suus propinquus omnia regalia servitia pro eo faceret, & per licentiam Franconis aliquam partem abbatæ sancti Carilephi teneret, & post obitum Adalghisi ad jus & regimen Cenomanicæ matris Ecclesiæ absque ulla contradictione reverteretur, sicut in eo continetur insertum.

Huic iudicio & redditioni interfuere subter inserti viri. Iudith Imperatrix, Karolus gloriosissimus Rex, Drego Archiepiscopus atque Archicapellanus, Autcarius Archiepiscopus, Hadalboldus Archiepiscopus, Amaluuinus Archiepiscopus, Aiulphus Archiepiscopus, Rataldus Episcopus, Ecardus Episcopus, Erardus Episcopus, Ebruinus Episcopus, Vviliricus Episcopus, Albericus Episcopus, Ghefridus Episcopus, item Albericus Episcopus, Simeon Episcopus, Ercanradus Episcopus, Ionas Episcopus, Vuiladus Episcopus, Anfigaudus Episcopus, Adalardus Comes, Radulfus Comes, Bonefacius Comes, Adalbertus Comes, Vuarinus Comes, Herbertus Comes, Audulfus Comes, Stephanus Comes, Rainaldus Comes, Gislebertus Comes, Landricus Comes, Gerardus Comes, Abbo Comes, Teoto Comes, Poppo Comes, Erminus Comes, Anfredus

Comes , Adalgarius Comes , Gebuinus Comes ,
 Terghildus Comes , Troandus Comes , Ardoinus
 Comes , Rumaldus Comes , Herloinus Comes ,
 Hungarius Comes , Theodoricus Comes , Ricboto
 Abbas , Hludovicus Abbas , Stolido Abbas , Hila-
 duinus Abbas , Burchardus Abbas , Lantramnus Ab-
 bas , Godolricus Abbas , Daniel Abbas , Georgius
 Abbas , Elmeradus Abbas , Vuaringarius Abbas ,
 Aldricus Abbas , Eribertus Abbas , Tethaldus Abbas ,
 Marcoardus Abbas , Humbertus Abbas , Eginardus
 Abbas , Fulco Vassus dominicus & Comes palatii ,
 Ragenarius Vassus dominicus & Comes palatii ,
 Teutfridus Vassus dominicus , Adalelmus Vassus do-
 minicus , Hericus Vassus dominicus , Engiscardus
 Vassus dominicus , Diso Vassus dominicus , Franco
 Vassus dominicus , Teoto Vassus dominicus , Fol-
 cradus Vassus dominicus , Bernuinus Vassus domini-
 cus , Evrardus Vassus dominicus , Salaman Vassus do-
 minicus , Egibertus Vassus dominicus , Vuinitmarus
 Vassus dominicus , Vuitbaldus Vassus dominicus , Ra-
 dulphus Vassus dominicus , Gunzo Vassus dominicus ,
 Odorricus Vassus dominicus , Cadilo Vassus domini-
 cus , Letricus Vassus dominicus , Nantarius Vassus
 dominicus , Robertus Vassus dominicus , Isaac Vassus
 dominicus , Hugo Vassus dominicus , Dagobertus
 Vassus dominicus , Ebruinus Vassus dominicus , &
 reliqui innumerabiles quorum nomina propter pro-
 lixitatem hic non inferuimus.

XLVIII. EXEMPLAR EPISTOLÆ

*quam Dominus Imperator Hludovicus Ionæ
 urbis Aurelianensis Episcopo & Henrico Ab-
 bati fecit de causa Aldrici Cenomanicæ urbis
 Episcopi suorumque monachorum de monaste-
 rio sancti Carilephi , quando illud ei Dominus*

Imperator plena ratione Ecclesiæque sibi commissæ reddidit, & propterea quidam monachi inconsultè contra omnem auctoritatem canonicam & regularem ex eo sunt egressi, & res ecclesiasticas non paucas sive sacrata vasa aurea & argentea furtim inde exportaverunt.

IN nomine Domini Dei & Salvatoris nostri Jesu Christi. Hludovicus divina repropitiante clementia Imperator Augustus. Ionæ venerabili Episcopo salutem. Notum tibi esse volumus quia perventum est ad nos quòd monachi ex monasterio sancti Carilephi in egressu præsumptivo idem monasterium expoliassent ornamentis ecclesiasticis tam in thesauro quàmque in vasis seu vestimentis, necnon & libris. Quapropter tibi præcipimus & Henrico Abbati ut vos omni diligentia illud inquiratis, & cum omni integritate res ecclesiasticas eidem Ecclesiæ restituere faciatis. Vale, ex hoc habeto studium sicut de te bene confidimus, & sicut in hoc nostram cognoscis voluntatem.

XLIX. ITEM EXEMPLAR
alterius epistolæ Domni Hludovici Imperatoris de prædicta re, ad quos supra.

IN Nomine Domini Dei & Salvatoris nostri Jesu Christi. Hludovicus divina repropitiante clementia imperator Augustus. Ionæ venerabili Episcopo salutem. Notum tibi esse volumus quia perventum est ad nos quòd monachi ex monasterio sancti Carilephi egressi sunt de proprio monasterio, aliena loca quærentes, immemores propriæ promissionis eorum, in qua promiserunt obedientiam & stabilitatem propriæ promissionis loci, atque renuntia-

verunt propriis voluntatibus secundum regulam sancti Benedicti, obliti etiam sententiam evangelicam, in qua dominicum exemplar audivimus: *Non veni, inquit, facere voluntatem meam, sed ejus qui misit me.* obliti que apostolicæ sententiæ ita dicentis: *Subjuncti estote omni creaturæ, sive Regi quasi præcellenti, sive du-cibus tanquam ab eo missis.* Et hoc non ob aliud fecerunt nisi quod Abbas eorum nobis inobediens apparuit, & nos eidem Abbati idem monasterium tulimus, & illud Aldrico Episcopo Ecclesiæque sibi commissæ legaliter, sicut à suis prædecessoribus possessum & constructum fuit, reddidimus, sicut lator ejus epistolæ tibi dicere poterit, quia prolixum est nobis in hac epistola omnia inferere qualiter actum & definitum rationabiliter fuit, & quia in nullo sentimus contrarium esse auctoritati canonum monachos subiectos Episcopis fieri debere. Quapropter volumus ut Missus noster sis unà cum Hentico Abbate, & eisdem monachos plena auctoritate canonum & regulari atque nostra ad proprium monasterium redire compellatis. Si verò quispiam eorum vos non obaudierit, volumus ut compellatis eum venire ad nostram præsentiam in proximo placito quod habituri sumus Domino annuente apud Carisiacum. Bene vale, & ora pro nobis Dominum.

L. NOTITIA DE MONASTRIO

sancti Carilephi in generali synodo in Carisiaco palatio regio facta ab Aldrico Episcopo per judicium Episcoporum accepta, sicut in ea continetur insertum.

CVM in nomine Domine Dei & Salvatoris nostri Iesu Christi Domnus Hludovicus Imperator anno incarnationis dominicæ MCCXXXVIIT.

ad uniuersorum causas audiendas vel recta iudicia terminanda in Carisiaco palatio publicè resedisset, & conuentum generalem totius populi unà cum Pipino & Karolo filiis suis, gloriosis uidelicet Regibus, & synodum Episcoporum & reliquorum sacerdotum ibidem generaliter ad ecclesiastica siue mundana negotia tractanda necnon & ad utilitatem sanctæ Dei Ecclesiæ fulciendam coadunatum haberet, ibique venientes monachi de monasterio Anisolæ, in quo sanctus Carilephus corpore requiescit, ante prædictum Domnum Hludovicum Imperatorem amplius quam viginti unà cum Sigemundo, qui dudum eorum Abbas fuerat, qui se injustè reclamauerunt de eorum monasterio ejectos esse, quorum causam Dominus Imperator in generali conuentu ibidem habito diligenter discutere & enucleatim inquirere præcepit. Cùm autem in conspectu Episcoporum & Abbatum & reliquorum sacerdotum se pro prædicta causa aduenientes reclamarent, interrogatum est Aldrico eorum & Cenomanicæ parochiæ Episcopo & ejusdem monasterii Abbati si eos ejecisset ex eorum monasterio, aut à quo ejecti taliter vagantes discurrerent relicto loco in quo seculo renuntiauerunt, in quo etiam ecclesiasticis vel secularibus negotiis diebus vitæ eorum permanere deberent. Qui respondens ait: Nec ego ejeci eos, nec scivi eos ejectos esse. Tunc adlata est coram Rege & optimatibus ejus traditio sancti Carilephi, quam fecit sancto Innocenti Episcopo per licentiam & consensum Childeberti Regis, & aliæ multæ auctoritates quas enumerare longum est, de quibus sæpèdictus Pontifex coram omnibus in eodem Concilio consistentibus habuit suos testes tam sacerdotes quàm & veridicos laicos nobiles & bonos & legitimos sufficienter, qui eadem instrumenta chartarum approbaverunt: & ea infra legitimos annos canonicè & legibus vestita vi-

derunt, & pleniter atque legibus testificabantur plus per iustitiam & legem canonicam & mundanam prædictum Anisolæ monasterium cum omnibus ad se pertinentibus ad jus Cenomanicæ matris Ecclesiæ pertinere quàm aliubi, aut fiscus dominicus aut proprium Domini Imperatoris aut alicujus hominis esse debere. Sed nullus inventus est qui contra hæc aliquid dicere aut probare voluisset. Tunc præfatus Domnus Drogo Archiepiscopus & senior Capellanus & ceteri qui præterito tempore Aquisgrani palatio fuerunt quando hæc ratio ventilata est & ad liquidum perscrutata canonicèque & legibus definita, respondentes dixerunt: Non est necesse hæc modò iterum per omnia remove neque singula retractare, quia scimus te canonicè & legibus memoratum monasterium habere conquistum & evindicatum: sed de istis monachis, qui modò se reclamant ejectos esse de eorum monasterio, quod Domnus Imperator nobis inquirere præcepit, modò agendum est. Sed postquam perscrutatum est præscriptos monachos nullius ejectione, nec aliqua indigentia, nec culpa aut facto prædicti Aldrici Episcopi exisse ab eorum monasterio, sed eorum libitu & contumacia hoc eos perpetrasse, & ut jam dictum monasterium prædicto Episcopo auferrent & à jure suæ sedis Ecclesiæ quoquo modo potuissent subtraherent vel alienarent sibi evindicarent, tunc eis præceptum est ut reverterentur ad eorum monasterium quo renuntiaverunt, ibique jejuniis & orationibus insisterent & Domino regulariter militarent. Illi verò contrà stomachando responderunt, atque illuc reverti nolle dixerunt. Tunc videntes eos omnes Episcopi & reliqui sacerdotes tantæ stultitiæ esse & taliter Domino Imperatori & omni sanctæ synodo, atque eorum proprio Episcopo inobedientes existere eorumque jussionibus & piis ac justis consiliis re-

sistere, præceperunt asferre regulam sancti Benedicti & in conspectu omnium sententias ejus legere, quibus in omnibus repugnabant, & ad ultimum de humilitatis gradibus sententiam legere jusserunt, de quibus eis nullum tenere visum est, sed magis propriis voluntatibus inservire & eorum libido inservire & insistere. Quam regulam tunc confidantes dixerunt, quoniam ea quæ levi & blando medicamine sanari non possunt, ferro abscindi necesse est. Et præceperunt asferre canones, è quibus in præsentia omnium in plenaria synodo relecta est sententia Concilii Chalcedonenſis de Clericis qui præſunt ptochiis vel monasteriis, capitulum VIII. continens hæc:

Clerici qui præſciuntur ptochiis, vel qui ordinantur in monasteriis & basilicis martyrum, sub Episcoporum qui in una quaque civitate sunt secundum sanctorum patrum traditiones potestate permaneant, neque per contumaciam ab Episcopo suo dissiliant. Qui verò audent evertere hujusmodi formam quocunque modo, nec proprio subiciuntur Episcopo, si quidem Clerici sunt, canonum correptionibus subjacebunt; si verò laici vel monachi fuerint, communione priventur. Perlecta autem hac sententia, iterum interrogati sunt si adhuc essent ita inobedientes ut priùs. Illi verò in eadem pertinacia permanentes, tunc judicio omnium Episcoporum & universalis sancti Concilii secundum hanc sententiam ab omnibus Episcopis & reliquis sacerdotibus exclusi sunt ab omni sacerdotali catalogo & communione, & extorres, si irrevocabiles persisterent, à catholica Ecclesia facti sunt. Tunc ergo ab omnibus Episcopis & reliquis Dei servis sive à generali conventu judicatum est ut reciperet præfatus Aldricus Episcopus suos monachos, & faceret ex eis quicquid ei libitum fuerit, & aliqui ei per manus a sancto Concilio redditi sunt. Et judicatum est ei ab universa sancta synodo quòd legibus evindi-

Concil. Chalcedon.

catam habebat suam causam & præfatum monasterium cum omnibus ad se pertinentibus canonicè & legibus conquistum, & Ecclesiæ sibi commissæ futuris temporibus suisque successoribus lucratum, & quicquid inde ecclesiastico ordine facere & disporre Domino annuente decreverit, liberam in omnibus habeat potestatem faciendi. Idcirco necesse fuit ut præfatus Episcopus & ministri suæ sedis Ecclesiæ hoc evindicatum vel hanc notitiam consilio & iudicio omnium ad prædictam synodum convenientium Episcoporum & reliquorum sacerdotum acciperent; ut si post hunc diem, quod fieri minimè credimus, de hac causa aliqua causatio vel repetitio vel quædam calumnia instigantibus malevolis hominibus orta fuerit, coram omnibus hæc notitia vel evindicatio declarata appareat, ut quod repetit evindicare non valeat, sed præsens conscriptio omni tempore vel notitia firma & stabilis permaneat. His præsentibus actum fuit. Drogo Archiepiscopus & senior Capellanus subscripsit. Autcarius Archiepiscopus subscripsit. Agobardus Archiepiscopus subscripsit. Bernardus Archiepiscopus subscripsit. * Bernegarius Narbonensis Archiepiscopus subscripsit. Agiulfus Bituricæ urbis Archiepiscopus subscripsit. Norho Arelatensis Archiepiscopus subscripsit. Abtadus Genevensis Episcopus subscripsit. Harinbertus Bajocensis Episcopus subscripsit. Freulfus Lexoviensis Episcopus subscripsit. Theodoricus Cameracensis Episcopus subscripsit. Erardus Tungrensis Episcopus subscripsit. Ragenarius Ambianensis Episcopus subscripsit. Eccardus Noviomacensis Episcopus subscripsit. Ebroinus Pictaviensis Episcopus subscripsit. Gundacher Limoticienensis Episcopus subscripsit. Ionas Aurelianensis urbis Episcopus subscripsit. Moduinus Ostudunensis Episcopus subscripsit. Heribaldus Altiſiodorensis Episcopus subscripsit.

* Bartholomeus.

copus subscripsit. Adalbertus Tricacensis Episcopus subscripsit. Dodo Andegavensis Episcopus subscripsit. Herchenradus Parisiacæ urbis Episcopus subscripsit. Humbertus humilis Episcopus subscripsit. Fulcarius humilis Episcopus subscripsit. Godofredus Senlitenfis Episcopus subscripsit. Favvo Cavi- lonensis Episcopus subscripsit. Hildi Virdunensis Episcopus subscripsit. Lupus Cadolonenfis Episco- pus subscripsit. Stephanus humilis Episcopus sub- scripsit. Vvalafridus Diaconus rogatus recognovi & subscripsi. Data V I I I. Idus Septenbris anno Chri- sto propitio imperii Domni Hludovici piissimi Au- gusti x x v. Indictione 1. Actum Aquisgrani palatio regio in Dei nomine feliciter. Amen.

L I. D E R E S P O N S I O N E

Hludovici Imperatoris & judicio optimatum suorum contra præcepta que monachi de monasterio Anisolæ attulerunt coram eo, quando contra Aldricum Episcopum de prædicto monasterio in rationes venerunt.

QVando Aquisgrani palatio anno imperii Dom- ni Hludovici piissimi Augusti x x v. coram eo & principibus suis tam ecclesiasticis quàm & secu- laribus in generali conventu querela de monasterio Anisolæ & rebus suis inter Aldricum Cenomanicæ urbis Episcopum & Sigemundum ejusdem monaste- rii Abbatem agebatur & diligentius scrutabatur, atque jam dictus Pontifex inter reliqua instrumenta chartarum & præcepta regalia unum præceptum quod Dominus Karolus facere jussit, sua videlicet propria manu roboratum & anulo suo subter sigilla- tum, per quod ipse jam dictum monasterium Fran- con Episcopi Ecclesiæque sibi commissæ reddidit,

& monachi prædicti Sigemundi quoddam præceptum de electione eorum, ut de semetipsis haberent licentiam eligendi Abbatem, quod dicebant jussu Domni Hludovici piissimi Imperatoris esse conscriptum. Ad quod respondit Dominus Imperator : Si ego hoc præceptum fieri jussi, nesciebam quòd prædictum monasterium de episcopo Cenomanico esset, & ignorabam quòd pater meus illud ibi per suum præceptum redderet. Sed quia vos & pares vestri hoc mihi celastis, & per fraudem & malum ingenium facere suastis, idcirco ipsum præceptum, quod mihi præcipere fieri dicitis, vestro mendacio infirmatur, quia causa ubi fraus intercedit non valet, sed magis reprobata efficitur. Et ideo vestrum præceptum stare non poterit, quia vestro mendacio & vestra fraude funditus destruitur. Si enim nos unam vobis tantum electionem concessimus, ipsam citò finitam esse cognoscimus, quia Sigemundus, quem vobis Abbatem elegistis, memoratum monasterium sua culpa perdidit, quia nobis inobediens & infidelis extitit. Hæc taliter prædictus Dominus Imperator agens interrogavit cunctos circumstantes quid super hac re eis rectius videbatur. Qui respondentes dixerunt tam Episcopi quàm Abbates, sive Comites, & reliqui omnes : Hæc posteriora præcepta, quæ isti monachi afferunt, non possunt destruere anteriora quæ Aldricus Episcopus & Ecclesia sibi commissâ habet ; sed anterioribus cedendum est, & posteriora, quæ fraude & malo ingenio impetrata fuerunt, infirmantur & stare non possunt, quia actio qua in quibuscunque negotiis fraus intercesserit non valet. Et ut ratione & lege firmentur ea quæ testamur, aliqua ex authenticis nostris vobis testimonia indicantes proferimus. Constitutum est à sanctis patribus & bonis Imperatoribus & lege decretum ut quicquid falsa petitio à principe obtinuerit, quia fraus inter-

venit, non valebit. Item alibi : *Quacunque contra jus conscripta fuerint non valebunt, quocunque modo fuerint impetrata.* Item alibi : *Qui falsa Principum praecepta detulerint, puniantur.* Item alibi : *Dolus malus est cum aliter agitur, aliud simulatur.* Item alibi : *Qui dolum vel metum adhibuit ut res ad alium transiret, de doli actione tenebitur.* Item alibi : *Dolus malus est si per falsitatem voluerit quis prius definita convellere.* Item alibi : *Redintegrandum est à praesentibus iudicibus & in ejus unde abcessit potestate revocandum quod quacunque conditione temporis aut dolo, aut captivitate, aut virtute majorum timore faciente deperierit.* Item alibi : *Quicquid vera seu falsa petitio à Principe obtinuerit, quia fraus intercessit, non valebit.* Magna fraus fuit, quoniam monachi praedicti memoratum monasterium de jure Cenomanicæ sedis Ecclesiæ esse sciebant, quia non sunt adhuc xxx. anni quod à Pontificibus memoratæ sedis possessum est; & hæc celantes, vobisque mentientes, praecepta sibi sine consensu praedictæ sedis Pontificis, cui justè debetur, facere suadebant. Et hoc justum esset, ut si aliquis laicorum hoc fecisset, ut magnum detrimentum sustineret; sed & pro certo judicaretur illi ut capitali sententia puniretur. Sed quia non laici sed jam dicti monachi hoc fecerunt, dignum est ut ita coërcantur ne alii monachi deinceps talia agere præsumant. Propterea nonnulli praefati monasterii monachi cum Sigemundo praedicto eorum Abbate exilio damnati sunt. Et sic confirmatum est sapredictum monasterium Aldrico Episcopo & ejus episcopo, sicut in ejus notum est praeceptis & aliis monumentis chartarum continetur insertum.

Paul. lib. 1.
sent. tit. 9.

L. un. Cod.
Theodof. de
dolo malo in
interp.

LII. MEMORIALE QV ALITER

Anisolæ monasterium à jure Cenomanicæ matris Ecclesiæ post obitum Hludovici piissimi Imperatoris alienatum est.

S quis nosse desiderat qualiter monasterium Anisolæ unà cum rebus suis de jure Cenomanicæ matris Ecclesiæ post obitum Hludovici secundi Francorum Imperatoris elapsum est, in hoc memoriale breviter comprehensum aliquid invenire poterit. Defuncto præscripto domno Hludovico piissimo Augusto anno incarnationis dominicæ MCCCXL. magna seditio orta est in imperio suo. Inter cetera autem mala surrexit quædam tyrannica potestas in pago Cenomanico qua resistere nitebatur Karolo filio ejus, cui prædictus Imperator inter ceteras regiones Neustriam dederat, & suos fideles valde infestabat. Præfatæ ergo tyrannicæ potestati se conjunxit Sigemundus, qui dudum de præfatæ Anisolæ monasterio Abbas fuerat, & Aldricus Ecclesiæ Cenomanicæ Episcopus, qui illud monasterium unà cum rebus suis tunc tenuerat, fideliter Karolo seniori suo adhærebat, & licet memorata tyrannica potestas eum ad se sæpissime vocaret, & firmitatem ei facere vellent qui eam exercebant qualiter ipse quæreretur ut diebus vitæ illorum suos honores non perderet nec imminutos haberet, sed majores & qualescunque in illa regione peteret adipisceretur, si se illis conjungeret. Sed ille propter hæc omnia proposita à prædicto seniore suo se non substraxit; sed inconvulsè fidelis & pro viribus adjutor illi extitit, & propter illum omnia sua dimisit, & eum securus est per omnia. Cessante verò jam dicta seditione, cepit Karolus Rex prædictus consilium ut memoratos tyrannos aut à jam dictis finibus eiceret,

aut eos sibi fideles faceret. ad quos misit optimates suos, vocans eos ad se. Quibus responderunt: Nec ad illum veniemus, nec illi fideles erimus, nisi nobis convictis concedat omnibus vitam & membra & tales honores quales modò tenemus, quocunque modo eos habeamus, inter quos præfatum Sigemundum & monasterium Anisolæ cum rebus suis comprehendit. Videns Dominus Karolus præfatus Rex, propter alias seditiones quæ undique grassabantur, sine magno discrimine aliter tunc non posse fieri, consensit petitionibus eorum, & inter reliquos Sigemundo concessit memoratum monasterium habere, & prædicto Aldrico & suæ sedis Ecclesiæ firmiter promisit illud citò redditurum: & tali occasione memoratum monasterium alienatum est tunc à jure Cenomanicæ matris Ecclesiæ, non legibus evindicatum, sed tyrannicè alienatum.

LIII. Vertente autem tempore, & prædicto Sigemundo ad memoratum Regem, Dominum videlicet Karolum filium Hludovici Imperatoris, minimè veniente, & facto maximo prælio in pago Altsidiorense inter Karolum & Hlotharium, in quo à Domino Deo & salvatore nostro data est jam dicto Karolo victoria, & eo per partes Cenomanicas remeante, nec tunc memorato Sigemundo ad eum veniente, redditur Kal. Augusti in villa cujus vocabulum est Bona super fluvium Liz in pago Cenomanico à præscripto Domino Karolo legibus præfato Aldrico Episcopo per judicium multorum nobilium & sapientium virorum prædictum Anisolæ monasterium cum omnibus ad se pertinentibus; eique ibi Missi boni & strenui dati sunt qui eum & Cenomanicam matrem sibi commissam Ecclesiam legibus revestirent, & plenam ei atque legalem vestituram ex eo futuris temporibus legaliter tenendam facerent. Quod & supradicto prætextu III.

Nonas jamdicti mensis factum esse liquet. Et sic falsitas subditur veritati, atque injustè alienatà justè restituntur; quæ & hæcenus à præfato Episcopo & a suæ sedis Ecclesiæ ministris legibus possidentur, & canonicè atque regulariter gubernantur.

LIV. EXEMPLAR EPISTOLÆ

formatæ quam Drogo Archicapellanus & urbis Mediomatricæ Archiepiscopus Landramno Turonicæ urbis Archiepiscopo canonicè misit ut Aldricum prædictæ urbis Mediomatricæ Cardinalem Presbyterum atque ejusdem urbis Primicerium suo permissu & jussu Domni Hludovici piissimi Imperatoris Episcopum Cenomanicæ matris Ecclesiæ ordinaret, sicut in ea habetur insertum. Talis enim est prologus prædictæ epistolæ venerabili Landramno Archiepiscopo.

Venerabili in Christo fratri & coëpiscopo Landramno Archiepiscopo Drogo in Domino salutem. Auditum comperi quòd Dominus Imperator concessisset Aldrico Presbytero consecrationis nostræ, qui etiam & noster tonsus doctus & Clericus fuit, episcopium Cenomanicæ urbis, Sed ille postea ad nos mittens petiit, sicut debuit, ut ei & ordinatibus suis tibi atque suffraganeis tuis ad episcopatus culmen ordinandi assensum præbuissem & licentiam tribuissem. Cujus petitioni ita consensi, ut si ipsum per Dei voluntatem & Domni Imperatoris dignum & utilem sanctæ Dei Ecclesiæ ad hoc officium inveneris, & ita decreveris, quia ipse apud nos probos mores ostendit, licentiam à nobis concessantibus id perficiendi atque ipsum consecrandi

habere cognoscas. Oro te valere & omnes fratres, atquè memor sis mei in sacris orationibus caritatis tuæ.

L V. *EXEMPLAR FORMATÆ*

epistolæ quam Drogo Archicapellanus & Mediomaticæ urbis Archiepiscopus Aldrico prædictæ Mediomaticæ urbis Cardinali Presbytero atque ejusdem urbis Primicerio canonicè misit, ut suo consensu & Domni Hludovici piissimi Imperatoris jussu Cenomanicæ matris Ecclesiæ à suo Archiepiscopo & reliquis comprovincialibus Episcopus ordinaretur, ideo quia populus cum sibi ordinari Episcopum petierat, & ad eum epistolam pro hoc direxerat, ut suo adminiculo & permissu antedictus Aldricus eorum atque jam dictæ Ecclesiæ Episcopus ordinaretur, canonicè eis direxit epistolam hunc modum continentem.

Dilecto filio Aldrico * vocato Episcopo Drogo indignus Archiepiscopus in Christo sempiternam salutem. Cbgnoscat dilectio tua mihi placere ea quæ tibi divina largitio honoris conferre per imperialem administrationem dignata est. Sed dilectio, tua, ut debuit, ad me misit ut tibi epistolam misissem ad Metropolitanum tuum conscriptam ut ei licentiam tribuissem te ordinandi. Nunc verò, quamquam decentius atque honestius fuisset mihi & tibi ut scripto à te directo iterum scriptis respondissem, tamen ne fortè occasio per me differentem donum tibi divinitus, ut credo, concessum aliquod tibi inferret impedimentum, caritate fretus feci ut petisti. Vnde duas tibi misi epistolas; quarum una ad Me-

* Vide Notas ad Capitularia pag. 1262.

tropolitanum tuum est conscripta juxta petitionem tuam, ei retribuendo licentiam; altera verò ad te, ut & tu cognoscas licentiam à nobis tibi attributam & nos potiùs in augmento honoris tui gaudere quàm ullo modò injuriam tibi aliquam inferre vóluisse. Vale semper in Domino, & confortare, memor semper nostri, & fidem quam semper erga nos jure servasti inconvulsam deinceps per caritatem tuam esse rogamus. Iterumque vale.

LVI. *SUMMA DE POLECTICIS*
vel pleyaris fratrum Cenomanica in urbe Deo
servientium, de rebus quas Franco senior &
Aldricus eorum Episcopi eis dederunt & testa-
mentis atque præceptis regalibus confirmave-
runt.

DEbent homines fratrum in summa de Vmericia vini modios ccccii. de pastione vini modios cc lxxi. de hostilense argenti solidos cx lxx. Et debentur vii. multones de pascuario cum lana lxvi. fogales xlii. Et debentur ii. & de laudatico solidi v. Et debentur x. de carnatico arietes lv. sine lana de lignariq solidi xxvi. & debentur ix. de sensu sol. ci. de inferenda & de postiuerno sive de sensatico sol. c lxxx. & debentur inde de pastione inter frumentum & sigale modii xxxiiii. & sextaria ix. susaso, de avena modii ccccxliiii. axilios ad alvimannum iiii. l. & omni anuo scudulas i. cccc. l.



LVII.

LVII. DE ELECTIONE ALDRICI

*Cenomanicæ urbis Episcopi, & de invasione
atque vastatione Cenomanicæ matris Eccle-
siæ unâ cum rerum.*

DEcedente Domino Hludovico Francorum Im-
peratore secundo, filio videlicet Karoli magni
Imperatoris, anno incarnationis dominicæ MCCXI.
Indictione III. anno siquidem imperii sui XXVII.
surrexit quædam tyrannica pravitas, inter cetera ma-
la, inter Ligerim & Sequanam, & maximè in pago
Cenomanico, in quo Aldricus tunc octavum annum
in episcopatus dignitate fulgebat. Et licet prædictus
Imperator inter tres filios suos regna sua divideret,
id est, inter Hlotharium & Hludovicum atque Ka-
rolum, Hlotharium in media Francia, Hludovicum
verò in *Hoftria, & Karolum in Neustria & Aquita-
nia collocaret, cetera verò regna & ducatus inter
eos, sicut in annalibus eorum continetur, divisa
consensu principum suorum partivit. Præfatum au-
tem Pontificem memorato Karolo filio suo minori
per manus commendavit. Cui jam dictus Pontifex
Aldricus fidem servans debitam, ab infidelibus san-
ctæ Dei Ecclesiæ & suis à præfata tyrannica pote-
state in supradicto anno à præscripto episcopio &
à sua sede ejectus est; & propterea multa quæ in
ecclesiasticis & aliis rebus pro amore Dei facere
cœperat, imperfecta remanserunt. Nam penè præ-
dictum episcopium tunc vastatum est & quasi ad ni-
hilum redactum. Habebat enim cœptum claustrum
Canonicorum & matrem Ecclesiam in media civi-
tate à fundamento unâ cum suis porticibus & paradi-
sum inchoatum, & maximam partem ex ea factam,
similiter & ædificia monasteriorum quinque, unâ
cum claustris & ceteris eorum. Habebat quoque ad

utilitatem ejusdem Ecclesiæ fulciendam & ad pauperes recreandos congregatos greges jumentorum unā cum amissariis ampliū quam octoginta, vaccarum & ovium atque caprarum sive porcorum ampliū quam ducenta, annonam & scænum ac vinum tam ad opus congregationum hospitumque ac pauperum quā & ad sibi Ecclesiæque sibi commissæ serviētiū opus sufficiēter. Sed quid ampliū dicam? Ita habebat fundatum tam in ecclesiasticis quā & in aliis rebus prædictum episcopium & res sibi commissas qualiter non fuerunt à diebus antiquis, vel à tempore quo alicujus. hominis memoria retinetur. Sed hæc & reliqua bona innumerabilia à prædictis tyrannis, sive hospitalia septem quæ ad pauperes & hospites recipiendos & recreandos fecerat, funditus vastata & diruta sunt. Propter has verò insidias & alias multas hæc & alia bona innumerabilia quæ facere voluit & cœpit in suo episcopio non apparent, quæ à Domino illis requirantur à quibus hæc subversa & vastata atque prohibita sunt, & non ab illo, qui hæc agere & adimplere voluit & prohibitus atque dejectus dimisit. Præscripti ergo tyranni de genere Herivei & Vvidonis superiorum tyrannorum remanserunt.

LVIII. SYNODVS HABITA ab Aldrico in urbe Cenomanica.

IN nomine patris & filii & spiritus sancti. Aldricus indignus Cenomanicæ matris Ecclesiæ Episcopus omnibus nostræ curæ commissis sacris ordinibus & cunctis fidelibus salutem & gloriam sempiternam. Cum in Dei nomine anno incarnationis dominicæ DCCCXL. Indictione III. & anno imperii Domini Hludovici piissimi Imperatoris XXVII. anno verò octavo ordinationis prædicti

Aldrici Episcopi, quarto videlicet Iduum Maiarum die, synodum omnium sacerdotum ac Levitarum seu reliquorum servorum Dei Cenomanica in urbe prædictus Pontifex coadunaret, post allocutionem & admonitionem sive inquisitionem eorum, cœpit jam dictus Aldricus Episcopus unâ cum eis, illisque deprecantibus, tractare quid officii unusquisque pro suis confratribus tam pro vivis quàm & pro solutis debite mortis diligenter ageret, & quid pro præfixo Pontifice & grege utriusque ordinis sibi commisso fideliter adimpleret. Qua de re hoc instinctu divino pariter considerantes tractavimus, simulque inter nos bono animo & pura voluntate decrevimus, ut dum [advixerit,] unusquisque nostri ordinis sacerdos pro præscripto Domino Aldrico Episcopo & pro populo sibi commisso in quarta feria unâ cum letania & oblationibus Missam decantet, similiter & sexta feria faciat; & qui hoc facere non poterit, quinquaginta psalmos decantet, orantes & supplicantes Dominum cæli ut Deus omnipotens præfixo nostro Pontifici secundum suam voluntatem hanc tribuat degere vitam, & quando ei placuerit, finisque hujus vitæ advenerit, cælestis janua ei pateat, & locus sanctorum consortii nobis deprecantibus detur. Amen. Similiter & præfatus Pontifex pro nobis omnibus aut per se aut per aliquem à se commissum est pollicitus agere. Insuper hæc tractantes in præscripto Iduum Maiarum die & in jam dicta synodo inter nos decrevimus ut unusquisque nostrum, dum advixerit, pro suis confratribus in anno duodecim canter Missas cum oblationibus & reliquis orationibus, & quodocunque nostrum unusquisque [decesserit,] Decanus nomina de suis junioribus conscripta in nostra, per singula tempora, synodo deferat, & unusquisque nostrum pro illis Missas compleat duodecim cum oblationibus & reliquis orationibus & vigiliam

cum novem psalmis & totidem lectionibus & responforiis, unâ cum matutinalem synaxim fideliter pro defunctis fratribus peragat, & sic hoc faciat sicut vult pro se fieri quando hoc idem ei advenerit, & sicut ante tribunal districti judicis rationem ex hoc reddere voluerit. quod hic coram Deo, & coram nostro Pontifice & coram nobis omnibus se facere sponte promisit. Tribuat Dominus omnipotens ut sic inde faciamus ut non damnationem sed plenam retributionem ex his à Domino Deo nostro percipere valeamus, & vitam habere sempiternam valeamus, auxiliante Domino nostro Iesù Christo, qui cum patre & spiritu sancto vivit & gloriatur Deus per omnia secula seculorum. Amen.

LIX. Hæc est missa quæ pro Domino Episcopo & pro omnibus sibi commissis in unaquaque hebdomada, id est, quarta & sexta feria, unâ cum letania adimpleri debetur; & post istam subsequitur illa quam pro nobis in invicem canere debemus; & post illam subsequitur illa quam pro fratribus nostris defunctis cantare debemus.

MISSA QUOTIDIANA. V. Intret oratio mea.

SANCTÆ Dei genitricis Mariæ ac beatorum Apostolorum sive martyrum tuorum Gervasii & Prothasii atque sancti Stephani simulque reliquorum martyrum & confessorum virginumque atque omnium sanctorum tuorum assiduis intercessionibus quæsumus, salvator mundi, Pontificem nostrum Aldricum misericorditer protege, pariterque ei familiaritate atque consanguinitate conjunctos, & omnes sibi commissos utriusque ordinis viros & feminas ab omni pravitate defende, & secundum tuam voluntatem eis vivere tribue, omnemque populum Christianum misericorditer custodi, & animabus famu-

lorum famularumque tuarum omnium sibi commisso-
rum & commissarum atque cunctorum cunctarum-
que in Christo quiescentium requiem tribue benig-
nus sempiternam, & sanctorum tuorum coetibus
confociare digneris propitius. Per Christum &c.
Epistola ad COLOSSENSES. Fratres, non ces-
samus pro vobis orantes & postulantes. &c. Domine
exaudi V. Ne avertas. *Evangeliū secundum Iohan-
nem.* In illo tempore, sublevatis Iesus oculis in cælum
dixit: Pater, quos dedisti mihi volo ut ubi ego sum, &
illi sint mecum, ut videant claritatem meam quam de-
disti mihi, quia dilexisti me ante mundi constitutionē.
Pater iuste, mundus te non cognovit, Ego autem novi
te; & hi cognoverunt quia tu me misisti & notum feci
eis nomen tuum, & notum faciam, ut dilectio qua di-
lexisti me in ipsis sit, & ego in ipsis. *Offert.* Exaudi
Deus. *Secreta.* Oblationis hujus, Domine, placare
muneribus, & intercedentibus omnibus sanctis tuis
protege pontificem nostrum Aldricum & omnes sibi
commisos commissasque, atque omnem populum
Christianum a cunctis defende periculis, & anima-
bus famulorum famularumque tuarum omnium sibi
commissorum commissarumque atque cunctorum
cunctarumque in Christo quiescentium per hæc san-
cta sacrificia remissionem omnium tribue peccato-
rum, & vitam habere concede sempiternam. *Præfatio.*
Verè dignum &c. & tuam clementiam profusis preci-
bus implorare, intercedente beata & gloriosa semper
virgine Dei genitrice Maria, sanctisque martyribus
tuis Gervasio & Prothasio, sive sancto Stephano,
& omnibus sanctis tuis, cunctorum peccatorum ve-
niam Pontifex noster Aldricus consequi mereatur,
& eos easque quos & quas ei cura regiminis conso-
ciasti, ac familiaritate & consanguinate junxisti, &
omnem populum Christianum angelorum omnium
sanctorum tuorum prædiis tuere, & animas famu-

lorum famularumque tuarum omnium sibi commissorum & commissarum atque cunctorum cunctarumque in Christo quiescentium ut in pacis ac lucis regione constituas deprecamur. Per Christum Dominum nostrum. *Infra actionem*, Hanc igitur oblationem quam tibi pro Pontifice nostro Aldrico atque grege sibi commissio & propinquitate ac familiaritate junctis ei atque pro salute cuncti populi Christiani suppliciter immolamus quæsumus, Domine, ut benignus accipias, & tua pietate concedas, ut & illis proficiat ad salutem hujus pietatis affectus, & animabus famulorum famularumque tuarum omnium sibi commissorum & commissarum atque cunctorum cunctarumque in Christo quiescentium impetret beatitudinem sempiternam, diesque nostros. *Ad communionem*. Amen dico vobis. *Ad complendum*. Purificet, quæsumus, salvator mundi, Pontificem nostrum Aldricum divini sacramenti libatio, & gloriosa sanctæ Dei genitricis Mariæ atque omnium sanctorum oratio, & gregi sibi commissio ac familiaritate & consanguinitate junctis ei & omni populo Christiano misericordiam tuam ubique prætende, & animabus famulorum famularumque tuarum omnium sibi commissorum & commissarum atque cunctorum cunctarumque in Christo quiescentium remissionem omnium tribue peccatorum & vitam habere conced: sempiternam, per &c. *Alia*.

Omnipotens sempiterne Deus, sanctæ Dei genitricis Mariæ & omnium sanctorum tuorum pia & assidua intercessione Pontificem nostrum Aldricum ubique misericorditer protege & ab omnibus adversitatibus corporis & animæ tua potentia defende, commissumque sibi gregem cunctum ad regendum custodi, & omnem populum Christianum conserva, atque illi & omnibus in Christo quiescentibus requiem tribue sempiternam, per &c.

I T E M A L I A M I S S A
quam mutuò prædicti sacerdotes inter se
cantare debent.

DEus , qui caritatis dona per gratiam sancti Spiritus tuorum cordibus fidelium infudisti , da famulis & famulabus tuis diversorum cœnobiorum & titulorum atque locorum tam sacerdotum & Levitarum quàm & reliquorum fidelium tuorum quorum quarumque memoriam agimus , & quorum quarumque his in titulis scripta continentur vocabula , fratribus ac sororibus & familiaribus nostris salutem mentis & corporis , ut te tota virtute diligant , & quæ tibi placita sunt tota dilectione perficiant , per Dominum. *Lectio Hieremie Propheta.* Si iniquitates nostræ contenderint contra nos , Domine , libera nos , quæsumus , fac propter nomen tuum , quoniam multæ sunt aversiones nostræ. Tibi peccavimus , expectatio Israël es salvator noster , in tempore tribulationis. Tu autem in nobis es , Domine , & nomen sanctum tuum super nos invocatum est. Ne derelinquas nos , Domine Deus noster. *Secundum Matthæum.* In illo tempore , dixit Iesus discipulis suis , Petite & dabitur vobis , quærite & invenietis , pulsate & aperietur vobis. Omnis enim qui petit accipit &c. *Secreta.* Munera , quæsumus Domine , quæ pro nostra & omnium , quorum quarumque memoriam recolimus , & quorum quarumque his in dipticiis nomina continentur inserta , redemptione oculis tuis tuæ offerimus majestati placatus suscipe , & ad perpetuam nobis omnibus tribue pervenire salutem , per.

Onnipotens æterne Deus , imploramus tuæ majestatem misericordiæ ut nobis & omnibus quorum quarumque recolimus memoriam , & quorum quarumque nomina his in dipticiis continentur inserta

veniam largiri digneris peccatorum , ut ab omnibus inimici vinculis liberati , tuis toto corde inhæreamus mandatis , & te solum semper tota virtute diligamus , & ad tuæ quandoque beatitudinis visionem pervenire mereamur , per Christum.

Hanc igitur oblationem , Domine , quam tibi pro peccatis atque offensionibus nostris , & omnium quorum quarumque agimus memoriam , & quorum quarumque hic continentur inserta vocabula , offerimus , ut cunctorum delictorum remissionem consequi mereamur , quæsumus.

Divina libantes mysteria , quæsumus , Domine , ut hæc salutaria sacramenta illis proficiant ad prosperitatem & pacem pro quorum quarumque dilectione hæc tuæ obtulimus majestati , per Christum.

ALIA.

Da famulis & famulabus tuis , quæsumus , Domine , omnibus quorum quarumque memoriam agimus , & quorum quarumque nomina his in dipticiis continentur conscripta , seu etiam ceteris fidelibus utriusque sexus , in tua fide & sinceritate constantiam , ut in caritate divina firmati , nullis tentationibus ab ejus integritate vellantur , per Christum.

Item Missa pro defunctis fratribus & sororibus nostris.

DEus , cujus misericordiæ non est numerus , suscipe pro animabus famulorum famularumque tuarum , quorum quarumque memoriam agimus , & quorum quarumque nomina his in dipticiis conscripta esse noscuntur , preces nostras , & lucis eis lætitiæque regionem in sanctorum tuorum societate concede , per.

Alia.

Deus , cui proprium est misereri & preces exau-

dire supplicantium , propitiare animabus famulorum famularumque tuarum diversorum cœnobiorum & titulorum quorum quarumque memoriam agimus , & quorum quarumque hic assignata continentur vocabula , ut te miserante à vinculis peccatorum absoluti , ab æternæ beatitudinis requiem pervenire mereantur , per.

Ad Thessalonicenses.

Fratres , nolumus vos ignorare de dormientibus , ut non contristemini sicut & ceteri qui &c.

Secundum Iohannem.

In illo tempore , dixit Iesus turbis Iudæorum : Amen amen dico vobis quia venit hora , & nunc est , quando mortui audient vocem filii Dei , & qui audierint vivent &c.

Secreta.

His quæsumus , Domine , placatus muneribus intende , & quod ad laudem tui nominis supplicantes offerimus , ad indulgentiam omnium quorum quarumque memoriam agimus , & quorum quarumque nomina hic continentur inserta , sive cunctorum fidelium proficiat defunctorum , per.

Deus , qui nobis in Christo unigenito filio tuo Domino nostro spem beatæ resurrectionis concessis , præsta quæsumus ut animæ pro quibus hoc sacrificium redemptionis nostræ tuæ offerimus majestati ad beatæ resurrectionis requiem te miserante cum sanctis tuis pervenire mereantur , per Christum.

Hanc igitur oblationem quam tibi offerimus pro animabus omnium quorum quarumque memoriam agimus , & quorum quarumque nomina his in dipticiis conscripta esse noscuntur , seu cunctorum cunctarumque fidelium defunctorum defunctorumque , quæsumus Domine propitiatus accipias , & miserationum largitate tuarum concedas ut quicquid terrena conversatione contraxerunt , his sacrificiis emun-

detur, ac vinculis mortis absolutæ, transitum, mereantur ad vitam; diesque nostros &c.

Propitiare, Domine quæsumus omnibus in Christo quiescentibus, & animæ famulorum famularumque tuarum, quorum quarumque memoriam agimus, & quorum quarumque nomina his in dipticiis conscripta esse noscuntur, his purgatæ sacrificiis indulgentiam pariter & requiem capiant sempiternam, per.

Alia.

Deus cui possibile est omnes homines sine difficultate salvare, tantò benignus animabus famulorum famularumque tuarum diversorum cœnobiorum & titulorum quorum quarumque memoriam agimus, & quorum quarumque hic assignata continentur vocabula, misericordiam concede perpetuam quantò eos ad filii tui Domini nostri pertinere gratiam tribuisti, per.

Alia.

Deus vita viventium, spes morientium, salus omnium in te sperantium, præsta propitius ut animæ famulorum famularumque tuarum quorum quarumque memoriam agimus, & quorum quarumque nomina his in dipticiis continentur inserta, à nostræ mortalitatis tenebris absolutæ in perpetua cum sanctis tuis luce lætentur per Christum.

LX. EXEMPLAR PRECARIÆ
de villa Tridente, quam Aldricus Episcopus
Bavoni Vasso dominico fecit tempore Hludovici piissimi Augusti.

Domino sancto ac venerabili basilicæ sancto-
 rum Gervasii & Prothasii martyrum quæ est
 constructa infra urbis Cenomanicæ civitatem, quam
 Aldricus Episcopus in dominatione & regimine ha-

bere videtur, ejusque congregationi ex ipsa consistenti basilica. Ego enim in Dei nomine Bavo, dum & mea fuit petitio & vestra decrevit voluntas, & per permissionem Domni nostri Hludovici gloriosi Imperatoris villas vestros de ratione ipsius basilicæ, cujus vocabula sunt Tridentus & Vintleva, cum omni integritate eorum nobis ad usandum tenere permisistis, in ea verò ratione ut dum ego advivo, tenere & dominare facere debeam, & post meum quoque Deo jubente discessum partibus sancti Gervasii revertere faciatis. Et convenit nobis annis singulis ad festivitatem sancti Martini hibernaticam argenti solidos x x v. transolvere debeam, aut decimam & nonam pleniter persolvam de omni redditu; & si negligens aut tardus exinde apperuerò, fidem exinde facere debeam, & ipsas villas perdere non debeam, & ut hæ precariæ uno tenore conscriptæ omnique tempore firmæ & stabiles permaneant. Actum Cenomanis civitate publicè anno xviii. regnante Domino Hludovico gloriosissimo Imperatore IX. Kal. Maias S. Bavonis Vassi dominici, qui hanc precariam fieri rogavit. S. Vviddonis S. Vul. S. Hervei. S. Serilonis. S. Berilonis. S. Ebrulfi Vicarii. Hercheus. S. Adalberri Gislarnis. S. Adalgysii. S. Godofridi. S. Iacobi. Deusdet subscripsit. Bobilo Subdiaconus scripsit & subscripsit.

LXI. EXEMPLAR PRÆCEPTI

Domni Hludovici piissimi Imperatoris de villa Tridente, quod fecit prædictus Imperator Cenomanicæ matri Ecclesiæ & Aldrico ejusdem urbis Episcopo.

IN nomine Domini Dei & Salvatoris nostri Iesu Christi. Hludovicus divina repropitiante cle-

mentia Imperator Augustus. Si fidelium nostrorum justas & rationabiles petitiones ac postulationes, quas pro utilitate & exactione sanctæ Dei Ecclesiæ exposcunt, ad optatum effectum perducimus, non solum regiam atque imperialem consuetudinem in hoc exercemus, sed etiam eos nobis promptiores, ut credimus, atque devotiores facimus. Idcirco omnibus fidelibus sanctæ Dei Ecclesiæ & nostris presentibus scilicet & futuris notum esse volumus quia Bavo Vassallus noster nobis innotuit quod quandam villam sitam in pago Cenomanico nomine Tridentem de jure Cenomanicæ matris Ecclesiæ per nostrum beneficium possideret, de qua per singulos annos nonas & décimas & legitimos census partibus præfatæ matris Ecclesiæ & ejusdem rectoribus persolveret. Qua de re memoratus Bavo pertractans casum fragilitatis humanæ, & pavescens ultimum vocationis diem, timensque ne præfata villa aliquo cupiditatis suæ stimulo vel quolibet ingenio à jure præfatæ matris Ecclesiæ alienata fieret, ideoque divino fervens amore, adiit clementiam nostram suppliciter deprecans ut memoratam villam nomine Tridentem cum omnibus ad se pertinentibus partibus prædictæ Cenomanicæ matris Ecclesiæ & Aldrico ejusdem urbis venerabili Pontifici præsentaverit nostra imperiali auctoritate redderemus, & hanc redditionem per nostrum præceptum futuris temporibus firmiter eidem Ecclesiæ suisque rectoribus possidendam confirmassemus. Cujus petitionem ob amorem Dei & reverentiam ejusdem sancti loci fervorumque Dei inibi famulantium libenter audivimus, & deprecationem ac pium desiderium ejus ad optatum effectum adimplere dignum duximus. Quapropter per hoc nostræ auctoritatis scriptum statuentes decernimus atque jubemus ut quemadmodum sæpèdictas Bavo fidelis noster memoratam villam

cum omni integritate, sicut illa sub nostræ jure potestatis, quando à largitione nostra ipsum beneficium accepisse constat, pro emolumento animæ nostræ & stabilitate imperii nostri memorato venerabili Aldrico Episcopo ad partem præscriptæ Ecclesiæ suæ præsentialiter reddidimus, ut in perpetuum in utilitates & ejusdem Ecclesiæ Episcopi Deoque in ea deservientium permaneat. Idcirco suggerentibus atque humiliter postulantibus prædictis fidelibus nostris, memorato videlicet Aldrico Episcopo & Bavone vassallo nostro, hoc nostræ confirmationis atque redditionis præceptum sæpedito Aldrico Episcopo vel ad partem jam dictæ urbis fieri jussimus, per quod decernimus atque jubemus ut nullus sub ditione imperii nostri degens ullo unquam tempore de prædicta villa vel de omnibus ad eam pertinentibus in quibuscunque pagis vel locis sæpedito Aldrico Episcopo suisque successoribus ullo unquam tempore inquietudinem facere aut quamlibet calumniam ingerere præsumat; sed liceat ei & successoribus ejus quieto ordine memoratam villam cum omnibus locis & territoriis sive mancipiis & cum omnibus ad se pertinentibus jure ecclesiastico tenere & possidere, & quicquid pro oportunitate & commoditate præfatæ sedis Ecclesiæ exinde facere decreverint, liberam in omnibus habeant futuris temporibus potestatem faciendi. Et ut hæc nostræ redditionis auctoritas perpetuam obtineat firmitatem, manu propria subter eam firmavimus, & de anulo nostro sigillari jussimus.

Signum Hludovici serenissimi Imperatoris.

Hirminmarus Notarius ad vicem Hugonis recognovi & subscripsi.

Data IX. Kalend. Maias anno Christo propitio xxv. imperii Domni Hludovici piissimi Augusti, Indictione prima.

Actum Aquisgrani palatio regio in Dei nomine feliciter. Amen.

LXII. *EXEMPLAR PRECARIÆ
de Fraxinedo & sancto Georgio in condita Sa-
gonense vel de aliis villis sancti Gervasii qua-
rum vocabula in ea habentur inserta, quas
Vulsiungus tenet, quam ei Gauziolenus Epif-
copus fecit primo anno regni Pipini Regis.*

DOmino sancto ac venerabili basilicæ sancti Gervasii & Prothasii infra urbis Cenomanicæ civitatem constructæ, ubi Gauziolenus Episcopus præesse videtur, ejusque congregationi ex ipsa consentientia. Ego enim in Dei nomine Vulsiungus, dum & cognitur est qualiter Dominus noster Pipinus gloriosus Rex villas de sancto Georgio, sancto Gervasio, Fraxinedo, Flexobracciale, Aciago vel sancto Georgio cum appendiciis suis, Aloniaco, Longa filgaria, Camiaico, Mundarias, ad ipsam Ecclesiam reddere jussit, & postea per verbum Domino nostro Pipino mea fuit petitio, & vestra decrevit voluntas, ut ipsa locella per vestra beneficia ad usus fructuario ordine mihi tenere permisistis, id est, cum mansis, calis, domibus ædificiis, mancipiis, accolabus, libertis, terris, vineis, silvis, pratis, & pascuis, vel quantum ad ipsa loca aspectum esse videtur, dum ego advivo pro vestro beneficio mihi licet tenere & dominare. Et spondimus vobis ut pro indicio ipsius sancti Gervasii vel vestro non sit annis singulis ad festivitatem sancti Martini illam hibernaticam argento libra una ad parte sancto Gervasio aut rectoris Ecclesiarum transolvere faciam: & si negligens aut tardus de ipso censo ad ipso placito fuero, fidem exinde facere debeam, & ipsam rem, dum ego advivo, perdere non debeam, & post meum quo-

que Deo jubente discessum ipsa locella cum eorum soliditate ad se pertinentis vel aspicientis vel quicquid ibidem attrahere vel immeliorare potuero, vel quantumcunque tunc temporis ibidem inventum fuerit, vos rectores sancti Gervasii sine ulla judicis consignatione aut heredum meorum contradictione in vestram faciatis revocare dominationem & potestatem ad faciendum quod volueritis, & hæc precaria, ac si semper per quinquennium renovata fuisset, firma permaneat. Actum Cenomanis civitate in anno primo regni Domini nostri Pipini gloriosi Regis. Signum Vulfrigo, qui hanc precariam fieri rogavit. S. Fulcoberti. S. Sichardi. S. Vildeni. Salomano rogatus subscripsit. Aiglibertus subscripsit. S. Vuamafredi. S. Giboleni. Bertobodus subscripsit. Beraldus scripsit & subscripsit.

Anteriorum Episcoporum authentica, & precariæ infra scriptarum villarum in archivo Cenomanicæ matris Ecclesiæ conservantur, & propter prolixitatem operis in hac scedula non sunt inserta.

LXIII. EXEMPLAR PRECARIÆ

quam Franco Episcopus Germundo fecit de villa Fraxinedo, Flexobrachiale, Aciaco, sancto Georgio in condita Sagonense, cum appendiciis suis, & alauniaco, seu lingua filcaria, & Camiaco, atque Mundarias, cum omnibus ad se pertinentibus.

Domino sancto ac venerabili basilicæ sancti Gervasii & Prothasii martyris infra urbis Cenomanicæ civitatem constructæ, ubi Franco Episcopus præesse videtur, ejusque congregationi ex ipsa Ecclesia consistenti. Ego enim in Dei nomine Germundus, dum & cognitum est qualiter Dominus Ka-

rolus gloriosus Rex villas sancti Gervasii , Fraxinedo , Flexobrachiale , Aciaco , vel sancto Georgio cum appendiciis suis , Aloniaco , Longua filcaria , Camiaco , Mundarias , ad ipsam Ecclesiam reddere iussit , & postea per verbum Domno nostro Karolo glorioso Regi mea fuit petitio , & vestra decrevit voluntas , ut ipsa locella pro vestro beneficio ad usus fructuario ordine mihi tenere permisistis , id est , cum mansis , casis , domibus , aedificiis , mancipiis , accolabus , libertis , terris , vineis , silvis , pratis , & pascuis , & quantum ad ipsa loca aspectum esse videtur , dum ego advivo , pro vestro beneficio mihi liceat tenere & dominari ; & spondimus vobis ut pro indicio ipsius sancti Gervasii vel vestro non sit annis singulis ad festivitatem sancti Martini illa hibernatica argenti libra una vobis ad partem sancti Gervasii & rectoris Ecclesiarum transsolvere faciamus , aut decimam aut nonam ex omni redditu pleniter persolvam ; & si negligens aut tardus exinde apparuero ad praedictum placitum , fidem exinde facere debeam , & ipsas res , dum ego advivo perdere non debeam , & post meum quoque Deo iubente discessum ipsa locella cum eorum soliditate ad se pertinentis vel aspicientis , vel quicquid ibidem attrahere vel immelliorare potueram , vel quantumcunque tunc temporis ibidem inventum fuerit , vos aut rectoris sancti Gervasii sine ullius iudicis consignatione aut heredum meorum contradictione in vestram faciatis revocare dominationem & potestatem ad faciendum quod volueritis , & hac precaria , ac si semper per quinquennium renovata fuisset , firma & stabilis permaneat. Actum Cenomanis civitate in anno xxxi. regnante Domno nostro Karolo glorioso Rege , in mense Martio. S. Germundi , qui hanc precariam fieri rogavit. S. Fulcoberti. S. Sichardi. S. Vuildoni. Haifredus subscripsit. Salomon rogatus

tus subscripsit. Aiglibertus subscripsit. Vuanafredus
 Gibofonus subscripsit. Bertobodus subscripsit. Bavo
 subscripsit. Ebtardus subscripsit. S. Vultad'. Salaar-
 dus subscripsit. Vualtarius subscripsit. S. Fiumaldi.
 S. Leuberti. Beralduſ scripsit & subscripsit.

LXIV. *EXEMPLAR PRECARIÆ
 de villa quæ vocatur Mansiones in condita
 Diablentica, quam Merolus Episcopus
 Vuiliberto fecit.*

Domino sancto ac venerabili basilicæ sancti
 Vincentii martyris quæ est constructa extra
 muro Cenomanis civitatis, quam Merolus Episco-
 pus in dominatione & in regimine habere videtur.
 Ego enim in Dei nomine Vuilibertus, & mea
 fuit petitio & vestra voluntas decrevit, & per jus-
 sionem Domini nostri Karoli gloriosi Regis villa
 vestra de ratione monasterii sancti Vincentii quod
 situm est extra urbem, cujus vocabulum est ad Man-
 siones, cum omni integritate & appendiciis in vi-
 caria Diablentica nobis ad usitandum tenere permi-
 sistis, in ea verò ratione ut dum ego advivo tenere &
 dominari facere debeam, & post meum quoque
 Domino jubente discessum partibus sancti Vincentii
 monasterii revertere faciatis. Et convenit nobis au-
 nis singulis ad festivitatem sancti Martini hiberna-
 ticam de argento solidos decem transsolvere de-
 beam, aut decimam & nonam pleniter persolvam
 de omni redditu, & si negligens aut tardus exinde
 apparuero, fidem facere exinde debeam, & jam
 dictam villam perdere non debeam, sed hæc pre-
 caria, ac si semper per quinquennium renovata fuis-
 set, firma & stabilis permaneat. Actum Cenomanis
 civitate in anno xxxi. regnante Domino nostro

Karolo glorioso Rege in mense Aprili. S. Vuiliberti, qui hanc precariam firmare ac fieri rogavit. S. Maginardi. S. Barivei. S. Girberti. S. Enigrimi S. Adalberti. Bavo subscripsit. Gedeon subscripsit. Ebrardus subscripsit. S. Raginfredi. Iacob subscripsit. S. Bartaldi. S. Amalberti. S. Ioachim. S. Besseni. Versinus Diaconus scripsit & subscripsit.

LXV. *EXEMPLAR PRECARIÆ
quam Merolus Episcopus Vuiliberto de cella
sancti Frambaudi fecit.*

Domino sancto ac venerabili basilicæ sancto-
rum martyrum Gervasii & Prothasii quæ est
constructa infra urbem Cenomanis civitatem, quam
Merolus Episcopus in dominatione, & in regimine
habere videtur, eiusque congregationi in ipsa basili-
ca consistenti. Ego enim in Dei nomine Vuilibertus,
dum & mea fuit petitio & vestra decrevit voluntas;
& per iussionem Domini nostri Karoli gloriosi Re-
gis monasteriolum vestrum de ratione prædictæ ba-
silicæ, cujus vocabulum est ad cellam sancti Fram-
baldi, in vicaria Gabronense, cum omni integrita-
te sua vel appendiciis nobis ad usandum tenere per-
misistis, in ea verò ratione ut dum ego advivo te-
nere & dominari facere debeam, & post meum
quoque Deo iubente discessum partibus sancti Ger-
vasii revertere faciat. Et convenit nobis annis sin-
gulis ad festivitatem sancti Martini hibernaticam de
argento solidos sex transsolvere debeam; & si negli-
gens aut tardus exinde apparvero, fidem exinde
facere debeam, & ipsum monasteriolum perdere non
debeam, sed hæ precariæ uno tenore conscriptæ om-
nique tempore firmæ & stabiles permaneant. Actum
Cenomanis civitate anno xxxii. regnante Domino
Karolo gloriosissimo Rege, IX. Kal. Maias, S. Vvi-

liberti, qui hanc precariam fieri & firmare rogavit. S. Gedconis. S. Gripponis. S. Gauzberti. S. Ragenberti. S. Audulfi. S. Gheldulfi. S. Bucleni. Ionas subscripsit. S. Vvaran. S. Gulsaldi. Bavo Diaconus scripsit & subscripsit.

LXVI. EXEMPLAR PRECARIÆ

quam Merolus Episcopus Vviliberto fecit de Belfaido in canonico, & de Senmuro, & Ingranda, & Vivillare, & Fontanas, & Monasteriolum, & Bragolium, cum eorum appendiciis.

Domino sancto & venerabili basilicæ sanctorum Gervasii & Prothasii martyrium infra urbem Cenomanis civitatē constructæ, ubi Merolus Episcopus præesse videtur, ejusque congregationi in ipsa Ecclesia consistenti. Ego enim in Dei nomine Vvilibertus, dum & cognitum est qualiter Dominus Karolus gloriosus Rex Villam sancti Gervasii Belfaidam vicum publicum cum suis appendiciis, & Senmurum, & Ingrandam, & vivillare, sive Fontanas, & Monasteriolum, & Bragolium, sive Auciæ vicum publicum, cum omni integritate vel eorum appendiciis ad jam dictam Ecclesiam reddere jussit, & postea per verbum Domno nostro Karolo glorioso Regi fuit petitio, & vestra decrevit voluntas; ut ipsa locella per vestrum beneficium ad usum fructuarium ordinem mihi tenere permisistis, id est, cum mansis, casis, domibus, ædificiis, mancipiis, accolabus, libertis, terris, vineis, silvis, pratis, & pascuis, vel quantum ad ipsa loca aspectum esse videtur, dum ego advivo per vestrum beneficium mihi liceat tenere & dominari. Et spondimus vobis ut pro indicio ipsius sancti Gervasii vel vestro non

fit annis singulis ad festivitatem sancti Martini hibernaticam argenti libram unam & dimidiam vobis ad partem sancti Gervasii & rectoris Ecclesiarum transsolvere faciam, aut decimam & nonam ex omni reditu pleniter persolvam; & si negligens aut tardus exinde apparvero ad prædictum placitum, fidem exinde facere debeam, & ipsas res, dum ego advivo, perdere non debeam, & post meum quoque Deo jubente discessum ipsa locella cum omni soliditate ad se pertinentes vel aspicientes, vel quicquid ibidem attrahere vel immeliorare potuero, vel quantumcunque tunc temporis ibidem inventum fuerit, vos aut rectores sancti Gervasii sine ullius judicis consignatione aut heredum meorum contradictione in vestram faciatis revocare dominationem & potestatem ad faciendum quod volueritis, & hæ precariæ, ac si semper per quinquennium renovatæ fuissent, firmæ & stabiles permaneant. Actum Cenomanis civitate publicè anno x x i x. regnante Domino Karolo glorioso Rege in mense Maio. S. Vviliberti, qui hanc precariam fieri & adfirmare rogavit. S. Hervich. S. Adalulfi. S. Osberti. Boso subscripsit. S. Vvedranni. S. Troduini. S. Gehreii. S. Ramestani. Bavo subscripsit. Eptardus subscripsit. Salahardus subscripsit. S. Amalberti. Beraldus subscripsit. S. Pharamundi. Vinneradus Diaconus scripsit & subscripsit.

Anteriorum Episcoporum authentica & precariæ infrascriptarum villarum in archivo Cenomanicæ matris Ecclesiæ conservantur, atque propter prolixitatem operis in hac scedula non sunt inserta.



LXVII. EXEMPLAR EPISTOLÆ
quam Dominus Hludovicus Imperator E-
lisacharo Abbati suoque Misso misit, ut
beneficia & res in ea scriptas Aldrico Epif-
copo vel suis Missis consignaret, & suum epif-
copium imperiali auctoritate ex eis pleniter re-
vestiret.

IN nomine Domini Dei & Salvatoris nostri Iesu Christi. Hludovicus divina repropitiante clementiā Imperator Augustus Aldrico venerabili Episcopo & fideli nostro salutem. Noverit tua industria quia missus tuus nostram adiit præsentiam innotescens quod quidam vassalli nostri, Ghermundus, Vulfardus, Berchadus, Bodo & socius suus, beneficia ex tuo episcopio habent quæ olim per precarias inde alienata fuerant. Qua de re volumus ut tu nostra auctoritate recipias usque ad nostram præsentiam, & de nostra fidelitate magnam curam semper habeas, sicut hactenus te habere cognovimus. Nam memoratus missus tuus nostram deprecatus est pietatem ut aliquem Missum tibi dederimus qui prædictas res tibi Ecclesiæque tibi commissæ consignaret & vestituram legitimam faceret. Qua de re Helisacharo Misso nostro præcepimus ut de supradictis beneficiis tibi vestituram faciat quando illas in partes à nobis directus fuerit. Volumus etiam ut quàm citius poteris missum tuum bene fidelem ad nos dirigas, qui nos certos faciat qualiter erga vos & reliquos fideles nostros modò agatur, & quid de illis causis factum quas vobis agere præcepimus. Bene vale, & ora pro nobis.

LXVIII. EXEMPLAR PRÆCEPTI

Domni Hludovici piissimi Imperatoris de quibusdam beneficiis vassallorum suorum, id est, Germundi, Vulfardi, Berchadi, Bovonis, & socii ejus, quæ prædictus Imperator reddidit & confirmavit Cenomanicæ matri Ecclesiæ & Aldrico ejusdem Ecclesiæ Episcopo.

IN nomine Domini Dei & Salvatoris nostri Iesu Christi. Hludovicus divina repropitiante clementia Imperator Augustus. Si precibus sacerdotum, quando pro suis vel Ecclesiarum sibi commissarum necessitatibus aliquid intimare voluerint, aurem libenter accommodamus, eorumque justas ac rationabiles petitiones ac postulationes ad optatum effectum pervenire facimus, non solum regiam atque imperialem consuetudinem in hoc exercemus, sed etiam eosdem sacerdotes ad Domini misericordiam pro nobis exorandam promptiores atque devotiores facimus. Idcirco notum fieri volumus omnium fidelium nostrorum tam præsentium quam & futurorum industriæ quia Aldricus venerabilis Cenomanicæ urbis Episcopus accedens ad aures nostræ pietatis retulit nobis de quibusdam beneficiis quæ ante complures annos de jure suæ sedis cum appendiciis eorum fuissent substracta & ad publicum nostrum redacta quæ modò Ghermundus, Berthadus, Vulfardus, Bodo, & socii ejus vassalli nostri in beneficium data possident, & sic præcedenti tempore de manibus rectorum prædictæ urbis memoratorum vassallorum beneficia cum appendiciis & omnibus ad se pertinentibus elapsa esse. Sed cum nos ad rei veritatem diligentius investigandam fideles Missos nostros Heinricum venerabilem Abbatem &

Vvidonem Comitem mitteremus, renuntiaverunt nobis per omnia ita verum esse. Cùmque eorundem relatione prædictorum vassallorum beneficia non ad publicum nostrum sed ad jus præfatæ Cenomanicæ Ecclesiæ justè pertinere cognovissemus, complacuit clementiæ nostræ suprascriptorum vassallorum beneficia cum omni integritate, quemadmodum ipsos ea per singula loca à largitione nostra acceptis constat, pro emolumento animæ nostræ memorato venerabili Aldrico Episcopo ad partem prædictæ Ecclesiæ suæ reddere, ut perpetuò in utilitates & usus ejusdem Ecclesiæ Deoque in ea deservientium permaneat. Idcirco suggerente atque rogante prædicto venerabili Episcopo hanc nostræ confirmationis atque redditionis præceptionem ei vel ad partem prædictæ urbis fieri jussimus; per quam decernimus atque jubemus ut nullus fidelium nostrorum de jamdictis beneficiis vel de his omnibus quæ ad prædictorum vassallorum nostrorum, quibuscunque in locis consistant, beneficia pertinere noscuntur, memorato Aldrico venerabili Episcopo sive successoribus ejus ullo unquam tempore inquietudinem facere aut quamlibet calumniam ingerere præsumant, sed liceat ei & successoribus ejus quieto ordine memorata loca cum omnibus ad se pertinentibus jure ecclesiastico tenere & possidere, & quicquid pro oportunitate & commoditate præfatæ Ecclesiæ exinde facere decreverint, liberam in omnibus habeant potestatem faciendi. Et ut hæc auctoritas nostra perpetuam obtineat firmitatem, manu propria subter firmavimus, & de anulo nostro jussimus sigillari.

Signum Hludovici piissimi Imperatoris.

Hirminmarus Notarius ad vicem Hugonis recognovi & subscripsi.

Data VIII. Kal. Julias anno Christo propitio
xxii. imperii Domni Hludovici piissimi Imperatoris,
Indictione x i i i.

L iij

Actum Stramiaco supra fluvium Rhodanum in
Dei nomine feliciter. Amen.

LXIX. CONCORDIA BETHTÆ
cum monasterio sancti Vincentii.

DVm cognitum est quòd Bethta Deo sacrata
portione aliqua in locella nuncupantia Soliaco,
Mansione, villam Bariaco, seu & Briseino, quam
filius suus Ermenfredus quondam moriens dereli-
quit, & ad ipsam legibus obvenit, per vinditionis
titulum ad basilicam sancti Vincentii Cenomanis ci-
vitate vindicat, & accipit exinde in pretium, quod
& bene complacuit atque convenit, hoc est, auri so-
lidos probos, optimos, atque pensantes numero
ducentos. Quò veniens venerabilis frater Patuinus
Præpositus de ipso monasterio unà cum vinditione
ipsa, in privata conlatione ipsa protulit ad relegen-
dum, dum inter se intenderent, (Hi sunt, Bertho-
fridus, Dodo unà cum conjugē sua Eudilane vel Ber-
tholanda cum infantibus suis his nominibus Adema-
ro & Iohanne) chartam ambagibalem ibidem præ-
sentabant quam Bethta ad ipsos infantes suos fece-
rat, ubi habebat insertum, dum advivebat, & in par-
tes duas Leogiliso quondam conjugē suo quàm &
suam tertiam ad usum reuerit, & post suum dis-
cessum ad jam dictos infantes suos tam illas duas
partes quàm & suam tertiam in eorum reciperent
dominatione, dum inter se intenderent, medianti-
bus bonis hominibus ad pacis concordiam visi sunt
eos revocasse. Convenit inter ipsos quòd illa quar-
ta parte quam Ermenfelo quondam in Mansiones
debitum erat memorati infantes Berthofredo, Dodo
unà cum conjugē sua Eodilane vel Bertholanda
contra venerabile fratrem Patuinum Præposito vel ipso
monasterio, quantumcunque ibidem habere videntur,

omni tempore habeant evindicatum, & reliquo verò tam in Soliaco quàm in Bariaco seu & in Briscino quicquid Ermenfredo quondam obvenire debuit, vel quantum per vinditionis titulum memorata Beththa sive jam Noberta ad memorata basilica delegata contra ipso Berthofredo & Dodone una cum conjugē sua Eodilane necnon & Bertolandane, tam terris, casis mancipiis, domibus, ædificiis, accolabus pratis, pascuis, vineis, silvis, aquis, aquarumque decursibus, mobile & immobile, junctis & subjunctis, vel omni supraposito, quantumcunque in jam dicta locella Ermenfredo quondam habere debuerat, pars monasterii sancti Vincentii vel ejus rectores contra ipsos homines superiùs commemoratos æquali lance dividere debent. Vnde convenit ut tres epistolas uno tenore conscriptas inter se fieri & accipere deberent, quod & ita fecerunt, ut nullus contra parem suum de istis convenientis se remutare non posset; quòd in hoc facere præsumpserit, partem suam à pare suo amittat, & insuper fisco sociante auri libras decem argenti pondo viginti coactus exolvat, & nec sic quod reperit vindicare non valeat, & has epistolas, quas in invicem bona voluntate fecerunt, cum stipulatione intraposita firmas & inviolabiles omni tempore valeant perdurare. Actum Soliaco in rem ipsam in anno x i. regni Domni Theodorici gloriosi Regis, quod fecit præsens mensis Octobris dies x i. i. Dodo subscripsit. S. Eodilane conjugē suā. Berthofredus subscripsit. S. Bertolandane germana eorum, qui hanc epistolam fieri rogaverunt. Derriceus Abbas subscripsit. Beoraldus in Dei nomine Abbas subscripsit. Aiglimannus subscripsit. Iohannes subscripsit. Salico subscripsit. Cadolo Sidonianis subscripsit. Bertholaudus subscripsit. S. Vvitdoni. S. Turpaldo. Bavo subscripsit. Landulfus subscripsit. Odricus subscrip-

fit. Caldobertus recognovi & subscripsi.

Anteriorum Episcoporum¹¹ authentica & precaria infra scriptarum villarum in archivo Cenomanicae matris Ecclesiae conservantur, & propter prolixitatem operis in hac scedula non sunt inserta.

LXX. PRECARIA DE VILLA

Calisamen quam fecit Aldricus Cenomanicae sedis Episcopus Agberto vasso dominico tempore Hludovici piissimi Augusti.

Domino sancto ac venerabili basilicae sanctae Mariae semper virginis sanctorumque martyrum Gervasii & Prothasii quae est constructa infra muros Cenomanis civitatis, quam Aldricus Episcopus in dominatione & regimine habere videtur, ejusque congregationi ex ipsa consistenti. Ego enim in Dei nomine Agbertus, dum & mea fuit petitio, & vestra decrevit voluntas, villam vestram de ratione ipsius basilicae, cujus vocabulum est Calisamen, cum omni integritate nobis ad usandum tenere permisistis, in ea vero ratione ut dum ego advivo tenere & dominari debeam, & post meum Deo jubente discessum partibus sanctae Mariae & sancti Gervasii sanctique Prothasii revertere faciatis; & convenit nobis ut annis singulis ad festivitatem sancti Martini hibernaticam argenti solidos xxv. transolvere debeam, aut decimiam & nonam pleniter persolvam de omni redditu, & si negligens aut tardus exinde apparuero, fidem exinde facere debeam, & ipsam villam perdere non debeam. Et ut haec precariae uno tenore conscriptae omni tempore firmae & stabiles permaneant, manu nostra & aliorum nobilium nostrorum subtefirmandas esse decrevimus. Actum Pictavis civitate publice anno xxvi. im-

perii Domni Hludovici piissimi Augusti IX Kal. Februarias. S. Agberti qui hanc precariam fieri ac firmare rogavit. S. Ragenarii Comitis palatii. S. Gauzelini mansionarii. S. Ragenaldi Comitis. S. Ramnulfii Comitis palatii. Gubertus Comes signavit. S. Vvalfredi Comitis. S. Vvalfredi Comitis. Eberardus Comes signavit. Emينو Comes signavit. Radulfus vassus dominicus signavit. Gauziolehus vassus dominicus signavit. Rotgarius vassus dominicus signavit. Isaac vassus dominicus signavit. Immo vassus dominicus signavit. Vvarnarius Diaconus scripsit & subscripsit.

LXXI. EXEMPLAR PRÆCEPTI

Domni Hludovici piissimi Imperatoris de villa Calisamen, quod fecit prædictus Imperator Cenomanicæ matri Ecclesiæ & Aldrico ejusdem urbis Episcopo.

IN nomine Domini Dei & Salvatoris nostri Jesu Christi. Hludovicus divina repropitiante clemētia Imperator Augustus, Si fidelium nostrorum justas & rationabiles petitiones ac postulationes quas pro utilitate & exaltatione sanctæ Dei Ecclesiæ exposcunt, ad optatum effectum perducimus, non solum regiam atque imperialem consuetudinem in hoc exercemus, sed etiam eos nobis promptiores, ut credimus, atque devotiores facimus. Idcirco omnibus fidelibus sanctæ Dei Ecclesiæ & nostris presentibus & futuris notum esse volumus quia Agbertus Comes & Ostiarius atque Consiliarius noster nobis innotuit quod quandam villam sitam in pago Cenomanico nomine Calisamen de jure Cenomanicæ matri Ecclesiæ per nostrum beneficium possideret, de qua per singulos annos nonas & decimas

atque legitimos census partibus præfatæ matris Ecclesiæ & ejusdem Ecclesiæ rectoribus persolveret. Qua de re memoratus Agbertus pertractans casum fragilitatis humanæ, & pavescens ultimum vocationis diem, timensque ne præfata villa aliquo cupiditatis suæ stimulo vel quolibet ingenio à jure præscriptæ matris Ecclesiæ alienata fieret; ideoque divino fervens amore, adiit clementiam nostram suppliciter deprecans ut memoratam villam nomine Calisamen cum omnibus ad se pertinentibus partibus prædictæ Cenomanicæ sedis Ecclesiæ & Aldrico ejusdem urbis venerabili Episcopo præsentaliter nostra imperiali auctoritate redderemus, & hanc redditionem per nostrum præceptum futuris temporibus firmitus eidem Ecclesiæ ejusque rectoribus possidendam confirmaremus. Cujus petitionem ob amorem Dei & reverentiam ejusdem sancti loci servorumque Dei inibi Domino famulantium libenter audivimus, & deprecationem ac pium desiderium ejus ad optatum effectum perducere dignum duximus. Quapropter per hoc nostræ auctoritatis præceptum statuentes decernimus atque jubemus ut quemadmodum sæpeditus Agbertus fidelis noster memoratam villam cum omni integritate, sicut illa die sub jure nostræ potestatis erat quando a largitione nostra ipsum beneficium accepisse constat, pro emolumento animæ nostræ & stabilitate imperii nostri memorato venerabili Aldrico Episcopo ad partem præscriptæ suæ sedis Ecclesiæ præsentaliter reddidimus, ut in perpetuo in utilitates & usus ejusdem Ecclesiæ Deoque in ea deservientium permaneat. Idcirco suggerentibus atque humiliter postulantibus prædictis fidelibus nostris, memorato videlicet Aldrico venerabili Episcopo & Agberto jamdicto fideli nostro, hoc nostræ confirmationis atque redditionis præceptum sæpedito Aldrico Episcopo vel ad partem

Jam dictæ u. bis fieri jussimus, per quod decernimus atque jubemus ut nullus sub ditione imperii nostri degens ullo unquam tempore de prædicta villa vel de omnibus ad eam pertinentibus in quibuscunque pagis vel locis sæpèdicto Aldrico Episcopo suisque successoribus ullo unquam tempore inquietudinem facere aut quamlibet calumniam ingerere præsumat; sed liceat ei & successoribus ejus quieto ordine memoratam villam cum omnibus locis & territoriis sive mancipiis & cum omnibus ad se pertinentibus jure ecclesiastico tenere & possidere, & quicquid pro opportunitate & commoditate præfata sedis Ecclesiæ exinde facere decreverint, liberam in omnibus habeant futuris temporibus potestatem faciendi. Et ut hæc nostræ redditionis auctoritas perpetuam obtineat firmitatem, manu propria subter eam firmavimus, & de anulo nostro sigillari jussimus.

Signum Hludovici serenissimi Imperatoris.

Maginarius Notarius ad vicem Hugonis recognovi & subscripsi.

Data XVI. Kal. Decembris anno Christo propitio xxvi. imperii Domni Hludovici piissimi Augusti, Indictione secunda.

Actum Pictavis civitate publicè in Dei nomine feliciter. Amen.

LXXII. EXEMPLAR PRÆCEPTI

Domni Hludovici piissimi Augusti quod præcante Aldrico Episcopo fieri jussit quando ei concessit ut haberet suum æconomum qui pro illo secundum jussionem suam gereret exteriores curas & regalia servitia, & itinere faceret, & prædictus Pontifex sua in parrochia resideret, & suum ministerium absque impedi-

mento adimplere curaret, & reliqua sicut in eo continentur inserta.

IN nomine Domini Dei & Salvatoris nostri Iesu Christi. Hludovicus divina repropitiante clementia Imperator Augustus, Si Sacerdotum Dei iustis & rationabilibus petitionibus aurem libenter accommodamus, easque ad optatum effectum perducimus, non solum regiam & imperatoriam exeremus consuetudinem, sed etiam eosdem pro nostris excessibus Domini misericordiam exorandos devotiores promptioresque facimus, atque per hoc inmensam Dei misericordiam facilius nobis conciliandam esse confidimus. Idcirco notum esse volumus omnibus fidelibus sanctæ Dei Ecclesiæ & nostris presentibus scilicet atque futuris quia Aldricus venerabilis Cenomanicæ civis Episcopus innotuit celsitudini nostræ quod multa ex his quæ in sua parrochia agere debebat, & ad suum ministerium pertinebat, propterea quod jam assidue in nostro servitio, vel etiam nobiscum detentus tamdiu commorabatur, neglecta erant tam in prædicatione seu confirmatione atque doctrina quàm & in restauratione Ecclesiarum, vel pravorum hominum correctione, sive in aliis atque in aliis Ecclesiæ sibi commissæ utilitatibus, & cleri vel populi necessitatibus. Innotuit etiam quod mater Ecclesia infra prædictam civitatem à multis temporibus constructa propter maceriarum imbecillitatem quotidie ad casum se præparabat, quam ideo à novo fundare & in meliorem statum & locum ædificare se velle dicebat. Lacrymabili quoque vultu coram nobis & fidelibus nostris asseribat quod si aliter ad suum peragendum ministerium otium à nobis impetrare non posset, magis vellet honores sibi conlatos dimittere quàm clerum & populum sibi commissum negligere, &

propterea in perditionem, quod absit, incidere. Quapropter humiliter deprecatus est nostram clementiam ut liceret ei juxta canonicam auctoritatem habere œconomum qui pro illo exteriores curas gereret, & nostra servitia atque itinera, prout melius posset, sua vice faceret, & prædictus Episcopus ad ea quæ Dei sunt intenderet & ad suum ministerium perficiendum certaret. Deprecatus est etiam ut si in proprio clero & in sua parochia talem œconomum qualem volebat, aut qualem necesse erat, sibi quæ secundum canonum institutionem per omnia obedientem invenire minimè posset, ut haberet licentiam undecunque & quemcunque de nostris fidelibus vellet tam infra palatium quam extra palatium sibi Ecclesiæque sibi commissæ eligere adiutorem & defensorem, & quotiescunque necesse fuerit mutare, & meliorem vel utiliorem statuere. Cujus precibus aurem favoris libentissimè accommodantes, præscriptis suis petitionibus assensum præbuimus, & postulationes ejus ad effectum usque perduximus. Concedimus quippe memorato Pontifici per has auctoritatis nostræ litteras, quas ei fieri jussimus, concessumque in futuro esse volumus ut præfatus Episcopus quietè, dum voluerit, in sua resideat parochia, & pro nobis & pro commisso nobis à Deo populo Dominum exoret, suos verò homines cum suo œconomo vel quemcunque, & ut dictum est, elegerit, ubicunque nostra fuerit jussio vel necessitas ingruerit dirigat. Præcipientes ergo per hoc nostræ auctoritatis præceptum volumus atque jubemus quòd si jam dictus Episcopus nobis superstes fuerit, ut nullus filiorum aut successorum vel fidelium nostrorum præscripto Pontifici Ecclesiæque sibi commissæ ullam perturbationem aut calumniam ingerere præsumat, aut facere volentibus consentiat, sed mundebardum vel defensionem pro Dei amore & pro nostra reve-

rentia ei pleniter faciant, ut quietè & pacificè, ut præscriptum est & ei à nobis concessum, in sua Ecclesia absque ullius impedimento ei residere & solum ministerium agere liceat: quatenus memoratum Pontificem pro nobis & pro liberis nostris sive pro stabilitate & pace imperii à nobis Deo commissi attentius exorare delectet. Et ut hæc nostra auctoritas inviolabilem & inconvulsam obtineat firmitatem, manu propria subter eam firmavimus, & anuli nostri impressione adsignari iussimus.

Signum Hludovici piissimi Imperatoris.

Maginarius Notarius ad vicem Hugonis recognovi & subscripsi.

Data X V. Kal. Martias anno Christo propitio
xxvii. imperii Domni Hludovici piissimi Augusti,
Indictione tertia.

Actum Pictavis civitate publica in Dei nomine feliciter. Amen.

LXXIII. EXEMPLAR PRÆCEPTI

*Domni Hludovici piissimi Augusti de villa
Bonallu quod fecit prædictus Imperator quan-
do illam reddidit Cenomanicæ matri Eccle-
siæ & Aldrico ejusdem Ecclesiæ Episcopo.*

IN nomine Domini Dei & Salvatoris nostri Iesu Christi. Hludovicus divina repropitiante clementia Imperator Augustus. Si fidelium nostrorum justas & rationabiles petitiones & postulationes, quas pro utilitate & exaltatione sanctæ Dei Ecclesiæ exposcunt, ad optatum effectum perducimus, non solum regiam atque imperialem consuetudinem in hoc exercemus, sed etiam eos nobis promptiores, ut credimus, atque devotiores facimus. Idcirco omnibus fidelibus sanctæ Dei Ecclesiæ & nostris præsentibus

sentibus scilicet & futuris notum esse volumus quia Adalbertus Comes & Consiliarius noster nobis innotuit quòd quandam villam sitam in pago Carmicense nomine Bonalla de jure Cenomanicæ matris Ecclesiæ per nostrum beneficium possideret, de qua per singulos annos nonas & decimas & legitimos census partibus præfatæ matris Ecclesiæ & ejusdem Ecclesiæ rectoribus persolveret. Qua de re idem Adalbertus pertractans casum humanæ fragilitatis, & pavescens ultimum vocationis diem, timensque ne præfata villa aliquo cupiditatis suæ stimulo vel quolibet ingenio à jure præscriptæ matris Ecclesiæ alienata fieret; ideoque divino fervens amore ad clementiam nostram suppliciter deprecans accessit ut memoratam villam nomine Bonallam cum omnibus ad se pertinentibus partibus prædictæ Cenomanicæ matris Ecclesiæ & Aldrico ejusdem urbis venerabili Pontifici præsentialiter nostra imperiali auctoritate redderemus, & hanc redditionem per nostrum præceptum futuris temporibus firmitus eidem Ecclesiæ suisque rectoribus possidendam confirmassemus. Cujus petitionem ob amorem Dei & reverentiam ipsius sancti loci servorumque Dei inibi Deo famulantium libenter audivimus, & deprecationem ac piam desiderium ejus ad optatum effectum adimplere dignum duximus. Quapropter per hoc nostræ auctoritatis præceptum statuētes decernimus atque jubemus ut quemadmodum sæpèdictus Adalbertus fidelis noster memoratam villam cum omni integritate, sicut illa die sub jure nostræ potestatis erat quando à largitione nostra ipsum beneficium accepisse constat, pro emolumento animæ nostræ & stabilitate imperii nostri memorato venerabili Aldrico Episcopo ad partem præscriptæ suæ sedis Ecclesiæ præsentialiter reddidimus, ut in perpetuo in utilitates & usus ejusdem Ecclesiæ Deoque in ea deservien-

tium permaneat. Idcirco suggerentibus atque humiliter postulantibus prædictis fidelibus nostris, memorato videlicet Aldrico Episcopo & Adalberto jamdicto fidei nostro, hoc nostræ confirmationis atque redditionis præceptum sæpedito Aldrico Episcopo & ad partem jam dictæ urbis fieri jussimus, per quod decernimus atque jubemus ut nullus sub ditione imperii nostri degens ullo unquam tempore de prædicta villa vel de omnibus ad eam pertinentibus in quibuscunque pagis & locis sæpedito Aldrico Episcopo suisque successoribus ullo unquam tempore inquietudinem facere aut quamlibet calumniam ingerere præsumat; sed liceat ei & successoribus ejus quieto ordine memoratam villam cum omnibus locis & territoriis sive mancipiis & cum omnibus ad se pertinentibus jure ecclesiastico tenere & possidere, & quicquid pro oportunitate & commoditate præfatæ sedis Ecclesiæ exinde facere decreverint, liberam in omnibus futuris temporibus habeant potestatem faciendi. Et ut hæc nostræ redditionis auctoritas perpetuam obtineat firmitatem, manu propria subter eam firmavimus, & de anulo nostro sigillavimus.

Signum Hludovici Serenissimi Imperatoris.

Erminmarus Notarius ad vicem Hugonis recognovi & subscripsi.

Data XV. Kalend. Maias anno Christo propitio
xxvii. imperii Domni Hludovici piiissimi Augusti, Indictione prima.

Actum Aquisgran palatio in Dei nomine feliciter. Amen.



VITA BEATI GERALDI
Archiepiscopi Bracarenfis, auctore ejus disci-
pulo Bernaldo Archidiacono Bracarenfi

Cvpientes minùs eruditos ad fidei incrementa provehere, beati Geraldì Bracarenfis Archiepiscopi vitam & miracula quæ Deus omnipotens in ejus honore mundo hominibus exhibuit describere dignum duximus, quatinus ipsi tanti viri virtutibus auditis, ad eum imitandum zelo vitæ similis accendantur. Ad hoc autem explendum sancti spiritus opitulationem flagitamus, ut in hoc opere auctor sermonis dignetur adesse.

I. Beatus igitur Geraldus nobili prosapia ortus, Cadurcensis regionis oriundus fuit. Parentes vero ejus & nobilitate & seculari potestate non mediocriter pollebant; à quibus nimirum parentibus in cœnobio quod dicitur Moysiæcum Deo & sancto Petro puer parvulus oblatus est, ubi & regularem disciplinam didicit, & ordinem monasticum perfectè observavit. Beatus itaque Geraldus in ordine monastico constitutus, tanta virtute cœpit pollere quòd majores natu præclaræ sanctitatis ejus exemplum imitari cupiebant. Castitas enim, quæ Angelis est socia, in eo præcipuè vigit. In gradu etiam humilitatis persistens, superbiæ fastus & cetera vitia quæ homines infestare solent, à se omnino extirpavit. Quia verò divinæ scripturæ pabulo refici magnopere exoptabat, armarii in quo libri divini reponebantur custos factus est, in cujus officii obedientia annis multis perduravit. Tali quippe refectiōe imbutus, fratribus in Capitulo fluentia prædicationum effundebat, & eos spiritali cibo jugiter reficiebat. Musicæ quoque, nec non etiam artis gramma-

M ij

tiæ scientia eruditus , in monasterio quorum , utpote bonus primicerius , doctissimè regebat ; & monachos minùs eruditos tam in musica quàm etiàm litterali disciplina diligenter edocebat. Et quia scientiæ donum & docendi gratiam omnipotens illi concesserat , Abbati & fratribus utile visum est ut beatus Geraldus monasterii cellas visitaret , & fratres ibi commorantes in sancta doctrina & in ordine sancto reformaret. Hæc de causa in urbe Tolosa ad quandam cœnobii Moysiaci obedientiam quæ sancta Maria deaurata nuncupatur , quæ est sita in ripa Garonæ , delegatus est : ubi religiosè vivendo , & monachis exemplum sanctitatis ostendendo , prolixi temporis moras contraxit.

II. Illo autem temporis discursu , dum tantus vir ibidem moraretur , Archiepiscopus venerabilis memoriæ Toletanus domnus scilicet Bernardus , curiam Domini Papæ Urbani adivit , & in reditu , cognita sanctitatis ejus opinione , & quia ipse Archiepiscopus ejusdem ordinis erat , ut tantum virum in consortio suo habere posset , Abbatem , Moysiacensem & totum conventum precibus & supplicationibus multis attentius obsecravit. Postquàm verò Archiepiscopus petitionis suæ compos exitit ; cum gaudio non mediocri thesaurum pretiosum secum ducens , Toletum remeavit , & beato Geraldo chorum Ecclesiæ Toletanæ regendum & Clericos edocendos commendavit. Qui nimirum in Ecclesia illa quasi lucerna lucens exitit , filios sibi commendatos edocendo enutrivit , scientia & religione eos instruxit , de virtute in virtutem eos instruendo ad altiora provexit. Licèt ipse sub alia constellatione maneret , & aliorum hominum conversatione uteretur , in religionis tamen reverentia jugiter perseveravit , & a proposito regulari nullo modo potuit dimoveri.

III. Eo itaque tempore, dum beatus Geraldus Tolletani Archiepiscopi & sanctæ Romanæ Ecclesiæ Legati consortio fungeretur, Bracara metropolis quasi desolata absque Metropolitano existerat, & clerus Bracarenfis omni consilio destitutus pastorem habere modis omnibus cupiebat; sed persona quæ tali cathedra digna existeret, in episcopatu Bracarenfi reperiri non poterat. Coacti verò Pontificis necessitate Bracarenses, plures personas Domino Legato præsentarunt. Sed quia idoneæ minimè videbantur, repulsam passi sunt. Hoc autem divina dispensatione factum est ut ad electionem beati Geraldii hoc modo perveniretur. At verò beatus Geraldus hujus rei inscius, circa ordinis religionem operam dabat, Missarum sollemnia frequentabat, orationi vacabat, obedientiam sibi injunctam pro viribus adimplere satagebat, de tali honore adipiscendo nullatenus cogitabat.

IV. Postquam igitur beati Geraldii sanctitas ad aures Bracarensium pervenit, tam clerus quàm populus uno consensu, una intentione, uno eodémque animo, eum in Pontificem elegerunt. Sed antequam voti sui compotes extitissent, in conspectu Domini Legati infinitas preces proculdubio effunderunt. Indissolubili namque vinculo dilectionis Dominus Legatus eum amplectebatur, & tantum lumen à se nolebat removeri. Tandem verò Archiepiscopus Toletanus & sanctæ Romanæ Ecclesiæ Legatus, tot & tantis precibus convictus, petitioni eorum adqueievit, & beatum Geraldum in Episcopum apud sanctum Facundum consecravit, & eum cum Clericis & Abbaribus, qui ejus ordinationi interfuerunt, ad sedem Bracarensem cum gaudio remisit: Cùmque urbem Bracarensem ingrederetur, & situm loci barbarum & depopulatum ruinæque subiacentem videret, ingenti stupore attonitus, Deo gra-

tias egit, qui ei locum in quo defudaret concefferat.

V. Bracarenfis namque Ecclefia abfque paltoris procuratione diutino tempore permanferat, & ifeo per manus vicarii non bene pertractata, de amiffis nihil acquifierat, de poffeffis verò multa per incuriam amiferat. Populus etiam totius pontificatus, qui à procuratore fedis Bracarenfis fuerat corrigendus & docendus, in crimina multa fine aliquò cultu correctionis lapfus fuerat, in inceftum fcilicet, in rapinam, in fornicationem, in furtum, in homicidia, in odium, & cetera criminum genera quæ homines ducunt ad mortem. Sicut enim agricola deferta loca fructifera reddere geftiens, primum extirpat quæ infructuofa funt, deinde terram excolit, pofttea feminat, tandem fructum metit, eodem modo beatus Geraldus facere follicitus facinora hominum arguendo reſecare non ceſſavit, vomere correctionis corda eorum attentius excoluit, verba prædicationis in populo jugiter feminavit, ut de grege ſibi commiſſo Deo fructum reddere poſſet. Circa Eccleſiæ quoque ordinationem follicitus, Clericos quos ibi reperit de ordine eccleſiaſtico perfectè edocuit, bonis ditavit, alios, quos dignos & idoneos, cognovit, illis aggregavit, & ita pulchrum & optimum conventum in Eccleſia inſtituit. Inſignia pontificalia multa ibi compoſuit, ornamenta alia plurima, ſcilicet calices argenteos, capas ſericas, libros divinos, thuribula argentea, & cetera quæ minùs erant ibidem acquiſivit.

VI. Poſtquam autem ſanctificationis doctrinam in clero & in populo ſibi commiſſo aliquantulum propagavit, ad Eccleſiæ ſuæ dignitatem recuperandam operam dedit. Bracara enim per multa temporum curricula in ruina & deſtructione jacerat, à tempore ſcilicet beati Fructuoſi uſque ad tempus venerabilis Petri Epiſcopi: qui quidem quia palleum

& privilegium à Papa Clemente accepit, ab Archiepiscopo Toletano & sanctæ Romanæ Ecclesiæ Legato depositus est: cui post annos multos beatus Geraldus successit. Qua de re Bracara, quæ antiquitus fuerat metropolis, modernis temporibus propria fuit dignitate privata. Ut autem beatus Geraldus sedi Bracarenfi propriam dignitatem restitueret, Romam petiit; & à Domino Papa Paschali honorificè susceptus, palleum & privilegium & auctoritatem Ecclesiæ suæ inde apportavit. In Concilio enim Palentino, quod venerabilis Ricardus Cardinalis Romæ celebravit, Episcopis & Abbatibus & optimis Clericis Hispaniæ circumsedentibus, Romanum privilegium in auribus omnium recitatum est, & juxta tenorem ipsius privilegii Bracare metropolis suffraganei Pontifices venerabili Geraldo Bracarenfi Metropolitanò justitia dictante & Cardinali præcipiente obedientiam & reverentiam promiserunt, & eum per Bracensem provinciam incedentem tamquam proprium Metropolitanum in propriis sedibus honorificè susceperunt, & ei deinceps reverentiam exhibuerunt.

VII. Beatus enim Geraldus, Ecclesia Bracarenfi in pristina dignitate reformatà, ad tempus Bracensem provinciam visitabat, Episcopos de sanctitate admonebat, conventus monachorum in sancto ordine monastico attentius informabat, Presbyteros per parochias constitutos de doctrina canonica diligenter instruebat, principes regionum ad pacem tenendam, ad justitiam exercendam vigilantius incitabat, verbum prædicationis plebibus effundere non cessabat. At verò in episcopatu proprio synodos frequentius celebrabat, plebis sibi commissæ vitia, Clericorum offensas, precibus humilitatis obsecrando, & zelo disciplinæ arguendo, viriliter rescindebat. Humiles diligebat, superbis resistebat, egenos

& epulis & indumentis assidue confovebat; hominibus in scelere perseverantibus & ad Deum converti nolentibus nunquam consentaneus, infimo acerrimus existerat. Totus quippe divino servitio deditus, a bono opere numquam otiosus esse voluit. Dedicaciones enim Ecclesiarum, ordinationes Clericorum, multiplices confirmationes populorum jugiter frequentabat, boni pastoris officium adimplere proculdubio satagebat. Media verò nocte ad matutinos semper surgere consueverat. Quibus nimirum recitatis, solus in Ecclesia remanebat, ubi non mediocres lacrymarum fluctus ante sanctum altare prostratus effundebat, incomprehensibiles quoque gemitus de sacratissimo suo pectore profundius anhelando emittebat, nec non etiam supernæ * pacis visionem toto mentis effectu desiderans attingere, alta cordis suspiria trahebat; & ita sacris orationibus vacans, flexis genibus & cubitis usque ad solis ortum in oratorio perdurabat. Sanè circa curam accipitrum, aut circa venationem canum, sive circa ludos alearum nunquam operam dedit. In die enim divinæ lectioni, nocte vero orationi insistebat. In celebrationibus Missarum frequens semper studium adhibuit. Nam mundus corpore & spiritu ad corpus dominicum consecrandum cum ingenti devotione & cum magna lacrymarum effusione semper accedere consuevit, & tantum sacramentum, negligentia omni remota, spatiosè & religiosè semper curabat consummare. Certè & turpiloquium & scurrilitas & cetera stultiloquia, quæ ad vanitatem pertinent, ab ejus ore procul extiterunt. Institutionis autem sanctæ & bonitatis, non exemplum nequitiae, sibi subditis ubique demonstravit. Operum namque merita à prædicatione minimè discrepabant. Virtutum autem sanctarum clypeo munitus, recto tramite semper incedere nitebatur, & per devia vi-

* pacis.

tiorum digressionem facere modis omnibus devitabat. Erat quippe ei præcipua humilitas, amplificæ misericordia, mansuetudo pacifica, moderata abstinencia, splendida pudicitia, longanimis patientia, caritas in Deum & proximum flagrantissima, & ceteræ virtutes quæ ex his oriuntur semper ei assistebant.

VIII. Crimina verò quæ in clero aut in populo pullulate videbat, statim refecare festinabat. Verùm crimen illud quod incestus nuncupatur, qui in gente sibi commissæ jam radices affixerat, summo nisu divellere anhelabat. Vnde beatus Geraldus inter ceteros quendam Militem, qui Egeas Pelagii vocabatur, qui quidem in incestu per multos annos permanerat, semel & bis ac tertio, utpote filium, diligenter admonuit, obsecravit, ut tantum scelus dimitteret, & pœnitentiam duceret. Miles verò incorrigibilis & duræ cervicis diabolo instigante existens, verba sancti viri attendere noluit; sed sanctæ correctionis contemptor, in proposito nefando persistere præsumpsit. Quocirca sicut putre membrum, quod aliquo medicamento sanari non potest, de corpore amputatur, ita Miles præfixus pœnitentiæ medicamentum suscipere nolens, gladio anathematis de corpore Ecclesiæ abscisus est. Accidit autem eo tempore ut ex præcepto Comitis Henrici, qui tunc Portugalensi terræ dominabatur, omnes procures Portugalenses, & ille cum eis qui pro incestu excommunicatus fuerat, Vimaranas convenirent. Ad quod nimirum conventiculum, causa necessaria exigente, vir vitæ venerabilis accessit. Dum autem in Ecclesia Vimaranensi vir Dei Missam celebraret, Comite Henrico & uxore ejus venusta Regina scilicet Tharasia præsentibus, & cum eo maxima procerum multitudine assistente, prætaxatum excommunicatum in Ecclesia adesse cum ceteris recogno-

vit, statim se ab officio divino suspendens, in conspectu astantium proclamavit virum incestuosum, divinæ admonitionis contemptorem, à consortio fidelium jam sequestratum, Ecclesiæ uniri vel incorporari non debere. At verò ille diabolico instinctu afflatus, præsumptuosè agens, obstinat. Us cœpit insistere, & de Ecclesia egredi recusavit. Tandem tamen Comite præcipiente, & aliis eum impellentibus, extra Ecclesiam egressus est; ubi continuo à spiritu maligno, populo aspiciente, arreptus est. Deus autem, qui superbis resistit & humiles perfectè diligit, istius superbiam voluit contere, & ob reverentiam sancti viri hujusmodi miraculum in oculis astantium dignatus est exhibere, ut criminosus ille non periret, & alii tali ultione perterriti tantum scelus committere non auderent. Completo itaque missæ officio dæmoniacus Miles supra memoratus misericordiam & pœnitentiam expostulans ad pedes beati Geraldii prostratus cecidit, se à via veritatis errasse & diabolum magistrum habuisse recognoscens. Quem nimirum sanctæ matri Ecclesiæ homo Dei reconciliavit, & ei pœnitentiam de commissis discretè & sapienter injunxit, & erga eum valde misericorditer egit.

IX. Beatus igitur Geraldus, providus & prudens pastor, in agri sui cultura proficere gestiens, imbrem prædicationis plebibus irrigabat, zizaniâ de cordibus hominum eradicare satagebat. Dum verò in tali ministerio studium exhiberet, & homines in criminibus detentos ad emendationem revocaret, duos regionum magnates contagio incestus similiter inhærentes, Pelagium scilicet Petri & Adefonsum Petri nominibus nuncupatos, in episcopatu reperit, quos quidem diligenti admonitione de conversione sæpissime hortatus est. Cui cùm obediētes & obnoxii pro correctionis beneficio esse deberent, con-

vitia plurima nonnullasque inhonestationes è contrario rependerunt. Venerabilis tamen Geraldus contumelias & opprobria sibi illata sub silentio præteriens, quatinus ipsi resipiscerent, & in facinore non persisterent, eos sæpius flagitavit. At verò illi magis magisque in dies obdurati, non solum sancti viri monita, contempserunt, verum etiam aditum terræ suæ beato viro temerariè interdicendo clauserunt, & Clericos vel Abbates sub jure suo commorantes venerabili viro obtemperare vel obsequium impendere prohibuerunt. Ad cumulum etiam iniquitatis suæ alter eorum, Pelagius videlicet Petri, in virum Dei impudenter exarsit, multiplices blasphemias ei irreverenter objecit, falsum monachum, hypocritam, simoniacum eum appellans, & sanctitatem ejus unum gallum affirmans non valere. Vir equidem sanctus patientiæ innixus, in bono malum vincere volens, eos ad emendationem sine intermissione invitabat. Sed quia pertinaces in pravitate disciplinam recipere respuerunt, ab Ecclesia sequestrati, quasi ethnici & publicani reputati sunt. Omnipotens itaque, cujus judicia abyssi multa, qui iniquitates hominum in virga & in verberibus peccata visitat, horum contumaciæ arrogantiam ob beati viri reverentiam penitus voluit confundere. Divina enim dispensatione factum est quia isti iram domini sui, Comitis scilicet Henrici, & uxoris ejus venustæ Reginae Tharasiæ incurrerunt, & universa quæ possederunt oppida, munitiones, hereditates, cunctasque gazas omnino amiserunt, atque ad tantam inopiam devenerunt quòd Pelagius Petri solus pedes cum filio suo parvulo & cum cane suo gallico Maurorum terram laboriosè appetierit. Alter verò, scilicet Adefonsus frater ejus, idem refugium denique requisivit. Ille nimirum in Christianos ulcisci cupiens, ingentem Sarracenorum exercitum super

eos adduxit; & bellum cum Christianis Sarraceni inierunt, in quo bello interfectus est, cujus corpus vultures & corvi in eremo comederunt. Pelagiùs autem Maurorum conversatione utens, exul & quasi captivus apud eos obiit. Certè hujusmodi ultiones à Deo fuisse factas pro sancti viri reverentia proculdubio reputamus.

X. Reverendissimus igitur Geraldus de virtute in virtutem ascendens, animabus hominum alimenta doctrinæ incessanter ministrabat, & quanto cum omnipotens apud homines per miraculorum ostensionem exaltabat, tanto magis se in conspectu divinæ majestis humiliabat, & nec sibi nec viribus suis sed Deo omnipotenti magnalia quæ fiebant attribuebat. Dum itaque quodam in tempore pro consuetudine ad sedem Bracarensem veniret, & ad flumen quod Cadanum nuncupatur accederet, vadum in flumine non comparuit. Ergo exiguus lembus ad fluvium transeundum quæsitus, repertus est. Clientes verò priùs cum supellectile sua lembum ingressi sunt. Flumine autem vento & fluctibus insurgentibus tumescente, lembus cœpit vehementer titubare; & quia uno solo digito ab aqua distabat, infra se non modicos fluctus cœpit admittere. Rector autem lembi periculum sibi imminere cognoscens, in flumen prosilivit, & natando exivit. Pueris siquidem sine remige remanentibus & jam periclitari incipientibus, nec non etiam virum Dei orationis adminiculum una voce deposcentibus, ipse vir Dei in ripa fluminis residens, rivulos lacrymarum fundendo, obnixè Deum deprecatus est ut misericordiam exhiberet & clientulos à periculo liberaret. Completa autem oratione, lembus quietè & suaviter usque ad tutum locum pervenit; & ita precibus sancti viri naufragium imminens pueri evaserunt.

XI. Sanè virtutum insignia, non solum in præ-

sentia sancti viri, Christo pro eo operante clarescebant, sed etiam eo absente multis in orationibus ejus fiduciam habentibus plurimæ virtutes ad eorum petitionem succurrebant. Contigit autem eo tempore ut Archidiaconus quidam nomine Mido cum quodam monacho de introitu cujusdam Ecclesiæ, quam à laica manu acceperat, altercationem haberet. Vnde monachus ille valde indignatus, more seculari in eum ulcisci cupiens, insidias ei molitus est. At verò Archidiaconus hujusmodi insidiarum inscius, dum quadam die juxta affinitatem ipsius monachi equitando super mulam parvulam pigre incedentem transiret, duo ex parte monachi insidiatores in equis cursoribus equitantes post Archidiaconum armati veloci cursu tendere cœperunt. Archidiaconus nimirum illos post se cursitare prospiciens, incertus quid agere deberet, beato viro & orationibus ejus se commendavit, & mulam calcaribus urgere cœpit; cui nimirum tanta cursus validudo continuo Deo volente adfuit quòd ipsa currendo veloces hostium equos superavit, quæ quidem nec antè nec deinceps in tanto cursu, quamvis stimulata, unquam potuit comprobari. Absentis igitur venerabilis viri confusus reverentia Archidiaconus ab insidiis hoc modo liberatus est.

XII. In eadem etiam regione quædam fuisse matrona nomine Tota perhibetur, quæ generoso sanguine orta, hereditatum copia & infinito censu affluenter abundabat; cujus nempe opulentia quidam magnatum Portugalensium valde invidentes, dedecus & detrimentum ejus moliebantur, ut facultates ejus aliquo modo adipisci valerent. Cum quodam igitur egregii Comitum Henrici villico de servili genere orto, Ordonio vocitato, æmuli illi consilium inierunt ut ipse eam raperet & cum ea matrimonium contraheret, quatinus ipsa

tali connubio defœdata honoris dignitatem amitteret. Prædictus itaque villicus pro consilio æmulorum matronam rapuit, magnum convivium celebravit, thalamum adoptavit, paratus nefas committere. At verò mulier nobilissima magis mori quàm degere cupiens, nimia anxietate oppressa, quid faceret incerta, Deo & beato Geraldo integritatem corporis & animæ commendavit. In crepusculo autem noctis cubicularis suæ indumenta assumpsit, & ipsam pedisequam suis propriis ornamentis indutam in thoro maritali vice sui recubare præcepit. Ipsa verò vili habitu pedisequæ sumpto, in humero suo urnam deferens, & quasi ad fontem haurire aquam tendens, extra palatium egressa est. Deinde Christi & beati Geraldi subsidium obnixè deposcens, communem callem fugiendo devitavit, & in frutice cujusdam silvæ diutius latitavit. Ille quippe qui illicitas nuptias celebrare affectaverat, ad Thalamum accedens, domina non reperta, spe gaudii sui frustratus est. Vnde villicus valde ad bilem commotus, circa exitus viarum, per devia montium, per frutices silvarum, plures cum canibus vigiles ad nobilem feminam investigandam undique adhibuit. Sed Deo miserante, & fiducia viri Dei ei succurrente, nulla potuit indagatione matrona reperiri. Tertia siquidem die hujusmodi quæstionis causa sedata, proba femina de silva pedetentim egrediens, per quendam Clericum propter silvam in quadam Ecclesia commorantem venerabili viro & captionem & evasionem suam significavit, supplicans vehementer ut de ea ducenda deinceps sollicitus esset. At verò vir Dei humanitatis & misericordiæ non oblitus, optimis Archidiaconibus ad latibulum delegatis, eam ad sedem Bracarensem salvam & incolumen ducere prudenter molitus est. In præsentia igitur viri Dei matrona persistens, ei im-

menſas gratias egit, & quia in ſanctitate ejus confiſa periculum evaſerat, in auribus omnium enarra- vit. Deinde beato viro & ſedi Bracarenſi optimam hereditatem, quæ Nogariola vocitatur, contulit. In- ſuper etiam alia donatïa, quæ altari beatæ Mariæ deſerviunt, ei conceſſit, caritati & orationibus ejus ſe in perpetuum commendans.

XIII. Iſte etiam villicus, villicationis ſuæ po- tientiam ſupra modum excedens, Eccleſias violare, Clericorum & Eccleſiarum res per violentiam au- ferre præſumebat. Vnde vir Dei valde moleſtus, eum ad emendationem ſæpius advocavit. Ille verò tyrannidem & rapinam ubique exercere non deſi- ſtens, cum viro Dei colloquium habere contempſit. Beatus autem Geraldus plenus humilitate & man- ſuetudine, ſacrilegum illum à nequitia ſua volens revocare, ad caſtellum quod Lagenoſa dicitur, ubi ipſe erat, acceſſit, & per ardua loca incedens, penè uſque ad ſupremam muhitionem aſcendit, cupiens nequiſſimum illum Deo reconciliare. At verò ille veteris ſerpentis veneno imbutus, in arce caſtelli arroganter reſidens, non ſolùm ad virum Dei de- ſcendere neglexit, ſed etiam contumelioſa in ſan- ctum Dei verba proferens, quod malè egerat emen- dare recuſavit. Deus autem, qui unicuique ſecun- dùm opera ſua retribuit, patentem in iſtum ultio- nem voluit exhibere. Nam inimici ejus in proxi- mo tempore eum aggredientes in loco illo quo ſan- ctus Dei ad locutionem ejus conſtiterat, & ad quem ille ſacrilegus deſcendere neglexerat, ipſum turpiter interfecerunt.

XIV. Non ſolùm itaque venerabili viro abſente virtutum inſignia in ejus invocationem declaraban- tur, verùm etiam eo præſente plura ſignorum mag- nalia in conſpectu hominum ad ejus petitionem effulgebant. Illo etènim tempore dum vir Dei à ſe-

de Auriensi rediret & Bracaram tenderet, in rurē quod Rivus calidus nuncupatur hospitatus est. Illi nimirum luce secutura per locum difficilem qui Portella hominis vocitatur transituro, hyemalis tempestas & infinitæ pluvix inundatio exorta est: quæ quidem toto noctis spatio pluere non cessavit, & die sequenti integra magis augmentata perduravit. De capella verò sua, ne tanta imbrium inundatione madeficeret, homo Dei sollicitus, Domino suo profundos gemitus pro hac causa effudit, & Clericis eum comitantibus septem psalmos in orationem pro eodem negotio recitare præcepit. Cumque autem ad hospitium altera die pervenirent, Clerici qui duplici aut triplici indumento tegebantur, nimborum impetu omnia transfundente, usque ad interulas & usque ad femoralia penitus madefacti reperti sunt. Capella verò sola juxta votum viri Dei ab omni prorsus humefactione immunis proculdubio inventa est.

XV. Inter cetera verò vir Dei circa Ecclesiarum libertatem præcipuè invigilans, quorundam relatu didicit unum regionis magnatem, Suarium scilicet Menendi nuncupatum, quendam in quadam Ecclesia Clericum absque Bracarenfis vicarii licentia intrusisse. Quo audito vir Dei principem illum ad satisfactionem invitavit, eumque diligenter edocuit ecclesiastica jura nec laicæ manu pertractari nec sanctuarium Dei à laicis hereditario jure debere possideri. At verò ille cum reatum suum recognoscere & Prælato suo satisfacere debuisset, ad rixam devenit, & verba veritatis non attendens, cum justo viro causari & secularibus argumentis ratiocinari diutiùs præsumpsit. Denique ipse tyrannus nimia bile commotus, quasi causæ finem imponere cupiens, sententiam protulit in hunc modum dicens. Vterque ego & vos Domino nostro Iesu

Iesu Christo & gloriosæ virgini Mariæ preces fundamus quod alter nostrum qui alii in hac causa injuriosus existit, ad finem præsentis anni vivus non pertingat. Quia verò frater, beatus vir, inquit, evangelicæ doctrinæ disciplinam non attendis, & canonica sequi jussa contemnis, in providentia & in dispositione illius cujus in oratione tua mentionem fecisti, istud negotium pertractandum & judicandum committimus. His dictis, princeps suprâ memoratus recessit, & usque ad dimidium annum non pertingens, non in proprio, sed in alieno solo quasi vilis occubuit.

XVI. Sanè præter ista miraculorum dona beatorum virum spiritum prophetiæ in quibusdam habuisse cognovimus. Dum enim in cathedra pontificali vir Dei quadam die resideret, & causa necessaria exigente Colimbriensis Episcopus, ejusdem metropolis suffraganeus, venerabilis scilicet Mauricius, Bracaram adveniret, Bracarensis Ecclesiæ Præcentor, domnus videlicet Mido, viri Dei conspectui se præsentans, qualiter prædictum Pontificem suscipi juberet, ab eo requisivit. Cui pater venerandus, Istum, inquit, Episcopum Colimbriensem honorificè & cum venerabili processione suscipere debetis, quia eum in Dominum & Metropolitanum in Ecclesia Bracarensi post decessum meum proculdubio habebitis. Hoc autem quemadmodum à sancto viro prædictum est, in effectu rei contulit evenisse.

XVII. Omnia igitur virtutum insignia quæ Dominus noster Iesus Christus in vita beati Geraldi pro ejus reverentia & honore manifestè exhibuit, enarrare per singula non valemus, tædium auditoribus generare verentes. Per eum enim infinita populi multitudo ad Deum conversa est. Nonnulli in sanctitate & orationibus ejus confidentes, à periculis

imminentibus liberati sunt. Insuper plurimi prædicationem & doctrinam ejus deridentes, & in eum contumeliosè agentes, divina ultione percussi sunt. Clerici quoque castimonie & ejus munditiæ vestigia sequentes, virginem castam se Christo exhibuerunt.

XVIII. Beatus itaque Geraldus terminum depositionis suæ jam appropinquare in spiritu prævidens, gentem incultam in montanis demorantem dignum duxit visitare, ut populus ille rudis, qui Pontificis prædicationem nequaquam audire consueverat, sanctificationis doctrinam & sacræ confirmationis inunctionem ab eo susciperet. Cupiebat enim omnes tam nobiles quàm ignobiles salvos fieri, & neminem per negligentiam sui volebat perire. Et ideo, licet ægritudinem in suo corpore jam esse sentiret, devoto tamen animo, remota omni desidia, rudes illos edocebat, ad cognitionem veritatis eos convertebat, Ecclesias inter abrupta montium constitutas dedicabat, confirmationes incultæ gentis tota die jejunus celebrabat, circa hujusmodi officium incessanter desudabat, in populo Dei ante obitum suum concupiscens fructificare. Viro autem Dei in grege sibi commisso hoc modo fructificante, ægritudo vehementer convalescens corpus ejus cœpit non mediocriter aggravare. Et licet ingenti onere infirmitatis beati viri caro premeretur, supra vires tamen evitens, Ecclesiam in loco qui Bornos dicitur constitutam, ad quam consecrandam ipse & infinitus populus convenerat, celebriter dedicavit, & congregatæ gentis inopinatam multitudinem, quamvis nimium fatigatus, expurgans, sancti chris-matis inunctione confirmavit.

XIX. Peraçto autem utriusque sanctificationis officio, ægritudinis valetudo cœpit supra modum augmentari; & jam exitus sui diem propè imminere

cognoscens, thorum in quo ipse jacebat ad Ecclesiæ ostium præcepit collocari, unde Missam & horas quæ in Ecclesia dicebantur liberè posset audire. Videns denique quia jam hora sui transitus instaret, Missam cum reverentia & humili devotione audivit, eucharistiam accepit, crucem argenteam cum crucifixo argenteo sibi jussit præsentari, & illi quem illa effigies representabat cum ingenti cordis compunctione, cum magno gemitu, cum nimio fletu, se de multis accusando, transgressiones ordinis sui, si aliquando contigerint, coram astantibus confessus est. Deinde in cinere & cilicio corpus suum mandavit reponi, & Clericos jussit esse paratos, ut quando exhalaret, cum psalmis & hymnis animam ejus Deo commendarent.

XX. Dum verò ista agerentur, quidam Diaconus ejus febre acuta arreptus, gravissimè in illa ubi sanctus Dei jacebat mansione ægrotaverat: cujus spiritus quasi in extasi raptus, angelos Dei intuitus est diadema pretiosum inæstimabili gemmarum ornatu decoratum manibus suis deferentes, & in hæc verba eidem Diacono colloquentes. Ista corona quam, frater, intueris, manibus summi artificis est fabricata; & à Domino Iesu Christo ad beati Geraldii animam coronandam nobis ministrantibus huc est destinata. Cujus equidem animam tali diademate coronatam sequenti die cum summo tripudio portantes divinæ majestati præsentabimus, & cum illo cui in vita sua fideliter ministravit per infinita seculorum secula regnabit. Anima verò tua corpori suo ad vitam ducendam relinquetur. Sed ideo hujusmodi visio tibi revelatur ut tanti gaudii testimonium illis quibus patronus exitit sine dubio patefacias.

XXI. Diacono nempe visionem hujusmodi intuentem, Clerici qui ei assistebant transitum ejus

præstolantes, eum inconsideratè spiritum exhalare putaverunt, & statim corpus ejus terræ nudæ posuerunt. At verò ipse in cinere positus, quasi ex-
pergefactus, oculos aperuit, & eis in hæc verba locutus est. Quod putatis, nondum est factum. His dictis, in stratu suo iterum positus à Clericis circumstantibus, oculos suos avertit, & conversus ad parietem, vidit malignum angelum in conspectu suo astare. Cui, cunctis qui circumstabant audientibus, sic inquit. Insidiator pessime, & seductor maligne, ut quid huc advenisti? Vade, & procul hinc recede, quia in me partem non habebis. Statim ad hæc verba Sathan maledictus evanuit.

XXII. Postremò verò Diacono revelationem angelorum Dei quam viderat Clericis enarrante, ipsi de tanta visione plurimùm gavisi, secundùm dicta ipsius Diaconi transmigrationem viri Dei expectabant. Beatus autem Geraldus die ab angelis prædicta discipulos suos in unum convocavit, eis benedictionem adtribuit, Missam audivit, rursus communicavit, & sic migravit ad Christum. cujus spiritus cum beatis confessoribus in cælestibus regnat.

XXIII. Tanto igitur patrono orbati Clerici, monachi, sanctimoniales, necnon laici senes, juvenes, virgines, pueri, & matronæ omnes æquanimitè ad exequias ejus confluentes, planctum magnum super eum fecerunt, orbitatis suæ desolationem lacrymando deplangentes. Discipuli verò ejus ad sedem Bracarensem corpus sanctum efferre cupientes, feretrum quo dignè & convenienter posset deferri composuerunt. Et quia maxima tam montium quàm vallium inæqualitas difficultatem itineris ad corpus deferendum faciebat, quædam nobilis matrona Osenda nuncupata magnum suffragium hominum eis ministrans, usque ad flumen

quod dicitur Tamica cum sanctissimo corpore per-
venit. Flumine quippe extra alveum decurrente ,
magna in eis orta est sollicitudo quomodo fere-
trum cum glorioso corpore ultra flumen transdu-
cere possent. Erat ibi quidam molendinus cujus
de causa sepes quædam de sudibus & lapidibus
composita per medium fluminis extendebatur , per
quam scilicet unus homo solus & pedes vix securè
poterat transire. Qua videlicet reperta , matro-
na præfixa in auribus omnium proclamavit hoc
modo dicens. Carissimi fratres , omnes comuni
orationis consensu Dominum nostrum Iesum Chri-
stum deprecemur quòd si patronus noster , venera-
bilis scilicet Geraldus , sanctus Dei est , ut credimus ,
per istud sepis articulum meatus hodie sine læsione
pervius nobis & feretro pateat. Oratione peracta ,
homines qui sanctum corpus deferabant , sine ali-
qua offensione illud arctum iter transierunt. Aliud
etiam mirabile quod eis in ripa fluminis persisten-
tibus accidit non silentio præterire judicavimus. In
exiguo namque liburno duo pueri fluvium illum
transmeabant , sed gurgite ipsius fluvii tumescente
& liburnum subvertente , pueri in flumen cecide-
runt , qui cum impetu fluvii euntès procul inde
profluxerunt. Hoc audito , omnes quicunque ad-
fuerunt beati Geraldì pietatèm deprecantes , incol-
umitatem puerorum summa devotione deposce-
bant. At verò sancti confessoris misericordia sta-
tim suffragante adolescentuli sani & incolumes pe-
riculum evaserunt. Inde verò procedentes , ad se-
dem metropolitànâ cum thesauro pretiosissimo
pervenerunt , ubi planctus non minimus à clero & à
confluente populo iterum renovatus est. Sepulcrum
autem idoneum ad corpus sanctum sepeliendum
in urbe Bracarensi reperiri non potuit. Vnde Bra-
carensibus opportunum visum est ut ipsi sepulcrum

marmoreum, quod alio in tempore de colina Tibianis translatum fuerat, requirere deberent. Tempore enim præterito mortuo quodam magnate Portugalesi, Tibianenses monumentum in quo sepeliretur præ manibus non habentes, in colina ubi cimiterium Regum antiquitus fuerat fodientes, illud ad monasterium attulerunt; in quo videlicet magnas prædictus sepultus est. Sed quia in somniis in illo sepulcro ardere videbatur, de eodem ejectus, in alio humatus est, & ita usque ad obitum beati Geraldii sepulchrum illud vacuum permanerat, ad quod nimirum tunc temporis transferendum plurima iuga bouum plurimum defudarunt, & plura plaustra fracta fuerunt. Ad illud verò modò reducendum unum solum iugum & plaustrum minis validum proculdubio suffecerunt. Certè translatio sepulcri de Bracara ad Tibianas tunc difficilis & laboriosa fuisse perhibetur, quia ad virum criminofum & peccatorem sepeliendum deferrebat. Reportatio verò ipsius de Tibianis ad Bracaram sine aliqua vexatione levis & suavis profectò exitit, quia ad virum sanctum & iustum inhumandum reducebatur. In quo scilicet monumento insignibus pontificalibus egregiè indutus, positus est in Ecclesia beati Nicolai, quam ipse construxit, & quam festivè & celebriter dedicavit, requiescit.

XXIV. Ad cuius equidem sepulturam quidam Clericus, cuius nomen Sefgudus, dinoscitur venisse, qui quendam morbum quem medici fistulam vocant in crure suo multo tempore passus fuerat, & diversis herbarum medicaminibus adhibitis sanari non valebat. Morbus enim in crure jam plura fecerat foramina, & humores superflui ex eis jugiter emanabant, & homo assidua morbi conestione afflictus dolorem intolerabilem patiebatur. Vnde suffragium beati Geraldii obnixè deposcens, medelam

salutis ab eo devotiùs requirebat. Ager denique misericordia à sancto viro impetrata post temporis exiguum sanus factus est.

XXV. In territorio Bracarenfi erat quædam nobilis matrona quæ habebat filium qui à dæmonio vexabatur, quæ quidem ad sepulcrum ejus cum humili devotione accedens, beati viri misericordiam pro filio suo attentius exoravit, ibi diutiùs lacrymata est, filium glorioso confessori repræsentans. Beatissimus verò confessor pro consuetudine sinum pietatis appericens, puerum sanitati restituit.

XXVI. In Pannoniis autem quidam Clericus demorabatur, qui difficillimam ægritudinem, quam medici cepheam vocant, in capite suo patiebatur. Qua nimirum ægritudine anno integro molestatus, nullo medicamine remedium inde habere valebat. Tandem ad beati confessoris sepulcrum confugium faciens, ibi tota nocte psalmos cum lacrymis & cum precibus recitavit. Media verò nocte, dum ipse orationi insisteret, medelam salutis ei sanctus Geraldus attribuit. Deinde Clericus Dei nostri & beati Geraldii laudem ubique glorificans, ad locum suum sanus & incolumis reversus est.

XXVII. In urbe etiam Bracarenfi quædam dicitur mulier habitasse cujus filius parvulus dum pisces quadam die comederet, arista piscis gutturi ejus adhæsit, & ita puerulus intolerabili dolore fatigatus nullo potuit medicinæ remedio mitigari. Mater verò ejus causam doloris ignorans, tempora fletus agebat. Quapropter ad sepulturam sancti Geraldii miserabilis & gemebunda parvulum in ulnis deferens cucurrit; & plorans ibi tota nocte, tanto dolori remedium fieri postulabat. Ad lacrymas miserabilis genitricis sanctus Geraldus respiciens, quod puerulo in gutture adhæserat dimovit, & dolorem penitus mitigavit. Noctē verò sequenti genitrici pue-

ruli in visione vir sanctus & gloriosus apparuit hoc modo dicens. Passio quæ filium tuum molestabat, te ignorante intolerabilis erat. Spina enim piscis guttur illius inhaerendo occupaverat, quam quidem carnibus infixam virtute Domini nostri Iesu Christi opitulante divulsi. Mulier expergefacta, gloriam omnipotentis magnificans, sancti Geraldı magnalia ubique celebravit.

XXVIII. In eadem quoque civitate erat quædam muliercula domum hospitalem inhabitans, quæ inopinata ægritudine superveniente omnibus membris contracta facta est. cujus etiam corpus tanta lepræ valitudo occupavit quod carnes de corpore ejus frustatim cadebant. Ipsa verò ad beati Geraldı sepulcrum quodam vehiculo translata, vigilias & obsecrationes infinitas ibi diutius est executā. Ad ultimum sanctus Geraldus mulierculæ suspiria & compunctiones attendens, membrorum contractione distenta, ei gressum restituit, & eam lepra penitus emundavit. Quæ verò ad beatum confessorē pedibus alienis misericordiam requirere venerat, virtutis miraculum repræsentans, propriis vestigiis ad domicilium suum proculdubio est reversa.

XXIX. In villa autem quæ Conciaria nominatur, quidam perhibetur homo fuisse cui in oculo apostema validum inolevit. Cum tanto enim tumore impetus apostematis jam ei insurrexerat quod oculus de capite penè egredi videbatur. Valde in arcta dolore positus, sancti Geraldı adminiculum sine intermissione deposcebat. Cui beatus confessor solita pietate sanitatis medelam exhibuit. In pristina demum salute restitutus, ad locum gloriosi confessoris cum magna devotione accedens, quæ facultas suppeditavit sepulcro ejus obtulit, & immensas gratias agens, Dominum nostrum Iesum Christum & sanctum Geraldum, qui misericordiam ei exhibuerat, propeñsius glorificavit.

XXX. Inter duo verò flumina, scilicet inter Hominem & Cadavum, quædam mulier morabatur quæ per quatuor annos infirmitatem quam medici asma vocitant sustinuerat, quam nimirum asmatis effocatio jam ad tantum malum perduxerat quòd anhelandi officium vix implere valebat. Nullo igitur medicaminis suffragio remedium adipiscens, ad beatum confessorum accessit, tantæ passioni mitigationem fieri nocte dique exoptulans. cujus quippe virtus eam in oratione assidua constitutam dignata est visitare. Namque ipsa prorsus ab ægritudine liberata & sanitati reddita beato Geraldo & se & virum suum & filios suos deinceps obsecuturos contradidit.

XXXI. In Episcopatu quoque Bracarensi quædam dicitur femina fuisse quæ per unius anni spatium languerat, ab officio membrorum suorum destituta: quæ quidem in præsentia corporis sancti constituta, lacrymas innumeras effundendo, clementiam sancti Geraldi assidue deprecata est. cujus lacrymæ non frustra sunt proculdubio effusæ. Nam incolumitate corporis sui consecuta, hilaris & gaudens ad proprium locum est reversa.

XXXII. Quædam etiam puella maniaca ad sepulcrum ejusdem confessoris perducta fuisse memoratur, quæ anno integro per devia montium furibunda vagando incesserat. cui beatus Geraldus visibile exhibuit miraculum. Namque furore prætermisso, ipsa sancti Geraldi suffragio ad sanam redire mentem concessa est.

XXXIII. Clericus autem quidam Bracarensis, cujus nomen Honoricus, dum Hierosolyma navigio rediret, tempestas valida in mari exorta est. unde navigantes naufragium incurrere ilico metuerunt. Quapropter ipse Clericus valde pavescens patronum suum, beatum scilicet Geraldum, attentius de-

poscere cœpit. cujus quidem sanctitatem circumfidentibus enarravit, eos ad eum in tanto periculo invocandum sic inflammando exhortans. Omnes itaque, jam maris naufragio incumbente, beati Geraldî opitulationem unanimiter petierunt. quorum quidem petitio à Deo exaudita est. Nam pro beati Geraldî reverentia magna repente tranquillitas eis à Christo facta est. Ad portum namque salutis sine detrimento pervenerunt.

XXXIV. Sanè quidam monachus, Pelagius nuncupatus, qui beato Geraldo viventi sedulus comes extitit, dum quadam die de actione obedientiali rediret, ad flumen Cadavum accessit, sed transmeare nequivit. In altera nimirum partæ ripæ, nullo homine existente, lembus exiguus consistebat. Pelagius verò monachus undique circumspiciens, & quærens qui sibi ministraret & lembum adduceret, nullum transeundi consilium potuit reperire. Quia verò festivæ diei, qui in sede metropolitana erat celebrandus, interesse satagebat, animum ejus angustia transeundi vehementius momordit. Ad ultimum valde gemens, & suspirans, domini sui, beati videlicet Geraldî, consuetæ misericordiæ consolationem, ne solemnitatis officio careret, medullitus postulavit. Ad hæc verba, quod est mirabile dictu, lembus per se solus sine aliquo ductore à ripa dilapsus medium fluminis alveum sulcando usque ad Pelagium monachum in altera ripa existentem proculdubio pervenit. Nec mirum; quia qui dæmoniacos curabat & ægros sanabat, ad lignum per aquam transducendum profectò compos potuit esse. Pelagius itaque monachus cum tanto virtutis miraculo flumen transmeavit, & quid & qualiter sibi contigerat sodalibus Bracarensisibus enarravit.

XXXV. Quidam autem homo morabatur in la quæ Siccaria nuncupatur, qui habebat filium

ab auxilium, oculorum, manuum, & pedum officio destitutum. Hic nimirum ad pedes beati confessoris præsentatus, immobilis quasi truncus ibi permansit, assuetæ clementiæ præstolans auxilium. Nec mora, libertas membris reddita est; & membrorum usus officio, virtutis manifestæ testimonium ostendens, ad propria absque vehiculo reversus est.

XXXVI. Ego verò Bernaldus natione Gallicus ad partes Bracarensum à beato Geraldo ductus, & ab eodem ad archidiaconatus apicem in Ecclesia Bracarensi promotus, quod mihi mirè accidit in commune volo deducere. Artificio namque medicaminis humorum superfluitates opportunitate temporis exigente detrahare consueveram; sed obsequio egregiæ Reginæ Tharasiæ, cui ad tempus serviebam, occupatus usum medicinæ pro consuetudine implere nequivi. Vnde humores extra cursum naturæ defluentes, in gutture modo apostematis collectionem adunarunt. Quod nimirum apostema usque adeo crevit quòd mihi anhelitus penè interclusus est. Esca enim & potus præ nimia angustia per hisophagum transglutiri nequibant. Tanta suffocatione coartatus loquelam amiseram. Multis & diversis medicaminibus adhibitis tantum apostematis malum dimovere tentavi. Duritia tandem tantæ collectionis invalescente, me colla neci dare penitus existimavi. Pecuniarum facultates Clericis, monachis, pauperibus distribui, jam de vita corporali desperatus. Ad ultimum verò patrocinii quod sanctus Geraldus oppressis & infirmis facere consueverat reminiscens, ad sepulcrum ejus, quamvis corpore debilitatus, cucurri, & diutius ibi lacrymatus sum. Inter quas lacrymas verba in hunc modum protuli dicens. O beate & sanctissime confessor Geralde, ad memòriam quæso reducas quia ad hujus regionis climata me quondam perduxisti,

& me in Clericum sublimasti, atque Ecclesiæ Bracarenſi me mancipare præcepisti. Pro tua igitur jussione Ecclesiæ Bracarenſis qualiscunque coadjutor procuracionem ejus pro ſcire & pro viribus meis utcunque ſuſtentavi. Locum tuæ ſepulcræ relinquere non præſumpſi, opitulationis tuæ confidentiæ vehementer innixus. Nunc autem gravissima ægritudine moleſtatus, quaſi exul & advena in alieno ceſpite mori compellor. Tuam igitur clementiam ſuppliciter depoſco quatinus apud Dominum tuum Ieſum Chriſtum, cui fidele & legitimum exhibuiſti ſervitium, medelam ſalutis mihi impetres, ut reſtituta ſanitate deinceps dignam ſine labe vitam valeam ducere, ipſo eodem juvante ſine cuius gratia nemo veram ſalutem adipiſcitur. Sæpe hanc orationem replicando, in Eccleſia beati Nicolai ante ſepulcrum ejus vigiliæ tota nocte perducere. Mane autem factò domum repetens, ad ſtratum meum reverſus ſum, beati confelloſis virtute me comitantes. Nam tuſſicula me repente invaſit, & ex inſperato gutturis apoſtoma crepuit, & ita Dei omnipotentis & beati Geraldi gratia imminens mortis periculum evaſi.

XXXVII. Copia ergo ſignorum quæ à beato confelloſe facta ſunt me minùs ſufficientem ad proferendum per ſingula reddidit, cùm etiam præ multitudine ſcire, necdum illa ſcribere, nequiverim. Cuiſcunque enim in Bracarenſi episcopio demorant ægritudinis moleſtia in corpore imminet, ſi ad ſepulcrum ejus properat, ſtatim doloris remedium proculdubio ſentit. Alij verò longè diſtantes, & præ magno objectu terrarum glorioſi corporis præſentiam adire non valentes, ſi aliqua corporis paſſione fuerint moleſtati, pro ſola ſancti Geraldi invocatione ſanitatæ medelam conſequuntur. Plures etiam i mari navigantes, ſi quando eis tempeſtas oriatur

sanctitatis ejus nomen unanimiter invocantes. tranquillitatem securi sine mora suscipiunt. In Ecclesia autem beati Nicolai, in qua sanctissimum corpus ejus requiescit, plurimæ cereæ effigies ante sepulchrum ejus dependentes, quas scilicet qui infirmantur illuc transmittant, argumentum tanti patroni sanctitatis visibile profectò ostendunt. Quicumque enim capitis aut ceterorum membrorum molestiam patitur, ad instar membri dolentis imaginem de cera compositam illud dirigit, & statim sanitatem sine dilatione consequitur. Omnes itaque qui diversorum criminum vulneribus sauciati jacemus, hujus beati confessoris propitiationem medullitus deposcamus, quatinus ipso medjante & intercedente perfectam nancisci salutem valeamus à Domino nostro Iesu Christo, qui cum patre & spiritu sancto vivit & regnat per omnia secula seculorum.

*INCIPIT TRACTATUS DE
conversione Pontij de Larazio, & exordij
Salvanienfis monasterij vera narratio. Au-
ctore Hugone Francigena monacho ejusdem
monasterij.*

IN nomine sanctæ & individuae Trinitatis unius veræ & summæ sempiternæque & ineffabilis deitatis patris & filij & spiritus sancti. Ego frater Hugo omnium minimus monachorum pro capacitate sensus mei & ingenij modulo qualicunque stili officio referre curavi monasterij nostri, videlicet Salvanienfis cænobij, prima principia, & quasi infantiae ipsius prima cunabula ad memoriam studui revocare, qualiterque cura cælestis gratiæ, velut bonæ nutricis studio diligentiaque, in virile robur excreverit, & in ipsum statum, quem modò habere

decernitur, protegente Deo pervenerit, conatus sum litterarum tradere monumentis ad honorem & gloriam & laudem illius qui de minimis magna facere consuevit, qui de quinque panibus quinque millia hominum satiavit, immo qui in principio mundi de nihilo cuncta creavit ad memoriam etiam futurorum, quatenus cognoscat successionis nostræ posteritas omnis à qualibus quantisque patribus religio domus nostræ sumpserit exordium, ut bonæ arboris generosa radice cognita, secundum generis sui speciem fructus afferre studeant qui maneant semper immarcescibiles ad testimonium & laudem & gloriam arboris hujus pulcherrimæ, videlicet Salvaniensis Ecclesiæ matris nostræ, quam ab initio cælestis agricolæ manus tamquam humile virgultum semper excoluit & excolere semper non desinit, incrementum ei tribuens & augmentum, irrigans eam plurimis beneficiis tamquam cælestibus pluviis cujus studio diligenti atque inter cetera ligna silvarum jam in tantum cacumen extulit ut operiat montes umbra ejus; in qua spirituales animæ diversarum virtutum piæ coloribus, tamquam cælestes aves nidificantes, studiorum bonorum fœtus enutriunt, simulque vocibus assiduè laudes resonant creatoris. Simples etiam quique atque mansueti tamquam animalia Dei bona sub umbra ejus ab æstu carnalium vitiorum jugiter requiescunt, secundum illud psalmistæ: *Animalia tua habitabunt in ea*. Sed si aliquis fortè me reprehenderit quòd in talem tantamque materiam mittere manus præsumpserim, homo ingenio habes, eloquio impeditus, & nullius ferè scientiæ, sciat hujusmodi me non præsumptione temeraria ductum aut inanis vento gloriæ promotum, sed salutaris obedientiæ vinculo constrictum hoc incepisse, præcipiente hoc mihi Domino Pontio Abbate meo & singula suggerente quæ vel ipse vidit ab

initio, vel audivit ab eis qui viderunt & interfuerunt, immo ab ipsis qui primi institutores & fundatores hujus loci fuerunt, nonnullis etiam de fratribus nostris hoc attestantibus, qui solo auditu cuncta didicerant. Sed illorum testimonio innititur magis nostra narratio qui ab initio cuncta noverunt, & laboris & patientiæ participes extiterunt, videlicet Hugonis Presbyteri & Raimundi Alzarani, de quorum testimoniorum veritate nullus permittitur dubitare. Sed hæc præfationis loco dicta sufficiant.

II. Regnante igitur Ludovico filio Philippi, Domino Petro Episcopo præsidente cathedræ Lodovenfi, Domino nostro Iesu Christo imperante in cælo & in terra & in mari, fuit vir unus in Lodovenfi pago, Miles officio, nomine Pontius de Larazio, quod erat castrum ejus inexpugnabile. Hic secundum seculi dignitatem genere clarus, opibus dives, possessionibus felix, ingenio acer, viribus potens, armis strenuus, municipio firmus, & in omni gloria seculari conspicuus inter ceteros eminebat; qui in primæva quidem ætate secularia desideria sectatus, multis vicinorum suorum extitit importunus. Quosdam enim sermonum astutia circumveniebat, alios armorum violentia perturbabat omnes verò quoscunque poterat rebus propriis viduabat, die noctuque rapacitatis actibus insistebat. Qui licet isto vitio notaretur, per cetera tamen non minus reprehensibilis habebatur. Sed pius Dominus, qui non mortem peccatoris sed pœnitentiam desiderat, qui quibus vult miseretur, & quos vult indurat, cor ejus timoris sui jaculo percussit, & à pristinis eum actibus penitus immutavit. In semetipsum namque rediens, considerare cœpit mala quæ fecerat, pensare judicium quod talibus actibus imminebat; & tactus dolore cordis intrinsecus, totus ad pœnitentiam est conversus; & ut deleret maculas criminum, die noctuque deduce-

bar flumina lacrymarum. Dumque assidue secum tacitus cogitaret quomodo vel quali satisfactione iram superni judicis placaret, quibusve actibus ejus misericordiam impetraret, placuit ei subito ut seculum omne defereret, & resti suo vitæ suæ tempore deinceps pœnitentiæ actibus vacaret. Sed quia uxorem habebat, sine cujus assensu hoc facere non valebat, consilij sui ei secretum credidit, utque ipsa taliter faceret magnis precibus exoravit. Quæ, ut erat nobilis genere, mente nobilior, piis viri votis libenter annuit. Pietatis ramen mora visceribus, & tota perfusa lacrymis, patrem pro suis liberis exoravit. Filium namque & filiam habebat, quorum affectu maternum pectus pietas agitabat. Sed pater providus, dum bene sibi cavere studuit, etiam filiis bene cavir. Matrem enim & filiam cum magna sæ portione substantiæ in monasterium virginum quod Drinonia dicitur honorifice collocavit. Filium verò in monasterio Lodovensi, quod sancti Salvatoris dicitur, monachorum cœrui sociavit. Et hæc fuit prima ejus oblatio, quam gratam obtulit trinam trino.

III. Cumque vicini ejus & amici omnes patiter mirarentur, & secum singuli quærerent quid agere vellet vel quid disponderet, cogitantibus omnibus in corde suo, atque dicentibus aliis quidem sic, & aliis sic; amicorum turba familiaris eum alloquitur, volentibus omnibus scire quid animi haberet vel quid facere cogitaret. Quibus ille cordis sui propositum per ordinem enarravit; & hac occasione accepta, de contemptu mundi, de timore judicij divini, de pœnitentiæ fructu, de pœnis malorum, de gaudio beatorum sermonem faciens, ut erat disertus atque facundus, licet laicus, luculentissime peroravit. Cujus eloquio inflummati quidam atque compuncti, omnem mundi fastum spernentes, ad pœnitentiam protinus sunt conversi, & ei jugiter adherere deinceps

deinceps cupientes, societatem ei inseparabilem promiserunt, dexteras dederunt, parati cum illo & in mortem & in vitam ire. Ex quibus primus fuit Raymondus de Pireto bonæ memoriæ vir, qui in monachali conversatione postea floruit. Secundus Guiraudus Presbyter, tertius Petrus Alzarran Miles, quartus Guillelmus de Rota, quintus Hugo Magnus, sextus Guillelmus Despatron. Septimus ipse fuit, qui eos verbo & exemplo convertit. Ut ipso numero daretur intelligi eosdem ipsos illuminatos gratia septiformi ad perfectionem venturos conversionis & vitæ, qui à perfecto numero incēpere.

IV. Carnalis igitur amoris vinculis absolutus, & societate sibi à Deo parata factus robustior, evangelicum præceptum illud aggreditur quo Dominus ait: *Si vis perfectus esse, vade, vende omnia quæ habes, & da pauperibus, & habebis thesaurum in cælo, & veni, sequere me.* Factoque præconio, possessiones suas emptoribus omnes exposuit. Tunc multi homines, Milites & pagenses, divites atque mediocres, Clerici & laici, refertis marsupiis undique convenerunt, quod cuique placuerat bene sibi emere cupientes. Et cum eis pecunia defecisset emptis jam plurimis, & adhuc plurima emenda superessent, etiam de pretio emptoribus dedit consilium, dicens se pro pretio accepturum animalia cuncti generis iumentorum, nec non & terræ fructus omnes quibus alitur vita mortalium. Quod certa de causa facere voluit, sicut ex sequentibus apparebit. Ipse enim sciebat quid esset factururus. Factum est igitur ut distractis immobilibus universis, rerum mobilium haberet plurimam multitudinem, in equis videlicet & equabus, mulis, mulabus, bubus & vaccis, ovibus & capris, & aliis multis quæ denumerare longum est. Cumque secundum Domini præceptum distribuere cuncta vellet egentibus, Ecclesiis, & monasteriis

hospitalibus & senodochiis, pauperibus atque peregrinis, viduis & pupillis, minùs Deo acceptum hoc fore credidit nisi ea primitus redderet quæ violenter quondam abstulerat. Mittit ergo nuntios per provinciam circumquaque, per civitates, & castella, villasque, ubicunque conventus hominum fiebant causa mercatus sive nundinarum, & per Ecclesias, qui publicè proclamarent, ut omnes quibuscunque Pontius de Larazio vel aliquid debebat vel aliquid per vim abstulerat, ad eum venirent apud villam quæ Peguerolas dicitur secunda vel tertia vel quarta feria post solemnitatem palmarum, sua singuli recepturi. Erat enim proximum Pascha, dies festus Christianorum.

V. Adveniente igitur die dominica quæ in ramis palmarum dicitur, de sua salute bene sollicitus, apud Lodovam post processionem lecto evangelio, stante Episcopo cum Clericis suis, super gradum qui factus fuerat ad loquendum in platea circumstante populo venit Pontius de Larazio cum sociis supradictis nudus & discalciatus. Ducebatur autem à quodam collo ejus innexo vinculo ligneo quod vulgò redorta dicitur, tanquam maleficus; & qui eum ducebat, virgis eum assidue flagellabat. Sic enim ipse fieri jusserrat. Perveniens itaque ad Episcopum tamquam servus fugitivus qui a bono domino recessisset, per manus illius se Deo reddidit, flexis genibus veniam postulavit, chartam quam manu ferebat, in qua peccata sua cuncta describi fecerat, Episcopo tradidit, & ut in auribus totius populi legeretur, multis precibus exoravit. Episcopus verò ejus verecundiæ parcens hoc fieri primum prohibuit; sed ipse in petitione sua instantissime perseverans, ut hoc fieret tandem obtinuit. Itaque Episcopo concedente charta legitur. Ipse verò in contractione persistens cum virgis ceditur, & ut durius cedi debeat enixius deprecatur,

tātorum criminum se reum esse viva voce fatetur, solum lacrymis rigabat, omnemque populum in fletum & lacrymas commovebat. Omnes quicumque aderant mirabantur, & eum affectu nimio venerabantur, ejus pœnitentiam prædicabant, eumque Dominum respexisse veraciter affirmabant. Precabantur etiam pro eo, ut qui ei pœnitentiæ dederat gratiam, donaret etiam in bono perseverantiam. Fuit autem ista confessio utilis & necessaria, non solum ei qui confessus est, sed & aliis multis qui verecundiæ pudore timidi peccata sua celaverant, nunc autem ejus animati exemplo, dum eum sic confitentem viderunt, ad confessionis & pœnitentiæ lavacrum currerunt.

VI. His igitur ita gestis, & solemnitate ramorum rite peracta, ad Ecclesiam itum est. Altera autem die, id est, secunda pœnalis hebdomadæ, nec non & tertia & quarta feria, affuerunt loco quem supra diximus clamatores multi ex diversis partibus congregati, quæ quondam amiserant sua singuli requirentes. Convenientes igitur ante ipsum velut ante judicem, de ipso tanquam de reo ipsius tanquam testis testimonium contra se flagitant. Ipse verò sui ipsius accusator & judex, reus & testis, omnes judicij personas in se suscipit, dum omnibus satisfacere cupit; accusat se-ipsam, testimonium contra se perhibet, se-ipsam judicat tanquam judex, pœnam suscipit ipse reus. Tandem singulorum pedibus provolutus, in primis veniam postulabat, deinde secundum quantitatem amissorum de suis facultatibus singulis perditā restaurabat. Et quoniam, sicut supra diximus, diversorum animalium multitudinem possidebat, nec non & pecuniæ omnis quæ in usus hominum est necessaria, qualia quisque amiserat talia recipiebat, ut non tam aliena recepisse quam sua propria invenisse se crederent. Maledictiones igitur antiquas in bene-

ditiones convertentes, valedicentes & benedicentes ei, cum gaudio ad propria sunt reversi.

VII. Tunc pagensem quendam vicinum propè videns aditare dixit: Heus, inquit, tu quid expectas? Quare clamoris tui causam non indicas? Ego, inquit ille, Domine mi, adversum te clamoris causam non habeo; sed multum te laudo & benedico, quia in multis me adjuvasti, & in causis plurimis contra adversarios mihi patrocinium præbuiisti; nihil unquam mihi nocuisti, nihil injuriæ intulisti. Ad quem ipse: Immo, inquit, tibi nocui; malum feci, damnum intuli; sed tu forsitan ignorasti. Numquid tali tempore, tali nocte, gregem tuum de caulis tuis non perdidisti? Perdidisti, inquit ille, Domine mi, verè perdidisti; sed quis mihi damnum fecerit, ignoravi; te damni mei conscium non agnovi. Ego, inquit Pontius, illud feci, per satellites & complices meos totum egi. Quapropter; obsecro, da mihi veniam, & postea quod tibi abstuli reddam. Indulgeat, inquit, tibi Dominus de cælo. Nam ego hoc tibi libenter remitto. Accipe, inquit, animalia hæc quæ remanserunt, & sint tibi loco eorum quæ tibi aliquando perierunt. Tunc ille pecuniam illam suscepit, de cælo eam lapsum credidit; & eum qui damnum sibi aliquando fecerat, non malefactorem, sed magni muneris largitorem cum gaudio prædicabat.

VIII. Ipse verò de facultatibus suis, quæ superfuerant, egentibus cuncta distribuit, sicut scriptum est: *Dispersit, dedit pauperibus, justitia ejus manet in æternum.* Feria autem quinta, quæ & cœna dominica nuncupatur, tredecim pauperes assumpsit, cibis temporè convenientibus copiosè refecit; pedes lavit, lacrymis rigavit, capillis terxit, & omnia secundum Domini mandatum fideliter adimplevit.

IX. Vespere autem facto, cum sol occidisset, dominicæ passionis nequaquam immemor, noluit dare

somnum oculis suis nec palpebris suis dormitacionem ; sed sicut Dominus noster Iesus Christus eadem nocte ad passionem pro peccatoribus perferendam spontaneus properavit , sic & ipse ad labores pœnitentiæ perferendos spontanea voluntate exiens , passionum Christi particeps effici voluit , ut resurrectionis & gloriæ consors effici mereretur. Igitur ipse & socij ejus cum eo pariter intempestæ noctis silentio , egredientes de terra sua & de cognatione sua & de domo patris sui , nil præter simplicem vestem , & ipsam vilem & religioni congruam , baculumque & peram singuli deferentes , peregrinationis iter arripiunt quod ducit ad sanctum Guillelmum. Ibant autem pedibus nudis , quod in usu minimè habebant , & ideo durius hoc ferebant. Via autem qua incedebant , non solum nudis pedibus ambulantis , sed etiam calciatis , & equitantibus , & etiam per diem pergentibus valde difficilis. Est enim amfractibus tortuosa , collibus elata , vallibus demissa , lapidum fragmentis aspera & tota horribilis ; qua dum incedentes sermocinarentur , & se ad pœnitentiæ labores perferendos invicem cohortarentur , nescio quo divino judicio accidit eis quiddam triste atque terribile. sed credo quod voluntas Dei fuit ut tentarentur , tentati probarentur , & territi purgarentur. Nam subito ventus vehemens irruit à regione deserti , qui concussit cælum , & turbavit aëra. Tunc luna , quæ prius fulgebat , delituit subito , stellarumque globi omnes pariter aufugerunt ; sed & densa nubes montes operuit , & tenebræ factæ sunt. Tunc mugire tonitrua , fulgura coruscare , lapidesque grandinis ruere cœperunt. Irruit super eos formido , & pavor magnitudine temporis. Tandem inter coruscationes crebras consideraverunt & inspexerunt sibi locum habitationis cujusdam , qui factus est eis in securitatem & in absconsionem à turbine & à pluvia.

Prius tamen quam ad illum venirent, tanta passi sunt ut merito de eis dicatur quod lapidati sunt, secti sunt, tentati sunt. Mane autem facto, ibant gaudentes in conspectu Domini, cum digni habiti sunt pro amore ejus aliquem laborem pati.

X. Tandem ad sanctum Guillelmum pervenientes, multitudinem ibi Militum aliorumque hominum invenerunt, qui ex more convenerant, sicut omni anno faciunt die ista, ad adorandam crucem; cum quibus & ipsi vivificum lignum, in quo nostros actus actor fuit hostia factus, devotissimè adoraverunt. Cumque eorum humilitatem & devotionem pariter omnes mirarentur, cognovissentque quod Lodovices erant, eo amplius eos venerabantur. Aderat autem inter eos vir quidam potens & dives, videlicet Raymundus Petri de Aguantico, qui eos multis precibus exoravit & opido coegit ut in die dominicæ resurrectionis apud Aguanticum cum illo manerent ob honorem tantæ solemnitatis: qui acquiescentes ei abierunt cum illo, fueruntque ibi altera die, quæ est post Parasceven, & die dominicæ resurrectionis; audieruntque ibi Missarum sacrosancta solemnia, & dominici corporis & sanguinis viaticum susceperunt.

XI. Altera autem die, id est, secunda feria paschalis hebdomadæ, valedicentes hospiti, iter apud sanctum Iacobum sunt aggressi, illum in peregrino habitu quærentes & invenire omnimodis cupientes qui, sicut in eadem die legitur, in peregrino habitu duobus discipulis euntibus in Emaus apparuit, in quo itinere quot labores quotve cruces passi sint in labore & ærumna, in vigilis, in jejuniis, in fame & siti, in frigore & nuditate, solus ille novit qui eorum laborum remunerator & testis fuit. Dedit autem eis Deus gratiam in conspectu omnium qui viderunt eos ut ex ipsa vultuum specie faciliè omnes

agnoscerent eosdem viros esse virtutis & verè religiosos. Vnde quæ victui eorum erant necessaria multi eis libentissimè ministrabant. Si quando verò divites eis plurima obtulissent, tantum inde accipiebant quantum ad ipsius diei victum sufficere poterat. cetera reddebant. coacti verò eadem retinere, pauperibus ilico dividebant; & ne in pecunia spem ponere viderentur, quam in Deo totam posuerant, nihil in posterum reservabant, credentes ei qui dixit, *Nolite cogitare de crastino*, & illud: *Quarite primum regnum Dei & justitiam ejus, & hæc omnia adicientur vobis*. Quapropter absque ciborum sustentamento dies plurimos transegerunt; sed non minùs Deo gratias reddiderunt. In omni autem itineris spatio maxima illis cura fuit atque præcipua sanctorum loca invisere, religiosos viros ubique quærere, orationum suffragia postulare, modum etiam vitæ addiscere quo omni tempore deinceps possent Domino innocenter servire.

XII. Fuit autem omnium qui eis consilium dederunt una sententia, intentio eadem, idem sermo, idem consilium; quippe qui uno spiritu omnes edocti fuerant, dicentibus omnibus atque laudantibus illis ut eremi loca incoherent, labore manuum victum acquirerent, in quo in simplicitate atque puritate vitæ Deo servirent, & religionis suæ hæredes post se relinquerint. Quod consilium maximè roboravit atque intimavit eis Archiepiscopus Iacobensis, qui quidem in episcopatu suo primitus eos voluit retinere & locum congruum eis assignare; sed postea intra se cogitans quòd si inter homines alterius linguæ remanerent, parum proficere possent, & dum loquentes non intelligerentur, barbari à barbaris haberentur, ad notas regiones illos remittere studuit in sancto proposito perseverare monuit, & de Dei bonitate præsumens, à Deo eis grãdia repromisit. Cu-

ius sermonibus roborati, benedictione firmati, per aliam viam revertentes in regionem suam, Michaelis archangeli memoriam, quæ in monte sita est in periculo maris, adierunt, beati Martini Turonensis Ecclesiam visiterunt, sancti Martialis causa Lemovicæ abierunt, beati Leonardi basilicam intraverunt, ad ultimum Ruthenensem urbem ingressi, cum ad Ecclesiam beatæ Dei genitricis & Virginis Mariæ orarent, Episcopo nuntiati & ab eo vocati sunt.

XIII. Ipse erat dominus Ademarus Ruthenensis Episcopus, piæ memoriæ & magnæ auctoritatis vir: qui cum cognovisset quod Lodovenses homines erant noti & vicini, nobiles etiam atque generosi, cum magna veneratione & alacritate eos suscepit; votum eorum etiam cognoscens, se eis in omnibus profuturum, consilium & auxilium collaturum repromisit, si in episcopatu suo remanere vellent. Comes etiam Ruthenensis audiens quod Pontius de Larazio in episcopio esset, voluit eum videre tamquam sibi notum & familiarem Militem & quondam amicum suum: cujus cum desiderium agnovisset, pollicitus est ei semper se adiutorem & defensorem in omnibus affuturum. Obtulit etiam eis loca quædam ad monasterium construendum tam ipse Comes quam Episcopus, videlicet villas & Ecclesias desertas. Sed ipsi hominum frequentiam fugientes, secreta sylvarum nemorumque magis abdita desiderabant.

XIV. Quapropter cum gratia Comitis & Episcopi benedictione recedentes, venerunt in terram quæ Camarès nuncupatur. quæ terra nemorosa est, & silvis obsita, ardua montibus, devexa collibus, irrigua fontibus, rivis, atque fluminibus; in qua dominabatur vir quidam magnus & potens, qui Arnaldus de Ponte dicebatur. Cognoscebant autem eum ex multo tempore, scientes quia homo erat benevo-

lus & latus, & ad omne opus virtutis promptus, Qui venientes eos ad se conspiciens, antequam eos cognosceret dixit eis: Quid veniunt ad me domini mei, aut quid volunt? Ad quodcunque volueritis scitote me esse paratum. Postquam autem eos recognovit, cum honore magno & devotione suscepit, causamque propter quam venerant diligenter inquisivit. Cui respondentes, locum aliquem religioni congruum, ab hominibus remotum atque secretum, ubi manerent & Domino servirent, se quærere confessi sunt. Quis, inquit, his votis vestris satisfacere potest sicut ego, aut quæ terra convenientior tali proposito poterit inveniri? Ecce terra coram vobis est. Vbicunque vobis placuerit manete; ædificate, seminate, plantate, novellate, & orate pro me. At illi elegerunt sibi quendam locum qui antiquitus Silvanium dicebatur; quem ipsi sive successores eorum Salvanium vocaverunt, immutato in *a*; ut qui ante Silvanium à silvis dicebatur, Salvanium à salvatione deinceps diceretur, in quo casulas propriis manibus fabricantes, manserunt bestiis sociati, cotidiano tamen labori insistentes, dumeta falcibus refecantes, terram ligonibus proscindentes, locum habitabilem ex inhabitabili reddiderunt.

XV. Tunc fama religionis eorum circumquaque diffusa, ad aures pervenit vicinorum Pontificum, Ruthenenlis scilicet, atque Lodovenſis, sive Biterrenſis, deinde ad totius populi. Tunc plurimi eos visitare cœperunt, munera offerentes, eos in omnibus adjuvantes. Quod maximè fecisse noscuntur homines Lodovenſes, sicut in sequentibus plenius ostendemus.

XVI. In tempore illo facta est fames incomparanda in illa regione. Negavit enim terra fructum cultoribus suis, & luxerunt omnes qui colebant eam, cum spe sua frustrari fuerant; & illuſi

Ceteris fide, quernas ibant ad arbores. In anno illo, secundum Isaiaë vaticinium, triginta modii sementis vix fecisse dicuntur modios tres, & decem jugera vinearum vix implere potuerunt lagunculam unam. Tunc apud Salvanium congregata est pauperum multitudo & gens magna qui obsederunt domum in circuitu tamquam exercitus, omnem vitæ suæ spem in ejus alimoniis collocantes. Erat autem domui illi & fratribus illis ab initio inolita consuetudo, & quasi pro lege tenebatur omnes hospitio recipere, alere agentes, pauperes recreare, nudos vestire, mortuos sepelire, & cetera pietatis & misericordiæ opera adimplere, quæ consuetudo usque in præsentem diem secundum loci possibilitatem favente Deo durare cernitur. Videntes autem fratres tantorum pauperum multitudinem, conturbati & contriti dixerunt alter ad alterum: aut fugiendum nobis est de loco isto, aut moriendum cum istis. Videte quid faciendum nobis sit. Quis eos vel paucis diebus poterit sustinere. Si enim locus iste cum domibus & habitatoribus suis panis esset, à tanta multitudine brevi tempore devorari posset.

XVII. Tunc Pontius de Larazio murmur eorum compescuit dicens: Si fugere, inquit, voluerimus, non effugiemus. Neque enim patet evadendi via, neque ab oriente, neque ab occidente, neque à desertis montibus, cum Deus judex est. Denique qui ad fugam properant, victos se esse demonstrant; & victos ignominia, victores verò gloria manet. Nos autem non ad fugam venimus, sed ad pugnam. Stare ergo non oportet, non fugere, & viriliter decertare, quia non coronabitur nisi qui legitime certaverit. Recordamini pristinos dies conversionis vestræ, in quibus magnum certamen laboris & patientiæ per tulistis, & quomodo de omnibus tribulationibus & angustiis liberavit vos Dominus; & nunc credite.

quòd similiter vobis subveniet. Mementote quòd olim populum Israël quadraginta annis, absque pane terreno, cœlesti manna pavit Deus in solitudine, & in diebus Helix in Sarepta Sidoniæ viduam & domesticam ejus familiam cum Propheta multis diebus pavit ex hydria farinæ & lecytho olei, ita quòd hydria farinæ non defecerit, & lecythus olei non est imminutus. Sed & in tempore Helisei, quando obsessa est Samaria, & obsessi famis angustia periclitabantur, Deus in una die tantam eis ciborum abundantiam contulit ut modius similæ statere uno esset, & duo modij hordei statere uno, in porta Samariæ. In evangelio etiam audistis Dominum ex quinque panibus quinque hominum millia satiasse; post quorum refectiorem Apostoli duodecim cophinos fragmentorum substulerunt ex quinque panibus illis quæ superfuerant illis qui manducaverant. Numquid invalida facta est manus Domini ut nunc talia facere non possit? Tantus est nunc quantus erat tunc. Non potest esse minor, non potest esse major. Credamus in eum, fratres, quòd omnia possibilia sunt credenti. Spem nostram omnem ponamus in eo, quia ipse est liberator omnium sperantium in se. Timeamus eum, scientes quòd voluntatem timentium se faciet. Diligamus eum, quia custodit omnes diligentes se. Sed nunc tempus postulat, fratres, ut iterum faciatis quod olim fecisse vos meministis. Vendite quæ possidetis, & date eleemosynam, olim propria, nunc communia. Ecce habetis boves & oves, jumenta & pecora. A filo subtegminis usque ad corrigiam caligæ nihil remaneat quod non vendatur & detur egenis fratribus. Fratres etenim nostri sunt, eundem patrem habent nobiscum Deum, cui omnes dicimus *Pater noster*. Eodem pretio redempti sunt quo nos, id est, sanguine Iesu Christi. Quòd si post omnia nos mori contigerit, moriamur omnes in simplicitate nostra,

scientes quòd sicut Christus pro nobis animam suam posuit, ita & nos debemus pro fratribus animas ponere. Interim ego vadam ad optimates populorum qui sunt in seculo, & pro mendicis mendicus ipse efficiar. Et his dictis, asellum ascendit; ferulamque manu bajulans, profectus est.

XVIII. Fratres verò cuncta quæ possidebant vendere parabant, sicut ipse iusserat. Quod audiens Dominus Arnaldus de Ponte, hoc fieri modis omnibus prohibuit, timens ne iterum locus in solitudinem deveniret; & aperiens horreum suum, dedit eis alimentorum quippiam, unde pauperes vel paucò tempore sustentarentur. Tunc videns Dominus fidem illorum, dedit benedictionem suam super domum illam à die illa & deinceps. Nam si quando pauca grana molari machina frangebantur, farina collecta dolia replebantur; & quando conspersiones fiebant, divinæ benedictionis fermento magides redundabant; & cum in parva forma clibanus panes suscipiebat, in magna reddebat; & quando iidem panes frangebantur, magnæ sportulæ implebantur, quæ à dantibus vix evacuabantur. Multiplicabatur enim magis dispendio panis sui, & edentium sub dentibus crescebat in ore cibus. Et ita benedictionis divinæ gratia redundante pastus est populus ille in ista eremo quasi cælesti manna toto illo tempore usque ad tempus novarum frugum.

XIX. Pontius verò de Larazio post paucos dies rediens, & ipse benedictionis divinæ consolationem non minimam asserens, latificavit domum & habitatores ejus universos. Audiens verò quanta Deus fecisset mirabilia gavisus est gaudio magno valde. Et omnes cum eo pariter benedicebant Dominum in hymnis & confessionibus, dicentes: *Quia memoriam fecit mirabilium suorum misericors & miserator. Dominus, escam dedit timentibus se.* Expleto autem

tempore usque ad nativitatem sancti Iohannis Baptistæ, in ipso die convivium fecit populo; & refectis omnibus abundè, valedicens omnibus, iussit eos abire ad loca sua in nomine Domini. Illi autem perfecti prædicaverunt ubique dicentes quòd verè Dominus est in illo loco, & non est aliud ibi nisi domus Dei.

XX. Deinde paucò tempore in tantum locus profecit & excrevit, non tantùm rebus, sed etiam religiosis personis & possessionibus, ut abbatiæ construendæ & tenendo ordini idoneus diceretur. Facta est ergo contentio inter eos quis ordinum videretur esse major, aliis laudantibus ordinem Cisterciensium, aliis verò ordinem Carthusiensium, quibusdam etiam sanctimonialium virginum monasterium construere dicentibus dignum. Tunc hanc causam ponere placuit in arbitrio Carthusiensium. Ob quam causam Pontius de Larazio pergens Carthusiam, Priori ceterisque fratribus causam exposuit. Qui inspecta regula veritatis, præ ceteris cunctis ordinibus Cisterciensium ordinem laudaverunt, eumque potius expectandum eidem Pontio mandaverunt. Cui consilio hoc insuper addiderunt, ut de illa abbazia ordinis quæ loco illi vicinior videretur, ordo deduceretur, ne in eundo sive redeundo laborem nimium paterentur.

XXI. Tunc Pontius de Larazio vale faciens illis, ad Mansum Adæ venit, capitulum intravit, per manus Domni Petri Abbatis, qui tunc eidem loco præerat, Salvaniensem domum Cistercensi ordini reddidit, & Abbati eidem prædictæ domus curam imposuit. Tunc Dominus Petrus primus Mansiadae Abbas piæ memoriæ, vir sanctus & Deo dignus, viros quosdam electos illud direxit, qui officinas aptarent, & locum ordini præpararent. Fratres verò Salvanienses ad se venire præcepit, & eos secundùm

regulam beati Benedicti per annum probatos & eruditos monachali habitu induit, benedixit, atque remisit. Ex quibus unum virum sapientem & bonum, litteris eruditum, videlicet domnum Ademarium, illis præposuit, & abbatem esse constituit, domus curam illi tradidit, & dimisit.

XXII. Tunc primum Salvanienſis Eccleſia in abbatiam ſurrexit, anno videlicet ab incarnatione Domini milleſimo centeſimo triceſimo ſexto. Tunc in ea religio cœpit florere, ordo ſuccreſcere, caritas fervere. Tunc illuſtres viri & fideles homines de rebus & poſſeſſionibus ſuis dare ei plurima cœperunt, & non ſolum vicini, ſed etiam ex longinquis partibus, atque tranſmarini, cujus etiam domus religio Principes orbis non latuit, qui ob ſalutem & redemptionem animarum ſuarum ſua illuc munera tranſmiſerunt. Fecit hoc Imperator Conſtanti-nopolitanus, hoc etiam Siciliæ Rex ſive Dux Rogerius, hoc & mirabilis vir & ſua ſanctitate & devotione toto orbi cognitus Comes Theobaldus, hoc & multi alii, qui in æternæ beatitudinis albo conſcripti, devotionis ſux à Domino præmia receperunt. Inter quos præcipuè recensendus & æternæ memoriæ commendandus eſt vir quidam nobilis & dives Guillelmus nomine, qui de tranſmarinis partibus ad conſtruendam Salvanienſem Eccleſiam miſit ducentas marchas argenti; cujus memoria in benediſtione inter ſpeciales amicos & familiares noſtros, non ſolum anniverſario curſu, ſed etiam quotidiano uſu celebratur & colitur. Sed & vir quidam nobilis ac prædives civis Lodovenſis nomine Petrus Aibrandi fecit dormitorium, ad quod opus faciendum centum marchas argenti obtulit. Filius verò ejus Aibrandus fecit reſectorium.

XXIII. Poſtea verò procedente tempore placuit Domino Abbati Guiraldo & fratribus univerſis

ut propter insolentiam secularium hominum & alia multa incommoda monasterium mutari deberet in locum alterum qui melior & religioni convenientior videbatur & aliis abundans multis commoditatibus qui locus non longè aberat à monasterio, sed quantum arcus balistæ mittere potest. Erat autem alienus à possessione monasterii, & non nisi magno pretio haberi poterat. Quo audito supradictus vir Guillelmus, qui ad construendam Ecclesiam ducentas marcas argenti miserat; voluit & præcepit ut de ipsa pecunia locus emeretur in quo Ecclesia fundaretur. quod & factum est. Mille enim solidorum pretio idem locus emptus est cum omnibus pertinentiis suis, prædium pulchrum & delectabile, religionique valde conveniens. Cœperunt ergo in eo novum monasterium ædificare. In quo loco Petrus Aibrandi venerabilis sacrista Lodovensis Ecclesiæ filius prædicti Petri & fratres ejus Guiraldus, ambo fecerunt dormitorium majoris magnitudinis & excellentioris pulchritudinis quam prius fuerat. Refectoryum verò fecit Richardus Clarii venerabilis Ecclesiæ prædictæ Clericus. Isti sunt constructores sive fundatores Salvanienſis monasterii, qui merito suæ devotionis inter amicos & familiares nostros primi esse meruerunt: quorum memoria non derelinquetur in seculum, cum quandiu Cisterciensis ordo durare poterit, non præteribit dies aliqua in qua non habeatur eorum commemoratio & sollemnis pro eis fiat oratio. Illi verò qui suis laboribus locum primitus inceperunt, in sanctitate vitæ, in humilitate & obedientia permanserunt, donec terræ corpora, cælo animas reddiderunt.

XXIV. Frater autem Pontius de Larazio, qui humiliorem locum semper eligere studuit, in habitu laicorum fratrum conversus permansit, ut omni domui liberius provideret, & servorum Dei servus semper existeret. quod & fecit, donec beato fine in

Dominò quievit. Hic pius, prudens, humilis, pudicus, sobrius, castus fuit, & quietus, vita dum præsens vegetavit ejus corporis artus. Qui mense Augusto, prima die mensis, viam universæ carnis ingrediens, non obiit, sed abiit ad patres suos, de morte ad vitam, de labore ad quietem, de exilio ad patriam.

XXV. Isti viventes in carne plantaverunt Ecclesiam istam labore suo. Modò coronantur, & accipiunt palmas laborum suorum. Horum animabus nos omnes debitores sumus, & omnes qui in loco isto futuri sunt usque in finem. Ipsi laboraverunt, & nos in labores eorum introivimus; ipsi semina-verunt, & nos messuimus. quanvis nos eorum orationibus magis indigeamus quàm ipsi nostris, quorum meritis & intercessionibus Deus locum istum semper regit & protegit. Horum exemplo multi viri militaris ordinis in hoc loco ad Dominum sunt conversi, quorum unus fuit Dominus Arnaldus de Ponte, de quo superiùs mentionem fecimus, qui eundem locum dedit, in quo post modum quievit in pace. Sed & alii plures materialia arma deponentes, spiritalia sumpserunt contra spirituales nequitias pugnaturi: qui conflagrant gladios suos in vomeres, & lanceas suas in falces; qui non levabunt ampliùs contra gentem gladium, nec exercebuntur ultrà ad prælium. in quibus etiam illud impletum est: *Habitabit lupo cum agno, & pardus cum hædo accubabit. Lupus & agnus pascuntur simul; leo & bos comedent paleas.*

XXVI. Interea fratres divinis laudibus vacantes cotidianis laboribus insistentes, seminaverunt agros, & plantaverunt vineas, & fecerunt fructum nativitatìs, & benedixit eis Deus, & multiplicati sunt nimis, & desiderium eorum attulit eis, non sunt fraudati à desiderio suo; dedit illis Deus mansiones gentium

gentium, & labores populorum possederunt, ut custodiant justificationes ejus, & legem ejus requirant,

XXVII. De situ loci scribere supersedi, cum cotidie eum videamus. Hoc solum propter absentes dixisse sufficiat, quia montes in circuitu ejus sunt, & Dominus in circuitu populi sui. De materialibus etiam ædificii dicere superfluum judicavi, cum cotidie renovantur, vetera destruuntur, & nova ædificantur, & Deo propitio in melius assidue commutantur. De spiritualibus autem sciendum est quia domus hæc fundata est supra firmam petram, id est, Dominum Iesum Christum; quæ columnis septem in altum erecta nubes transit, sydera transcendit, & usque ad solium superni judicis pertingit, ubi Regum Rex & dominus rerum sceptrum tenet, orbisque habenas temperat, & volucrum curram stabilis regit. In ea lapides magni, lapides vivi, lapides pretiosi dolantur, quadrantur, & poliuntur, de quibus Hierusalem cælestis ædificatur ut civitas, cujus participatio ejus in idipsum.

XXVIII. Primus Abbas hujus loci Domnus Ademarum fuit, qui in eo sex mensibus vixit. Secundus. Desiderius extitit, qui octo annis ibidem præfuit. Tertius Domnus Guiraldus fuit, qui jura regiminis decem & septem annis strenue gubernavit, monasterium multis possessionibus ampliavit, & multa bona in eo patravit; inter quæ & domum de Annonenca fundavit, & in ea religionem sanctionialium propagavit. Obiit autem anno gratiæ millesimo centesimo sexagesimo primo, mense Septembri; decimo quinto Kalendas Octobris. Huic successit Domnus Pontius Abbas meus totius assensione conventus; eodem anno, mense Octobri, de Priore in Abbatem assumptus, qui Abbatum ordite fuit quartus. Ipse est qui hoc scribere nos præcepit, qui ea quæ diximus aut vidit aut audivit,

& testimonium scriptis perhibuit, & scimus quod verum est testimonium ejus.

XXIX. Latere igitur Salvanienſis Eccleſia mater bona, gratulare & jubila, dilata locum territorii tui, & pelles tabernaculorum tuorum extende, longos fac funiculos tuos. ad dextram enim & ad lævam penetrabis, & ſemen tuum montes hereditabit. Gaude & exulta in Domino Deo tuo, quia dum juga montis aper, fluvios dum piſcis amabit, dumque thymo paſcentur apes, dum rore cicadæ, ſemper honos nomenque tuum laudesque manebunt, præſtante Domino noſtro Jeſu Chriſto, qui vivit & regnat Deus per omnia ſecula ſeculorum. Amen.

*Explicit tractatus de converſione Pontii de Laraſio;
& exordii monaſterii Salvanienſis vera narratio.*

ELOQUENTISSIMI VIRI

Leonardi Aretini oratio in funere Nannis

Strozæ Equitis Florentini.

LEx fuit vetuſta Solonis, ut opinor, ſapientiſſimi viri, à ſapientiſſima quaque civitate comprobata uſu atque recepta, ut qui cives pro patria bellando interirent, iis poſtea domi publicum exhiberetur funus cum magnificentiſſimo tum rerum apparatu, tum etiam verborum. Res quidem erant ad pompam funeris accommodatæ, verba autem ad laudum eorum qui interierant explicationem. Proſpexerat & illorum natis eadem lex, ut quaſi publicam civitatis ſobolem publica educatione & curâ atque omnium rerum indulgentia civitas eos proſequeretur. Providentiſſima certè atque optima lex dignaque Solonis auctoritate, qui & ſapiens fuit unus è ſeptem. Quæ enim utilior quæve honeſtior lex excogitari poteſt, quæ & honore allicit homines

ad patriam defendendam, & casum parentum levat orbatorum cura suscepta? Plerumque enim quamvis fortes viros à periculis revocare solet non tam sui ipsius formido quam filiorum respectus, maximeque parvulorum, quos desertos facere orbatosque relinquere velle contra naturæ quodam modo legem videtur esse, quæ quos ipsi genuimus alendos nobis tuendosque præscribit. Nec justitia verò nec gratitudo major esse ulla potest quam qui propter patriam orbatii sunt, eos filiorum loco à patria suscipi; ut non detrimentum filiis gloriola parentum mors, sed amplitudinem & augmentum videatur attulisse. Hujus celeberrimæ laudatissimæque legis memoriam renovavit nunc mihi gloriosissima mors clarissimi viri Nannis Strozæ Equitis Florentini, qui hoc bello quod adversus Mediolanensem Ducem civitas nostra Venetique nunc gerunt bellando interit, natosque reliquit ætate parvulos, parentis cura destitutos atque orbatos, caritatem patriæ anteferebat natorum caritati; ad cujus fatum quoniam illa concurrunt omnia quæ Solonianæ legis providentia sanxit, cuncta nimirum sibi natisque exhibenda censemus, merito quidem atque optimo jure. Quis enim propior legis casus evenire potest? Sed de funeris quidem publici honore natorumque educatione & cura ii qui possunt & debent, ut spero, providebunt. Laudationem verò illius merito congruentem nos interim parare illi juxta legem conemur; quæ ita scribetur à nobis quasi in ipso funeris extremo dicatur oratio.

Iubemur nunc ad funeris honorem summo huic virò præstitum verborum insuper commendationem adungere, quo rebus honestatus magnificè, verbis ornatus insigniter, cunctis à patria cumulatissime persolutis, fatalem viam feliciter gradiatur. Circumspecta quidem legislatoris mens & multifariam lau-

danda provisio. Ornatu quippe verborum magnificentiæ rerum adhibito & viventium gratitudo conspicua sit, & defuncti virtutes & opera quasi splendore quodam illustraræ patefcunt, & propinquorum mœror pro rerum gloria delinitur. Mihi verò potissimum hoc laudandi munus esse commissum haud quaquam gravarer si tantum ingenii facultatisque adesset ut huic amplissimo generi dicendi satisfacere possem. Sed intelligo pro dignitate id facere difficillimum esse nec nisi à summo ingenio summaque eloquentia tentandum, præsertim cùm in laudatione funebri & publica civitatis quoque laudes admisceri conveniat, civitas autem sublimiorem quendam, ut ita dixerim, sonum ac magnificam dicendi præstantiam flagitet, nec est cuiusvis ista præstare posse, sed peritissimi rerum hominis ac genere ipso dicendi fecundiaque eminentis. Nam laudatio quidem omnis si languidior sit, permultum illis ipsis detrahit quos laudare velis, & periclitatur eorum existimatio in laudatoris peritia; ut satius interdum sit omnino tacere quàm imperitè commendationem dixisse. Accedunt eorum qui audiunt voluntates toto iudicio inter se dissidentes. Nam benevolentia quidem affecto nihil videtur satis, invidus verò ac malivolus auditor cuncta quasi plus nimio superlata contemnit; ut in tanta varietate hominum impossibile quasi sit multitudinis auribus moderari. Sed nunc, licet has difficultates minimè ignorantem, cùm benevolentia hominis, tum patriæ jussus auctoritasque pervicit ad hæc ut potero transigenda. Precor autem atque obtestor omnes qui audituri sunt ut conatum potius meum quam profectum inspiciant. Ac finem præfandi faciens, rem jam ipsam aggredior.

Funeris quidem oratio hæc una est in qua nec ferum ne lamentationem adesse conveniat. Nam

illis quidem mœror debetur qui sic è vita decedunt nihil ut habuerint quod superstites consolari possit. Hujus autem vita optabilissima fuit, mors verò admodum gloriosa; ut tanta cumulatione bonorum viventem morientemque perfunctum lugere ingratiſſimum videatur. Sed in explicatione bonorum quamplurima atque maxima huic sorte quadam divina contigerunt. Primus honor patriæ merito defertur. Est enim illa primum ac præcipuum felicitatis humanæ fundamentum, parentibus etiam venerationis merito præferenda. A patriæ igitur laudibus incipientes, rectum dicendi initium suscepisse videbimur.

Natus est enim in civitate amplissima atque maxima, lati domini, summæ auctoritatis, Etruscarum quidem civitatum sine controversia omnium principe, Italicarum verò nulli neque genere neque opibus neque magnitudine cuiquam secunda; ad cujus originem civitatis duæ nobilissimæ ac præstantissimæ totius Italiæ gentes coierunt, Tusci veteres Italiæ dominatores, & Romani, qui terrarum omnium virtute sibi & armis imperium pepererunt. Est enim civitas nostra Romanorum colonia veteribus Tuscorum habitatoribus permixta. Tusci autem prima semper Italiæ gens & auctoritate opibusque suprema fuere; quorum ante Romanorum imperium ea potentia fuit ut utrique mari quo Italia cingitur nomen ab hac una gente datum constet, & ab Alpibus ad fretum Siculum, quantum Italiæ longitudo protenditur, ab eadem hac una gente per multa secula imperatum. Ab hac una denique gente cultus deorum immortalium, ab hac una disciplinæ & litteræ in Italiam perlatae. Ab hac una, omnia pacis bellicque ornamenta ceteri Italiæ populi susceperunt. Nam de Romanorum quidem potentia, excellentia, virtute, gloria, magnanimitate, sapientia,

magnitudine imperii tacere omnino satius est quam pauca dixisse. Quæ civitas igitur generosior, quæ nobilior, quæ veterum parentum gloria abundantior esse potest? Aut quænam est potentissimarum civitatum in hoc genere laudis huic nostræ comparanda? Digni etiam commendatione majores nostri, qui hanc civitatem per manus suscipientes ita instituerunt atque gubernarunt ut à virtute illorum à quibus orti sunt minimè degenerasse videantur, qui sanctissimis legibus stabilitam rempub. ea sapientia moderati sunt ut exemplo ceteris gentibus bene vivendi essent, ab aliis verò exemplum ipsi non peterent, qui auctoritatem atque potentiam continuo studio ita vel conservarunt sibi vel auxerunt ut, quantum memoria extat hominum, nunquam non caput Etruriæ hæc civitas fuerit. Digni etiam laude & qui nunc sunt in præsentī ætate constituti cives, qui civitatis potentiam de patribus acceptam magis etiam extulerunt, Pisis & aliis quibusdam magnis urbibus virtute & armis ad imperium adjunctis. Neque nunc bella & pugnas & rerum gestarum series commemorandi tempus. Prolixam quippe materiam, & non unius dei sed annalium multorum laborem & operam flagitant. Sed externis vel relictis hunc vel dilatis, in ipso, ut ita dixerim, civitatis corpore prospiciendo contemplandoque insistamus.

Forma reipub. gubernandæ utimur ad libertatem paritatemque civium maximè omnium directā: quæ quia æqualissima in omnibus est, popularis nuncupatur. Neminem enim unum quasi dominum horremus, non paucorum potentie inservimus. Æqua omnibus libertas, legibus solùm obtemperans, soluta hominum metu. Spes verò honoris adipiscendi ac se attollendi omnibus par, modò industria adsit, modò ingenium & vivendi ratio quædam probata & gravis. Virtutem enim probitatemque in cive suo

civitas nostra requirit. Cuicumque hæc adfit, cum satis generosum putat ad rempub. gubernandam. Superbiam verò ac fastidia potentiorum sic vehementer odit ut plures acrioresque in id genus hominum leges quàm in ullam rem aliam sanxerit, donec domitos superbos & quasi adamastinis legum catenis devinctos subdere tandem colla & infra mediocritatem etiam sese humiliare coegerit; ut summi jam beneficii loco concedatur ex grandioribus familiis ad plebem transire. Hæc est vera libertas, hæc æquitas civitatis, nullius vim, nullius injuriam vereri, paritatem esse juris inter se civibus, paritatem reipub. adeundæ. Hæc autem nec in unius dominatu nec in paucorum possunt subsistere. Nam regiam quidem gubernationem qui anteferunt, eam virtutem in Rege effingere videntur quam in nullo unquam fuisse concedunt. Equis enim suis unquam Regum qui cuncta eorum quæ regno subsunt hominum causa fecerit, nihil verò sui gratia præter nudam nominis gloriam concupierit? Ex quo fit ut monarchiæ laus veluti ficta quædam & umbratilis sit, non autem expressa & solida. Regibus, inquit historicus, boni quàm mali suspiciores sunt, semperque his aliena virtus formidosa est. Nec multò secùs accidit in dominatu paucorum. Ita popularis una relinquitur legitima reip. gubernandæ forma, in qua libertas vera fit, in qua æquitas juris cunctis pariter civibus, in qua virtutum studia vigere absque suspicione possunt. Atque hæc honorum adipiscendorum facultas potestasque libero populo hæc assequendi proposita mirabile quantum valet ad ingenia civium excitanda. Ostensa enim honoris spe, erigunt sese homines atque attollunt; præclusa verò inertes desidunt; ut in civitate nostra cum sit ea spes facultasque proposita, minimè sit admirandum & ingenia & industriam plurimùm

emineret. Multitudinem verò civium tam numerosam nostra civitas habet ut præter hanc ipsam innumerabilem copiam in patrio solo degentem, infinita insuper quædam civium eis per universum orbem terrarum diffusa conspiciatur. Nam ut omittam Italiæ urbes, quarum nulla protinus Florentinis civibus caret, ut eos præterierim qui Romæ, qui Neapoli, qui Venetiis, qui Bononiæ, qui Ferrariæ, qui Arimini, qui Mantuæ, qui ceteris Italiæ oppidis consistunt, nullus est tam remotus neque tam avius mundi locus in quo Florentinus aliquis non incolat civis. Nam sive tu Britanniam quæras extremam penè mundi insulam, in oceano sitam, permagna tibi illic aderit nostrorum civium multitudo; sive tu Galliam sive Germaniam lustres, permulti etiam ubi minimè opineris ciyes nostri occurrent. Quid memorem Parisius, quid Barchinonam, quid Avinionem? quibus in urbibus agmina profectò nostrorum civium habitare consueverunt. Nam quid ego de Pannoniis dicam, quid de Sicilia quondam celeberrima insularum? Denique, ne per singula vager oppida, de Tanai atque Mæotide ad Herculis columnas & oceanum mare nullus locus vacuus Florentinis civibus reperietur. Quare si omnis absentium multitudo civium nostrorum quæ per universum terrarum orbem variè diffusa est huic præsentium multitudini adjungatur, resultet profectò infinita quædam & innumerabilis multitudo populi, cui nulla penitus civitatum Italicarum in ista quidem parte fuit: it comparanda. Ingeniis verò ac intelligentia sic valent cives nostri ut in ea quidem laude pares non multi, qui verò anteponendi sint, nulli repèriantur. Acritas quidem inest atque industria, & in rebus agendis celeritas & agilitas, animique magnitudo rebus sufficiens.

Nec in moderanda repub. solùm, nec in dome-

stica tantum disciplina negotioque passim optando valemus, sed etiam bellica gloria insignes sumus, Nam majores quidem nostri in pulvere & acie bella complura gloriosissime confecerunt, finitimos omnes populos virtute bellica superarunt, mille cuneos hostium perfregerunt, innumerabilia penè trophæa bellantes constituere. Nostra insuper civitas potentissimis Regibus principes militiæ dedit, scientissimos rei militaris duces procreavit.

Nam quid ego de litteris studiisque nunc dicam, qua una re maxima quidem ac luculentissima principatus concessu omnium civitati nostræ tribuitur? Nec ego nunc de vulgaribus istis mercenariisque, quamquam in illis quoque nostri excellunt, sed de politioribus illis divinioribusque studiis, quorum excellentia major & gloria sempiterna immortalisque habetur, & loquor & sentio. Quis enim vel nostra vel superiori ætate poetam aliquem nominare potest nisi Florentinum? Quis hanc peritiam dicendi jam planè amissam in lucem atque in usum vitamque revocavit præter cives nostros? Quis Latinas litteras prius abjectas atque prostratas & ferè demortuas agnovit, erexit, restituit, ab interitu vindicavit nisi civitas nostra? Quare si Camillus rectè conditor urbis Romanæ dictus est, non quia condiderit eam ab initio, sed quòd amissam occupatamque restituerit, cur non eadem ratione civitas hæc nostra Latinæ parens linguæ meritò nuncupetur, quam perditam dudum atque profligatam in suum nitorem dignitatemque restituit? Atque ut Triptolemo triticum exhibenti quicquid postea natum est attribuimus, ita civitati nostræ quicquid litterarum politiorisque disciplinæ ubique coaluit ferri debet acceptum. Iam verò litterarum Græcarum cognitio, quæ septingentis amplius annis per Italiam obsoleverat, à civitate nostrâ revocata est atque reducta, ut &

summos philosophos & admirabiles oratores ceterosque præstantissimos disciplina homines, non per ænigmata interpretationum ineptarum, sed de facie ad faciem intueri valeremus. Denique studia ipsa humanitatis, præstantissima quidem atque optima, generis humani maximè propria, privatim & publicè ad vitam necessaria, ornata litterarum eruditione ingenua, à civitatè nostra profecta, per Italiam coaluerunt. Opibus verò atque divitiis quantum possit civitas nostra vereor ne invidiosum sit inexhaustam quandam magnitudinem pecuniarum referre. Declarat hoc Mediolanense longissimum bellum incredibilibus penè sumptibus agitatum, in quo suprà tricies quinquies centena milia impendimus, & tamen promptiores nunc ad extremum in tributo sunt homines persolvendo quàm ab initio fuerant belli, ut quasi re divina quædam pecuniarum vis quotidie domi pullulare videatur.

Hanc igitur tam generosissimam, tam laudabiliter institutam, tam populosissimam, tam acerrimam, ditissimam, ornatissimamque patriam nactus hic quem laudamus, permagnam statim ab initio felicitatis partem est à diis immortalibus consecutus; ut in hoc quidem genere bonorum præclariùs quàm actum est secum agi nequiverit. Neque verò dici potest ut in patria quidem clarissima amplissimaque natus sit, genere autem obscuro & sordido; sed planè sic est, ut quemadmodum civitas hæc ad alias civitates, ita genus hoc ad cetera genera. Est enim familia splendidissima, ornatissima, opulentissima, multis equestribus imaginibus, multis præstantissimis viris clara, & tam domi quàm militiæ summæ auctoritatis, nec ita vetusta ut putrida sit, nec rursus ita nova ut non veterè gloria suorum abundet. Quia quidem in familia Vexillifer justitiæ, qui est amplissimus apud nos magistratus, eo ipso anno fuit

quo primùm in republica à majoribus nostris creari est cœptus. Deditque hæc una gens reipub. domi quidem gravissimos & spectatissimos viros, foris autem strenuos atque bello insignes. Nec deest huic familiæ qui apud majores nostros equitatus Florentini populi dux in bello fuerit, & dimicans cum hoste victoriam reportarit. Multitudine verò gentilium agnatorumque ita hæc familia abundat ut si quis populosissimam eam familiam dixerit, non indigno usus verbo pro rei magnitudine videatur. Divitiis verò usque adeo opulenta ut nonnulli ex ea familia supergressi civilem divitiarum modum, pares regulis operis redditusque possideant. Et à familia quidem talis est, ut ex multis pauca comprehendam. Parentem verò habuit Karolum Strozam. Quem virum, dii boni! quanta gravitate, quanta sapientia, quanta industria, ut non in familia modò, verùm etiam in civitate principis locum perfacile obtineret. Erat illi patrimonium amplum, sed amplius consilium. Abundabat natorum multitudine, sed multò magis familiari disciplina. Erat in eo divitiarum splendor, sed multò magis eminebat industria. Erat nobilitas generis; sed ipse quoque talis ut ubicunque natus esset, sibi ipsi facturus nobilitatem per virtutis præstantiam videretur. Denique talis vir fuit ut paucos admodum illi pares hæc civitas procreaverit. Videor mihi per gradus quosdam aureos descendisse, siquidem amplissima de patria clarissimum genus, de genere autem clarissimo in parentem nobilissimum spectatissimumque descenderim. Hæc autem omnia cui evenerint, quis negare potest huic præstantissimam quandam bonorum accumulationem statim ab initio nativitatæ suæ contigisse. Sed prima hujus commendatio jam hinc vel incipitur à nobis vel prosequetur quòd propria virtute fretus per omnem vitam subsecutis operibus effecit ut patriæ &

familiæ perdigna soboles haberetur. Et pueritiam quidem totamque illam castissimi diligentissimique patentis disciplinam transgressus, cum tandem in adoleſcentiam evaſiſſet, conſeſtim non mercaturis neque negotiis obcundis, neque rursus agro colendo aut venando mentem intendit; ſed cuncta hæc inferiora ducens, equos & arma, & gloriam bellicam concupivit: quarum ſibi rerum quod facultas major ineſſet, reliſta patria ad Principes Galliæ profeſtus, Nicolao Eſtenſi adhæſit, cui par juvena atque voluntas rerumque gerendarum frequens erat occaſio. Hic ea continuo edens opera quæ generoſum invitumque deceant animum, cum multis in locis jampridem clariſſet, tandem in expugnatione urbis Veronæ virtutem ac magnitudinem animi in periculis oſtentans, equiſtribus inſignibus donatus honeſtatque eſt, militiæque perpetuo fulgore devinctus. Hinc ille jam veluti ſacris quibuſdam ſe initiatum putans, reliquam omnem vitam ita tranſegit ut juxta ſapientiſſimum illud oraculum ſe-ipſum cognoscere videtur. Eſt enim iudicio meo primum quodam modo militaris diſciplinæ fundamentum, ſe-ipſum cognoscere, id eſt, intelligere atque videre quæ ſint hominis in ea dignitate conſtituti partes & munera. Ita enim officium ſuum rectè implere poterit ſi intelligat quæ dignitas illa religioque eſſagitet, vitamque deinceps ſuam veluti ad regulam quandam inſtitutumque direxerit. Non enim aurum uſque adeo neque cingulum illuſtrant militem, quamquam ſunt illa quidem equeſtris militiæ ſigna, quantum vita & opera profeſſioni ſuæ conſentanea: quæ ſi omittat is qui equeſtri dignitate inſignitus eſt, ſplendor ille auri omnino ſordeſcit, & arguere delatorem ſuum exprobareque videtur, nec tam decus quàm dedecus ſibi afferre. Duram profeſſo rem, & quam pauci cognoscant, pauciores adimpleant. Primum

enim, sit oportet in eo qui hac perpetua militiæ religionē sacrat magnitudo animi bellorum periculorumque capax, sique propositum ejus grande atque elatum, nonnisi de fama, de gloria, de amplitudine cogitantis. Bellandi verè peritia excellat; ut si manus conferendæ sint, nec imperitus in suo proprio munere neque ridiculus habeatur, sed pro tempore ac dignitate utilis esse possit. Equi insignes & arma decora magis eum delectent quàm aut conviviorum apparatus aut vestimentorum splendor & sumptus. Denique quia miles est, militaria tractare gaudeat. In his magnificentia magis eluceat quàm in reliquis vitæ paribus. Mercimonia verò & quæstus & negotiandi curam ita contemnat atque despiciat quasi certissimum dedecus professionis suæ. Celsiora quædam majoraque affectet, nec pecuniarum cumulationem sed famæ & gloriæ sibi propositam intelligat. Cogitet etiam suorum civium tuitionem & curam sibi per militiam esse commissam, nec quicquam magis officio contrarium suo quàm si aut perniciem aut injuriam civibus machinetur; nec unde salus petita sit, inde scelus emergat. Denique si quid in pace moliarur, caveat id ne sordidum sit, neve humile, neve cujusvis, sed elegans, sed admirabile, sed rarum, & quod ad dignitatem magnificentiamque referatur. Sit præterea fides incorrupta, & factorum dictorumque virilis constantia, ut nihil protinus agat quod inficiari expediat, nihilque inficietur quod unquam effecerit. Hæc sunt quæ militem intelligere decet ex vi naturæque professionis sibi incumbere, seque ipsum assiduè intueri atque cognoscere, vitamque suam ad hæc ipsa dirigere, ac sese quasi intra claustra quædam hujus propositi continere. Sed qui sunt, quæso, qui hæc adimpleant? Qui sunt qui non quasi transfugæ quidam aberrant? Possum referre permultos qui hanc egregiam dignitatem

ridiculo habuere. Sed nobis non detrahere cuiquam propositum est, sed hunc nostrum laudare, cui hæc omnia sic affuisse comperiemus ut vel cum paucis sui ordinis implere id munus per omnes officij gradus videatur. Etenim quis negare potest magnitudinem animi huic viro egregiam fuisse? Quis ejus propositum mentis alrum atque elatum non fateatur? Domi credo desedit quietas res agere, in otio vivere, aut negotium aliquod in civitate gerere, communi hac nostra consuetaque ambitione prensandis civibus magisterisque urbanis gerendis contentus? Atqui licebat sibi hæc omnia facere. Civitas erat illustris & florens, familia nobilis, agnati gentilesque gratiosi, rerum urbanarum proclivis facultas. Sed ipse hæc omnia viliora ducens, nequaquam sibi vivendum existimavit nisi famam & gloriam majoribus in rebus consequeretur. Itaque in arma se contulit, pericula capessivit, militiam sublimem egregiamque laudis materiam esse duxit. Nec semel tantum prælia iniit, postea verò quievit; sed eadem res initium famæ, eademque ipsa res finis vitæ gloriosissimæ fuit. Peritiam verò bellandi habuit maximam, utpote qui summo studio ei uni rei per omnem vitam præcipuam semper operam dedisset, sæpe dux in bello administrando, sæpe præfectus, multisque & variis bellorum casibus exercitatus; quibus egregia quædam celsitudo cordis ad pericula capessenda, & inter ipsa pericula invictum corporis atque animi robur apparuit, Itaque fiduciam suis & terrorem hostibus illius præsentia plurimum afferebat; & erat utilissimus cum opere, tum etiam exemplo. Inter ceteras ejus laudes magnificentia quædam militaris oculos hominum perstringebat, insignium ornatissimorumque equorum apparatus ingens, & studium eorum propè nimium ardens; in iis atque in decoris armis illius cura propè eximia

versabatur, cum ceteris in rebus esset modestior. Non enim vestitu nimius erat, neque superfluus. Quamquam non deerat illi splendor & cultus, tamen infra normam honestatis coercitus. Sed militiæ propria instrumenta equos & arma censebat esse, non vestimentorum vāsanam intolerabilemque jactantiam, neque epularum conviviorumque detestandam sumptuositatem. Pugnat enim militi fortitudinem convenire, & instrumenta virtutis, non luxuriæ, adamabat. Nec de lustris popinisque sollicitus erat, sed de continentia & frugalitate. Hanc enim temperantiam consentanei sequebantur effectus. Necesse est enim qui superfluo erogant, inhonestis impleri. Ex quo fit ut hujusmodi homines prodigi simul avarique reperiantur, ut in consumendo nimij, sic in rapiendo scelesti & turpes. Hujus autem laudabilibus sumptibus laudabilis acceptio respondebat. Nulla in eo rapina, nulla fraudatio, nulla detorsio reperiebatur. Sumptus pro redditu liberalissimus erat; pro dignitate rerum personarumque collatus. Mercimonia verò & quæstus sic abhorrebat quasi certissimam perniciem gloriæ militaris. Denique si quid in pace agendum erat, ad ornatum magnanimitatemque referebat. Domus erat hospitabilissima ac celeberrima & cum gravitate abundantissima, comites honesti dignitatique congruentes, familia pudica atque modesta. Eminebatque in ejus vita veracitas quædam ingenua, procul a fūco & ostentatione. Nihil in eo fictum erat, nihil simulatum, nihil vacillans, sed dictorum factorumque firma immobilisque constantia. Non enim facie neque vultu decipiebat homines, nec aliud verbis, aliud corde gerebat impressum. Gravitas erat in sebus, auctoritas in verbis, fides in promissis. Quod enim serio factus esset, id factum & immobile censebat esse, nec mutari quidem id vel occultari licere. Nihil

enim turpius magno viro existimabat quàm inconstantiam & vacillationem. Recta igitur & simplex & ingenua vivendi ratio in illo conspiciebatur, firmaque & immobilis, ut ita dicam, fidelitas. Nec id modò inter cives atque amicos, sed apud omne genus hominum eadem utebatur vivebat constantia; ut si quid etiam hostibus promississet, sacro sanctum & inviolabile habere. Nam hostes quidem homines intelligebat esse, & virtute, non fraude vincendos cenlebat, promissaque & humanitatis jura illis servanda existimabat. Patriæ verò salutem usque adeo caram habuit ut huic uni se rei maximè natum arbitrareretur. Ostendit verò id tota vita, quæ sic ab eo transacta est ut cuncta retulisse ad patriam videretur. Nam primæ quidem ille artes quibus adolescens summa cum laude exercitatus est, præparamenta quædam fuere ad fortitudinem comparandam, honestissima quidem possessio; ac laudis acquirendæ instrumentum permaximum. Ea siquidem virtus una est quæ homines magis illustrat quam ulla virtutum ceterarum. Itaque res bellicæ pacis artibus sine controversia præferuntur. Est verò proprius earum campus in patria protegenda atque tutanda. Nemo autem potest fortitudinem habere nisi usu exercitationeque illam adeptus. Non enim innascitur virtus illa nobis, neve quasi infunditur, sed experiendo agendoque acquiritur. Propositum igitur ejus magnanimum exercitationem, exercitatio autem virtutem, virtus verò gloriam comparavit. Quatum autem rerum finem conspiciamus, ejus rei gratia res fuisse confitendum est. Prælia ergo juventæ totaque illa certaminum meditatio seu athletarum præparamenta fuere ad famam, ad gloriam, ad amplitudinem claritatemque nominis per fortitudinis opera comparandam. Fortitudinem verò patriæ maximè se debere putabat, eique per omnem vitam accumulatissimè

tissimè præstitit. Prima ejus opera secundo Mediolanensi bello eluxit. Quo in tempore cùm hostis rebus Etruscis mira calliditate se inferens civitates primò inter se conflictatas arque defessas quasi per favoris speciem in suam potestatem ditionemque recepisset, ac tandem Bononiam occupasset, insurgentibus contra vim ejus nostris ac majore conatu rem capeissentibus, tunc primùm adolescens incredibili magnitudine animi laborumque patientia in ea expeditione militavit. Quo quidem in tempore ita se gessit ut indoles ejus miro favore omnium probaretur. Bononia deinde recepta, cùm hostium opes fractæ ac pluribus locis pulsæ in extremum se contraxissent, tepescentibus nostrorum aliis & post longam militiam quietem respicientibus, hunc ceu generosum catulum aviditate insequendi pertractum non laborum magnitudo, non periculorum formido, non montes interpositi, non fluviorum cursus, non interjectæ paludes remoratae sunt quo minùs ad ipsa, ut ita dixerim, lustra ferarum indeficibili cursu penetrasset. Præfectus siquidem equitibus ad persecutionem hostium missus non antè destitit quam transversis difficillimisque itineribus in agrum Mediolanensem transgressus, populata regione, arma atque signa nostra in ipso propè hostilis urbis vestibulo posuerit, longèque & latè vastato agro, cunctisque belli cladibus regione afflicta, magnis rebus gestis, inclitoque inde nomine parto, ingenti cùm gloria remeavit. Post hæc alia militia ad Veronam suscepta, consilium quidem in rebus ambiguis, fortitudinem verò & audaciam in periculis ostendens, oculos omnium in se unum convertit, probatus quidem duci, militibus verò carus, omnibus locis omnibusque temporibus perutilis cognitus. Qua quidem in expeditione ob præstantem egregiamque virtutem insigniri tandem donariquo promeruit. Sed ceteris omissis quæ vel suo vel

Q

tate nostra ob Venetorum societatem, cum hostium copię Flaminiam Etruriamque relinquere in Galliamque se referre domestici metu periculi cogerentur, & omnis eò belli moles depulsa esset, infecutus hostium vestigia nunquam destitit, nec ullo unquam per Galliam loco defuit expeditionibus nostris. Multa post hæc pericula varięque pugnæ per Galliam consecutæ sunt, utpote inflammatis utrinque animis longitudinem suscipiente bello. Post multos variosque casus ac belli vices, cum tandem pax recepta quidem ab hoste, sed paulò post nequaquam servata, majorem in modum animos irritasset, eximio rursus studio certamen susceptum est, apparatusque majores de industria facti, copięque ingentes hinc inde contractæ quantas nec antea per Italiam nostra aut parentum nostrorum memoria fuisse accepimus, & quarum magnitudinem vix creditura posterior ætas videatur. Cum igitur placuisset totis copiis hostem invadere, vocatus hic eximius vir ex agro Parmensi, ubi distinendi avertendique hostis causa fuerat collocatus, cum equitatu nostro in majora castra profectus sese duci conjunxit. Inde hostilem ingressi, cum aliquot jam castra movissent, apud Gotholingham hostium castellum prælium atrox & periculosum, non ex præparato & aperto, sed ex insidiis commissum est. Nam hostes quidem dissimulanter nimis atque otiosè superioribus diebus nusquam se offerentes, cognito nostrorum proposito, in oppido ne suspicantibus quidem nostris antevenerant, collatisque insidiis adventum nostrorum militum præstolabantur, non damni alicujus aut præde spem, sed totius exercitus nostri versuram fugamque & plenissimam sibi victoriam proponentes. Nam & hostium copię permagnæ erant, ac viri delecti. Insidiæ verò & repentina vis spem conficiendi maximam afferebat. Cum igitur ante castellum pervenissent nostri, & labor itineris & calor in-

credibilis, qui præter solitum ea die exarserat, viros, pariter equosque fatigasset, & monstrato castrorum loco, pars tabernaculis parandis, pars reficiendo corpori intenta esset, repente ex insidiis prosilientes hostes magno & alacri impetu nostros invadere. Fit fuga primò nostrorum & dissipatio maxima. Hic quantum inter externi militis ac civis amorem intersit perfacile apparuit. Ceteri enim nihil magis quam salutem propriam æstimantes è vestigio cessarunt; hic autem caritatem patriæ saluti propriæ anteferebat obtulit sese statim pugnae, corporeque suo viam claudere hostibus perrexit, compellans commilitones atque adhortans, hostique manu & pectore resistens, impetum omnium aliquandiu sustinuit. Ex quo factum est ut vis illa acerrima retardaretur hostium, & nostrorum quidam verecundia victi converterentur. Ita incrudescente pugna, cum undique permulta & acciperentur vulnera & inferrentur, tandem hic fortissimus vir gloriose corruit, unoque tempore & ipse sublatu nostrorum manibus in castra semianimis relatus est, & hostes vi fracti & ad mœnia repulsi. Quo quidem hujus diei casu res in dubio stetit, ut minimè ambiguum sit, si hostes, ut sperarunt, primo illo impetu nostros dissipassent, quin plena eis victoria totius belli atque certaminis fuisset proventura. Quod ne accideret, hujus eximia virtute & paucorum concursu atque auxilio factum esse constat.

Ego igitur tuam hanc egregiam fortitudinem, tuam hanc egregiam operam patriæ ac civibus tuis & libertati impensam laudare magis cupio quam pro meritorum magnitudine laudare possim. Non enim tu operam modò neque laborem aut industriam, sed vitam tandem & sanguinem patriæ impendisti. Abiecasti animam pro patriæ caritate, vitam tuam patriæ honori & gloriæ posthabuisti, vir verè nate patriæ

ac civibus tuis, fortitudinis exemplar, ac summi viri gloriam non immeritò consecute. Est enim fortitudo splendidissima virtus, ac nescio an supereminetissima virtutum ceterarum, plena spiritus, plena vigoris, plena justissimæ animositatis, mascula profectò quædam atque invicta. Honoratissimam verò esse omnium ex eo patet quòd statuas defunctorum videmus ferè militari habitu insignitas, quasi excellentissimum sit in eo genere laudis potissimum claruisse. Hujus enim propriè campus in bello extitit, in maximo certè pulcherrimoque periculo. Bellum autem justius esse nullum potest quàm quod aut lacessitus referas, aut pro propria libertateque suscipias. In hac igitur vir fortis maximè excellit; & pericula celso invictoque animo capeßere assuetus, & præsentia tolerat intrepidè, & imminetia non pavidè nec inconstanter expectat; facitque hæc omnia non temerè nec fortuito, nec perturbatione aliqua tractus, sed firmo stabilique judicio per electionem suscepto. Non enim ignorat se ipsum vir fortis, nec in periculis obliviscitur sui; sed novit se, ac vitam suam plurimi facit, & caritate suorum permaximè destinetur. Attamen ista, quamvis grandia, quamvis carissima & jocundissima, posthabere decernit, quò pietati, patriæ, honestati que non desit. Intelligit enim se & procreationem & alimoniam & eruditionem & cuncta humanitatis munera à patria suscepisse, illique vitam, si tempus exigat, non tam impendere quàm reddere debere. Itaque mortem & vulnera ac cetera dolorosissima sibi atque asperrima perferre mavult quàm à pietatis debito honestatisque discedere. Quæ quidem omnia huic generosissimo viro contigisse videmus. Bellum erat pro patria, pro libertate, pro salute civium susceptum, quod lacessita primò civitas tunc justissimè referebat, periculum ab hoste ingens atque horren-

dum. Neque enim de fama tantum & gloria civitatis nostræ, quamquam & ista quidem per se à præstantibus viris maxima sunt æstimanda, sed de libertate, de penatibus, de aris atque focis, de vita denique & sanguine civium suorum in eo prælio certamen esse propositum intelligebat. Vincēte enim hoste, non obscurum erat quas strages ea victoria secum foret tractura. Hæc igitur ille intelligens atque considerans, nihil non potius subeundum arbitrabatur. Sed inflectebat rursus illum vitæ amor, & multa quæ sunt jocundissima ad vitam invitabant. Ante oculos versabantur gratia, opes, divitiæ, dignitas, existimatio, prosperitas, ætas adhuc viridis, & præterea multa corporis animique bona dulcissimam sibi vitam faciebant. Cùm verò de filiis amantissimis ac de fidelissima conjuge cogitabat, mirum in modum ea relinquere discruciabatur. In ea conflictatione vehementissima quidem atque perceleri patriæ caritas amorque pervicit. Impendamus, inquit, patriæ quam debemus pietatem, nec ullum pro ea periculum evitemus. Vitam autem & filios & cetera nobis jocundissima si cum dignitate retineri possunt, retineamus; si non possunt, æquo animo relinquamus. An me fugientem turpiter atque abjectè dignum iis quæ possideo bonis ego me amplius æstimabo? Et custos meorum civium prodere potius illos quàm mori sustinebo? Absit à me tanta fœditas atque ignavia. Cuncta mihi honestate atque decore inferiora sunt. His ille rationibus victus ac seu facibus quibus instigatus, hostibus se cum equitatu, ceteris fugientibus trepidantibusque, objecit. Ejus primum opera atque manus, mox & exemplum, quòd alii quidam è nostris pudore adducti secuti sunt, victoriam de manibus hostium manifestè eripuit. Qualis verò fuerit ejus animus, postea conspectum est. Cùm enim semianimis relatus

in castra post aliquandiu resipuisset, nihil priùs quam an vicissent nostri, hostesque repulsi essent, interrogavit; & cum victoriam nostrorum intellexisset, lætissimus expiravit, Epaminondam præstantissimum ducem in eo casu imitatus, cui par ferè mors atque lætitia fuit suprema.

Tua igitur mors, virorum fortissime, talis profectò fuit qualem antea vita profectioque tua flagitabant, gloriosa quidem opere & fortitudini maximè consentanea, tibi laudem eximiam, civibus verò tuis & decus & salutem & exemplum constantiæ virtutisque paritura. Sed quid tibi referat hæc civitas pro tantis meritis tuis? Quo honore, quo præmio tantam virtutis præstantiam consequatur? Non est non est externi præmii locus. Ipsa in se benefacta præmium habent. Est autem rectè factorum fructus maximus illa fecisse. Horum conscientia sublimis alit animos, & gaudere iis ipsis & acquiescere facit sibi gratulantes atque plaudentes. Hoc est verissimum & certissimum præmium à Deo virtuti ipsi constitutum atque annexum, quod neque eripi illi neque auferri potest. Neque fraudatur illo unquam virtus, neque privatur. Hoc itaque tibi præmium erit. Est & aliud præmium secundo quasi loco virtuti propositum, non jam in se-ipso, sed in aliis consistens, pro benefactis honor & gloria. Neque enim filebuntur unquam virtutes tuæ, neque postera ætas tuam gloriam conticescet; sed eris in ore atque sermone civium tuorum, ac tuis verissimis laudibus commendationibusque affecti nomen tuum & favore eximio & gratulatione perpetua prosequuntur. Quod si quis est qui hæc ad eos qui vita excesserunt pertinere non putet, valde aberrat. Non enim intereunt animi nostri, neque morte sensus extinguitur; neque præmia virtutis hoc perbrevis vitæ spatio finiuntur, sed manent animi nostri atque persentiunt. Neque enim

summos viros tanta posteritatis cura teneret, nec quid homines de se post mortem existimaturi forent, atque adeo laborarent, si aut interirent animi nostri morte, aut virtutis præmia hoc exiguo vitæ spatio finirentur. Cumque patria sua cuique sanctissima sit, ac pietas maxima illi debeatur, qui pro illius salute libertateque bellando ceciderunt, nequaquam ambigendum est sempiterna illis præmia in cælis esse reposita. Nos igitur his rationibus beatum hunc & viventem & morientem non immerito ducimus, cum prosperitate rerum externarum, quæ illi præcipua & illustrissima contigit, tum multo magis ob animi bona, quæ fortitudine, modestia, ceterisque virtutibus splendidissime continentur, vita cum omni dignitate prosperitateque transacta, & mortis genere admodum glorioso, publici insuper funeris honore & perpetua civium suorum commendatione felicem.

ORATIO POGGII IN FUNERE
Leonardi Arctini.

Ann. 1441.

HOdiernus, Florentini, dies atque his publicus mæror communi voluntate susceptus declarat quanta hujus præstantissimi atque omni laude dignissimi viri virtus extiterit, & quàm cara & grata universæ sit civitati, cum videamus omnes magistratus hujus urbis, omnium ordinum consensum, universum populum ad ornandam hanc funeris pompam una mente suis decretis ultro in eandem sententiam convenisse. Nullus est enim, qui se civem esse existimarit qui non suum studium atque operam præstiterit ad cehonestandas hominis exequias optime de repub. meriti, & ejus cui parem rara secula protulerunt. Magnum quippe & præclarum hoc testi-

monium virtutis est & laudis, & mea sententia plurimi æstimandum. Is enim justus & verus est honor qui soli virtuti sponte conceditur & rectè factis, non qui aliunde quæritur, aut precibus est aut suffragiis hominum mendicatus. Non generi, non majoribus, non parentibus Leonardi, non amicis rogantibus, ii honores tribuuntur, sed probitati, prudentiæ, continentiæ, integritati vitæ; ut non externo opere quæsitus, sed à sola virtute profectus appareat. Itaque cum cetera vitæ commoda nobis quærenda sunt, tum verò maximè virtutis ratio omni conatu appetenda, cum tanta illius cultoribus tum vivis tum mortuis sint honoris præmia constituta. Licet autem satis fructus virtutis in ipsa virtute positus videatur, tamen ad laudem quoque confert & posteritatis memoriam ab his diligi, coli, ornari, prædicari qui & ipsi in laude vixerunt. Sed mihi pietas præcipuè civitatis, tum celebris hoc in ornando funere civium frequentia maximè laudanda esse videtur; qui hujus singularis viri memoriam tam grata significatione benevolentiae prosequantur. Quæ res tum spectat ad mortui gloriam singularem, tum vivos excitat ad capeffendum eum vitæ cursum quem propter conspiciant hunc civem tales honores consequutum ac tam carum reip. exitisse. Quamvis autem Leonardi virtus nullus externa laudationis opera egeat ad se ornandam, quippe qui sibi vivens laudem peperit immortalem, tamen præstandum est à nobis debitum officium amicitiae nostræ, quæ jam amplius annis quatuor & quadraginta inter nos similium studiorum cursu cæpta semper viguit sanctissimè abque ulla quærela aut benivolentiæ intermissione. Solent quandoque inter amicos dissensiones, jurgia, & contentiones exoriri, ut intermissio quædam benivolentiæ fieri videatur. Sed nostra semper inviolata permansit animorum

conjunctio, quorum amorem nullius unquam diffidii causa distraxit. Et id quidem jure inter nos contigit. Ea namque vera est ac stabilis amicitia quam optimarum artium studium & bonorum morum similitudo contraxit; quæ quoniam mutua benivolentia & officiis fovetur, necesse est ut ita sit firma ac diuturna. Et licet ab omnibus doctis ac eloquentibus viris hoc munus postuletur ut famam ejus qui hujus seculi nostri & doctorum omnium maximum fuit ornamentum celebrem reddere ad posteros debeant, tamen id præcipue à nobis suo quodam jure videtur exigere jus nostræ amicitiae & voluntatum studiorumque conjunctio; ut in quem vivum summa beneficia contulimus, defuncti quoque memoriam aliquo munere afficiamus. Sed antequam de eo quod proposui dicere aggrediar, paucis mihi queri liceat de communi omnium nostrum conditione, quæ mihi in angusto nimis & in incerto rerum statu videtur esse posita, deque fatorum injuria, quæ me omnibus his privarunt quos mecum ab ineunte adolescentia litterarum studia summa caritate & benivolentia devinxerunt. Nam primò communem doctorum omnium parentem Colutium Salutatam humanissimum ac doctissimum virum, tum Robertum cognomento Rufum, deinde Nicolaum Nicolum, viros omni litterarum genere & humanitatis studiis præstantissimos, deinceps omni virtute virum celebrem Laurentium de Medicis, pluresque alios summa mihi amicitia conjunctos eripuit nobis. Restabat hic unus veterum studiorum & quasi renascentis olim academici socius, quocum non solum studia sed cogitationes quoque communicare solitus eram, revocans sæpe sermones nostros ad illam prioris ætatis nostræ jocunditatem, cum omnes hi viverent quos modò nominavi. At hunc quoque in ipso fructu laborum suorum interceperunt, ostenderuntque nihil ex-

Vide Aretio.
lib. 1. epist. 1.
& seqq.

tremo die esse incertius, nihil hac nostra infirmius vita. Et quidem hic obitus non admonet magis de futuro quam de præfenti tempore esse cogitandum. Incertus est enim ac dubius status vitæ, fragilis hominum natura, corpus imbecille & quod multos subeat casus. Nam si, ut inquit Varro, homo bulla est, eo magis senex. Erat Leonardus noster septuagenarius, tamen valido corpore ac robusto, quippe qui raro adversam valitudinem sit expertus, ut nihil ei ad præfens quam mors repentina extimescendum esse videretur. Sed nihil nos fallit magis quam quod nemo adeo senex est quin annum, ut scribit Cicero, speret se esse victurum. Quo fit ut longius quandoque trahamus res nostras quam deceat viros sapientes & cogitata vitæ ratio postulet. Mors enim a tergo instat, & conatus nostros, quamvis honestos, in medio apparatus interfecindit atque abrum-pit, & omnia secum aufert, nisi quæ virtute & vitæ bonitate fuerint comparata. Itaque perbeati meo iudicio illi æstimandi sunt quorum vita non hac brevitate temporis circumscribitur quæ omnibus animantibus est communis, sed ad posteros longo intervallo virtutum beneficio propagatur. Quamvis autem nihil sit in morte mali, neque post ipsam quidem, his qui justè & rectè vixerunt, (nam in ea vitæ anteaetæ viri boni præmia adipiscuntur, totaque vita sapientis nihil aliud quam mortis meditatio esse debet) tamen dolendum est nobis, qui reliqui sumus talium virorum præsidio & virtute privati. Etenim mors non his deslenda aut misera videri debet qui diem obeunt, si iustitiam coluerunt, sed illis potius qui supersunt. Illi enim fortunæ omne arbitrium effugerunt, his novarum rerum impetus pertimescendi. Illi suum finem, in quo est vitæ perfectio, sunt sortiti; aliis asperum iter agendum. Quò verò meliores habentur fines quam ea quæ ad finem

ſpectant, eo ſapientis mors melior perfectiorque
quàm hæc vita æſtimanda eſt. His mors gravis eſſe
debet quorum vita morti eſt ſimilis, nulli virtuti con-
iuncta. Quibus autem perpetua laus & gloria vitæ-
que anteaſtæ fructus proponitur, ii mortem æquo
animo ferunt, tamquam laborum finem & præmia
meritorum. Quoniam verò (ut jam redeamus quò
noſtra deſluxit oratio) illius laudes ſumus proſe-
quuturi cujus nulla pars vitæ laude vacavit, ita
eas diſtribuemus ut tum vitam omni commendatio-
ne exactam, tum opera quæ in noſtram utilitatem
edidit recenſeamus. Natus eſt hic Areſtii civitate
admodum antiqua ac maximè nobili & olim inter
capita Ethruſiæ, cùm ea potens viris armisque eſſet
æſtimata. Hæc olim urbs adeo opibus virisque mag-
nifica & opulenta, fuit ut eam ſolam quondam P.
Scipioni ad bellum Punicum proficiſcenti triginta
millia ſcutatorum pollicitam eſſe, galeas totidem,
pila, gæſa, haſtas longas milia quinquaginta, ſum-
mamque pari cujuſque generis numero expleturam,
ſecures, rutra, falces, alveolos, moles, quantum
in quinquaginta longas naves opus eſſet, tritici cen-
tum & viginti milia modia, & viaticum decurioni-
bus remigibusque allatura T. Livius refert. Magna
profectò potentia, amplitudo, opulencia ejus civi-
tatis cenſenda eſt quæ tantum ad belli Punici expe-
ditionis attulit quantum univerſa Ethruſia vix ho-
die poſſit efficere. Sed & noſtris quoque temporibus
duabus rebus quibus honor & fama præcipuè
acquiritur ſemper claruit, militari gloria, & ſtudiis
litterarum. Multos illa civitas nobiles & egregios
in re militari viros, ut de ſuperioribus ſileamus;
noſtra ætate protulit, plures litterarum ſtudiis in om-
ni genere doctrinæ præclaros, quorum pars diem
ſuum obiit, pars Dei beneficentia ad communem
eloquentiæ & ſapientiæ uſum nobis reſervavit; qui

T. Livius lib
24.

cùm sint vobis notissimi, eorum nomina, ne eis blandiri videar, prætermitto. Vnum non præteribo, quod forsitan multis ignotum est, Franciscum Petrarcham virum doctissimum ac sapientissimum, cuius ingenio plurimum debemus, patria, ut ipse testatur, Aretinum fuisse. Itaque maximas civitati illi docti omnes & habere & agere gratias debent, quæ Musarum domicilium videtur nostris temporibus extitisse. Certè ab eis humanitatis & sapientiæ studia exulta maximè sunt atque amplificata. Et genere Leonardus minimè claro fuit. Sed quod natura non attulit, virtus elargita est. A se ipso enim nominis claritatem ac generis nobilitatem traxit. quæ vera est & perfecta nobilitas. In quo enim virtutum splendor consistit, in eo ingenua ac perfecta nobilitas inest, non exterius proficiscens, sed nascens domi, non alieno sed proprio beneficio parata; non majorum opera, sed suis vigiliis, laboribus, studiis acquisita. Nam qui genus jactat suum, ut tragicus inquit, aliena laudat. Et quidem quanto præstat lumen præbere aliis quàm alieno splendore lucere, tanto satius est sibi peperisse nobilitatem quàm alienis munere accepisse; si tamen accipi potest, & non sibi quisque nobilitatem comparat virtutum gloria & rectè factis, ex quibus maximè nobilitatis aura resplendet. Itaque sive, ut Aristoteli videtur, ei nobilitas virtute & opibus comparatur, hic egregiè nobilis evasit; sive ut Stoicis placet, sola virtus illam parit, satis abundè nobilitatus est & claritate nominis per ora omnium pervulgatus. Ab ineunte adolescentia Latinas litteras in patria percepit; & cum animo majora quædam conciperet, Florentiam se contulit, in qua uberior discendi facultas & amplior consequendæ laudis campus esse videbatur. Ibi quadriennio juri civili operam dedit. Quo in studio cum plurimum profecisset, supervenit Manuel Chry-

soloras ex urbe Constantinopoli, Græcorum omnium sapientia & eloquentia tum facile princeps, qui studia Græcarum litterarum, quæ jamdiu in Italia oblita & sepulta erant, apud nos primus excitavit, Et cum plures ad ejus doctrinam confluerent, haberenturque cæteris præstantiores, Leonardus illorum gloria commotus, cum in eo studio magnam laudem propositam videret, posthabita juris civilis cura, adhæsit Manuelli; breviq; effecit ut omnes coauditores tum bonitate ingenii, tum studio diligenti facile superaret. Exercebatur tum Latina in Græcum sermonem, tum Græcâ in Latinum convertens. Sed cum utraque in lingua adeo profecisset ut eloquentia excelleret omnes qui tum doctissimi habebantur, labores verò suos tantummodo laudari, nihil verò sibi asserre emolumenti cerneret, & premebatur inopia, ut qui tenui esset censu, rediit ad disciplinas juris civilis, quæ suis cultoribus opes & divitias pollicentur. Quærebatur sæpe mecum pro nostra familiaritate se invitum & necessitate compulsus, relinquere ea studia ex quibus magnam sibi gloriam paratam omnes prædicabant, & ad eam scientiam quæ jam antiquasset se everti; præsertim cum tamquam studiorum suorum primitias jam quædam opuscula edidisset summa cum eloquentia & omnium commendatione. Accidit interea ut ego ad curiam Romanam proficiscerer, Bonifacio IX. Pontifice, fieremque paulò post quàm accesseram litterarum apostolicarum scriptor. quod officium & utile est & honestati dignitatique conjunctum. Successit anno post Innocentius VII. defuncto Bonifacio in pontificatu. Et cum antea Leonardus, qui illam legum molestiam effugere cupiebat, primò verbis, deinde litteris egisset mecum ut curarem ut in curiam accersiretur ad aliquod exercitium; ex quo vitium honestum posset consequi, mihi verò cum his

qui essent Innocentio proximi summa esset necessitudo, laudando Leonardum, & orationis elegantiam virtutemque præ ceteris extollendo, ac simul quædam ejus scripta ostentando, effeci ut is, licet ignotus tum Pontifici tum ceteris, ab Innocentio Secretarius fieret, duorum præsertim opera qui Pontifici etiam carissimi, mihi que satisfacere cupiebant. Qua in re multas ac graves contentiones suscepi adversus quosdam qui illud idem summo opere ambiebant. Sed ego omnia pro amico subeunda esse judicans, & illius desiderio satisfacere cupiens, nullum laborem, nullam diminutionem honorum, nullam malivolentiam pro nostra conjunctione declinandam putavi. Meis itaque litteris accitus ad Urbem, pauloque post meorum opera Secretarius effectus, ostendit vera esse quæ à me de eo ferebantur; brevique se in Pontificis, qui humanissimus erat, benivolentiam insinuans, illi acceptissimus fuit. Eodemque officio, quod semper summa integritate, fide, innocentia administravit, Gregorii quoque atque Alexandri & Iohannis tempore, cujus pontificatus quæstuosissimus fuit, functus est, multasque tum pecunias Iohannis indulgentia contraxit. Sed cum Iohannes esset Bononiæ, Leonardus accitus est à vobis in Cancellarium. quo in officio paucis mensibus præfuit. Nam tum novi exercitii difficultas, tum majoris spes emolumenti, eum coegerunt ut abdicatione officio, ad prioris exercitii vitam rediret. Romam, in qua Iohannes Pontifex aderat, profectus est. Pauloque post uxorem ducit adolescentem optimam, ex qua unicum filium suscepit, quem mæstum & fordidatum flentemque videtis. Tum ad Urbem rediens, Pontificem sequutus est quoad Constantia civitate Germaniæ, quò Concilii causa accesserat, aufereret. Hic cum cerneret Iohannem præcipientem se agere, multa verò tum pericula illum sequen-

Vide Aretin.
lib. 1. epist.
1. 2.

Vide Aretin.
lib. 3. epist.
12.

tibus impendere viderentur, finem illius sequendi sibi constituens, Florentiam reversus est. Et cum literis ac scribendi rure contentus, ac honesto otio frueretur, iterum cancellaria ei à vobis demandata est; quæ summa cum laude atque auctoritate usque ad extremum vitæ tempus ab eo gesta est. Functus est etiam summis magistratibus civitatis. Nam bis ex Decem viris summo civium favore factus fuit, vexillumque societatis tribus gessit, ac ex Prioribus unus creatus est. Ad id quoque (quod præcipuum est in civitate) vexillum pervenisset, nisi mors vivendi finem attulisset: quæ licet in ætate propecta contigerit, tamen acerba dici potest atque immatura, si virtutes ejus consideretis, si mores, si scribendi utilitatem, si gravitatem, si prudentiam, si otium quod semper ad scribendi curam utilitatemque viventium conferebat. Quæ omnia nobis dies unus abstulit, eumque abstulit quem, si fas esset optare, oportebat fieri immortalem. Quia autem duo genera sunt hominum qui procul à laude militari vitam honestam sequuntur, alterum eorum qui animum suum applicant ad rempub. gubernandam, inque ea administranda labores pro communi utilitate suscipiunt, alterum eorum qui otio dediti litterarum quiescunt procul à turbine populari, utrumque Leonardus noster est summa eum laude complexus. Nam otii fructus uberrimos nobis & quamplurima ingenii sui monumenta reliquit. Rei etiam publicæ curas gubernandæ adiit; in qua ita versatus est ut summa continentia, integritate, & virtute, atque innocentia nemini cesserit, & præstiterit multis. Magna hæc summi ingenii argumenta sunt & præstantis naturæ insignia, cum in otio tantum reipub. muneribus sit impartitus quantum qui nihil aliud agunt, & tanta conscripserit quanta ne illi quidem assequuntur qui procul à reip. laboribus summa in quiete

quiete consenscunt. Vita fuit per omnem ætatem parcissima ac severa. Summa vixit æquitate, continentia animi, modestia, iustitia, ut qui neminem unquam lacefferit injuria, nemini maledixerit. Amicis præsto erat, si quid ejus opera uti vellent. Prudentia ac gravitas in eo vixit singularis. Quod ei tempus à litteris supererat & à reip. negotiis, tum privatæ rei impartiebat, tum cœtui amicorum, quibus admodum delectatus. Domi severus, foris humanus fuit. Morosior paulum difficiliorque habitus est quam studia humanitatis doctissimi viri ratio postulare viderentur. Sed morositatem parcitatemque à natura contraxit, virtutes sibi studia ac scribendi agendique diligentiaque perpererunt. Verum quod multis vitio tribuitur, id ego in viris doctis minimè judico reprehendendum. Non enim aliquando non sibi nasci hominis est virtute præstantis, sed trunci potius ac stipitis insulsi. Quidam tarditate mentis & stupore quodam pigrescunt, nihil sentientes, etiam si more bubulorum stimulo pungantur, quod non virtutis videtur esse, sed stupiditatis. Nam excitata ingenia prompta vigentia necesse est commoveri quandoque ad breve tempus; & aut aliorum timiditate aut injuria aut errore subita quadam indignatione excitari, id magis naturæ ingentis ac perspicacitatis esse videtur quam aut dissimulare passionem, ut multorum qui se bonos haberi volunt mos est, aut omnino non commoveri, quod nulla virtus præstat, sed mores aut callidi aut hebetes sensus aut ignari. Non autem subita effervescencia & repentina quædam indignatio, quæ nemini noceat, est vituperanda, sed potius commendanda. Excitat enim animum, & ingenium solet reddere perspicatius. Hæc vitæ ratio viri optimi fuit, quam paucis prosequuti sumus, ut ad ea quæ majora sunt, quæque mihi secundo loco proposue-

ram dicenda, veniamus. Cùm adhuc Græcis auctoribus Florentiæ vacaret, transtulit sermonem quendam beati Basilii quem habuit ad discipulos instituendos mira dicendi suavitatem, ut non traducta oratio, sed à se profecta videretur. Deinde summa elegantia dialogum quendam edidit, in quo cùm primo libro viros præstantissimos doctissimosque, Dantem, Franciscum Petrarckam, Iohannem Boccacium, eorumque doctrinam, eloquentiam, opera impugnasset, secundo in superioris excusationem ipsorum & virtus laudata est. Et vita Tiberii & Cai Gracchorum, Pauli Æmilii, Catonis posterioris, Sertorii quoque & Ciceronis ex Plutarcho Latinas fecit. Sed vitam Ciceronis non tamquam interpres, sed velut à se editam composuit, multa addens à Plutarcho prætermissa. De laudibus hujus florentissimæ urbis edidit librum unum. Transtulit præterea libellum Xenophontis de tyranno, ex Platone verò Gorgiam & Phædonem & Epistolas quasdam. Ex Aristotele autem æconomicam, in cujus explanationem quædam edidit, ac ethicorum & politicorum libros, in quibus rejecta barbarie pravorum translatorum, ita ad verbum ferè sententias exprimit ut facilè intelligi queant à Latinis. Insuper Aristotelis vitam scripsit multis ex auctoribus tam Græcis quàm Latinis contractam. Commentaria quoque primi libri belli Punici ex Polybio Græco historico duobus libris expressa reliquit. Ex Procopio historiam Gotthorum quatuor libris complexus est. Volumen quoque epistolarum & plura opuscula, velut de militia, contra hypocritas nostri temporis, separatim historiam; multaque præterea composuit in quibus dicendi elegantia & summa ingenii vis apparet. Sed quod sibi summam etiam laudem omnibus affert seculis, historia est de rebus Florentinorum duodecim libris scripta. Orsus est eam paulò supra trecentessimum

annum, à quo tempore res populi Florentini certiores ex superiorum scriptis reperiuntur, opus certè luculentum, & quo fama nomenque Florentinæ urbis in æternum ad posteros certo & maximæ auctoritatis scriptore demandabitur. Non autem quod proposuerat ad extremum deduxit. Nam cùm constitueret ad hæc nostra tempora usque historiam prosequi, bella solummodo quæ cum priori Ducè Mediolani gessimus conscripsit, reliqua perficere conantem mors interrumpit. Hujus historiæ causa singulare à vobis est ei virtutis præmium constitutum, quod & gratæ & ob susceptum beneficium civitatis memoriam præberet & alijs excitaret ad commendanda gesta ejus urbis quæ tam memorem se præstaret bene erga patriam meritorum. O civitatem egregiam! O rempub. & summis laudibus extollendam! O dignam maximo imperio urbem, in qua tanta doctrinæ præmia exposita esse videamus! Neque ullam esse rempublicam, ullum populum, ullos Principes, apud quos studiis humanitatis & eloquentiæ deditis majora virtutis munera sint concessa, apud quos tantus habeatur optimarum artium studii honor. Nam cùm primum domicilium Leonardus Florentiæ elegit historiamque cæpit contexere, civitate à vobis & certa census quantitate, quæ etiam ad filios manaret, in civitate donatus est. Eadem immunitas & Carolo quoque Aretino summa eloquentia atque sapientia prædito postmodum concessa. Postremo quoque & mihi, licet in doctorum aut eloquentium numero minimè sim censendus. Sed tamen mihi, eadem similium studiorum de me concepta opinione, idem muneris tribuistis. Leonardi verò, quæ antè ad tempus concessa erat, immunitatem in laborum suorum retributionem perpetuam effecistis. Tantum abest ut hanc rempub. pœniteat gratias beneficii reddidisse

R ij

ut illud majore liberalitate voluerit esse accumulatum. Vbinam gentium audimus tanta beneficia ciues, tam propensam in ornandis viris excellentibus civitatem, tanta suffragia eloquentiæ studiis impensa? Hæc verò præstans humanitate ceteris gentibus communis bonarum artium patria dici debet & dicendi artis officina, quæ humanitatis doctrina præditos recipit, colit, fovet, & summis honoribus ornat, tum dum spiritum trahunt, tum etiâ dum vita sunt functi. Apud Athenienses olim magna copia fuit scriptorum qui eorum res gestas suis vigiliis ornarunt, tum Græci, tum peregrini; sed nullum eorum legimus aliqua ab Atheniensibus suorum laborum præmia publicè consequutum. Romanorum facta ac dicta multa præclara ingenia conscripsere. Ennium tantùm civitate donatum accepimus opera P. Scipionis. Nullum ex reliquis, cùm plures fuerit, comperimus aliquo à repub. munere affectum, cùm sua in tradendo posteritati Romanorum memoria vitam & operam collocassent. Hæc sola inter ceteras urbes, tamquam sapientiæ domicilium & studiorum optimorum auctrix, admirabili quadam virtute & animi excellentia Pierum, qui primus ejus gesta suis scriptis in lucem prodere est aggressus, maxima beneficia in vivum, singulares honores in mortuum collocavit, ostenditque quam accepti sibi essent quorum opera in suo honore & laudibus versaretur. Magnum hoc in reliquis incitamentum ad capeffendum id doctrinæ genus in quo qui elaborant, maxima suorum laborum vigiliarumque sunt præmia consecuti. Major illorum consolatio quibus civitatis indulgentia fuit tam propensa, ut singuli munere fungerentur maxima civium gloria, quorum nomen reddetur scriptorum studiis & tali beneficentia immortale. Sed quoniam Leonardus iter nobis ostendit, tum virtutibus suis, tum ingenii

præstantia, ad laudem & gloriam consequendam, hortor eos quorum vitæ ratio est à litteris aliena ut ejus virtutem, continentiam, probitatem, caritatem erga patriam imitentur. Licet enim etiam sine litteris civem esse præclarum & eum rempubl. tum consilio atque opere juvare. Nam & apud præscos illos & apud posteriores fuisse permulti absque ulla doctrina excellenti virtute præditi, qui res & bello & pace præclaras magna cum laude gessere. Et cum virtutis laus in actione consistat, continentiam, probitatem, innocentiam, animum in consulendo liberum, in agendo diligentem, potius quam scientiam civitas desiderare atque appetere videtur. Verum litteræ si accedant, minimè sunt repudiandæ, sed appetendæ potius si desint, quoniam afferunt summum ornamentum earum cultoribus, & ad res agendas doctiores ac perfectiores solent reddere. Illos verò quibus Musæ sunt cordi, quique bonarum artium studiis deduntur, obsecro ut eum vitæ cursum quem cœperunt, dicendo scribendoque prosequi omni conatu atque animi contentione nitentur, sectenturque illius vestigia cujus laudes in cælum consensu omnium afferuntur, in primis autem virtutem colant & habeant vitæ ducem, sine qua & litteræ contemnendæ sunt, & doctrina omnis videtur esse repudianda. Nam quibus plura est scientia quam virtutis indagatio, ii viri evadunt callidi & perniciosi & tum reipub. tum ceteris inutiles. Longè enim errant illi à quorum mentibus abest virtus suorum actuum atque operum moderatrix, doctrinamque ad salutem hominum comparatam ad perniciem gentium convertunt. Re enim honesta abutuntur ad scelus & perfidiam, & tamquam virginem castam videntur prostituere in nefarios usus. Itaque omnes qui viri magni & ceteris præstantiores esse volunt nomenque suum reddere

R iij.

clarum, litterarum studiis & doctrinæ excreitia virtutum adjungant, eaque ad reipub. & ad singulorum utilitatem conferant. Præstat enim indoctum civem esse quàm malum, minùsque malus civis rudis quàm doctus qui reipubl. perturbat & nocet civitati. Qui autem hæc duo enixè amplectuntur, necesse est ut primùm beata vita fruantur, quæ virtute & rectè factis acquiritur, tum verò assequantur memoriam nominis sempiternam, postremò felicitatem futuræ vitæ, quæ est vera & perfecta felicitas, quamque omnes debemus appetere, consequuntur.





BAPTISTÆ POGGII

A D R. P. D.

CARDINALEM PAPIENSEM

CARDINALIS FIRMANI

vita incipit feliciter,

P R Æ F A T I O.



Um multos nostra & majorum memoria fuisse constet qui maximis in rebus domi forisque summa cum laude sint versati, soleo plerunque eorum, ut ita dicam, infelicitatem mecum ipse reputare quòd nulli aut admodum pauci sint inventi quorum vitam aliquibus litterarum monumentis illustrare contigerit, cum tamen plurimos doctrina & ingenio præstantes habuerimus, qui in eis hominibus recensendis ingenium exercere potuissent. Verùm ii, nescio qua spe ducti, aut illa antiqua repetere aut hæc omnino tacere maluerunt. Quòd si illorum fuit iudicium non fuisse ullos dignos quorum vita meritò litteris mandari à doctis viris potuerit, ideoque vel nullam vel omnino parvam ex iis quæ scriberent gloriam se sperabant consecuturos, equidem meo iudicio plurimum errasse deprehenduntur. Neque enim video cur Franciscus Petrarcha, Dantes, Boccacius, ut alios præteream, multorum qui & ante se & suis temporibus floruerunt iure vitas scribere non potuerint, si vera sunt quæ ipsi de nonnullis

R. iiii

breviter tradiderunt , aut quamobrem Leonardus Aretinus , qui Francisci Petrarchæ , Iannotius , Manettus Nicolai quinti , Fatius Alphonſi , Campanus Brachii , Platina Pii ac Viſtorini vitas eleganter ſummaque cum doctrina memoriæ mandaverunt , ſua gloria potiùs ſint fraudandi (invidia & livor abſint) quàm ex Latinis Spartianus , Lampridius , Suetonius ; ex Græcis verò Laërtius , ceterique qui antiquorum vitas ac geſta copioſiſſimè perſcribere , aut quamobem qui ex noſtris clari inter alios excelluerunt , non eandem atque illi gloriam benefactorum diſtorumque ſint habituri. Quis eſt enim ira malevolus qui & eorum quos commemoravi & multorum aliorum virtutes , quæ plurimæ ſunt , mores , doctrinam , geſta indignas doctorum virorum commemoratione dicere audeat ? ita etiam ſaſtidiſo ſtomacho ut ea referri aliquando æquo animo non patiatur ; quandoquidem in dies Neronis , Caligulæ , Commodi , Heliogabali , & ſimilium potentiorum memoriæ refricari auribus ſuis non ſolùm non moleſtè ferant , verùm etiam libenter audiant , Equidem haud abnuerim , quòd ipſi ſæpius afferre ſolent , illorum temporum magna ingenia , maximis etiam in rebus verſata , materiam ſcriptoribus uti amplam , ita & admirandam præbuiſſe ; nec eo inficias quàmplurimos ex illis omni virtutum genere excelluiſſe. Illud tamen affirmo , fuiſſe multos ex noſtris , ſive ii domi ſive foris ſint verſati , qui nequaquam vel rerum geſtarum gloria , vel doctrina , vel ſanctitate vitæ multis , quos ipſi ſummis laudibus proſequuntur , poſtponendi viderentur , ſi modò ea ſcriptorum ingenia naſti forent. Quis enim eſt qui Albertum Magnum , Thomam Aquinatem , & item Ægidium Romanum , multos præterea philoſophos , à quibus tam virtutum quàm doctrinæ omnia exempla capi potuiſſent , Xenocrati , Diogeni ,

Chryſippo , & aliis hujusmodi non anteponat ? Quis Federicum Barbaroſſam , Gottifredum Bulio-
nium , Tambellanium Xerxi , aut Cyro , Pyriho , de
quibus tam multa feruntur , comparandos negabit ? Quis Galeazum Virtutum Vicecomitem ac Philip-
pum Mediolani Ducem , ut alios penè innumerabiles præteream , indignos judicabit quorum facta cele-
brari à ſcriptoribus debeant ? Igitur cùm multos ha-
buerimus quorum vita omni laude & veneratione
ſit cenſenda digniſſima , in iis verò noſtra ætas Do-
minicum Capranicenſem Cardinalem Firſſianum ,
virum vitæ exemplaris , integritate , fide , doctrina
ſingulari , tulerit , ejus vitam litteris mandare inſti-
tutui ; non quòd illi immortalitatem meis ſcriptis pol-
licear , quam ſibi ipſe ſanctiſſimè acta vita compa-
ravit , (id enim majoris foret ingenii) ſed ut ejus lau-
dem jam propè ſeneſcentem , quantum ego poſſem ,
à ſilentio vindicarem ; ſimul ut alios , qui multi ſunt ,
ingenio & doctrina præſtantes ad hæc aggredienda
invirem . Nam ſi quiſquam , non ſolùm iis temporibus ,
ſed multò etiam ſuperioribus fuit cujus vita
recenſeri à quoquam & laudari meritò poſſit , hic
eſt proſectò . Nemo enim illo caſtior , nemo ſan-
ctior , nemo denique omni virtutum genere fuit or-
natior . Non tamen in ejus explicanda vita ſectari
minima quæque eſt animus , quod multos ex anti-
quis illis feciſſe legimus . Nam & infinitum eſſet
opus ; & multa de ipſis ſcripta libenter audimus quæ
de noſtris non ſine audientium ſtomacho à nobis
recenſeri poſſent . Te verò , Reverendiſſime Pater ,
potiſſimum elegi ad quem hoc quicquid eſt operis
mei deſtinarem ; quod & me tibi plurimum debere
cognoſco , & cui æquius ea dedicem non video quàm
ei qui & dignitate par illi nunc eſt , & cum eo quon-
dam familiariſſimè in omni vita vixit , multarum-
que ejus viri virtutum tamquam hereditarium mu-

nus suscepit. Te namque solum docti homines his temporibus patronum habent. Tu unus eos amplecteris, foves, ac tua liberalitate sustentas. Tu humanitatem conjunctam dignitati possides: In omnem fastum, omnem superbiam contemnis. Tu mitis, tu placidus, tu comis, omnes excipis & alloqueris. Quare cum aliquando curis quas secum ista dignitas afferre solet & negotio vacaveris, hæc percurres; quæ si tibi probata esse cognovero, est quod plurimum gaudiam. Perspexi enim tuam in me benevolentiam, novi doctrinam, novi judicium animi tui; nec invidorum aut malevorum morsus pertimescam: quin potius hoc meo studio & labore delectabor, quo memoria viri optimi ac sanctissimi aliqua ex parte renovari videbitur, & alii multi excitari, qui vel hæc eadem copiosius elegantiusque rescribant, quò Latina lingua abundasse præclaris ingeniis nostra tempestate aliquando judicetur, vel multos præstantes viros meritis laudibus prosequantur; quorum præclarissimè amplissimèque acta vita ad hanc diem proprio honore fraudata, si celebrata a scriptoribus fuisset, non omnino antiquis illis quos tantopere admiramur, dissimiles domi forisque crederemur.

DOMINICI CARDINALIS

Capranicæ vita incipit felicitè.

I. **D**ominicus anno salutis millesimo quadringentesimo pridie Kalendas Iunii natus est. Patrem habuit Nicolaum ex familia Capranicense. Hoc sub parente piè & castè nutritus, primam infantiam transegit. Mox, ætate adhuc puerili, ad litteras addiscendas addictus publicis sub præceptoribus, grammaticæ, inde rhetoricæ operam dedit; tantumque in iis studiis profecit quantum & ejus ætas tenera & adhuc rudis conditio temporum ferebat.

quibus nullo aut parvo pretio eloquentiæ studia ad eam diem fuissent. Id tamen est assecutus, ut si illi licuisset in iis studiis perseverare, eloquentem fuisse evasurum ex iis quæ postea scripsit appareat. His ergo studiis peragratis, ad jus civile & pontificium animum adjecit. Igitur Patavium profectus, biennio Julianum Cæsarinum audivit, virum uti doctrina, ita vitæ sanctitate venerandum, quicum postea Cardinalis est creatus. Intellecta deinde Iohannis Imolenfis fama, Bononiam concessit, & illum continuum triennium audivit tanto studio ut nunquam scholam eo absente ingrederetur. Ita verò illum toto eo tempore observavit ut ab ejus latere nunquam ferme discederet: & aliquando Iohannem ad amicos conversum dixisse ferant, vel se omnino falli, aut videre adolescentem magno sibi honori futurum. Fuit enim illi à pueritia ingenium perspicax, lingua acuta & prompta, judicium incorruptum, præterea studiorum tanta cupiditas, ut plerunque vel totas noctes insomnes legendo transigeret, si quando verò somno vinceretur, sedens capite ad parietem reflexo per horam dormire consueverit. Ita cum eo tempore tantum profecisset ut nulli ejus sectæ secundus haberetur, insignia iis qui ad extremum studiorum tantorum pervenerint concedi tamquam emeritis solita accepit, annos natus viginti duos; statimque acceptis litteris à Martino quinto, qui ex Concilio Constantiensi rediens Mantuæ subliterat, ad illum proficiscitur, à quo Camera Cleticus est factus. Est autem is magistratus qui ea tempestate in Romana curia & dignitatis magnæ esset & gratiæ. Rerum namque omnium Ecclesiæ ac Pontificum veluti Quæstores urbani, libros in quibus rationes publicarum pecuniarum continentur tenebant, lustrationem exercituum, urbis, provinciarum omnium curam suscipiebant. Quæ

omnia temporum culpa penè amiserunt. Inde in Secretariorum numerum adscitus, clarissimis totius orbis viris collega additur, & qui non minus dignitatis existimationisque ei officio attulerunt quàm ipsi ab eo loco ornamenti acceperint. Hi. fuerunt Leonardus Aretinus, Cincius Romanus, Antonius Luschnus, Vincentius, & parens meus Poggius Florentinus; cum quibus nec satis longo intervallo in eum ordinem lecti, Iacobus Languisio Veronensis, Blondus Forlivienensis, & alii multi simul floruerunt; qui unà cum eo sunt extincti. Nam posteaquam à Calixto, nullo aut hominum aut loci habito respectu, sordidissimis multis in eum ordinem lectis, ad cohortis prætoriarum modum numerus est institutus, quæ quondam maxima in curia Romana erat, dignitas esse desuit, & in nullo honore haberi. Et qui deinceps rerum potiti sunt, rari oblatam sibi honestam causam quò tantam gentium colluvionem conprimerent, ad unum omnibus collatis, eum ordinem funditus sustulerunt. Non tamen omnino desperandum est futurum aliquando ut amplissimus ordo in antiquam dignitatem restituatur, quandoquidem & summa ipsius loci auctoritas & memoria multorum virorum excellentium, qui maximo ornamento quondam Pontificibus fuerunt, aliquos excitaturæ fore videantur.

II. Igitur cùm Secretarius esset, cum Leonardo Datho, qui eo tempore & sacrarum litterarum scientia & sanctitate vitæ clarissimus ordinis Prædicatorum, ut appellant, Generalis erat, ad dissolvendum generale Concilium à Pontifice Senas mittitur, in qua tum urbe convenerat ex nonnullorum Italiæ Principum & Prælatorum voluntate, qui ægrè ferrent à Pontifice sperni quæ quondam de communi omnium voluntate accuratè optimèque in eo Concilio decreta erant cujus auctoritate ad pòn-

rificatum electus foret. Eò igitur ubi ventum est, sua prudentia effecerunt ut omiſſa ejus rei mentione; id in civitate Germaniæ Baſilea ſeptennio poſt conventurum indicerent.

III. Romam inde Dominicus rediens, Proto-notarius factus, in Flaminiam pro Legato deſtinatur, ut Forlivium Imolamque urbes à Philippo Duce Mediolani noviffimè reſtitutas Pontifici adminiſtraret & in fide contineret, quod ejus maxima diligentia factum eſt. Nam cùm de pace inter Ducem & Venetos Florentinoſque belli ſocios conveniſſet, & Bononia Baptiſtæ Canneruli opera à Pontifice deſeciſſet, expulſis adverſæ factionis principibus, qui partes Pontificis ſequebantur, Flaminia etiam omnis ad defectionem ſpectaret, Dominicus ex templo contractis in unum præſentibus copiis (ii erant equites ſexcenti, qui Eccleſiæ ſtipendiis militabant) eas urbes in fide continuit, & innovare res molientes prohibuit; nonnullis ejus rei auctoribus ultimo ſupplicio affectis, accerſitis inſuper novis auxiliis à Carolo Malateſta, qui Ariminum Vicarius pro Eccleſia tenebat, contra Baptiſtæ & Bononiënſium audaciam caſtellum ſancti Petri & caſtellum Bononiënſium oppida defendit. Inſequenti deinde æſtate, majoribus copiis à Pontifice acceptis, duce Iacobo Caudola, Bononiënſibus bellum inferre juſſus eſt. Igitur adjuncta ſibi exulum manu, quorum princeps erat Antonius Bentivolus, & ipſe à Baptiſta pulſus, agrum Bononiënſem hoſtiliter ingreſſi, omnia ejus oppida, quæ aut vi capta fuerant, aut ſponte in ditionem hoſtium venerant, receperunt. Ducto deinde propius urbem exercitu, cuncta igni ac ferro populati ſunt, ea potiſſimum ratione, ut aut hoſtes ad pugnam elicerent, aut vaſtatione agrorum ad deditionem compellerent. Verùm cùm nec direptio villarum, nec agrorum depopulatio, ullave

alia belli calamitas eos terreret, urbem obsidione cinctam pactione in fidem receperunt. Protracta est tamen ductorum culpa ad undecimum mensem obsidio, qui adeo infide bellum gerebant, ut cum aliquando exules menia ascendissent, potuissetque parvo labore urbs capi, si auxilia petentibus subministrassent, castris egredi, Legato etiam detestante eorum perfidiam, noluerint. Quamobrem pluribus amissis, illi, mœnibus dejectis, sunt urbe potiti; tranquillisque Romandiolæ rebus, obnavatam opera bene ac feliciter Firmi Episcopus declaratus, & procuratio..... urbis omnisque ejus regionis quam Ducatum Spoletanum vocant illi demandata est. Quam provinciam biennio ea vitæ integritate, continentia, justitia administravit quanta ad assequendam omnium provincialium benevolentiam fide sua incolum fieri poterat ac reverentia. Nullius namque gratia, nullius precibus cum à justitia moveretur, æquabilem se omnibus semper præbuit. Id verò quod difficillimum videtur præstitit, quia varias quibus ea provincia abundat factiones adeo sedavit, atque eorum principes tanta benevolentia, sua humanitate, mansuetudine, prudentia invicem devinxit ut inter eos nullæ inimicitiarum aut irarum causæ remansisse viderentur, sibi que ac rebus suis optimè consultum à Dominico crederent & gloriarentur. Is namque cum specimen justitiæ, temperantiæ, continentiae, Ecclesiæ Præsulum ferme primus dedisset, ostendit per sæpe administratores provinciarum aut avaritia sua, aut luxuria, aut ambitione multarum perturbationum fuisse causas, cum quandoque præficiantur iis externarum gentium viri, qui aut precibus amicorum emendicati, aut aliquomodo potentioribus obnoxii, ut plurimum egentes atque omnium rerum inopes sint, nulla verò virtute sed fortunæ beneficio id muneris assecuti,

arrogantes, superbi, contumeliosi reperiantur, ea-
que agant, ea aggrediantur quæ quivis prædo mer-
cenarius, non dignitatis, quam nullam cognoverunt,
non virtutis à qua longè abhorrerunt, non pro-
vincialium, quorum cura non rapina illis demanda-
tur, sed suæ cupiditatis memores, se non provin-
ciarum administratores sed mercatores potius cre-
dentes, potissimum attendunt quonam maximè mo-
do suam avaritiam atque egestatem expleant, in qua
continuè vixerunt: quæ etiam eò immoderatiùs
agunt quò magis successorem timent. Accedit præ-
terea, quod omnium cumulus est miseriarum, &
plurimos ad maleficium impellit, quia oppressorum
voces aut ad Pontifices deferri nequeunt, aut si for-
tè devenerint, aulici quique principes circumstant
plerumque sanguine miserorum empti, sive amicitia
ducti, sive ut iis idem impune facere liceat, Ponti-
ficum voluntatem, quamvis optimam, deprimere
non desistant.

I V. Ita cùm Dominicus eam provinciam admi-
nistrasset ut nec mitius aut æquius ab optimo patre.
familias domus regi & res administrari posset, tan-
taque fuisset lenitate, mansuetudine in omnes, ea-
que caritate ut à plurimis pater, à multis frater, à
nonnullis filius, accepta ea dumtaxat dignitate, di-
ceretur, nullum verò ejus factum atrox, nullum in-
justum, nullum avarum, nullum libidinosum, nul-
lum quoque insolens verbum, nullum impudens
quisquam vel audierit aut viderit, adversus om-
nem cupidinem atque avaritiam invictus vixerit, à
Martino creatus est Cardinalis secretus. Moris est
Romanorum Pontificum, multisque annis observa-
tum, cùm aut plures pro Cardinalium creatione sibi
sunt infensi, vel ipsi augeri collegii numerum agrè
ferant, Pontifices verò quempiam ad eam dignitatem
velint extollere & competitorum molestias evitare,

diffimulata aliquorum creatione de collegii sententiâ; quos volunt nominant Cardinales, præsentibus iurejurando adactis se illos pro Cardinalibus habituros nec obstaturos quominus in suum collegium recipiantur. Certum insuper tempus statuunt quo id palam fiat. Qui contra fecerint, sacris interdictum fore. Ita Dominicus Cardinalis creatus est. Convenerat verò inter Pontificem & Cardinales ne intra biennium pronuntiaretur Dominicus; quòd si interea mori Pontificem contingeret, liceret illum interesse pro Cardinali alterius electioni, ac deinceps talis haberi, idque iurejurando sinxerant.

V. Ceterùm Martino haud multò post mortuo, Dominicus dimissa provincia Romam venit, & ad ædem beati Laurentii via Numentana subsidens, ex amicis quendam in urbem ad collegas misit, qui & publicè & privatim à singulis postulare ut venire sibi ad suffragia ineunda pro creando Pontifice liceret, simul & ostenderet illum sua humanitate petere ab iis quod scirent sibi liberum esse. Sed cùm variis inter eos habitis sententiis, prout cujusque animus ambitione aut odio rapiebatur, res longiùs trahi videretur, missis iterum ad omnes amicis communibus, qui aut id ab eis impetrarent, aut injussum se venturum exponerent, quamvis æqua postulare videbatur, tamen nonnullorum Cardinalium persuasionibus ab incepto destitit affirmantium, si hanc suam, quamvis justam, voluntatem paulùm differret, futurum ut faciliùs quod speraret assequeretur.

VI. Expectata ergo novi Pontificis creatione, cùm Eugenius ordine quartus electus esset, statim ad illum misit qui primò ei pro tanta potestate adepta gratularentur, deinde peterent ut se cum Cardinalium insignibus ingredi urbem pateretur. Cùm verò procrastinando nedum à Pontifice differri sua postulata videret, verùm etiam consiliis quorundam Cardinalium,

Cardinalium, qui Martino infensi fuerant, aures præbentem de se capiendò consilia agitare, omiſſa ejus rei mentione in provinciam reſerſus, Montefalcum Ducatus Spoletani oppidum ſe contulit. Eò quoque cùm miſſos à pontifice milites venire intellexiſſet & parùm abeſſe, ſimulato in propinquum caſtellum itinere, clam quatuor comitibus aſſumptis ad Soractis montem (is eſt in Falifcis) proficiſcitur, & in ſacello quodam ſexaginta dies continuos latuit, omnia experiri ſtatuens quò Pontificis iracundiam & plus æquo inimicorum calumniis præbentem aures leniret; qui ea ſpecie quò diceret Martini nepotes, quibuſcum bellum Eugenius inceperât, ejus opera contra Eccleſiam arma mōviſſe, omnia ejus bona publicaverat, beneficiis etiam ſpoliaverat. Sed cùm ejus leniendi nulla ſpes videretur, & apud iniquum judicem malis præterea uſum conſultoribus agi cauſam animadverteret, inita quò de ſe interficiendo conſilia, Baſileam proficiſci conſtituit, quò aliquot antè annis illo auctore Concilium à Sena tranſlatum diximus. Verùm cùm priùs adire Ducem Mediolanì placeret, qui tum maxime infenſus Eugenio erat, impetrata à Senenſibus fide publica Sarreanum venit. Ibi vocatus per viatorem in judicium ab iis Cardinalibus quibus mandatum erat à Pontifice ut eam cauſam cognoscerent, venire noluit, & codicillis manu ſua conſcriptis, quibus ad Baſileenſe Conſilium provocabat, ad eos miſſis, Plumbinum maritimum Etruriæ oppidum ſe contulit. Deinceps expectata triremi, quam ad eum Philippus mitteret, Genuam conceſſit. Ibi benignè exceptus à magiſtratibus, qui pro Philippo urbem adminiſtrabant, equis inſuper aliisque ad victum neceſſariis adjutus, ad Philippum terreſtri itinere Mediolanum proſectus eſt; ab eoque humaniſſimè ac liberaliſſimè ſuſceptus hoſpitio, plures dies apud

illum manfit. Impetrata deinde abeundi venia, fuperatifque Alpibus, per Helveticorum agrum Bafileam contendit. Vbi cò venit, illico apud Concilio præfidentes (ii funt viri aliquot de Concilii fententia electi, virtute & doctrina præftantes, auctoritate etiam ac poteftate maxima, ut ad quos à Pontifice provocatio eft) Pontificis injuriarum conqueftus, fuam caufam propofuit, quam triennium continuùm ea modestia agitavit ut cùm plerunque tanta inopia fuerit, interceptis Pontificis juffu tum paternis facultatibus tum proventibus beneficiorum, ut neceffariis etiam ad victum indigeret, & Pontifex extorquere ab illo eam dignitatem vellet quæ maxima poft pontificatum fit, nemo tamen dictum quicquam ab eo afperius, nihil contumeliofum in illum aut inimicos audierit, quos plurimos habebat apud Pontificem porentes, qui fuæ dignitati adverfarentur, ejusque animum fuapte natura mitem & ad meliora promptum affiduis delationibus criminationibusque accenderent, tum etiam alios minorum ordinum, quorum natura eft ut ex adverfis aliorum rebus & miferiis fuam potentiam crefcere, & vel adulando vel detrahendo Principum benevolentiam inire & ambire dignitates velint. Vicit tamen Dominici constantia, & tandem ex Concilii fententia Cardinalis declaratur fummo cum omnium inimicorum dolore. Nec multò poft ab Eugenio vocatus Florentiam, ubi tum fortè degebat, in itinere, quem tantò labore ac periculo tantaque impenfa defenderat Cardinalatus pileo puniceo (quod ejus dignitatis infigne eft) uti cœpit. Impetraverant enim à Dominico Eugenii Legati, pofteaquàm Præfidentes pronuntiaverunt eum Cardinalem effe ac pileum ferre dederant, ne priùs quàm Bononiam veniffet, eum gereret, magna contentione habita ut hunc ab Eugenio accepturus Florentiam venire vellet.

VII. Assumpto pileo recuperatisque omnibus quæ quondam amisisset, aliquot annis quietam vitam duxit, studiis maximè ac rei familiari intentus. Nam cùm parum acceptus Pontifici esset, ob eamque rem aliquid ab illo petere vereretur, quod facile negaturus videbatur, omnia negotia, omnem curam, tum privatarum suarum rerum, tum etiam amicorum prætermisit. Quòd si fortè aliqui ad eum venient qui suo patrocínio apud Pontificem egerent, vel iis se surripuit, aut suam operam denegavit apertè; nec ullis precibus diù ab illa sententia dimoveri potuit. Vnde morosi ac difficilis nomen subiit. Quam etiam opinionem auxit, quia natura erat severus, nec ullius rei simulator aut dissimulador, ideoque instantibus plerumque asper, ad injustas verò preces sicut inexorabilis, ita ubi quid ab eo pervicacius peteretur, ad iram pronus, sed quæ statim recideret. A luxuria omni alienus & ambitione, idem continentissimus, & alienæ luxuriæ acerrimus castigador; idem minimè cupidus, sui tamen parcus. Verùm ubi illius integritas, fides, continentia omnibus nota esse cœperunt, summamque in eo viro tum prudentiam, tum modestiam esse apparuit, Pontifex illam pristinam duritiem in maximam benevolentiam convertit. Primò namque lenire odium, mox illum diligere carumque habere, demum illi plurimùm credere cœpit, omnia ex illius voluntate agere, illius iudicium potissimùm sequi. Itaque provinciam Picenum illi administrandam festinavit; deinde etiam exercitui Legatum præfecit quem contra Franciscum Sfortiam parasset, qui omnem ferine eam provinciam occupaverat. Ad exercitum igitur profectus, arbitratus se satis esse facturum si & hostes populationibus arceret & socios in fide tueretur, cunctando ac sedendo bellum conficere decrevit. Ita aliquandiu protracto bello,

cum sua diligentia eò hostes essent redacti ut vel decedere provincia commeatum inopia vel se dedere cogerentur, ab exercitus ductotibus, qui se in iussos pugnuros vulgò minabantur, mutare consilium est coactus. Vnde cum potius improbare quàm non sequi eorum consilium posset, & ipse in pugnam cum aliis processit, nec quicquam prætermisit in acie quod ad optimum etiam ducem pertinere videretur. Sed illius optimam mentem haud par fortuna secuta est. Fusæ namque ac fugatæ Pontificis copiæ sunt, capta ac direpta impedimenta omnia. Ipse insuper latus ac manum saucius, mutata veste è pugna Auximum se recepit. Plures in eo prælio occisi, multi capti, quorum magnum numerum sua ipse pecunia redemit. Plures etiam à Francisco liberi ejus gratia absque pretio abire jussi.

VIII. Missus iterum Perusiam, & illi oræ præfectus, præter antiquam illam in administrandis urbibus moderationem adhibitam atque diligentiam, plurimos magicis superstitionibus deditos, & in his mulierem quandam famosissimam, scelerum convictos igni damnavit. Id præterea in hujusmodi legatione continuò observavit ut bis in hebdomada Iurisperitos omnes & eorum discipulos in palatium convocaverit, ac propositis quæstionibus eos disputantes attentissimè audierit, nonnunquam verò etiam ipse alteram partem tueretur. Interea cum Asculum & Rochara contrada sua opera à Francisco descivissent, & multa ejus provinciæ exemplum secutura viderentur, si ad quem deficerent in iis locis cum imperio forent, jussus transire in Picenum cum exercitu, Firmum compluraque ejus regionis oppida, impunitate proposita, partim deditione civium, partim vi, in Pontificis potestatem redegit. Sed audita haud multò post Eugenij adversa valetudine, impetrataque abeundi venia, Romam concessit. Eu-

genio vita functo, creatus Nicolaus ordine quintus illum exemplo Tibur ad Alphonsum Regem Aragonum destinat, qui ægrotante Eugenio per speciem Ecclesiæ opem afferendi eam urbem ingressus, Nicolao restituere recusabat. Hic ergo cum ad Regem venisset, sua auctoritate effecit ut eam urbem quamprimum Pontifici relinqueret. Post hæc reversus in Picenum ad reliquias belli prosequendas, omni vi oppugnare hostium loca aggressus, omnia de Ecclesia infra paucos dies recepit. Mox hostes certamen detractantes, desperatis rebus abire provincia compulit. Post eam recuperatam, singulas illius, urbes circuevit, earumque populos pro cuiusque meritis sublevavit, res eorum stabilivit, dissensiones composuit, provincialium causas tum publicas tum privatas summa caritate & benevolentia audivit. Iuri autem reddendo plurimum temporis impartit, qui multos annos vexata bellis provincia sine legibus potentiorum arbitrio vixerant, singulos etiam infimi generis homines summa clementia ac patientia audiens, plurima quoque ipsorum æquitate & misericordia magis quam legibus composuit. Nam quæ proficiscebantur à legibus, ad facilitatem æquitatemque referebat, & controversias tollere quam litium actiones constituere malebat. Quæ autem ipse non poterat, suis audienda & cognoscenda distribuebat. Nam tanta erat se sequentiam turba ut non minus trecentis hominibus in singulos dies audierit & eorum causas cognoverit, miserorum maximè patrocinio suscepto, quibus, cum solvendo non essent, nec unde litium actiones sequerentur, se mediatorem posuit, ut æquitate res judicarentur. Quo factum est ut à multis vexationibus provinciales privatim sublevarentur. Publicè verò multis urbibus atque oppidis immunitates concessit. Vestigalia pleraque nova aunovit, leges multas ad reprimendam

Prætorum & Ministrorum avaritiam tulit. Ipse ne victum quidem ab illis exegit; dona omnia respuit præter ea quæ modica Legatis urbes ingressis à civibus offerri solent; nec in se aut eos qui secum erant fieri sumptus ullos passus est. Ita provincia peragrata Romam reversus, à Nicolao summus Pœnitentiarius factus est. Est autem ea hujus loci dignitas ac potestas ut secundùm Pontificem maximæ sit auctoritatis; quam quò faciliùs retineret, id maximè observavit ut ejus ministri nonnisi probatæ vitæ essent, sed ii potissimùm qui scriptores appellantur. Tantam verò in singulis diligentiam adhibuit ut nihil unquam in eo egerit cujus non probabilem saltem rationem afferre posset.

I X. Sub idem tempus Byzantium, quæ & Constantinopolis, in Turcarum potestatem venerat, tum Græcorum perfidia atque avaritia, tum etiam nostrorum Principum negligentia. Quod cùm Nicolaus ægrè ferret, & suis temporibus adeo præclaram urbem impiorum viribus accessisse de sua auctoritate judicatum iri crederet, ad eam recuperandam animum adjecit. Sed cùm suæ vires magnitudini rei non sufficerent, eaque tempestate plurimùm mari ac terra Alphonfi Regis Aragonum opes possent, Dominicum ad illum misit, quem arma capere pro tantæ urbis recuperatione hortaretur. Sed cùm Rex teneri se Italico bello, quod tamen sua & Venetorum ambitione ortum erat, causatus expeditionem differre, nec nisi rebus Italiæ compositis agi quicquam de ea re posse videretur, ad Pontificem rediit.

X. Per id ferme tempus Genuæ per factiones civium novi motus exorti erant. Contendebant Petrus & Ludovicus de Campofregoso, antiquissima familia, & magna apud plebem propterea gratia, & Ioannes Philippus de Flisco, & ipse homo summæ po-

rentiæ & magnæ cognationis , civitatis principes ,
Diffensionum erat causa quòd Ludovicus, qui impe-
riuin populari favore tenuerat, & Petrum affinem
suum honore atque auctoritate auxerat, ab eo deinde
per fraudem ejectus restitui in antiquum locum gra-
tiæ arque honoris volebat. Iohannes, cùm sua po-
tissimum opera petrus adeptus ducatum Genuæ esset,
nulla in re fidem promissam sibi ab illo præstitam
magno dolore afficiebatur. Petrus, qui dimissio im-
perio suam salutem committere potestati eorum qui
se læsos arbitrabantur tutum non censeret, omnia
priùs tentanda existimabant. Quare cùm suæ cuique
eorum clientelæ, divisa nobilitas, divisus populus
esset, magna insuper foris potentia, ad apertum bel-
lum descenderant; eoque irarum jam res processe-
rant ut nisi cum manifesta urbis pernicië arma depo-
situra non viderentur. Itaque veritus Pontifex ne ea
res majoris tumultus principium foret, satis etiam
cognoscens quàm opportuna urbs ad omnes res esset
si bellum in Turcos susciperetur, Dominicum ad eo-
rum res componendas misit. In eo itinere persuadet
Ludovico itemque Iohanni Philippo ut omissis civi-
libus diffensionibus pacem, si æquis conditionibus
daretur, cuius se interpretem futurum reciperet,
amplecterentur. Deinde hortatus ut in ea sententia
permanerent, Genuam contendit. Vbi eò venit, nil
priùs egit quàm peractis de more sacris, implorata-
que Dei & aliorum numinum ope, supplicia ad om-
nia templa tota urbe haberentur; è contra verò ejus
ratione habita omnia secunda prosperaque evenire.
Intellecta deinceps causa recordiarum civitatis, prin-
cipes, quos ad extrènum ferme discrimen & cum
patria pernicië dissidere apparebat, summa diligen-
tia ac prudentia placavit: ereptisque armis ex mani-
bus civium iratorum, civitatem in summo otio &
tranquillitate collocavit, maxima omnium gratula-

tione , tantam difficultatem in ea re componenda expertus propter mobiles illorum animos & in postulatis pervicaciam ut aliquando desperatis rebus Dominicus de discessu cogitaverit. Fuit enim reconciliandis amicitiiis aut inimicitiiis componendis promptissimus , ejusdemque rei studiosissimus ; ut etiam quos aut ratione aut auctoritate lenire non posset , precibus quoque humilibus, ut ad genua sapius procumberet supplex , in suam sententiam traduceret. Seditionibus civium sedatis , ad componenda sacra loca & mores sacerdotum conversus , qui ea licentia ac lascivia vivebant ut nil magis contra religionem esset , cum vulgò sacræ mulieres sacerdotibus atque aliis miscerentur , ædes earum sacræ veluti lupanaria essent , ipsæ urbem noctu interdumque nulla aut sexus aut religionis verecundia cum suis amatoribus percurarent , sacerdotes quoque eadem admitterent , brevi in antiquos mores ac religionem restituit. Quæ quò faciliùs conservarentur , decreto etiam sanxit ut vetusto ritu quotannis synodi in Genuensium diocesibus celebrarentur , utque eæ actæ essent, Episcopi quamprimùm ad Pontificem referrent. Multa præterea piè prudenterque ab eo viro facta atque instituta sunt , quæ à te in iis commentariis quibus omnem legationem illam complecteris , copiosè & eleganter sunt explicata. Illud nequaquam prætereundum videtur , tantam fuisse tum Dominici diligentiam ut haud contentus res Genuensium composuisse , maritima quoque auxilia contra Turcum ab iis impetraverit. Qua ex re quanta fuerit quondam illius urbis magnitudo facilè judicari poterit ; quando magna imperii parte amissa ; & intestinis civium factionibus penè debilitata , tamen quadraginta cives in ea inventi sunt qui singuli singulas armatas triremes Dominico ad id bellum pollicerentur. Rebus Genuensium ita compositis ut non modò suam glo-

riam, sed Pontificis auctoritatem maiestatemque auxisset, acceptissimus omnibus Romam revertitur.

XI. Inde cum Pontifex quietis Italiae cupientissimus, tentatis omnium animis, pacis & belli arbitrium esse penes Regem intelligeret, iterum Dominicum ad Alphonsum mittit, persuasus aut de pace omnino desperandum, aut eo interprete cum Rege conventurum. Nec fefellit hominem opinio. Nam brevi Regem & alios ad pacem sua prudentia perduxit; quæ quanta in eo fuerit, ex hoc uno facile cognosci potest quia annum & eo amplius Romæ, ubi omnium Italiae Principum rerumque publicarum Oratores convenissent, ne quicquam tentata est. Agitata est tamen aliquandiu, animo Regis à quietis consiliis abhorrente, qui peteret ut Florentini domum Ludovico Patriarchæ Aquileiensi restituerent, quam aliquot antè annis publicè datam, quia is eo proximo bello contra eos pro Rege sensisse diceretur, publico etiam decreto ademissent, tamquam illi crimen falso objectum esset, ut quæ de Gerardo Gambaçurta capta, quod & ipse in eadem suspitione fuisset, Florentini redderent, veluti hoc suæ fidei maximè interesset, Florentinis verò id se facturos negantibus, & de sua auctoritate agi existimantibus si quæ quondam publico consilio egissent retraherent, vicit tamen Dominici constantia, & Regem ad æquas pacis conditiones deduxit. Qua ex re maximum ab omnibus sibi tum amorem, tum gratiam conciliavit; apud Pontificem verò plurimum fidei, plurimum etiam auctoritatis comparavit.

XII. Ea functus legatione, Romæ deinceps vixit, tum officio suo ministrando intentus, tum etiam iis quæ ad Ecclesiæ utilitatem dignitatemque pertinere arbitrabatur. Ingentes enim labores magnasque curas ita pro aliis continuè suscepit, ita sacerdotum

dignitatem & commoda pro viribus & defendit & auxit ut non sua causa sed ad communem omnium utilitatem natum diceres. Nihil verò magis toto eo tempore egit, cum Nicolao primùm, mox Callisto Pontificibus, quàm instare orareque ut Byzantio recuperando incumberent & ad id Christianorum Principes incitarent. Ipse interea quamplurimis Genuensium convocatis, præterea Hungaris ac finitinarum provinciarum Græciæ habitatoribus & Turco, percunctatus diligentius de locorum omnium ac portuum natura & situ sæpissimè est; & quàm potissimum bellum inferendum esset, terrestribusne copiis an maritimis pugnare satius foret, & unde facilius quæ exercitui, quæ bello necessaria essent, unde com meatus comportari possent, auxilia suppeditari, quæve hosti plurimum resisteret; eaque omnia accuratissimè in parvum volumen redacta ad Pontificem misit. Verùm ubi ea sperni ab illis vidit reliquisque Principibus, expilandis autem undequaque per speciem parandi belli pecuniis enixè impendi operam, à Callisto præsertim, tanta indignatione id tulit ut plerunque lacrymis non abstineret, sæpissime verò eorum rapacitatem apertè detestaretur, prædiceretque brevi ea cura neglecta futurum ut Turcus omnino Græcia potiretur, & majores calamitates reipublicæ Christianæ præbiturus foret. Nec fefellit virum ad omnia prudentem divinatio. Mœsiam namque, & Achaiam, Epirum, Macedoniam, Peloponesum ferme omnem ille in suam potestatem redegit, Albanos propriis sedibus expulit, Christianos maximis incommodis affecit; quorum nil eventurum cernebat, si principio, quamvis parvo conatu, obstitissent. Iis itaque rebus maximè sollicitus animo Dominicus continua cura, ut nulla re magis, angebatur. Nam propriis incommodis nequaquam tristari est solitus; nec propinquorum cognatorum injurias ægrè ferre,

quia obliuisci earum quàm ulcisci maluit, licèt propulsare humaniter illatas tuerique suos illæfos semper voluit. Verùm si quid hujusmodi contra religionis existimationem sive apostolicæ sedis majestatem auctoritatemque fieri vel à Pontifice aut Cardinalibus præter eorum dignitatem videbat, qui avaritia ducti Principum benevolentiam sibi conciliare cupiebant, quàm ægerrimo animo tulit, eorumque conatibus, quoad potuit, semper obstitit. Quare cùm sub Callisto Pontifice Franciscus Episcopus Ferrariensis, vir certè innocentissimus ac doctissimus, à Borasio Marchione Ferrariensi per vim episcopatu ejectus esset, privarique illum à Pontifice peteret, ejusque rei multos fautores ex collegio haberet, & solus Dominicus intellecta causa illi contra multorum potentiam restitit, quamvis Pontifice invito, præstititque sua auctoritate ut Franciscus, quoad ipse vixit, suam dignitatem retineret. Hoc autem officium non solum amicis, sed etiam incognitis sæpius præstitit, ubi opus fuit, inquiens non hominum se quantum justitiæ rationem habere. Omnium verò qui Pontificis ditionis essent, præ ceteris perpetuam propugnationem suscepit, ac pro eorum salute ornamentisque tuendis eam diligentiam adhibuit ut ab omni vi atque injuria eos defenderit. Quibus ex rebus tantam sibi apud omnes gratiam peperit, ea quoque illius viri bonitatis, fidei, integritatis opinio cunctos tenebat, ut non solum Pontificis imperio subiecti, si vi opprimerentur, ad ejus patrocinium confugerent, sed omnes undique omnium gentium ac nationum quibus aliquid Romæ negotii erat.

XIII. Apud Principes verò Christianos summa in opinione fuit sanctitatis. Alphonso autem Regi Neapolitano, Philippo primùm, deinde Francisco Sfortiæ Ducibus Mediolanensium tanta in venera-

tione ut eum semper appellare parentem & inter loquendum & in epistolis consueverint, Alphonsus verò etiam ejus auctoritate & oratione ductus, quàm in illa sua prima legatione ad eum habuit, auctoritatem beneficiorum sacrorumque omnium facere desierit, ac sacratis Pontificum decretis paruerit. Tantum cettè omnes illi detulerunt ut nihil arduum, nihil magnum, sive cum Pontifice, sive cum aliis, eo inconsulto egerint, Oratoribus verò suis ac negotiorum procuratoribus, quos Romæ haberent, etiam mandata dederint ut nihil eo infcio aut nolente tentarent. Ceterùm cum Nicolaus primò, deinde eo mortuo Callistus à Francisco Sfortia auxilia contra Iacobum Piceminum peteret, quem arma moturum contra Ecclesiam suspicabantur, non priùs ad illum misit quàm à Dominico id facere est persuasus. Eugenio post reconciliationem, deinde Nicolao ita carus continuè vixit ut tamquam parenti illi detulerint. Ferunt tamen initio pontificatus Nicolaum alieno ab illo animo fuisse; quia cum suffragiis Cardinalium electus ad pontificatum esset, Dominicus, tamquam ad rem vix credibilem motus, videre diligentius suffragia voluerit. Miraculi enim loco ducebat hominem novum, qui anno & semis antea privatus sacerdos & egens fuerat, repente Pontificem creatum; Sed haud multò post Nicolaum, cognita hominis virtute, illum sibi convinxisse, nihil deinde egisse quin ejus consilium priùs percunctaretur; joco etiam ei dixisse sæpius: Tu iterum suffragia videre voluisti. Cardinalibus autem tanta in veneratione fuit ut mortuo Callisto ex collegii sententia Pontifex designaretur.

XIV. Nam præterquàm quòd in eo summa rerum agendarum prudentia, constantia, integritas, in rebus omnibus fides erat, fuit etiam adeò emendata vita ut honestate, probitate, exemplo omni-

bus esse posset, & nihil in eo fictum unquam apparuit, esse quàm videri bonus semper studuit; omni vitæ ac supellectilis cultu neglecto, nunquam culcitra ex pluma cubuit, sed straminea; adeoque id sedulo in omni vita observavit ut vix biduo antequam decederet à medicis amicisque illi persuaderi potuerit ut sententiam mutaret. quod ne causa captandæ popularis auræ facere videretur, ejus rei conscientiam præter cubicularios neminem habuit. Lectos verò instratos, quamvis splendidè, modicè tamen paratos tenuit. Interiori amiculo laneo à pueritia usus est. Quin etiam eo vestitus & calceatus continuè dormivit. Camisæ autem, quæ circumdata cervicibus apparet, lineam partem adjunxit. Vestitu alio usus est nitido, & tamèn honesto, & qui ab omni fastu & pompa alienus esset, quorum erat inimicissimus; dicere frequenter consuetus non in iis dignitatis ornamenta esse, sed in religione, fide, iustitia, ceterisque virtutibus. Solitus est aliquando, cùm ad eum sacerdotes, nec infimi ordinis venirent qui vestium limbos ex pretiosioribus pellibus haberent, inter loquendum etiam de rebus seriis depilare, sciscitantibus verò plerisque causam illis respondere, quid ita ostentatores essent, & cur non potius omnem vestem intrinsecus fulcirent, si id utilitatis causâ facerent, quàm oras vestium ambirent. Pari modo & sacerdotes purpura usos reprehendit, etiam maximo cum stomacho iterum ac tertio, ut nemo adire purpuratus coram auderet. Munditia tamen fuit magna, sed nequaquam odiosa. Virtus ejus talis ut esset opulentia sine reprehensione, parsimonia sine sordibus. Cibo duntaxat unico in mensa usus est, sive idassum esset, sive cilxum. Elixo tamen frequentius utebatur. Ciborum varietatem aspernatus est, qui præterquàm quòd insalubris sit & nimium luxuriosa, fastidium parait. Hanc autem

frugalitatem & in conviviis observavit, uno aut summum duobus ferculis convivas excipiens, cum tamen non sine delectu hominum aut ordinum convivaretur. Cibique ipse erat minimi, & ferè vulgaris; famis tamen impatiens, ita ut si quando negotiis longius detineretur, etiam coram Pontifice & Cardinalibus comederet. Comedebat verò parum quid zacchari, aut uvas passas, aut aliud quippiam ex zaccharo confectum. Quo cibo unicè delectatus est, ita ut sæpius nihil aliud cum modico pane cœnaverit; idque ferre secum impransus ad Pontificem iturus semper consuevit. Vini quoque fuit parcissimus. Vasis vitreis aut fictilibus plerunque in mensa usus est, præcipuè solus, aut inter amicos. Vasorum verò argenti tantum habuit quantum fieri neglecto omni luxu poterat. Semper, cum cœnavit aut pransus est, lectorem adhibuit, maximè sacrorum operum, quo ventrem simul atque animum pasceret. Ipse ea attentione audivit ut corrigere lectorem, si quid errasset, soleret. Interdum & cœnavit & pransus est inter domesticos eodem in cœnaculo, ut non nimio sumptu, ita nec lautiori ab universa familia cibo. Sed patronus ac dominus idem quoque severus fuit. Domesticum, quòd is contra suam voluntatem extra domum dormisset, domo exclusit, nec adduci unquam potuit ut eum reciperet. Alium, qui conservum verberaverat, similiter domo ejecit.

XV. Vivendi usum ita instituit. Se semper duas aut tres horas ante lucem surrexit, nisi cum casus aliquis tenuisset. Nam somni ita parci fuit ut ad summum quatuor horis dormire sit solitus; ac statim horis, prout sacerdotum moris est, dicendis operam dabat. Deinde aut sacra ipse celebrabat, quod faciebat quàm frequentissimè; aut si quo casu prætermitteret, iis intererat. Peractis sacris, legere consuevit, donec tempus esset venientes audire.

quod deinceps ad horam prandii prorogabat. Vbi prandius erat, doctos viros, quos domi semper habuit, ad se convenire volebat, & propositis questionibus, de philosophia & theologia maximè disputantes audivit. Ipse sæpiùs aliquid in medium afferens, eos ad dicendum alliciebat, differebatque, æquo etiam animo de sententia ejici passus. Vbi satis sermonis habitum erat, se in cubiculum cum suis recipiens, domestica primùm negotia ab iis audiebat, tum aliorum, si qui forent qui aut sua gratia aut opera indigerent; & illorum curam aut Secretariis aut auditoribus aut dispensatori, prout cuiusque negotia essent, demandabat. Quæ verò suam diligentiam suamque auctoritatem apud Pontificem requirerent, in breve conjiciebat, quò Pontificis voluntatem de singulis perscrutaretur. Conferabat autem se ad eum sæpissime ob negotiorum multitudinem, quæ ad eum undique confluebant. Id verò continuè observavit, ut priusquàm mane cubiculum egrederetur, breve rerum omnium conscriberet quas ea die facturus esset, eoque deinde ordine cuncta, ut erant notata, tractaret, deinde noctu, priùs quàm cubaret, ea quæ novissimè supervenissent, pari diligentia notaret, & notata quæque relegeret, si quid autem esset aut temporis culpa aliave causa prætermissum, in posterum diem rejiceret, absolveret. Inde legit aliquid, aut scripsit.

XVI. Post meridianas horas progrediens, qui ad eum conveniebant, sive salutandi sive negotii gratia, sedens plerunque audiebat omnes. Audiebat persæpe stans, aut inambulans; idque exercitii causa. Vbi publica expedisset, in cubilum se recipiens, subscriptioni supplicationum officii primò dabat operam; deinde breve mane à se conscriptum, deinceps epistolas tum amicorum, tum aliorum qui ad eum scriberent, perlegebat. Post hæc

legebat aliquid. Legit verò præ ceteris Augustinum de civitate Dei, Hieronymi omnia, & Casiani opera, ex aliis Senecam, quem familiarissimum habuit. Fuit ingenio summo ac memoria, maxima autem rerum. Nam neque audierat quicquam unquam, neque viderat, aut etiam legerat, quin eorum recordaretur. Verborum verò ferme nullam habuit. Credo quòd rebus contentus, verba posse ipse fingere non dubitaverit.

XVII. Nihil cuiquam denegavit unquam quod ipse præstare posset, aut gratia sua quempiam fraudavit. Nihil autem se facturum recepit quod non effecerit. Qua in re tantam diligentiam adhibuit ut per se stare crederet quò minus qui peterent absolverentur. Quos verò opibus aut potentia per vim opprimi vidit, iis maximè nullo aut benevolentia aut amicitia habito respectu auxilio fuit, nihil omnino prætermittens quod ad illius salutem & suam fidem spectare arbitraretur, ita ut nec potentum inimicias extimesceret. Quare multis saluti fuit, gloriari sæpe solitus neminem frustra patrocinium suum implorasse, avertisse etiam à cervicibus multorum maximas calamitates. Beneficium verò nec vendidit unquam, nec vendi passus est. Ideo, ne in suspicionem aliquam incederet, nunquam à privato, etiam amico, munus accepit quin par aut majus redderet. Aliquando annulum digito extractum dono mittenti quippiam dedit. A civitatibus & provinciis nonnisi edulia accepit. In omni autem vita ea constantia & gravitate fuit quæ non solum gratia resisteret, verum etiam suspicioni. Feminam nullam domum suam ingredi est passus, sive ex alienæ sive conjunctæ aliqua cognatione essent. Quòd si fortè aliquam sua opera indigere aut conjunctarum ullam ad se venire contigisset, in vestibulum domus descendens aut propinquam ædem, illam audiebat,
dimitte-

dimittebatque. Præterea adeo continentis vitæ fuisset constat ut postquam sacris initiatus sit, castissimam vitam duxerit, honestate etiam tanta ut ne à cubiculariis quidem unquam visus sit nudus.

XVIII. In cetera verò vita adeo integer vixit ut nec multis annis valetudine adversa laboraverit, nec vita ab invidis malevolisque ulla in re unquam culpari potuerit. Quod si integritas in omnibus laudanda est, in iis tamen qui in imperio aut potestate sunt admiratione digna videri debet. Nam multi, quos etiam vidimus, licet in parva fortuna continentes, integri, casti, liberales fuerint, tamen postquam ad potestatem rerum pervenere, intolerabiles, avari, luxuriosi, superbi, maxima licentia facti sunt, ignari tales solere esse dignitates quales sint qui illis præfunt, arbitrari præterea omnes sanæ mentis illas non semper virtutum præmia esse, sed fortunæ beneficia; cum extolli in dies videamus nulla doctrina, nulla virtute homines insulsos, stupidos, nunquam sobrios, quos nisi cum summo fastidio videre tamquam personatos nequeamus. Hic tamen in tanta rerum licentia, quam omnium rerum impunitas sequatur, unde etiam homines solent plerunque fieri deteriores, talem se ubique semper præbuit ut non minus dignitatem illam Dominico egere quam Dominicum illa honestatam appareret, documentoque fuerit suos cuique mores fortunam fingere. Mendacium nec joco quidem unquam dixit, nec pati potuit, dicens nil magis alienum ab homine esse debere. In loquendo verò liber adeo ut nec Pontifici parceret. Eo dicente aliquando publice, *De fratrum nostrorum consilio & voluntate fecimus*, sutrexit Dominus; detectoque capite, se nihil unquam de ea re audivisse affirmavit. Nicolaus cellam, quam sumptuosissimam in pontificia, quæ est in Vaticano, Deo immortalis erexerat, cum

multis cantoribus repleſſet, & aliquando Domini-
cum percunſtaretur poſt Miſſam, tamquam de re ho-
norificentiffima faſturus foret, quid ei de illo canen-
tium choro videretur, reſpondit ſacculum ſibi por-
cellis plenum videri, audiri namque clamantium
ſtrepitum, ſed nihil ex eo percipi. Cuidam ſtipem
petenti, quòd manus Catalanorum elapſus eſſet,
quaſi ob eam rem mendicare cogereretur, & alii ad
miſericordiam commoverentur, ad adſtantes con-
verſus. Quid ergo, inquit, deberet vobis qui in co-
rum manibus ſumus? de Calliſto locutus.

XIX. In creatione Pontificis quidam ex collegiſ
ad eum accedens petiit; qui etſi ſciret pontificatum
ad ſe perventurum, cupere tamen & orare illum ut
ſibi ſuum ſuffragium daret; quò talis viri teſtimonio
probari videretur. Reſpondit id ſe non faſtutum,
nec commiſſurum ut illius faſti conſcientia aliquan-
do urgeretur. Erat enim ille vir tam admodum in-
genio, & vita non multum probata. Idem ad juſtas
quoque preces fuit inexorabilis, ita ut nec minis
nec precibus de ſententia deſiceretur, ulliusve gra-
tia ſuſciteretur. Calliſto ad pontificatum aſſumpto,
volentique Borgiam ex ſore genitum Ducatus
Spoletani pro Eccleſia Vicarium facere, & Cardi-
nales partim timore, partim Pontifici gratificantes,
illi aſſentiri viderentur, ſolus apertè reſtitit, & id
fieri prohibuit. Quare offenſus Calliſtus, per ſpe-
ciem legationis in Angliam Dominicum mittere,
qui eorum Regem capere arma contra Turcum hor-
taretur, & urbe ablegare conſtituit, veluti rebus
ſuis adverſantem. Id quoque cum parum ſuccede-
ret, agitaſſe deinde Pontifex dicitur de eo capien-
do, ſed aut deterritum viri auctoritate, aut morte
præventum abſtinuiſſe incepto.

XX. Ambitioſos homines maximè irriſit. Se
adeuntes ex his qui tota urbe curſitant, limina po-

centum terentes, cùm numquidnam à se vellent Dominicus percunctaretur, iisque se visitatum illum venire dicerent, porrecto brachio sæpius rogavit ut vena tentata viderent an febris aliove morbo laboraret, (Est enim id verbum quo medici utuntur) deinde increpitos admoneret ut potiùs domi secundùm eorum ordines aliquid agentes quietè viverent & virtuti operam darent quam tota urbe vagarentur. Futurum enim necessariò quandoque (ut boni doctique in pretio habeantur, & quamvis inviti ad munia Ecclesiæ vocentur) se vero nequaquam adirent, nisi ubi sua opera indigerent. In pronis suis autem auditionibus quadam etià severitate se adeuntes excepit, ita ut nec infini ordinis homines, qui fortè composita aut longius repetita oratione aut blanditia verborum gestive corporis humiliori & abjectiori loquerentur interpellaverit asperius, ut huiusmodi inepta loquacitate omissa rem breviter explicarent. Qua re fiebat ut in magna adstantium corona plerisque attonitos lingua atque animus deficerent. Quibus verò vel opera sua vel gratia usui esse non potuerat instarent nihilominus impotentiùs, multos malè mulctatos verbis à se amovit. Adulatorum genus abhorruit quasi perniciosissimam pestem, quos etià amovere à se, publicè quoque acerbius redarguere & increpare summo cum stomacho sit solitus. Igitur iis moribus asscurus est ut durus difficilisque nonnullis videretur, & ad vitæ institutionem rudis, cùm tamen in ceteros esset humanissimus. Audiebat omnes, quibus poterat opem ferebat, nulli consilio deerat.

XXI. Accedebat ad hæc formæ qualitas. Nam aspectu erat aspero & vultu qui severitatem quandam nostræ se ferret. Statura fuit etià mediocri, dextero pede admodum claudus natura, sed ut non multùm dehonestaretur. Id verò vitium quò faciliùs occule-

ret, crepidis continuè usus est. Erat ~~prætor~~ incorruptus, alieni verò & omnium rerum abstinentissimus, & (ut de Catone scribitur) cum virtutis omnem speciem amplecteretur, honestatem cum severitate adamavit. Moderationis humanitatisque tantæ fuit ut quid quisquam de se sentiret, ab amicis liberè dici sibi optaverit, & audiverit attentius; ita si quid minùs bene fecissè redargueretur, libenter emendaret, idque sedulò ut facerent, humanissimè hortàretur, quædam ipse convinceret, & errare illos ostenderet. Sed nihil omnino ægrius tulit quàm detractorum voces & absentes carpentium, humanum esse dicitans aut alterius peccatum oculere aut errantem clam amicèque redarguere. Ipse ubi aliquid amicis vitio dari audivit, sive verò seu falsò, quamvis non primi aut secundi loci amici essent, iis ad se vocatis benignè ostendit quæ illis vitio darentur; simul admonuit ut vitam ab infamia illæsam servarent; si verò falsa essent quæ ferrentur, rogare ut & suspicione abesse curarent. Qua re fiebat ut & qui deliquissent, vitam emendarent, & ceteri suspicionem evitare conarentur, omnes verò cognita hominis caritate plurimùm se illi debere faterentur. Amicis, quorum consuetudo plerunque malorum causa esse solet, nonnisi continentissimis optimisque viris usus est; quos & consiliis suis continuè adhibuit. Nam nec ad amicitiam quemquam facilè admisit; & quos admisit, constanter retinuit, eisque etiam plurimùm detulit, quibus autem potuit magno semper honori & dignitati fuit. Pro cuiusque etiam meritis ita eorum opes auxit ut miseras paupertatis effugerent. In eorum quoque necessitatibus non secus absentes ac præsentis illi curæ esse cognitum semper est, id amici officium existimans, si cum posset ultrò beneficium præstaret. Vnde sæpius factum est ut multi priùs aliquod beneficium in se

collatum cognoscerent quàm id futurum cogitarent. Quæ verò fecisset, occulta esse cupiebat, nec ab eo quidem qui accepisset sibi commemorari æquo animo passus, satis amplam gratiam habitam & relatam arbitratus si amico non defuisset. Creato Calisto, memor amiciriæ quæ illi cum parente meo erat, à Pontifice..... refici secretarium & litteras apostolicas, ut moris est, impetravit, curavitque mittendas Florentiam. Fortè accidit ut eæ interea ad sacrum ærarium delatæ in manus Patriarchæ pervenirent, qui pariter eundem benevolentia completi videbatur. Hic igitur alieni officii fructum capiens, suo nomine eas Poggio transmisit, significans præterea ob antiquam necessitudinem se in eo negotio meritam diligentiam præstitisse. Quæ postea Dominico relata nihil illum offenderunt. Quin bene habet, inquit, si Poggio satisfactum est. Nec de ea re ad illum quicquam scripsit.

XXII. Ipse immortalis memoria beneficia retinuit, Martini Pontificis propinquos omnes summa benevolentia, quoad vixit, est prosecutus. Prosperum verò ejus nepotem Cardinalem, licèt admodum juvenem, in omni vita caritatè magna coluit, & cum omni Columnensium familia ab omni vi atque injuria non sine suo periculo defendit. Amicos præterea eorum ac clientes, & qui ejus partis erant, continuo tanta cura ac studio prosecutus est ut pro uniuscujusque commodis ac dignitate perpetua propugnatione suscepta nihil unquam prætermiserit quod aut saluti aut honori aut utilitati eorum conducere existimaret vel ad augendam Columnensium gratiam, auctoritatem, amplitudinem spectaret, quos omnes per se posse esse ampliores volebat. Fuere tamén eo tempore qui ab illo hæc agi quòd factionibus esset dedicis iniquè interpretarentur, quandoquidem si ea non fecisset, haud quaquam ingrati

notam vitare potuisset, & ii non minus quàm Martinum fecissent, tamquam superiorem colerent. Ipse inimicitias nullas gessit, neminem unquam læsit; nulli fides ejus, nulli opera, nulli res familiaris defuit. Verùm illud in eo homine prædicatione dignum fuit & optimi viri indicium, quòd multitudini honestorum hominum, quos premi inopia scivit, pro facultatibus subvenit, quamvis eæ illi essent perennes. Percunctabatur amicos diversorum ordinum, qui domum suam frequentarent, de urbis ac civium conditione; deinde singulorum necessitate perspecta, aut iis salaria ad vitæ sustentationem suppeditavit, aut alia ope juvit. Multis victum ac vestitum præbuit, quamplurimorum etiam filias sua pecunia collocavit, & quàm frequentius, nil æquè pium sibi videri inquit quàm injuriæ & turpitudini expositas propter inopiam & naturæ inbecillitatem ad honestam vitam traducere. quod etiam in adolescentibus observavit in quibus aut ingenii aut virtutis indoles appareret, ne res eorum angustæ officerent quò minus bona sibi à natura data exercere possent. Sed id aut ipse per se fecit, aut quàm occultissimè curari per suos voluit, quos fidos sibi delegerat, ne captandæ popularis auræ causa facere judicaretur. Nemo autem unquam ab eo frustra quicquam petiit. Quare aliquando sibi calceos detrahit ut cuiquam largiretur. Quandoque etiam cum offensum fortuna quemquam vidit minus bene vestitum, suum amiculum dedit. Et cum pecunia ad erogandum non sufficeret, sæpius vasa argentea quæ habebat conflari & petentibus distribui iussit. Cumque ob eam rem ab amicis argueretur, respondere consuevit hominis proprium sibi videri quamplurimis benefacere. quod adeo in omni vita fecit ut primumque necessariis ad victum deficientibus, pecuniam sumere mutuo ab amicis cogeretur.

XXIII. Cardinalatus dignitatem ad summam civilitatem reduxit. Nam præterquam quòd modicis proventibus contentus fuit, quippe qui non plus tribus milibus aureis annuatim ex suis facultatibus reciperet, omnium se adeuntium adulationes & in salutationibus allocutionibusque prostrationem corporum humi & ad omnem quoque nutum sonantia & ampullosa verba respuit, multaue indignatione audivit. Sacerdotum dignitati plurimum detulit, Episcopos ceterosque qui aliquo honore aliis antecellerent, nonnisi aut sedentes, aut aperto capite audivit. Viros bonos ac doctos evexit, quoad potuit, summaque benevolentia ac liberalitate excepit. Aditus ad eum ferme nimius etiam humillimo cuique de plebe homini patuit. Aderat ipse horis statutis, loco publico domus, aperto ostio ut omnibus illum adeundi libera facultas esset; quos ita audiebat ut gravitatem cum dignitate retineret. Veritatis amator, & bonorum magis quam hominum doctorum, doctorum tamen amantissimus. Non superbus, non ambitiosus, non fictus, non contumeliosus, non rapax, non avarus, non circumventor, quibus etiam vitiis domesticos carere voluit. Itaque nullus fumi venditor, nemo arrogans, nemo simulator, aut dissimulator in ejus domo erat. Omnes integri, casti, continentes. Quia in re plurimum diligentiae adhibuit, præciprè verò ut incorruptos servaret. Nullum ex domesticis purpura uti passus est aut veste quæ non genu tenus protenderetur. Eos autem in quibus aliquod integritatis aut virtutis simulacrum inesse cognosceret, quoad potuit, ad honores extulit, inquam Christianam religionem melius se habituram fuisse si virtutum amatores ad ejus administrationem eligerentur.

XXIV. Ex ejus ergo domo, quæ & castitatis sanctitatisque exemplum fuit, plures clarissimi viri tamquam ex seminario aliquo prodierunt & non ni

virtutum genere ornatissimi; in quibus *Aneas Senensis* primus floruit, qui & eo vivo ad eandem dignitatem electus est, & *Callisto* in pontificatu succedens, *Pius* secundus est cognominatus, vir profecto eloquentissimus eruditissimisque. Et tu, Reverendissime Pater, qui à *Pio* propter doctrinam ac probatissimos mores in familiam suam *Picolomineam* adoptatus primò, deinde *Papiensis* Præsul factus, *Cardinalis* tandem creatus es, *Amicus Aquilanus* integritate vitæ & pontificii juris doctrina insignis, & tempore sedente *Paulo* secundo eandem dignitatem adeptus, *Franciscus Archidiaconus Tolletanus*, vir tum bonitate, tum scientia sacrarum litterarum, omnium nostræ ætatis facilè princeps, *Antonius Latiosus Forlivienfis*, vir castissimus, *Leonardus Perusinus Theologus clarissimus*, *Blondus Forlivienfis* vir literatissimus, & alii permulti tam doctrina quàm moribus venerabiles. Quos autem domi viros claros retinere non potuit, summa benevolentia est persecutus. Dilexit verò præ cæteris *Antonium Archiepiscopum Florentinum*, *Ægidium Episcopum Ariminensem*, homines optimos atque eruditissimos. Maxima autem affectione complexus est parentem meum, eumque in omni vita coluit. Multos præterea (quos enumerare longum est) plurimum dilexit. Nani nemo vir probus, nemo doctus ea tempestate fuit quin illi esset carissimus. Fuit præterea ejus viri sanctitas ut qui sibi amicitia conjuncti fuerunt, aut in ejus domo vixerint diutius (quod nulli nostrorum temporum contingit) assecuros sciamus ut viri integri & prudentes communi omnium judicio habiti plurimas dignitates, eo etiam defuncto, sint adepti. Tanta fuit apud omnes virtutum illius opinio ut verissimè appareat nullum magis boni malive Principis testimonium esse quam amicos, cum ii semper tales sin-

quales fuerint qui eos in suam amicitiam admittunt.

XXV. *Studia in maximis occupationibus nunquam omisit. Operam multam, etiam provectioris ætatis, theologiæ & philosophiæ, ei quam moralem dicunt, impartitus est, præceptoribus usus Francisco Toletano & Leonardo Perusino, quos continuo apud se habuit; tantumque in iis profecit ut inter doctissimos haberetur. Nullum vero unquam diem prætermisit quin aliquid aut scriberet aut legeret. Legit autem tanta ut semper cura & negotio vacasse facile videri possit. Cujus rei hoc unum est argumentum, quod cum plus mille & quingenta librorum volumina habuerit ad jus tum pontificum tum civile spectantia, nihil in iis fuerit quod ipse non viderit diligentissimè. Uque in omnibus Augustini & Hieronymi libris fecit. Historias tantas novit quantas nemo alter. Poetas vidit omnes, Oratores ac philosophos habuit familiarissimos. Scripsit ille nonnulla eruditè magis quàm eleganter, quæ in vulgus emanarunt, ad religionem nostram spectantia. Plurima etiam partim ædificavit, partim restituit. Ædificavit sibi domum in regione Columnæ à fundamentis pro dignitate suâ commodam satis ac magnificam, ita tamen ut superfluos in ea sumptus atque ornamenta vitaverit: quam deinde moriens ex testamento gymnasium esse voluit, ad quod plurimi adolescentes addiscendi studio diverterent; & iis necessaria ad victum constituit, magna pecuniarum summa in eum usum erogata. Decrevit in ea & bibliothecam ad communem doctorum hominum utilitatem; congestis ibidem libris, quos magna impensa in omni doctrinarum genere ad duo milia voluminum coegerat tum optimos, tum pulcherrimos, & ut qui domum eam incolerent, quique studiosi forent, pro arbitrio illis uti possent. Hanc tamen domum Angelus ejus frater à Pio Pontifice ad eandem dignitatem vocatus, illi haud diffi-*

milis, & qui vitæ integritate & morum sanctitate nulli ejus ordinis cedat, suo usui reservatam inhabitat. Et ne laudabilis voluntas fratris irrita esset, contiguum illi gymnasium sumptuosius, magnificentius construxit. Edificavit & Dominicus reparavitque nonnulla in Hetruria, in Piceno. In Soractis monte, ubi quondam latuisset, beato Sylvestro ædem à fundamentis extruxit.

XXVI. Hoc verò præcipua laude dignum in eo fuit, quòd cum redditus habuerit & pro dignitate tenues, & aliorum qui pari potestate respectu penè nullos, iisque contentus vixerit, nullam tamen Ecclesiam tenuit quin aut eam aliqua ex parte instauraverit, vel illius fructus sua impensa auxerit. Quod utinam ceteri quoque fecissent. Non enim regias opes quemque possidere, non omnia concupiscere impotenti avaritia, & minitna quæque sectari cerneremus, non illorum cuius commissas Ecclesias ruere, non bonis doctisque viris neglectis rejectisque ecclesias quosdam ac ministros omnia adipisci, omnia possidere videremur; aut eos qui emere, tamquam hasta posita, quod concupiscant possint.

XXVII. Optimo igitur vitæ instituto cum Dominicus viveret non minori apud omnes gratia quam aut fortuna aut dignitate, in morbum incidit, ab initio quidem haud periculosum, attamen molestum, Profluvio namque ventris laborare & se domi continere cæpit, verum ita ut negotiis ex consuetudine fungeretur, nec solito magis accumberet. Post vigesimum diem, cum Callistus vita functus esset, & creandi Pontificis necessitas instaret, ideoque Cardinales conventuri essent, ne dissimilis sui videretur, utque quod in omni vitæ institutione fecisset, reipublicæ Christianæ proficeret, adesse huic rei voluit. Quare frētus consilio med eorum, alvum pharmaco ad eam rem parato sistit. Ex qua re in febrem inci-

dit, & quidam vehementem. Cùmque ea continuo augetur, omnia Ecclesiæ sacramenta, ut ad eam diem sanctissima ejus acta vita exigebat, summa religione primùm suscepit. Deinde ingravescente morbo, ubi adesse vitæ finem sensit, amicis ad se vocatis, magnificè ad eos de contemnenda morte locutus est. Ad quæ verba cùm amici ingemerent, rogavit ne suam mortem lacrymis prosequerentur. Se enim, inquit, vixisse ad eam ætatem ad quam pauci ex multis perveniant, omnes ferme desiderant. Juvenem præterea se adeptum quæ mortales summa putent, instituisse quoque ad eam diem ita vitam suam ut sperandum ab eis sit se misericordia & clementia Dei optimi maximi adjuvantibus eò ubi vera felicitas ex hoc veluti carcere migraturum. Quare orare illos ut lamentis parcerent, ne non dolore ejus discessum sed invidere huic suo summo honore viderentur. Persuadere se illis ut hanc potius suam diversionem lætitia prosequantur, cujus ipse vel maximum hoc gaudium caperet quòd in eorum conspectu vitam finiat. Dolere enim homines eorum mortes debere qui in Dei veri cœlestisque beatitudinis ignoratione occidant, vel qui ita vixerint ut posthabita virtutum atque animæ cura, soli corpori inservientes, tunc demum cogitare de morte incipiant cùm calamitosæ miseræque vitæ circulo exacto se victuros desperarint, quique in summa dignitate constituti, solum quod præsens in oculis fuerit respiciant, nec ultorem scelerum Deum expaveant, aut bonorum remuneratorem credant. Valerent quidem, & posteaquam abisset, Deo pro animæ suæ salute supplicarent, & ad eum preces tum pias tum frequentes effunderent. His dictis, omnium apprehensa dextra, amplexusque, lacrimantes omnes dimisit. Nec multò post excessit e vita quinto die postquam febris eum tentasset,

XIX. Kal. Septembris, anno salutis nostræ supra

millesimum quadringentesimo quinquagesimo octavo, ætatis verò octavo & quinquagesimo, vir certè sanctissimus, & qui meritò dignus crederetur ea dignitate quam tanto labore defensam annos ferme triginta summa cum laude tenuit, elatus est maxima omnis generis hominum frequentia, comitante omni civitate, laudatusque publicè summa tum adstantium attentione. Funus insuper celebratum summa omnium mœstitia, & in ejus sumptum pecunia ab amicis collata, illatusque sepulcro quod ipse sibi in templo Minervæ vivens fecerat.

HVIC DOMINICI CAPRANICÆ

Cardinalis vitæ lubet subjungere narrationem sancti Antonini Archiepiscopi Florentini de morte ejus, tum quia locus est valde insignis, tum ob sanctissimorum hominum inter se amicitiam, quam & Baptista Poggius & Franciscus Castalionensis in vita Antonini, quæ extat apud Leandrum Albertum, testantur magnam fuisse. Hæc sunt igitur verba sancti Antonini parte III. tit. XXII. cap. XVI.

Accidit in diebus illis & aliud lugubre quod urbs tota deflevit. Nam reverendissimus Cardinalis Firmanus Dominus Dominicus de Capranica ejusdem mensis (Augusti) XIV. die ex infirmitate fluxus appositus est ad patres suos, cum multa devotione ex hoc mundo transitum faciens, in aspero repertus cilicio quod ad carnem ferebat assiduè. Multum tristitiæ & doloris mors ejus intulit cunctis qui noverant eum, propter eminentes virtutes ejus. Verè hic homo justus erat, propter rectitudinem ejus

à cunctis dilectus, prudentia & consilio magnus, in jure peritus, & religiosorum pater & refugium. Manus copiosè extendebat ad pauperes, sobrietate & sanctimonia præclarus, ex devotione non modica frequenter celebrans, studiosus, à lectione non cessans, in diversis partibus legationem eleganter exercens. Honorificè vita functus traditus est sepulturæ in conventu sanctæ Mariæ supra Minervam ordinis Prædicatorum.

Addere etiam placet veterem narrationem de morte Iuliani Cesarini Cardinalis, cujus auditor olim fuerat Capranica, à me descriptam ex autographo Ægidij Carlerii Decani Cameracensis, quod extat in bibliotheca collegii Navarrici Parisiensis.

Hic reverendissimus Dominus Cardinalis vocabatur Dominus Iulianus de Cæsarinis, qui tempore primi adventus Boemorum erat Cardinalis sancti Angeli, postmodum verò assumptus fuit ad titulum sanctæ Sabinæ. De hoc reverendissimo patre retulit mihi Ægidio Carlerii Decano Ecclesiæ Cameracensis mense Februarii anno Domini 1447. more Gallicano unus ex familiaribus suis gloriosissimi sui martyrii triumphum. Cùm enim peccatis nostris exigentibus Teucris de Christianis reportassent victoriam, multis fidelibus interemptis, aliis terga vertentibus, hic reverendissimus pater capitur, coram Teucrorum seu Turcorum Imperatore sistitur. Adducuntur doctores suæ execrabilis legis, qui cum illo de fide certant, nitentes eum subvertere & ad impiam eorum sectam pertrahere. Quod cùm nulla ratione hoc facere possent, nunc promissionibus, nunc comminatis suppliciis mentem sanctam satagunt à bono proposito revocare. Nam tyrannus, si ei consentiat, spondet eum facere summum suæ legis sacerdotem;

fin autem ; diversa experiri tormenta. Cùm verò hic reverendissimus pater nullatenus acquiesceret , sed Dominum Iesum Christum & fidem ejus constanter profiteretur , assunt tortores & medici. In media platea urbis , præsente tyranno, astantibus quodam venerabili Episcopo & multis Christianis captivis , super scalam ponitur , à tortoribus excoriatur per corrigias aliquas pelle a carne separata , inter quas lanceantur quædam subulæ ferreæ. Cùmque isto martyrio esset fatigatus, iterum rogatur ut ad suam sectam, dimissa lege Christianorum , redeat. Quod si facere vult , promittunt medici præsentes curam vulneribus exhibere. Sed nec honorum suorum ambitio nec sanitatis beneficium propositum sanctum potuit violare ; sed in Christi fide perseverans, rursus torquetur ut priùs , & ad exitum properans , ad Episcopum præsentem conversus ait : En vides , pater venerabilis , ego ad Christum venio ; tibi commendo hunc gregem meum , hunc scilicet populum Christianum. Fortis esto athleta Christi & ipsum in fide confirma. Et sic triumphator migrat ad Dominum, cui & laus & gloria per immortalia secula. Hæc mihi retulit in Cameraco ille familiaris suus suprâ memoratus ; qui , ut inquit , præsens tunc erat , & vidit eum vivum & mortuum. Subjunxit quòd corpus tyrannus jussit comburi & cineres in capsâ argentea vel aurea in signum victoriæ quam de Christianis optinuerat reponi. Si hæc vera sunt , annon, nescio.



*TRACTATUS IORDANI
Bricii I. C. pro Eugenio IV. adversus Cardi-
nalem de Capranica, scriptus jussu petri Car-
dinalis Fuxensis anno MCCCCXXXIII.*

Felicis recordationis Dominus Martinus divi-
na providentia Papa quintus die Veneris IX.
Kal. Iunii Romæ in palatio sancti Petri condidit
unum statutum seu decretum in consistorio secreto,
præsentibus Dominis Cardinalibus qui erant in cu-
ria; cujus tenor ad litteram sequitur & est talis.

ANno Domini millesimo quadringentesimo vicesi-
mo sexto, die Veneris IX. Kal. Junii, Roma
in palatio sancti Petri, præsentibus omnibus Cardina-
libus qui erant in curia, excepto Cardinali Aquilegenſi,
qui tunc infirmabatur, ad quem fuerunt missi duo Car-
dinales, videlicet Placentinus & de comite, pro ejus
voto sciendo, & ipsis consistorialiter congregatis in for-
ma consueta, scrutinio præcedenti secreto publicè crea-
vimus, assumpsimus, pronuntiavimus ultra Car-
dinales eadem die assumptos & publicatos, Domini-
cum Episcopum Ilerdensem in Presbyterum, Prosperum
de Columna, Dominicum de Capranica electum Fir-
manum, Julianum de Casarinis Auditorem camera
in Diaconos sanctæ Romanæ Ecclesiæ Cardinales; qui
Ilerdensis & Firmanus aliàs juxta morem consuetum
creati fuerunt, sed ex bonis causis tunc & nunc unà
cum aliis duobus nolimus, publicari, sed dicto Ilerdensi
reservavimus locum suum, licet publicatus non sit.

Item volumus, statuimus, & ordinamus quòd si con-
tingat nos mori ante publicationem dictorum quatuor,
habeantur statim pro publicatis solemniter etiam quoad

Habetur co.
xci. Conci-
lior. pag.
694.

fin autem, diversa experiri tormenta. Cùm verò hic reverendissimus pater nullatenus acquiesceret, sed Dominum Iesum Christum & fidem ejus constanter profiteretur, assunt tortores & medici. In media platea urbis, præsente tyranno, astantibus quodam venerabili Episcopo & multis Christianis captivis, super scalam ponitur, à tortoribus excoriatur per corrigias aliquas pelle a carne separata, inter quas lanceantur quædam subulæ ferreæ. Cùmque isto martyrio esset fatigatus, iterum rogatur ut ad suam sectam, dimissa lege Christianorum, redeat. Quod si facere vult, promittunt medici præsentes curam vulneribus exhibere. Sed nec honorum suorum ambitio nec sanitatis beneficium propositum sanctum potuit violare; sed in Christi fide perseverans, rursus torquetur ut priùs, & ad exitum properans, ad Episcopum præsentem conversus ait: En vides, pater venerabilis, ego ad Christum venio; tibi commendo hunc gregem meum, hunc scilicet populum Christianum. Fortis esto athleta Christi & ipsum in fide confirma. Et sic triumphator migrat ad Dominum, cui & laus & gloria per immortalia secula. Hæc mihi retulit in Cameraco ille familiaris suus suprâ memoratus; qui, ut inquit, præsens tunc erat, & vidit eum vivum & mortuum. Subjunxit quòd corpus tyrannus jussit comburi & cineres in capsâ argentea vel aurea in signum victoriæ quam de Christianis optinuerat reponi. Si hæc vera sunt, annon, nescio.



*TRACTATUS IORDANI
Bricii I. C. pro Eugenio IV. adversus Cardi-
nalem de Capranica, scriptus jussu petri Car-
dinalis Fuxensis anno MCCCCXXXIII.*

FELICIS recordationis Dominus Martinus divi-
na providentia Papa quintus die Veneris IX.
Kal. Iunii Romæ in palatio sancti Petri condidit
unum statutum seu decretum in consistorio secreto,
præsentibus Dominis Cardinalibus qui erant in cu-
ria; cujus tenor ad litteram sequitur & est talis.

ANno Domini millesimo quadringentesimo vicesi-
mo sexto, die Veneris IX. Kal. Junii, Roma
in palatio sancti Petri, præsentibus omnibus Cardina-
libus qui erant in curia, excepto Cardinali Aquilegenfi,
qui tunc infirmabatur, ad quem fuerunt missi duo Car-
dinales, videlicet Placentinus & de comite, pro ejus
voto sciendo, & ipsis consistorialiter congregatis in for-
ma consueta, scrutinio præcedenti secreto publicè crea-
vimus, assumpsimus, pronuntiavimus ultra Car-
dinales eadem die assumptos & publicatos, Domini-
cum Episcopum Ilerdensem in Presbyterum, Prosperum
de Columna, Dominicum de Capranica electum Fir-
manum, Iulianum de Caesarinis Auditorem camera
in Diaconos sanctæ Romanæ Ecclesiæ Cardinales; qui
Ilerdensis & Firmanus aliàs juxta morem consuetum
creati fuerunt, sed ex bonis causis tunc & nunc unà
cum aliis duobus nolimus, publicari, sed dicto Ilerdensi
reservavimus locum suum, licet publicatus non sit.

Item volumus, statuimus, & ordinamus quòd si con-
tingat nos mori ante publicationem dictorum quatuor,
habeantur statim pro publicatis solemniter etiam quoad

Habetur to.
xii. Conci-
lior. pag.
694.

electionem Romani Pontificis & ad omnia alia, etiam si tituli ipsis quatuor assignari non essent.

Item volumus, statuimus, & de apostolica potestatis plenitudine decernimus & mandamus omnibus & singulis Cardinalibus sub pœnis excommunicationis ipso facto & inhabilitationis omnia æctive scilicet & passiva quoad electionem Romani Pontificis, quod eo casu, scilicet mortis nostræ ante publicationem dictorum quatuor Cardinalium, quod ipsi alii Cardinales teneantur & debeant immediatè, scilicet, infra diem naturalem, habita notitia mortis publicare prædicta, dictosque quatuor Cardinales recipiant pariter & admittant in omnibus ac si publicati & admissi fuissent, sicut superius est expressum.

Ita fuit. A. Cardinalis propria manu Episcopus, Penestrinus Laudensis.

Ita fuit. A. Cardinalis Bononiensis propria manu.

Ita fuit. F. Episcopus Sabinensis Cardinalis Venerianum propria manu.

Ita fuit. A. Cardinalis Aquilegensis propria manu.

Ita fuit. G. Cardinalis Senensis propria manu.

Ita fuit. T. Cardinalis Tricaricen. propria manu.

Ita fuit. B. Cardinalis Placentinus propria manu.

Ita fuit. G. Cardinalis sancti Marci.

Ita fuit. R. Cardinalis de Brancatis.

Ita fuit. A. Cardinalis sancti Eustachii propria manu.

Ita fuit. L. Cardinalis de Comite.

Cujus decreti occasione Reverendissimus in Christo Pater & Dominus Dominus Petrus Dei providentia Albanensis Episcopus sacrosanctæ Romanæ Ecclesiæ de Fuxo Cardinalis nuncupatus dubium sequens ad consulendum & allegandum tradidit ut sequitur.

Vtrum vigore dicti decreti de plenitudine papalis potestatis editi in eventum quo appareat Dominos Cardinales in cedula subscriptos post mortem dicti

dicti Domini nostri Martini quondam non recepisse dictum Dominicum electum Firmanum ut Cardinalem, nec ad electionem summi Pontificis Domini Eugenii quarti admisisse, ex hoc ipsi subscripti debeant inhabiles ad papatum vel ad electionem summi Pontificis active & passive fore & fuisse reputati. Et cum dictus Dominus Eugenius quartus à duabus partibus Cardinalium electus in Papam fuerit, an ejus electio propter contemptum & inhabilitatem prætenso veniat per generale Concilium infirmenda seu cassanda.

Quis, ut ait Hieronymus, unusquisque offert tabernaculo Dei quod habet, & illa paupercula mulier evangelica duo tantum æra in gazophylacio pro maximo opere obtulit: quod quamvis modicum, ei tamen ad magnum meritum reputatum extitit. *Luce 21.*

Quæ considerans ego, licet modicus, in tanto & mihi grandi & gravi opere aliqua pauca subiciam, ante omnia tamen protestationes de quibus in cap. *Damianus. De summa Trinitate* præmittens, protestans etiam quod per aliqua quæ dicam infra alicui personæ injuriam inferre non intendo, sed solum de eis honestè quantum potero loqui, juxta tamen casus exigentiam, & non aliàs & etiam cum omni honore & reverentia cujusunque loqui & scribere intendo. Quæ omnia in singulis hujus opusculi partibus, ubi utile & expediens erit, haberi volo pro repetitis.

Viso igitur decreto Domini Martini Papæ quinti & Dominorum Cardinalium subscriptione & themate præscripto, quamvis ex themate ipso non appareat claritas eorum quæ postea in facto secuta sunt in electione sanctissimi Domini nostri Papæ Eugenii quarti vel non admissione Domini Domini de Craponica ad ipsius electionem, nisi quan-

tum ex allegationibus similibus Domini præscribentis colligere potui, alium tamen ordinem tenebo in dubiis removendis quàm ipse fecerit; & ideo alia dicam, pauca de suis tangendo.

Elicio specificè dubia tria principalia infra scripta. Primum est, utrum decretum per Dominum Martinum de plenitudine potestatis factum, in forma in qua est, de jure valuerit & tenuerit, & an ei illud facere licuerit. Item secundum, an subscriptio Dominorum Cardinalium subsecuta eos taliter circa electionem Romani Pontificis ligaverit quò minus libere ea nonobstante ad electionem præfati Domini nostri Papæ procedere potuerint, dicto de Capranica ad eam non vocato vel admissio. Item & tertium, supposito sine prejudicio, sed non concessio, quòd decretum prætensum valuerit, & subscriptio Dominorum Cardinalium circa electionem eos ligaverit, utrum præfatus Dominus noster Eugenius sit verus Papa, & contra ejus electionem objectio dicti de Capranica dicentis quòd propter non admissionem ipsius ad electionem Apostolici sit admittenda vel ejus electio ad summi apicem quomodolibet impugnanda vel in dubium revocanda.

Vt sim brevis & clarus, quia nihil tam congruum legibus quàm claritas in authent. de testam. imperfect. circa medium octavæ collationis.

Ad primum dubium videtur attendendum quòd decretum prætensum fuit & est nullum, scandalosum, pessimi exempli, & plenum periculosissimi & tristissimi in Ecclesia Dei eventus, & universalem Ecclesiam notoriè scandalizans, & per consequens Domino Papæ Martino id facere non licuit, nec subscribere meruit. Quæ rationibus sequentibus comprobantur. Vt tamen melius videatur quia disputatione certandum est, ratione tamen vincendum. ff. de munerib. & honor. l. Munerum §. Mixta munera 23. q. 6. Vides.

Quia igitur hoc pro bono & evidenti utilitate universalis Ecclesiæ & totius Christianitatis, & ut schismata & scandala & turbationes ac confusiones à populo evitentur, providè decretum est & à sanctis patribus ordinatum in sacris Conciliis generalibus quòd ad Cardinales pertinet Papæ electio, & Papa illa immutare vel eis derogare vel formam novam constituere & ordinare aut illam destruere vel alterare per quod status Ecclesiæ deformetur non potest, imò usque ad animam & sanguinem illa servare tenetur, ut seriosè hæc habentur 25. q. 1. *Quæ ad perpetuum sunt ordinata.* & cap. sequentibus, ubi textus formaliter ita dicunt: *Leo papa Anatolio Episcopo.* In rubro: *Non debent ullo modo variari quæ ad perpetuum sunt ordinata quietem.* In textu: *Quæ ad perpetuam ordinata sunt generaliter utilitatem nulla commutatione varientur, nec ad privatum trahantur commodum quæ ad bonum sunt commune præfixa; sed manentibus terminis quos constituerunt patres, nec injustè usurpetur alienum, sed infra fines ipsos atque legitimos, prout quisque valuerit, in latitudine se exerceat caritati.* Sequitur ibidem in superscriptione: *Item Hilarius Papa.* In rubro: *Divinas constitutiones, id est, apostolica sedis decreta, nulli temerare licet.* Item sequitur aliquibus interpositis in superscriptione: *Item Urbanus Papa.* Sequitur in rubro: *In quibus Romano Pontifici licet novas condere leges.* Sequitur textus: *Sunt quidam decentes Romano Pontifici semper licuisse novas condere leges, quod & nos non solum non negamus, sed valde affirmamus. Sciendum verò summopere est quia inde novas leges condere potest unde Evangelista aliquid nequaquam dixerunt. Vbi verò aperitè Dominus vel ejus Apostoli & ejus sequentes sancti patres sententialiter aliquid diffiniverunt, ibi non novam legem Romanus Pontifex dare, sed potiùs quod predicatum*

est usque ad animam & sanguinem confignare debet. Si enim quod docuerunt Apostoli & Propheta destrucere, quod absit, niteretur, non sententiam dare, sed magis errare convinceretur. Sed hoc procul sit ab eis qui semper Ecclesiam contra luporum insidias optimè custodierunt. Concordat Marc. x. Item sequitur ibidem in rubro: *Apostolica sedis auctoritas contra statuta sanctorum patrum aliquid condere non valet.* Sequitur textus: *Contra statuta patrum condere aliquid vel mutare nec hujus quidem sedis potest auctoritas.* Apud nos enim in convulsis radicibus viget antiquitas, cui decreta dicta patrum sanxerunt reverentiam. Et sequitur ibidem. Item Marcellus Papa. Et in rubro: *Stare non potest nec valet quod contra evangelicam vel propheticam vel apostolicam doctrinam seu constitutionem factum fuerit.* Sequitur textus: *Omne quod irreprehensibile est catholica defendit Ecclesia.* Et infra: *Injustum iudicium, id est, diffinitio injusta regio metu vel jussu fuerit à iudicibus ordinata, non valeat; nec quicquam quod contra evangelicam vel propheticam vel apostolicam doctrinam constitutionem vel eorum sive sanctorum patrum actum fuerit stabit; & quod ab infidelibus vel ab hæreticis factum fuerit, omnino cassabitur.* Item sequitur ibidem in rubro: *A statutis patrum non deviare &c.* Sequitur textus: *Prima salus est recta fidei regulam custodire, à constitutis patrum nullatenus deviare.*

Primò tamen videtur quòd valuerit; quia Papa Christi vicarius, Petri successor, omnia potest, & solus habet potestatis plenitudinem, cunctos judicans, ipse autem à nemine iudicatur, in.ò de ejus potestate [dubitare] sacrilegium videtur; ut hæc ipsam probantur & plenius exarantur 9. q. 3. *Nemo.* cum septem capitibus sequentibus. 2. q. 6. *Decreto.* & cap. sequenti. 40. di. *Si Papa,* cum infinitis concordantiis. Facit Cod. *De crimine sacrilegij.* cum similibus.

Item dixit Iesus Christus Simoni Petro & successoribus suis : *Quodcunque ligaveris super terram &c.* Matth. 16. extra qui filii sunt legi. *Per venerabilem.* prope finem. & de re judic. *Ad apostolica.* lib. vi.

Item advertendum quòd licèt facta fuerit de plenitudine potestatis. Quæ verba sunt maximæ importantiæ, efficaciæ, & effectus, ut infrà plenè declarabitur. Ergo &c.

Contrarium pro veritate videtur addendum rationibus sequentibus ; quæ fundabo primò rationibus humanis, demum per auctoritates sacræ scripturæ & Doctorum Theologorum.

Primò certum est quòd Papa sibi successorem non potest eligere. Illa enim venit à Deo. Iohannis xx. *Pasce oves meas.* 8. q. 1. *Moyse.* &c. *Si ergo.* Quod singularitèr in eo quòd non fuit permissum Moyfi de successore ordinare, ut infrà latius dicetur in versu *Item advertendum est.*

Sed Papæ, electio ad sacrum collegium Dominorum Cardinalium tam de jure communi quàm approbata & inveterata & observata consuetudine pertinet Cardinalibus, cum auctoritas nomine totius christianitatis & universalis Ecclesiæ sacrorum Conciliorum & sanctorum Patrum decretis libera est ad hoc attributa potestas. 13. di. *In nomine Domini.* & Lateranensi & Lugdunensi & Viennensi generalibus Conciliis elec. *Licèt devitanda.* ubi hæc notat Ostiensis : Et facit e. ti. *Vbi majus* lib. vi. & cap. *Ne rationi.* eo. tit. in Clementinis. Hoc eis etiam competit ex diuturna imò longissima & approbata consuetudine tanti temporis de cujus contrariò non extat memoria ; quæ etiam jure scripto cessante pro jure constituto haberetur. ff. *De aqua cotid. & astiva.* l. *Hoc jure.* §. *Ductus aquæ & de verbor. signif.* cap. *super quibusdam.* §. *Præterea.* De præscription. ad decimas. lib. vi. Obtentum enim fuit &

observatum à dictis citra temporibus inconcussè quòd ille quem Cardinales vel eorum duæ partes in Papam seu summum Pontificem canonicè elegerunt, nunciatione & publicatione facta Principibus & aliis de quibus fieri solitum est, fuit pro tali ab omnibus Regibus & Principibus & à toto Christiano populo & Ecclesia universali reputatus, habitus, tentus, & receptus, eique ut tali paritum & obeditum inconcussè, & obeditur hodie palam, publicè, & notoriè. Et hanc potestatem habent Cardinales ipsi, non ab homine, sed à Deo immediatè; ut infra clarè probabitur & dicetur, & hæc omnia sunt obtenta & à dictis temporibus observata. Facit quod notatur in dicto cap. *Litteræ* per Ostiensen.

Item Cardinales sunt Capitulum universalis Ecclesiæ, ut notatur 12. q. 2. *Cum redemptor*, &c. *Abbatibus*. per Archid. & notatur *Cod. de bonis quæ liberis*. l. *Cum multa*. per Baldum. Facit quod notatur de judic. *Cum venissent* per Iohannem Andreæ. Sicut igitur Capitulum sede vacante eligit Episcopum, ita Cardinales Papam de jure communi..... eod. cap. q. 2.

Gregorius Augustino Anglorum Episcopo sic dicit in rubro: *Statuta Apostolicorum prædecessorum Apostolicus destruere non debet*. Sequitur textus: *Si ea destruerem quæ antecessores nostri statuerunt, non constructor, sed everfor esse justè comprobaret teste veritatis voce, quæ ait, Omne regnum in se divisum non stabit, & omnis scientia & lex adversum se divisa destrueretur*. Facit bene 7. q. 7. *Si illa*. Quos textus libenter inferam, quia videntur dubium & causam totam absque aliis adminiculis decidere ubi non plures concordant. Quæ jura allegat notabiliter glosa in cap. *Si Papa*. ad fi. 40. di. Facit quod plene notatur. De statu monachor. *Ad nostrum*, per Henric. di. 4. Scandala enim à subditis removeret

& non seminare debet quilibet bonus pastor & princeps, * & maxime Papa, qui noctes infomnes transire debet propter quietem gregis dominici sibi commissi in præmio libri sexti & in authent. & diem iuss. collat. octava. Et infra etiam hoc probatur. Et licet quidam dicere possent quod Papa circa iura prædicta posset dispensare, hoc tamen Martinus non fecit, quia de eis in genere vel in specie nullam mentionem fecit. Item & casu quo hoc posset & fecisset, hoc facere debuisset ex causa iusta expressa, & ad publicam non ad privatam utilitatem. Quod hic non apparet, ut infra statim dicitur. Item fortè dispensare non potuisset, ut ex dicendis apparebit clarè.

Item confirmatur. Quia potestas à Deo collata est Papæ ad ædificationem, non ad destructionem, teste Apostolo 2. Corint. 10 & ult. circa finem, & dicto cap. 25. q. 3. *Si ea destruerem*. Per hanc ergo cedulam seu decretum Domini Martini, si valeret, sequeretur destructio & inhabilitatio in principalibus & honorabilioribus membris universalis Ecclesiæ, scilicet Dominis Cardinalibus, qui sunt Consiliarii, assessores, & collaterales Papæ, & ad quos post ejus mortem libera futuri Romani Pontificis est à jure & decretis sanctorum generalium Conciliorum & longissima & approbata consuetudine attributa potestas, ut jam dixi. Ergo clarè patet quod hoc facere non potuit nec debuit, nec factum tenuit.

Item advertendum quod in dicto decreto non sunt aliquæ nonobstantiæ. Non enim dicitur ibi, *nonobstante decretali Licet de vitanda*, nec cap. *Significasti*, vel cap. *Ubi majus*, & cap. *Romani*. De elec. &c. Et ideo non est verisimile Romanum Pontificem, qui iura tuetur, uno verbo totam observantiam electionum multis vigiliis excogitatam atque inventam velle everti, ut *Cod. de inoffi. testam. l. Si quando*. in principio, in textu & glosa. Decreta enim

& statuta in Conciliis generalibus per sanctos patres cum tantis vigiliis ordinata & hæcenus observata non potuerunt vel debuerunt sic everti per unum tale decretum, ut statim dictum est.

Item ad præmissorum confirmationem subiungitur ad propositum notabilis quæstio. Quærent Glossatores & Doctores juris canonici utrum Papa possit omnes Episcopos deponere, & tenent quòd non quia hoc esset totam universalem Ecclesiam scandalizare & turbare, ut hæc notantur 9. q. 3. *Per principalem* quam sequuntur Archidiaconus & alii. Maxima enim causa & multiplex probatio & solemnis processus & discussio exigitur in depositione & inhabilitatione unius solius Episcopi Cardinalis; quia requirerentur lxx. testes, in Presbytero verò Cardinale lxiiv. in Diacono Cardinale xxvi. 2. q. 4. *Præsul.* & capite sequenti, Facit quòd notatur de schismat. cap. unico, lib. vi. Quanto ergo debet major causa subesse & processus solemnitas observari & causa ponderari in depositione multorum, arg. *De sacrosanct. Ecc. authent. Multò magis.* Et facit 15. q. 7. *Felix &c. si autem.*

Concluditur ergo evidenter quòd excommunicare vel inhabilitare Cardinales vel novam eis dare formam in electione Papæ non potuit fieri sub conditione. Inhabilitatio enim & exactorizatio similis est morti civili, *Cod. de Primicerio. l. 2. lib. xii.* Et notatur ff. *de Senatorib. l. Cassius.* Facit. ff. *De manum, vindicta. l. Iusta.*

Constat autem quòd Papæ non permittitur aliquid facere per quod Ecclesia notoriè scandalizetur vel ejus status universaliter turbetur, cum sit positus ad ædificandum, non destruendum; ut est dictum, & infra dicetur latius. Non enim debet sustineri nec ab Ecclesia defendi per quod constat scandalum in Ecclesia generari, *Ne Clerici vel monachi secularibus.*

& cap. *Igitur*. Et per hoc decretum in nullo potuit detrahi formæ traditæ in Conciliis generalibus &c. Et notatur in dicto cap. *Licet* super verbo *In Ecclesia Dei*, & in dicto cap. *Licet*. Ita enim est Vicarius illius qui non venit solvere legem & Prophetas, sed adimplere, Matthæi quinto capite. Et infra dicitur plenè circa secundum dubium.

Præterea istud decretum vel ordinationem facere est una maxima & aliàs invisa novitas, ex qua nulla secuta est nec sequi poterit. in Ecclesia Dei communis utilitas. Solùm enim illud factum est ad privatam aliquorum particularium utilitatem, & per consequens non valet; quia in rebus novis constitutendis evidens debet esse communis utilitas. ff. *De constit. Princip. l. fin.* ubi est expressum. Numquid, deprecor, ex isto decreto vel ordinatione sequebatur in Dei universali Ecclesia hæreticorum vel Bohemorum conversio? Numquid Regum & Principum Christianorum tamdiu contententium & debellantium pacificatio, numquid Græcorum reductio, vel terræ sanctæ acquisitio, vel aliquid simile? Certè minimè, nec eorum aliquod nec aliquid bonum commune in universali Ecclesia, ut statim sequetur. Ergo &c.

Si enim hoc vel eorum aliquod vel simile publicam respiciens utilitatem sequi potuisset, fortè sustineri valeret decretum ipsum vel ordinatio. Sed hic nèutrum sequi potuit, sed solùm utilitas aliquorum privatorum versabatur, qui non erant nec sunt tam generosi virtutum, & maximè iste de Capranica, qui nec genere nec scientia pollet, ut fertur, quòd aliquòd ex eorum elevatione vel ad Cardinalatum assumptione bonum commune vel universalis Ecclesia reparari, reformari, vel relevari potuisset plusquam de aliorum assumptione. Equales enim, imò majores eis de aliis nationibus reperti fuissent, &

specialiter isto de Capranica , qui conqueritur , & propter istum est quæstio quoad præsens duntaxat. Et ideo dictum decretum non fuit nec est tanti ponderis quin deridendum fuerit & contemnendum. Et si Domini Cardinales illo contempto , maximè ejus statu & conditione attentis , ad electionem Domini nostri Eugenii processerunt , bene fecerunt. Deridendum enim est & contemnendum imò extirpandum quod ratione caret. *ff. De negotiis gestis. l. Sed an ultro. §. 1. Sed hanc sententiam Celsus deridet. ff. De decretis ab ord. l. si. Et facit C. de legib. l. fin. 68. di. Chorepiscopi* , ubi est expressum.

Hæc non dico ad injuriam dictorum quatuor Dominorum in cedula nominatorum. Audio enim quòd valentes Domini erant omnes. Iste tamen de Capranica minoris conditionis & status inter alios. Sed non tanti omnes fiunt quòd propter eos tale decretum tam periculosum fieri necesse fuisset in scandalum verisimiliter futurum totius universalis Ecclesiæ , & specialiter de Capranica , per quem scandalum schismatis paratum esse dicitur in Dei Ecclesia propter ejus conquectionem. Quod si sequeretur , quod absit , melius esset nobis si natus non fuisset homo ille. *Matth. 25. & Marci 14.* Et si etenim Papa eos cardinalare voluisset , hoc sine scandalo facere potuisset , non autem tales viam & modum amplecti vel servare per quem confusio , scandalum vel inconveniens sequi in Ecclesia universaliter poterat , quæ bonus Princeps à subditis tollere debet , non eis viam parare , ut authent. *Divina jussio. Collat. octava. & suprà dictum est.*

Item attendendum est ad causam vel rationem decreti dicti Domini Martini , quia verisimiliter hoc , ut arbitror , factum fuit ad finem quòd successor dicti Martini Romanus vel Italicus eligeretur , attempta natione omnium istorum Dominorum qua-

tuor nominatorum, quorum duo Romani, alii Italici duntur; & præsumitur quod indirectè volebat idem Martinus sibi de successore Italico providere, quod sibi isto modo non licuit. Quare rogare debet Pærlatus Deum ut ei bonum tribuat successorem 7. q. 1. *Petisti*, in fin. non autem eum sibi eligere vel directè seu indirectè ordinare. Ad Deum, non ad hominem, hoc spectat, Ioh. 20. ibi: *Pasce oves meas*. De elect. c. *significasti*. & 8. q. 1. *Moyse* & c. *Si ergo quia a deo habet primatum* 21. di. c. *In novo*, &c. seq. Et ejus electionem Deus sibi reservavit, 79. di. c. ultimo. Facit illud: *Item dabo vobis pastores juxta cor meum, & pascent vos scientia & doctrina*. Facit De judi. c. *Novit*; ibi: *ad regimen universalis Ecclesie superna dispositione vocati &c.* Item ibidem post medium, *quia potestas nostra non est ex homine, sed à Deo*. & infra etiam dicetur secundum Theologos.

Et propterea contemnere potuerunt & debuerunt Domini Cardinales, repulso ipso de Capranica, dictum decretum tamquam illicitum, insolitum, exorbitans contra jus & utilitatem publicam & contra canonicas sanctiones & decreta patrum condere nihil potest. 25. q. 2. *Decessorum*. 35. q. 9. *Quod quis*. Facit cap. *Si contra jus vel uti. pu. l. Rescripta contra jus*. ut suprà.

Item & quatenus de facto processit, est dictum decretum à sacro Concilio vel à Domino nostro Papa tamquam scandalosum, confusione plenum, pessimi exempli & pestiferi schismatis præparativum, & Ecclesie universalis turbativum, revocandum. Hoc enim facere Dominus noster Papa solus non potest sine sancta synodo, ut probatur De sepulturis *Dudum* in principio, in Clement. De immunit. Ecclesiar. Clem. unica in quibus est expressum, etiam in casibus minùs dubiis quam sit iste. In dicta enim

Clementina unica ultimò allegata Papa constitutionem Bonifacii VIII. etiam in favorem & pro bono totius cleri ordinatam propter vitanda inter Principes scandala sustulit & revocavit. Quanto magis ergo ubi hoc concernit favorem totius universalis Ecclesiæ, sicut in proposito, hoc facere potest imò debet, non videtur dubium.

Item pro præmissis facit una ratio civilis, quæ talis est. Leges civiles dicunt quòd testator habens pulcram domum & decoram in civitate, quamvis sit ipsius plenus & in solidum dominus, tamen non potest columnas marmoreas vel alios lapides magnos & decoros in ea positos à dicta domo detrahendos alteri legare, vendere, vel donare; ut sunt *tex. ff. de contrah. empt. Senatus. Cod. de edific. privatis. 2.*

Et est ratio politica, ne urbs ipsa vel publicus aspectus ipsius deformetur ruinis; ut dicunt *tex. in dictis titulis.* Nunc ad propositum. Ex hoc sequitur quòd Papa qui non est ita dominus universalis Ecclesiæ sicut privatus est dominus rei suæ, cum ipse Papa solum minister rationabilis & dispensator Ecclesiæ & rerum ecclesiasticarum existat, ut infra dicetur, non potuit ergo unam vel plures columnas aut lapides vel membra decora universalis Ecclesiæ, scilicet Dominos Cardinales, ab ipsa domo & Ecclesia tollere, vel quoad electionem eos inhabiles reddere, vel exauctorizare, maximè sine causa rationabili. Per hoc enim ipsa universalis Ecclesia, quæ consistit in capite & decore membrorum maximè principalem Dominorum Cardinalium, dehonestaretur &, ut ita dicam, dismembraretur, & Ecclesia ipsa & ipsius publicus aspectus deformaretur ruinis, turbareturque, & scandalizaretur; ut de se patet, & supra dictum est. Hoc clarè habetur. Propter quod Papa dictum sic Ecclesiam deformans decretum facere non potuit, nec factum valuit. Et ipsa videtur ur-

gens, & legalis ratio facere, quia nemo potest facere, quin iura in factis suis locum sibi vendicent. ff. *De C. 1. cap. Nemo.* Et quamvis Princeps sit solutus legibus, tamen secundum eas vivere debet. *Cod. De legib. Digna vox.* cum similibus. Non enim debet solvere legem, sed adimplere, ut suprà dictum est, & infrà latius dicetur circa tertium dubium.

Quòd autem Papa non sit dominus nec tantum jus in Ecclesia vel ecclesiasticis personis habeat quàm homo privatus laicus habet in re sua, (cujus est arbiter & moderator plenus, *Cod. Mandati l. in reman-data.*) evidenter ostenditur rationibus & auctoritatibus multis. Primò ipsius Iesu Christi dicentis *Luce 22. Qui praeceptor est in vobis, sit sicut ministrator.* Et *Apòst. 1. Corinth. Sic vos aestimet homo ut ministros Dei & dispensatores &c.* Et ipse Petrus ait: *Non quasi dominantes in clero, sed forma facti gregis &c.* Et alibi procuratores sunt Prælati, non domini. *De donat. cap. 2.* Quod etiam de Papa intelligitur, ut infrà statim dicetur, & probatur *De prabend. cap. 2. libro sexto.* ubi dicitur quòd Papa habet plenariam dispositionem omnium beneficiorum. Non dicit dominium. Ex quo sequitur quòd Papa non potest ad libitum detrahere bona Ecclesiarum, ut quod adimit de ipsis teneat; (Hoc enim facere posset, si esset Dominus) sed cùm sit administrator & dispensator bonorum Ecclesiae, in quo requiritur bona fides, non habet sibi collatam potestatem in eis nisi ad communem Ecclesiae utilitatem; quia potestatem ei dedit Deus ad ædificationem, non ad destructionem, ut dictum est. Ex quibus sequitur quòd si Papa pro libito detrahat bona Ecclesiae, & ea non dispenset bona fide, de jure non tenet quod agit, & non solum tenetur agere pœnitentiam de peccato propter abusum rei; sed si infideliter agit, ad restitutionem tenetur, si aliunde ha-

bet, cū sit defraudator rei alienæ. Secus si esset dominus; quia in re sua quilibet est legitimus administrator, ut est dictum. Verba sunt Domini Cameracensis Cardinalis in tractatu suo infra sæpius allegando.

Item dicit Aegidius Avinionensis Episcopus in cap. *Ad succidendos, De schismat. lib. vi.* quod cū Papa sit administrator & vicarius, non debet potestate sua malè uti, nec jura aliorum occupare, nec in præjudicium alterius judicare, facere, vel ordinare; quod si fecerit, successor suus hæc debet revocare, ut notatur De sequestrat. possell. & fruct. cap. i. lib. vi. per eundem. Postquàm ad diversas mundi partes dispersi fuerunt Apostoli, Petro tamquam principale officium gerenti assistebant tamquam Cardinalatu ministerium exercentes, sicut nunc Papa assistunt Cardinales tamquam ejus principales accessores & Consilarii atque cooperatores in regimine universalis Ecclesiæ. Postquàm verò Apostoli à Petro separati in opus predicationis diversa mundi loca perlustrantes speciales sibi dioceses sortiti sunt, ex tunc episcopale officium. De quorum cardinalatu intelligi potest illud propheticum 1. Reg. 2. Domini sunt Cardines terra, & posuit super eos orbem. Ex quo iterum sequitur quod prius fuerunt Cardinales orbis quam urbis. Nam sicut Petrus fuit Papa orbis, id est, universalis Ecclesiæ, antè quàm Episcopus Ecclesiæ Romanæ, sic & Apostoli prius fuerunt Cardinales orbis antequàm aliqui fuerint Cardinales Romanae urbis, ut suprà dictum est in quarta questione. Cujus conclusionis verba, quia faciunt ad propositum, sunt ista; quod Petrus fuit prius Pontifex summus quàm Episcopus Romanus. Vtrumque tamen episcopatum à Christo immediate recepit. Pro cuius declaratione sciendum est quod quando Christus constituit Pontificem summum dicens, *Pasce oves meas*, & eisdem verbis ei potestatem dedit

erigendi sedem ubicunque vellet, ut ibi esset particularis Episcopus. Vnde, sicut ecclesiastica tradunt historia & sanctorum patrum decreta testantur, Petrus quatuor annis tenuit cathedram Ecclesia nullam sibi particularem eligendō Ecclesiam, sed tamquam Prelatus & caput omnium fidelium sedebat ubicunque volebat. Vnde in Hierusalem, ubi legitur Iacobus statim post passionem Domini à Petro & Apostolis fuisse Episcopus ordinatus. Petrus licet in omnibus praeferret, tamen illam Ecclesiam tamquam sibi specialem non elegit, sed post quatuor fere annos Antiochia sedit annis septem, & illam sibi Ecclesiam appropriavit. Deinde verò apparente sibi Christo & eodem revelante sedem suam Romam transtulit, & ibi factus est Romanus Episcopus, ut ibi proficeret. 7. q. 1. Mutationes. Et ita ex tunc in Petro & suis successoribus duo episcopatus concurrerunt, videlicet universalis Ecclesia, & particularis Ecclesia Romana. Et hic finis dicta quarta conclusionis. Redet ad praescriptam sextam conclusionem. In signum verò dicta discretionis investitura papatus dicitur Papa investitio de papatu Romano, ut praesit urbi & orbi. In utroque verò tam urbis quam orbis praesidentia coassistunt Cardinales, tamquam speciales ipsius coadjutores vice & nomine tam Romanae quam universalis Ecclesiae. Et ideo ipse Papa ante suam consecrationem profiteri debet de sancta Romana Ecclesia Cardinalium consensu, directione, & commemoratione ministerium summum agere atque peragere, ut patet in professione quam fecit Bonifacius VIII: quae incipit: Ego Benedictus Caietanus. Ex praemissis sequitur septima conclusio, quod sacro collegio vel senatui Apostolorum succedit in ordine hierarchia sacrum collegium Cardinalium, videlicet quantum ad illud statum quo Apostoli assistebant Petro antequam post eorum divisionem fierent particularium Ecclesiarum Episcopi. Statui autem Apostolorum, in quantum fue-

runt Episcopi, succedit ordo Episcoporum. Et ita intelliguntur dicta sanctorum ex quibus sumitur illa glossa Luca x super verbo: Designavit & alios septuaginta duos: ubi dicitur quod sicut in Apostolis forma Episcoporum fit in septuaginta duobus. Discipulis forma est ministrorum secundi ordinis, & omnis potestas sacerdotalis ad hos duos ordines reducitur.

Deinde post decimam conclusionem dicti sui operis subjungit idem Dominus ad probationem prædictorum in septima conclusione hæc verba: Circa septimam conclusionem nota quod aliquibus videtur quod Silvester fuit primus qui Cardinales vocavit, ut 2. q. 4. Præsul, & fuit id capitulum conditum in generali Concilio, ut ibi patet. Aliis videtur quod Marcellus Papa. Cujus scripta videre volui propter hæc & alia multa infra dicenda in multis locis. Quæ scripta solemnia gesta magnalia sunt in Avinione in monasterio sancti Martialis, ubi sunt ultra viginti quinque volumina grossa per eum facta tam super toto jure canonico quam in consiliis.

Si igitur hoc de rebus Ecclesiæ æstimationem recipientibus Papæ non conceditur, multò minùs ei concessum est in personis ecclesiasticis, maximè in maioribus & principalibus, videlicet Cardinalibus, arg. in dicta aut. multò max. cum similibus.

Item probatur aliâ ratione quod non potuerit Papa sic sine maxima causa Cardinales omnes purè vel sub conditione excommunicare vel inhabilitare, quia etiam unicum Cardinalem Papa deponere vel inhabilitare non potest, sed hoc pertinet ad Concilium generale. *De Clericis non resident. cap. 1.* Et ibi expressim per innocentium, quem sequitur novellator & Ancarano. Et est ratio secundùm eos, quia Cardinales, tamquam maximi, debent speciali prærogativa lætari. *De off. leg. cap. 1. lib. sexto.* Et sunt pars corporis Papæ, quicum judicant orbem. *Qui filij*

filijs sunt legit. Per venerabilem ; ut infra dicitur. Propter ergo tantam vicinitatem debent esse participes privilegii singularis. *ff. de excus. tutor. l. Non tantum.* Et una eadem res non debet diverso jure censerī. *ff. de usurpat. l. Eum qui ades. & De decim. Tua.* ut notant Dominus Ioannes Andreæ & Ancarano in dicto capitulo secundo post Innocentium.

Sed contra hoc facere videtur *De schismat. Ad succidendos. lib. vj.* ubi Bonifacius Papa solus de fratrum suorum consilio deposuit Cardinales de Columna. Respondetur quòd ibi suberat causa evidentissima, & etiam enormis error & delictum notoriè Cardinalium ipsorum. Et ideo secus hic, secus ibi. Item illa decretalis fuit per Benedictum XI. dicti Bonifacii immediatum successorem revocata, ut ibi dicit Archidiaconus. Redeundo igitur ad propositum, nunc rationes sacræ scripturæ & auctoritates Dominorum Doctorum Theologorum ad præmissorum confirmationem in medium deducantur.

Theologi dicunt, Sacro collegio vel senatui Apostolorum succedit collegium Dominorum Cardinalium, scilicet quantum ad illum statum quo Apostoli post Christi Ascensionem assistebant Petro antequam post eorum divisionem in orbe fierent particularium Ecclesiarum Episcopi, ut infra clarè dicitur. Pro cuius latiori declaratione, & ut sciatur origo Cardinalium; & quam potestatem habent in Dei Ecclesia, est advertendum quòd bonæ memoriæ Dominus Petrus Cameracensis Cardinalis, summus Theologus, quem eo vidi, & cum eo sæpe locutus fui, in quodam solemnī tractatu quem fecit de ecclesiastica potestate circa principium in sexta quæstione dicit formaliter & multum notabiliter ad propositum in hæc verba.

Sexta conclusio. Licet nomina papatus & Cardinalatus tempore Petri & aliorum Apostolorum non

Part. 1. oper.
Geslon. pag.
8,9.

fuerint in usu Ecclesia, sed postea crescente Ecclesia in titulum honoris ex devotione fidelium hæc nomina, sicut & nomina Patriarcharum, Primatum, Archiepiscoporum, Episcoporum, in usum venerunt à sanctis patribus approbatum, unde ecclesiastica potestates dictis nominibus papatus & cardinalatus nunc designatae, ex tunc in Apostolis præfulserunt, videlicet in Petro papalis dignitas & in ceteris Cardinalatus auctoritas. Pro cuius declaratione sciendum est quòd, sicut patet ex discursu historia actuum Apostolorum & aliis ecclesiasticis historiis ac sanctorum patrum decretis, ante divisionem Apostolorum &c. De elec. cap. Vbi majus. lib. sexto. Et in hoc non refert, quia debet attendi effectus, & non vocabulum. De verb. signific. Intelligentia. cum tribus capitibus sequentibus. Et nota quòd Hostiensis & quidam Doctores canonici multa ponunt de auctoritate Cardinalium tam sede vacante quàm plena in cap. Ad liberandam. De iudæ. & in cap. Cùm ex eo. De pœnitent. & remiss. & cap. Antiquam. De privileg. in cap. Nullus 79. di. & in cap. Ego. N. De iurejur. in cap. Fundamenta. De elect. & in cap. 2. De offi. Legat. lib. v. 1. & in Extravaganti Execrabilis. Circa septimam conclusionem nota quòd Cardinales etiam non Episcopi præcedunt Episcopos, quia comparantur Senatoribus, qui erant primi post imperatorem, & dicebantur patres conscripti. Et de hoc per Archidiaconum De offi. Legat. c. 1. li. v. 1. & pro hoc 96. di. Constantinus. ubi concedit Constantinus ut uterentur ornamentis Senatorum. Et dato quòd nullo jure probaretur, sufficit quòd hoc est receptum à tempore de cuius contrario non est memoria Nam tale tempus habet vim legis. De præscript. c. 1. li. vi. & ff. De aqua cotid. & æsti. l. Hoc jure. §. Ductus aquæ.] Et paucis interpositis sequitur ibidem quòd sacer ille Senatus Cardinalium à cardine nomen ac-

Pag. 904.

Pag. 905.

cepit, 22. *Sacrosancta* super verbo *Cardo* per *Archid.* & sequitur. *Nota* quòd electio *Papae* pertinet ad *Cardinales*, non solum de jure, sed etiam de consuetudine diu obtenta, ut notat *Hosii*. De elect. Licet Et hac consuetudo secundum philosophum dicitur altera natura, & habet vim legis, & legem interpretatur & corrigit. De consuet. cum dilectus.

Item ad *Cardinales* pertinet hac electio tamquam ad clerum Romanum seu principales de clero. Romano. arg. 24. di. c. 1. Facit. 79. di. c. 2. & c. Si quis ea. & c. Si quis pecuniam. Sed ultra praeiisse humana & positiva jura restat in jure divino fundare statum hierarchicum Cardinalium & eorum auctoritatem. Vbi prius supponendum est quòd Christus Ecclesiam suam instituit statibus, officiis, & gradibus variis hierarchia, juxta illud Apostoli ad Eph. 4. Unicuique vestrum data est gratia secundum mensuram donationis Christi. Propter quod dicit: Ascendens in altum dedit dona hominibus. Et ipse dedit quosdam quidem Apostolos, quosdam autem Prophetas, alios verò Evangelistas, Pastores & Doctores, ad consummationem sanctorum in opus ministerii, in aedificationem corporis Christi. quod est Ecclesia. Et eadem sententia habetur 1. Corinth. 12. Et hac perfecta & completa statuum distinctio maxime in die Ascensionis instituta est, ut notant praemissa verba Apostoli allegantis illud: Ascendens in altum dedit dona hominibus. Ex quo sequitur quòd varietas officiorum, statuum, graduum, & dignitatum in Ecclesia non principaliter est ex institutione Ecclesiae, nec cuiuscumque puri hominis auctoritate praecessit Quare nec etiam destituere potest ea homo sive auctoritate. Vt prius supponitur quòd praemissa officiorum varietas ad sui pulchritudinem & ordinem requirit quòd inter auctoritates Ecclesiae legitimas sit hierarchica subordinatio, & quòd una, scilicet papalis auctoritas, sit suprema ex Christi

institutione, & non humana auctoritate, sed divina, juxta illud Ioh. 20. *Pasce oves meas.* Unde licet pluraliter dicat Apostolus, *Dedit Apostolos seu Episcopos*, tamen ad innuendum id quod dictum est præmisit: *Vnicuique vestrum data est gratia secundum mensuram donationis Christi.* Quasi diceret quod uni plus, alteri minus donatum est, & uni supremum regimen ecclesiasticum commisit. Ideo dicit idem Apostolus 2. *Corinth. 10.* Nos non in immensum gloriemur, sed secundum mensuram regulæ quam mensus est nobis Deus. *Vbi glossa:* Usurpantes sibi regimen animarum sine commissione Christi aut sui Vicarii, & potestatem commissam ultra terminos sibi præfixos extendentes, non secundum mensuram regulæ, sed in immensum gloriantur. Ex præmissis inferitur quod sicut status Papa, sic post eum status Cardinalium ad ordinem hierarchicum Ecclesia ex Christi institutione pertinet. Nam ipsi, quantum ad hunc statum, statui apostolico immediate succedunt. Pro cuius declaratione sciendum est quod Apostoli possunt tripliciter considerari, primò ut Christo principaliter astiterunt ante ejus Ascensionem, secundo ut astiterunt Petro tamquam primo pastori ante Apostolorum divisionem & separationem à Petro, tertio ut ex præcepto Christi, postea à Petro separati, per mundum se dividerunt; ut in sexta conclusione tactum est. In primo statu Apostoli fuerunt pares, nec Petrus eis præerat. In secundo & tertio statu præerat eis Petrus. Et quantum ad primum & secundum statum Cardinales representant Apostolos in hoc quod assistunt Papa, qui est Vicarius Christi & Petri successor. Sed quantum ad tertium statum, Episcopi succedunt Apostolis ^{ut} in dicta sexta conclusione præmissum est. Et hoc notavit Apostolus distinguens status Ecclesia, cum distinguit statum pastorem, cui incumbit cura animarum particulariter à statu apostolico, ad quem spectat regimen & ordinatio totius Ecclesia ge-

neraliter. Et juxta hanc sententiam dicit Archid. 22. di. Sacerdotalia, quod Papa se debet inter Cardinales connumerare ratione status apostolici in quo sunt, condidendo eum à pastoralis statu, licet etiam Apostoli fuerint pastores. Sed status in se sunt diversi, & prius fuerunt in statu apostolico per Christum instituti quàm in pastoralis per Petrum; quia ante passionem omnes duodecim fuerunt Apostoli, sed post passionem factus est Petrus à Christo omnium pastor; & tunc status pastoralis fuit ordinatus, licet apostolicus status ante fuisset. Petrus ergo & sui successores retinuerunt utrumque statum, sed Cardinales apostolicum duntaxat. Et ita est diversitas inter nunc vocatos Cardinales, Archiepiscopos, & Episcopos, qui in statu apostolico vario modo succedunt Apostolis. Notatur in glossa primæ ad Corinth. 3. super illud dictum fidelibus. Omnia vestra sunt, sive Paulus, sive Apollo, sive Cephas. Nam ut dicit glossa, Paulus erat Apostolus Corinthiorum, Apollo Archiepiscopus eorum; Cephas, id est, Petrus. omnibus major erat. Vnde ulterius sequitur quod ad statum Cardinalium tamquam ad statum apostolicum primò pertinet unà cum Papa regimen & ordinatio Ecclesiæ; quia ex caritate se obligant ut cum capite suo Christi Vicario generaliter fidem & christianitatem usque ad sanguinis effusionem defendant, in cuius signum capellum rubeum portare dicuntur. Ex quibus sequitur quod Cardinales sunt in statu perfectionis altioris quàm sit generaliter status pastoralis; quia inferiores pastores tenentur se exponere pro grege particulari, sed Cardinales tenentur se exponere pro Ecclesiâ, quod est perfectius; quia bonum quanto communius, tantò divinius, ut dicit philosophus.

Hæc sunt forma formalia præfati bonæ memoriæ Domini Cardinalis Cameracensis in dicto tractatu sparsim descripta, quæ hic propter ejus auctorem & verborum notabilitatem transcribi feci for-

maliter & fideliter, quia tractatus ille apud omnes communiter non habetur, & sunt multa notabilia ad propositum meum, per quæ patet quòd status Papæ & etiam Cardinalium à Christo immediatè est institutus & ordinatus originaliter. Ponit etiam quia potestatem quam habent Papa & Cardinales secundum scripturam divinam, ex Christi ordinatione processit. Quæ non noverunt omnes humani juris professores. Quæ potestas est ad ædificationem, non ad destructionem. Et ideo non poruerunt Papa & Cardinales transgredi terminos quos posuerunt patres sui; exemplo Christi, à quò sunt immediatè instituti, non debuerunt solvere legem ejus, sed adimplere. *Matth.* 5. Et infra magis declarabitur, Per Dominum igitur Martinum Papam non potuerunt nec debuerunt ita destitui vel inhabilitari Cardinales, etiam ipsis consentientibus, sine causa legitima; & per consequens decretum præensum non valuit, neque valet, imò contemnendum ut supra dictum est, & specialiter quia non ad utilitatem publicam & communem, sed privatam totaliter, & sine causa rationabili & legitima, sed pro una trussa & fabula, ut ita dicam comparativè. Non enim hoc Papæ permissum est, ut supra sæpe scriptum est & infra dicetur. Multa alia sunt in dicto tractatu, quæ hic convenienter addi possent, quæ gratia brevitas transcribere omisi. Recollegi tantum ex eo quæ magis ad casum & dubium nostrum mihi pertinent facere visa sunt.

Ex quibus ulterius sequitur secundum eundem quòd licet debeat obediri Petro & ejus vicario tamquam capiti suo in iis quæ pertineant ad ædificationem, non tamen in iis quæ pertinent ad ejus destructionem, quod etiam expressè probat Apostolus secunda ad Corinthios 10. ubi ait: *Nam si amplius gloriarus fuero de potestate nostra quam nobis Do-*

minus dedit in adificationem, non in destructionem, & in cap. ult. in finem, ibi: Ut non prasens durius agam secundum potestatem quam Dominus dedit mihi in adificationem, & non in destructionem vestram. Et ideo ubi Papa uitur potestate sua in ædificationem Ecclesiæ, multa privilegia specialia habet quæ sibi soli competunt; quæ notantur de translat. Episc. Cùm in generali privilegio per glossam & Doctores ple. alibi latius per Guillelmum in Speculo tit. de legat. §. *Nunc ostendendum*; ubi ponit casus centum numero Papæ specialiter reservatos. Et Bald. *Cod. De precib. Imper. Offer. l. Rescripta*, ubi notabiliter loquitur. Et Albericus in alphabeto juris canonici super verbo *Papa*, ubi videtur aliqua addere. Hæc tamen privilegia non habet Papa in destructionem Ecclesiæ vel ejus membrorum principalium, maxime Cardinalium, 25. q. 2. *Si ea destruerem*, supra allegatum & transcriptum. Imò concedendum est Papam ab universali Ecclesia vel generali Concilio in aliquibus, paucis tamen, casibus judicari & condemnari, videlicet in casibus Ecclesiæ destructionem tangentibus secundum Dominum Cardinalem, qui hoc deducit & probat rationibus in dicto tractatu. Alias enim sequeretur Christum, qui verum est & summum caput Ecclesiæ & institutor ejus sapientissimus, eam non perfectè & sufficienter ordinasse, quod est hæreticum & contra illud Deuter. 3. *Dei perfecta sunt opera* secundum eundem Dominum Cardinalem. Et facit illud Psalmi *Benedic. 103. Omnia in sapientia fecisti* & notatur plenè 40. di. *Si Papa*, per omnes ibi scribentes. Vbi dictus Dominus Aegidius Avinionensis Episcopus multa notabilia dicit de hoc.

Concluditur ergo quòd decretum prædictum nullum est & iniquum rationibus prædictis, & non tenendum, nec timendum. Etsi enim sententia excommunicationis, licèt injusta, sit timenda, ubi ta-

men nulla est, nec tenenda nec timenda secundum Hostiensem; qui hoc notat insuper de sententia excommunicationis, §. *Quia sit effectus*, versiculo *Hac vera sunt de sententia iusta*. Quo casu, quando est nulla, non est necessaria absolutio. 2. q. 1. *Primates*. Sententia enim excommunicationis, suspensionis, vel interdicti nulla non ligat apud Deum nec Ecclesiam, nec efficitur quis irregularis se immiscens divinis. Ita eleganter notatur de clerico excommunicante, cap. *si celebrat*, per Henr. circa principium, & de sententia excom. sacro. di. 1. per eundem iniquitas enim nullitati similis est. De sententia & re jud. Pastoral. in Clem. super verbo, *Non habebat po an & co. ti. Cum Bertoldus, super verbo, Concessimus*, per Innocentem. Hic autem est etiam iniquitas evidens, quia omnes isti qui cardinali debebant, erant unius nationis, quod non est æquum. Non enim sic faciebat Moyse summus sacerdos, & ejus successor Iosue, qui habebat regimen regale, & unus principaliter præerat omnibus, sub illo tamen septuaginta duo seniores de omni populo & plebe eligebantur, ut probatur Deuteronomii primo. De toto enim orbe eligendi sunt Cardinales orbem judicaturi, secundum Bernardum ad Eugenium, ut infra dicetur. Et sic patet dictam ordinationem non tantum nullam, sed iniquam & injustum fuisse & esse.

Quibus convenientissime quæ suprà dicta sunt, quod Papa non est dominus, sed administrator, & aliis præmissis adaptantur & concordant quæ venerabilis & recolendæ memoriæ Bernardus Abbas Clavallensis ait in libello de consideratione ad Eugenium tertium Papam; quem libellum describere volui, & aliqua ex ipso sparsim scripta, quæ magis mihi visa fuerunt ad propositum, hic transcribi. Primò enim libro quarto ante medium, & ante

versum *Libet superiores*, formaliter Papam Eugenium alloquens ait: *Consideres ante omnia sanctam Romanam Ecclesiam, cui Deo auctore preces, Ecclesiarum matrem esse, non dominam, te verò non dominum Episcoporum, sed unum ex ipsis, porro fratrem diligentium Deum & participem timentium eum, de cetero oportere te esse formam justitia &c.* Et subjungit qualis debet esse Papa. Quæ verba licet sint pulcherrima, gratia brevitatis, & quia non tangunt principaliter hunc articulum, transcribere omitto.

Item idem Bernardus lib. secundo post principium dicit sic: *Blanditur cathedra? Specula est. inde denique super intendis, sonans tibi Episcopi nomine non dominum, sed officium; quoniam in loco eminenti utinam omnia prospectes, qui speculator super omnia constitueris. Enimvero prospectus iste procinctum parit, non otium. Quomodo libet gloriari dum otiosi non licet? Nec locus est otio ubi sedula urget sollicitudo omnium Ecclesiarum. Non tibi aliud divisit sanctus Apostolus. Quod habeo enim, hoc tibi do. Quid illud? Unum scio, non est aurum, nec argentum non est mihi. Si habere contingat, utere non pro libito, sed pro tempore. Sic eris utens illis quasi non utens. Et sequitur statim ibidem ad propositum aliquibus interpositis: Nec enim ille tibi dat quod non habuit. Quod habuit, hoc dedit, sollicitudinem super Ecclesiis, nunquam dominationem. Audi ipsum. Non dominantes, ait, in clero, sed forma facti gregis. Et ne dictum sola humilitate putes, non etiam veritate, vox Domini est in evangelio: Reges gentium dominantur eorum, & qui potestatem habent super eos, benefici vocantur. Vos autem non sic. Planum est, Apostolis interdicitur dominatus. Ergo tu tibi usurpare audeas aut dominans apostolatum, aut apostolicus dominatum. Planè ab alterutro prohiberis. Si utrumque simul habere voles, perdes utrumque. Alioquin non te*

exemptum illorum numero putes de quibus queritur Deus sic : Ipse regnaverunt , & non ex me : principes extiterunt , & ego non cognovi eos. Iam si regnare sine Deo juvat : habes gloriam , sed non apud Deum. At si interdictum tenemus , audiamus edictum : Qui major est vestrum , fiat sicut minor , & qui praeceptor sicut qui ministrat. Forma apostolica haec est. Dominatio interdicatur , indicatur ministratio , qua commendatur ipsius exemplo legislatoris , qui secutus adjungit. Ego autem in medio vestrum sum sicut qui ministrat. Quis se titulo hoc inglorium putet quo se prior Dominus gloria praeignavit ? Et sequuntur ibidem multa quomodo se debent gloriari exemplo Prophetarum & Apostolorum. Et Sequitur : Domabis lupos , sed ovibus non dominaberis. Pascendas utique , non pre-mendas , suscepisti. Et sequitur : Si filius es Apostolorum & Prophetarum , & tu fac similiter. Et sequuntur multa ad propositum , quæ gratia brevitatibus omitto , & infra remitto latius videnda.

Item quia fortè dicitur quòd dictus Dominus Martinus hoc fecit & ordinavit de plenitudine potestatis quam habebat , ut patet in dicto decreto , audiatur idem Bernardus libro tertio ante finem circa octo columnas super exemptionibus Prælatorum & aliarum personarum ecclesiasticarum à suis immediate superioribus , dicens ad propositum in hæc verba : *Murmur loquor & querimoniam Ecclesiarum. Truncari se clamitant & demembrari. Vel nulle vel pauca admodum sunt , quæ plagam istam aut non doleant aut non timeant. Quaris quam. Subtrahuntur Abbates Episcopis , Episcopi Archiepiscopis , Archiepiscopi Patriarchis sive Primatibus. Bonæ species hæc ? Mirum si excusari queat vel opus. Sic fallitando probatis vos habere plenitudinem potestatis , sed iustitia fortè non ita. Facitis hoc quia potestis ; sed iustum & debeatis , quæstio est. Honorum & dignita-*

tum gradus, & ordines quibusque servare positi estis, non invidere, ut quidam vestrorum ait: Cui honorem, honorem. Spiritualis homo qui omnia dijudicat, ut ipse à nemine judicetur, omne opus suum trina quadam consideratione praveniet; primum quidem an liceat, deinde an deceat, postremò an expediat. Nam etsi constet in Christiana utique philosophia non decere nisi quod licet, non expedire nisi quod decet & licet, non continuò tamen omne quod licet, decere aut expedire consequens erit. Age, aptemur, si possumus, tria ipsa operi huic. At quomodo non indecens tibi voluntate prohibito uti, & quia non est ad quem appelleris, potestatem exercere, negligere rationem? Tunc major domino tuo, qui ait: non veni facere voluntatem meam. Quamquam non minùs dejecti quàm elati animi est veluti rationis expertem, non pro ratione, sed pro libito agere nec iudicio agi, sed appetitu. Quid tam bestiale? Et si indignum cuiusvis utenti ratione vivere ut pecus, quis in te rectore omnium tantam contumeliam natura, injuriam honoris ferat? Sic degenerando, quod absit; generale opprobrium fecisti proprium tibi. Homo cum in honore esset, non intellexit &c. Et post aliqua sequitur ibidem: Non est bona arbor faciens fructus tales, insolentias, dissolutiones, dilapidationes, sterilitates, scandala, odia, quodque magis dolendum est, inter Ecclesias inimicitias graves, perpetesque discordias. Vides quàm verus sit ille sermo: Omnia mihi licent, sed non omnia expediunt. Quid si fortè non licet? Ignosce mihi. Non facillè adducor licitum consentire quod tot illicita parturit. Tunc denique tibi licitum censeas suis Ecclesias mutilare membris, confundere ordinem, perturbare terminos quos posuerunt patres tui? Si iustitia est ius citique servare suum, auferre cuique sua iusto quomodo poterit convenire? Erras si ut summam, ita & solam institutam à Deo vestram apostolicam potestatem aestimas. Si hoc sentis

disſentis ab eo qui ait : Non eſt poteſtas niſi à Deo. Proinde quod ſequitur , Qui poteſtati reſiſtit , Dei ordinationi reſiſtit , eſſe principaliter pro te facit , non tamen ſingulariter. Et poſt pauca : Monſtrum facies ſi manu ſubmovens digitum , facis pendere de capite ſuperiorem manum brachio collateralem. Tale eſt ſi in Chriſti corpore membra aliter locas quàm diſpoſuit ipſe. Nec tu putes alium eſſe qui poſuit in Eccleſia quosdam quidem Apoſtolos , quosdam aurem Prophetas , alios verò Evangeliſtas , alios doctores & paſtores , ad conſummationem ſanctorum in opus miniſterij , in adificationem corporis Chriſti. Atque corpus hoc quod tibi ipſe Paulus ſuo vero apoſtolico figurans eloquio & capiti convenientiſſimè aptans , totum compactum perhibet & connexum per omnem juncturam ſubminiſtrationis ſecundum operationem in menſuram uniuscujuſque membri , augmentum corporis faciens in aſſiſtationem ſui in caritate. Nec vilem reputes formam hanc quia in terris eſt. Exemplar eſt in calo. Neque enim filius poteſt facere quicquam niſi viderit patrem facientem , præſertim cum ei ſub nomine Moysi dictum ſit : Vide factas omnia ſecundum exemplar quod tibi in monte monſtratum eſt. Viderat hoc qui dicebat : Vidi civitatem ſanctam Hieruſalem novam deſcendentem de calo , à Deo paratam ſicut ſponſam. Ego enim propter ſimilitudinem dictum reor , quòd ſicut illic Cherubim & Seraphim ac ceteri cuique uſque ad angelos & archangelos ordinantur ſub uno capite Deo , & ita hic quoque ſub uno Pontifice Primates vel Patriarchæ , Archiepiſcopi , Epicoſci , Præbyteri , vel Abbates , vel reliqui in hunc modum. Non eſt parvipendendum quod & Deum habet auctorem & de calo ducit originem. Quòd ſi dicat Epicoſcus , Nolo eſſe ſub Archiepiſcopo , vel Abbas . Nolo obedire Epicoſco , hoc de calo non eſt , Niſi tu fortè angelorum quempiam dicentem audiſti : nolo ſub archangelis eſſe aut

etiam alio quolibet inferiorum ordinum aliquem non ferentem subesse cuique nisi Deo. Quid inquis? Prohibes dispensare? Non, sed dissipare. Non sum tam rudis ut ignorem vos positos dispensatores, sed in edificationem, non in destructionem. Denique queritur inter dispensatores ut fidelis quis inveniatur. Vbi utilitas provocat; dispensatio laudabilis est; utilitas dico communis, non propria. Nam cum nihil horum est, non planè fidelis dispensatio, sed crudelis dissipatio est. Hæc dicit Bernardus ubi suprà libro tertio circa finem, qui ibidem subjungit de ambitione & generaliter super universum Ecclesiæ statum. Quæ & multa alia in dicto libello posita ad propositum hic transcribi possent, quia verba aurea sunt; sed relinquo gràtia brevitatis. Ista enim, licet, pauca sparsim posita recollegi tamquam meliùs ad casum nostrum facientia; quamvis ferè totus libri discursus posset convenienter adaptari, prout dixi suprà de tractatu Domini Cardinalis Cameracensis. Quem librum seu libellum Bernardi allegat & multipliciter commendat bonæ memoriæ Dominus Baldus de Perusio utriusque juris professor illustris in multis locis, & signanter ff. de offi. prætor. A Barbatius in lectura in si. l. qui nominat auctorem illius libelli testem veritatis, & quòd verba sua sunt elegantia, plena fide & veritate. Hæc autem ultima verba Bernardi hic subjunxit; in quibus licet non fiat de Cardinalibus mentio, ipse tamen de eisdem quamplura dicit qui & quales debeant eligi & qualiter exemplo Moyfi senes, non juvenes, non tam ætate quàm moribus, quia senes populi sunt, & de toto orbe eligendi sunt orbem judicaturi, & multa notabilia de eisdem & eorum virtutibus; qui utinam tales essent omnes quales eos esse debere describit libro quarto post principium. Tamen præmissa pro tanto rescribi, quia si Papa non potest vel de-

bet alios inferiores Prælatos eximere vel gravamina eis inferre, cum sit eorum Coëpiscopus, non dominus, ut latè dictum est, multò minùs potuit Dominus Martinus prædictus, qui etiam inter Cardinales numeratur, ut est dictum, Cardinales excommunicare, inhabilitare, & alia quæ egit facere in favorem quatuor, non de toto orbe, nec de ejus diversis partibus, sed omnium Italicorum, & ad ipsorum vel finaliter unius solus eorum utilitatem privatam & nullo modo communem, & utinam ad bonam & rectam intentionem. Quicquid sit, tamen non sequebatur ex hoc in Dei universali Ecclesia evidens utilitas quòd sic constituta & decreta & observata in generalibus Conciliis & ad quietem totius universalis Ecclesiæ cum tantis vigiliis & laboribus ordinata alterare, mutare, & confundere, aut destruere, Ecclesiam ipsam potuerit turbare, scandalizare, vel turbationem in ea ponere, plenitudinem tempestatis & confusionis ponere in eadem, quod apud sani capitis graves viros trussa vel fabula aut monstrum in Ecclesia reputatur, ut ex præmissis omnibus colligitur evidenter. Et hæc de primo dubio principali dicta possunt sufficere de præsentī.

Restat tamen respondere ad rationes in principio in contrarium factas, quibus ex jam dictis patet ad omnes evidens responsio unico verbo; & ideo superfluum est ultrà aliquid dicere. Quod enim demonstratæ rei additur, frustra est. ff. *De dote præleg.* l. 1. *in fine.* Et supervacuum est solem facibus adjuvare. 6. q. 1. *Si omnia.* Gratia tamen clarioris intellectus, & ut aliqua omīssa dicantur, responderi potest, quando dicitur, Papa Christi vicarius, Petri successor, omnia potest &c. verum est ubi ædificat, non autem ubi destruit, ut suprà dictum est; etiam si hoc faciat de potestatis plenitudine, ut statim dictum est secundum Bernardum.

Item ad id quod dicatedur, *quodcunque ligaveris* &c. responderetur quod hoc, est verum si iuste faciat & mediante iustitia, clave non errante. 24. q. 1. *Manet.* &c. *Quodcunque.* & infra per glos. Idem tenet Archid. expresse 11. q. 3. *Cœpisti.* & dicto c. *Manet.* Idem tenet in cap. *Apostolica* super verbo *ligaveris.* Idem Guillelmus in speculo de pœnit. & remiss. verbo. *Quòd si in eadem persona.* Idem de Bracho in suo alphabeto super verbo *ligaveris.* & communiter omnes. Idem tenet magister Nicolaus de Lira in dicto cap. 16. Matth. super verbo *ligaveris.* Scilicet supposito hoc in terra debito usu clavis, Deus approbat in cœlis, aliter non. Verba sunt Nicolai de Lira.

Hic erravit graviter, ut ex præmissis patet; & potuit imò debuit sibi in facie resisti, nec ei obtemperari debuit. Reprehensibilis enim fuit, *ad Galat.* 2. Iudicium enim Papæ tale esse debet ut non possit nec valeat periclitari. Turpe enim est retractare quod fecit, secundum Bernardum libro quarto post principium cap. 2. Concordat lex civilis dicens quòd cavere sibi debet Princeps ut aliquid non faciat reprehensibile seu reprehensione dignum. ff. *de heredib. instit.* l. Plenè secundum Baldum, qui ibidem quamplura notabilia dicit.

Item ad hoc quod dicitur quod hoc facit Papa de plenitudine potestatis &c. patet responsio per dicta Bernardi ad Eugenium. Illa enim non debet abuti, nec ad hoc est sibi data ut destruat, sed ut ædificet iusta & plantet. Quòd si non faciat, non debet dici dispensatio, sed crudelis dissipatio.

Item Innocentius dicit quòd Papa plenitudine potestatis uti non debet nisi ex magna & iusta causa, ut notat alleganter de elec. *Innocent.* Quæ cessabat omnino in casu nostro, quia fuit merè voluntaria. Et ideo debet illa potestas restringi & temperari,

ne sequatur absurditas vel abusus secundum Dominum Cameracensem ubi suprà. Hic autem sequi poterunt scandala, abusus &c. Et idem etiam dicunt Doctores canonum, ut sequitur.

Item dicit glos. Bernardi De concess. præbend. cap. *Proposuit*. quòd licet Papa habeat plenitudinem potestatis, tamen contra universalem statum Ecclesiæ dispensare non potest. 14. q. 1. *Memor sum*. & allegat jura multa. Facit quòd notatur 25. q. 1. *Qua ad perpetuam*. Et ita apparet secundum Doctores Theologos & Canonum quomodo & quando debet uti plenitudine potestatis. Iura etiam civilia concordant in ratione. Potestate enim alicui data quis debet civiliter & rationabiliter uti. ff. de l. fi. Cui. ubi est textus in ratione sui.

Item advertere debebant omnes, cum essent prudentes, & futura prævidere, quia poterat ex hoc pestiferum schisma in Dei Ecclesia suboriri, quod vitare debebant sicut venenum mortiferum, & potius mortem quàm illud pati. Præteriti enim & inveterati schismatis, quod proh dolor per quinque lustra duravit & ultrà. præteriti enim ratio scire futura facit de elect. *Vbi*. in principio lib. vi. per Iohannem Monachi. Vnde leguntur in mari historiarum à fratre Iohanne de Columna composito lib. 5. cap. 61. de schismate vitando formaliter verba sequentia. *Dionysius Novatofratri salutem. Si invitus, ut ais, ad hoc venisti, ostendas in eo si desinas volens. Oportuerat enim quidem pati omnia ne scinderetur Ecclesia Dei. Erat non inferior gloria sustinere martyrium pro eo ne scindatur Ecclesia quam est illa ne idolis immoletur. Imò secundum sententiam majus puto hoc esse martyrium ubi unusquisque pro sua tantum anima, in hoc pro omni Ecclesia martyrium sustinet. Sed nunc sive tu suadere, sive etiam cogere potes fratres redire ad concordiam majus tibi erit emendationis meritum quàm fuerit culpam commisisse;*

*commisſiſſe, quia illud non jam imputabitur, hoc etiam laude dignum dicitur. Si verò illi in credulitate perma-
nſerint, tu tamen ſalvas animam tuam. Vale pacem deſiderans quam tibi imprecor.*

Ad ſecundum dybium principale de ſubſcriptione Cardinalium, an eos ligaverit &c. videtur quod ſic; quia ſe ſubſcribendo videntur omnia contenta in decreto ſeu cedula approbare. *Cod. De re alien. non alie. 2.* Et ibi notabiliter facit *ff. de teſtam. tu. l. Ex ſententia* Et de ſubſcriptione Cardinalium notatur *12. q. 2. cap. Cum Redemptor*, per Archidiaconum.

Contrarium dico quòd conſenſus vel ſubſcriptio non nocuit quò minus potuerint eligere liberè dicto Domino de Capranica non vocato vel admiſſo. Vbi advertendum primò ad modum ſubſcriptionis Cardinalium. Non enim aliter conſenſerunt Cardinales, ſed ſimpliciter per eorum ſcripturam attestantur & teſtimonium perhibent quòd Papa ita ordinavit; non quòd pœnis ibi contentis conſenſerint vel ſe ſubjecerint expreſſè, ut patet ex verbis, quæ clara ſunt. & eorum forma eſt attendenda. *ff. De leg. 3. l. Ille. §. Cum in verbis.* & de privileg. *Porro.* Item videtur quòd etſi conſenſiſſent expreſſè etiam pœnis illis, hoc feciſſe dicuntur ex nimia reverentia quam gerebant Papæ, qui erat potens opere & divitiarum & amicorum multitudine in civitate propria; quæ reverentia metui æquiparatur; nec dici debet propriè conſenſus liber in aliquo, ſi rubore confuſus & perſuaſus contradicere tunc probatur. *ff. de furib. l. ſi.* Et facit optimè quod plenè notatur *ff. Quarum re. actio non datur. l. 1. §. Quæ oneranda.* per gloſ. & Bartolum. Et hoc tetigi de primo ſcribens. Quare non repeto. Addo. Facit benè *ff. Quod falſo iutor. l. Noviſſimè. §. 1.* & quòd notatur per Baldum ibi. Et hic ulterius advertendum quòd præmiſſa loquuntur in temporalibus, in quibus ordinationes, ſententiæ,

vel alii actus temporales licet valeant ipso jure, obstat tamen exceptio, ut in toto titulo *De his quæ xi metusve causa fiunt*. In sententia autem clavium, si excommunicationis vel alterius censuræ spiritualis sit per metum hunc lata vel alijs actus factus, est nulla & nullus ipso jure, quia non debent claves vim pati activè vel passivè. *Quod met. causa. cap. 1. lib. vi.* cum ibi notatis. Facit quod notatur 11. q. 3. cap. *Quatuor*. Ista verò allegantes. Cod. De sacrosanct. cap. *Decernimus*, ad fin. per Baldum. Facit bene 3. q. 1. §. si. ubi textus notabilis.

Plus dico, quòd etsi liberè & purè consensum clarum omnibus præstitissent, eosdem non ligavit quò minùs potuerint impune ad electionem procedere, cum non valuerit quod egerunt, prout supra dictum est. Ad totum enim collegium seu senatum Cardinalium pertinet Papam eligere nomine & vice non sua, sed totius universalis Ecclesiæ & pro ejus evidenti utilitate tam de jure quàm consuetudine inveterata, ut est dictum. Cum igitur hoc non ad sui utilitatem vel favorem introductum est, sed pro bono publico universalis Ecclesiæ, non potuerunt nec expressè nec tacitè illi renunciare etiam cum juramento. Hoc enim posset facere simplex Clericus quando introductum est aliquid in favorem totius ordinis clericalis, ut De foro compet. *Si diligenti*. ubi est expressum. Et hoc tenet Hostien. in propriis terminis de Cardinalibus tam in dicto cap. *Licet de vitanda*, quàm cap. *Si diligenti* allegato, Notatur plenè De renunt. 2. *Cum pridem*. §. *Propter malitiam*, & de vita & hon. Cler. c. si. ipso illo canone seu decretali *Licet*. Legatur. Nec ei possunt renuntiare. Et licet sit durum, tamen est tenendum. ff. *Qui à quibus*. c. *Prospexit*.] Hæc Hostiensis. Igitur bene facit ff. de pact. l. *Im publicum pactis privatorum non ladicur*. & quod plenè notatur per gloss.

& Doctores modernos Cod. eod. tit. l. plerè.

Quomodo enim & qualiter potuerunt ipsi per eorum gesta vel scripturam aut subscriptionem publicum bonum universalem Ecclesiam & totum orbem cuius sunt iudices à Deo habentes potestatem, ut est plenè superiùs deductum, sic scandalizare, turbare, confundere & ordinem in sacris generalibus Conciliis ac decreta & facta circa Papæ electionem ordinata pervertere & mutare, aut saltem perversioni, turbationi, confusione, aut mutationi consentire? Certè minimè, prout nec Papa talia facere potest per jam dicta. Non enim debent solvere legem, sed eam adimplere, cùm sint sal terræ, ut habet Matthei quinto. Super quo verbo Nicolaus de Lira describens Prælatorum vitam, dicit in hæc verba: *Ad cuius evidentiam considerandum quòd Prelati sunt successores Apostolorum. Et ideo debent esse perfecti in vita contemplativa & activa. Et ideo virtutes contemplativorum, quæ sunt prædictæ, supponuntur esse in eis. Et similiter quæ sequuntur de activa. Sed hic exprimuntur aliqua spiritualia quæ debent esse in eis præ cæteris, & primò quantum ad eorum vitam, secundò quantum ad eorum doctrinam, Prelati enim debent esse excellentes præ cæteris quantum ad mores. Primùm debet esse discretio in agendis, quia sunt duces & gubernatores aliorum. Et hoc designatur cùm dicitur: Vos estis sal terræ. Sicut enim fule congiuntur omnia cibaria, ita discretione Prælatorum debent dirigi & ordinari omnia opera subditorum. Quòd si sal evanuerit, id est, si discretio in Prelatis defecerit, in quo salietur; quasi in nulla opere subditorum condictur seu dirigetur. Et ideo subditur. Ad nihilum vales ultra nisi ut mittatur foris & concalcetur ab hominibus; quia talis repelli debet à Prelatis, ne officium Prælatorum in conspectu omnium red datur vile. Secundum in quo debent præcellere Prelati est clara*

notitia in scripturis intelligendis. Et hoc est quod dicitur, *Vos estis lux mundi*. Sicut enim lux est manifestissima omnium oculorum, sic Prælati per intelligentiam sacra scriptura debent ex officio notificare omnia opera virtutum. In cuius signum portunt mitram in capite, in qua sunt duo cornua. Tertium in quo debent præcellere constat in oppressionibus pauperum reprimendis. Vnde dicit saluator Iohan. 11. Bonus pastor animam suam dat pro ovibus suis, mercenarius autem &c. & ibi multa de hoc. Quantum in quo præcellere debet Prælatum est sanctitatis evidentia in exemplis dandis; quia tantum excellere debet actionem populi actio Præfulis quantum distat à grege vita pastoris. & ideo comparatur lucerna posita super candelabrum illuminanti totam domum. Et ideo sequitur: *Luceat lux vestra coram hominibus*, ut videant opera vestra bona &c. Et sequitur aliquibus interpositis quod Prælati per suam doctrinam & opera non debent legem destruere, sed ampliare. Hæc Nicolaus de Lira; qui multa alia ponit ad propositum, quæ gratia brevitatatis transcribere omitto hîc. Est ergo considerandum si dicti Dominus Papa & Cardinales in prætenso decreto adviderunt & ista quatuor servaverunt. Et certè non totum, sed contrarium, salvo semper eorum reverentia & honore. Et utinam bene cognovissent præterita, & cuncta rimassent & circumspexissent, & novissima providissent, & verba Gregorii in homilia quam cantat Romana Ecclesia Dominica 1x. post Pentecosten ante eorum oculos habuissent, quæ dicit: *Maxima ruina populi ex culpa sacerdotum*. Et alibi legitur: *Omnia mala à sacerdotibus proceperunt*. Málach. 3. Et pugnabunt filios Levi. Et ibi notata.

Ad tertium principale dubium, quo quæritur utrum supposito quod decretum prætensum va'uerit, abjectio dicti de Capranica fuerit, & sit adirit-

tenda, & an ex eo quòd ad electionem non fuit admissus, electio Romani Pontificis fuerit nulla &c.

Videtur primò quòd ad electionem idem de Capranica debuerit admitti. Decretum enim dicit quòd quatuor Cardinales in eo nominati ad electionem futuri Pontificis admittentur. Ista est omnino collectiva & pluralis, quæ resolvi debet in singularitate. Hæc tantum operatur quod quatuor singulares orationes divisim prolatae. Quòd admittantur Dominicus Herdensis ad eandem electionem, Dominus Prosper de Columna &c. & de Capranica &c. probatur ff. *de condit. & demonstr. l. Falsa. §. si. Vbi textus est quòd si testator legat libertatem duobus servis tuis, vel alteri eos legavit si tui essent tempore ejus mortis, si unus istorum alienatus vel manumissus, alter servus veniet in legato, quia illa pluralis oratio tantum operatur quantum duæ singularitates divisim prolatae. Facit quod notatur de re. jur. *Pluralis locutio* per Dynum & alios, ubi sunt concordantes. Sed ad propositum. Quamvis per Dominum Martinum tres ex istis quatuor sint in ejus vita admissi, restat quòd Capranica non admissus in vita admitti debuerit post mortem ad electionem, quodque factum non fuit videtur nulliter actum. Facit quòd notatur *Cod. De impub. & aliis sub l. Quamvis. & l. Cum quadam.**

Sed iis nonobstantibus dico contrà, videlicet quòd admitti non debuit, imò contemni potuit, quia, ut suprà dictum est, decretum fuit nullum, & non præstat impedimentum quod de jure non sortitur effectum; ut in regula juris, *Non præstat*, lib. vi. cum concordantiis. Et hæc responsio posset sufficere.

Præsupponendo sine præjudicio, & non concessio, quòd valeret & esset decretum aliquod, est advertendum in facto quòd præsumptum decretum factum

extitit anno millesimo ccccxxvi. & de mense Maii, post quod tres ex Dominis ibi nominatis fuerunt publicè ad cardinalatum assumpti per eundem Dominum Martinum, isto de Capranica spreto. Quod non fuit sine causa, quæ statim proderet. A tempore enim decreti usque ad obitum dicti Domini Martini fluxerunt sex anni vel circa. Quo pendente tempore dictus de Capranica & Dominum Martinum & Ecclesiam graviter offendit tam super facto & rebellionem Bononiæ quàm alias, ut audivi à fide dignissimo. Ex quo præsumitur Domini Martini mutatio voluntatis. Argumentum voluntatis optimum ff. *De confir. tu. l. In confirmando. & l. Virilitatem*, Ibi enim dicitur de tutore in testamento dato, post ejus dationem testator diù supervixit & mores mutavit, vel testatorem offendit, quòd ex hoc præsumitur testator voluntatem mutasse, & ideo iudex illum in tutorem dare vel confirmare non debet propter causam supervenientem & ideo dicit Baldus in dicta lege *In confirmando*, super verbo fin. in proximo sic notat, quòd. faciliùs præsumitur durare voluntas de proximo quàm de longo.

Et ita ratio fortè movit vel movere potuit Dominos Cardinales qui eundem de Capranica ad electionem non admiserunt. Facit l. *Sancimus*. & quod ibi notatur *Cod. De testam. & ff. de probat. l. Procula*. in ratione sui. Aliqui alii dicunt aliam causam fuisse: quæ si vera esset, non foret honesta. Et ideo amplius non aperio. Non enim debet quicquam probabiliter asseverari. ff. *De accip. l. Julianus, in principio*. Licet tamen omnino fama de hoc volet.

Item etiam advertendum in facto quòd præsumptum decretum non ligat Cardinales futuros. De futuris enim nulla sit mentio, licet generaliter inhibeat omnibus & singulis Cardinalibus. Quæ generalis locutio tantum intelligitur de præsentibus. ff. *De auro. &*

argent. l. Si quis ita. & De legat. 2. l. si ubi est textus notabilis. Et maxime hoc debet ita intelligi & restringi in materia pœnali, scandalosa, odiosa, & à jure communi exorbitante, juxta regulam Odia restringi. De reg. jur. ff. De pœn. l. si. de interpretatione. & l. si preces. cum concord.

Pòst quod prætensum decretum tres ex Dominis ibi nominatis fuerunt ad cardinalatum assumpti, & etiam plures alij, videlicet Arelatensis, Novariensis, sancti Petri ad vincula, Rothomagensis, sancti Angeli, de Columna, qui auctoritate dicti decreti non fuerunt ligati nec inhabilitati aut excommunicati, quia postea assumpti. Supposito igitur sine præjudicio veritatis sive concessio quòd Domini Cardinales in decreto seu cedula subscripti fuissent excommunicati vel ad electionem inhabilitati, isti postea assumpti in electione interfuerunt & D. N. Papam elegerunt; quibus nulla inhabilitas potest obici. Et per consequens canonica fuit & valuit D. N. Papæ electio, si isti omnes noviter postea creati vel eorum duæ partes, aliis inhabilibus, in electione consenserint, ut dicitur cap. *Licet de vitanda*; etiam si Papa esset excommunicatus vel aliàs inhabilitatus. Nulla enim exceptio excommunicationis vel etiam hæresis præcedentis contra eum qui à duabus partibus electus est potest opponi, quasi ab eo sublata sit omnis in Ecclesia, cum sit mutatus in virum alterum &c. Et sunt textus expressi in dicto cap. *Licet* & eod. tit. *Ne Romani. §. Porro*, in Clem. Et notatur in dicto cap. *Licet* per Innoc. & Henric. post omnes. Clare & aperte loquitur textus.

Item est advertendum quia in facto ponitur quòd in electione prædicta duo ex Dominis Cardinalibus de subscriptis expressè protestati sunt quòd dictus de Capranica admitteretur, quem & in quantum in eis est admitti voluerunt, Et si isti duo de subscriptis non

fuerint excommunicati vel inhabilitati ex quo per eos non stetit. Præmissis igitur omnibus cessantibus; licet non cessent, isti duo potuerunt Papam eligere, aliis inhabilibus existentibus. Duo enim tunc sufficiunt, & notatur *De elect. c. 1.* Et idem notatur eod. cap. *Licet.* per Aegidium Avinionensem. Et notatur cap. *Vbi majus*, super verbo *Cardinal.* per Archid. & Iohannem Monachi, & in dicta Clem. *Ne Romanè* per Paulum. Plus dico, quod etiam unus solus hoc casu eligere potuisset, ut notatur *De postula. prela. c. Quantum.* per ■ qui plenè disputat & ita eleganter concludit. Facit quod notatur *Ne sede vacante c. 1. §. 1. lib. vi.* per Iohannem Andreæ.

Sed fortè mihi dicatur quod probandum esset in facto quod illi duo qui fuerunt protestati vel alij post decretum creati vel eorum major pars elegerit D. Eugenium; cujus probatio videtur difficilis, cum nullus alius sit inter eos duos Cardinales. Quod si non probetur, præmissis veris existentibus quod alij fuerint inhabiles, electio non videtur canonica, cum requiratur consensus duarum partium, ut dicto cap. *Licet.*

Ad quod respondetur quod licet quæstio sit in facto an illi vel eorum major pars elegerit, tamen supposito deteriori & fortiori, quod electioni prædictæ illi tunc non consenserint, quia tamen omnes & singuli Cardinales post electionem prædictam eundem Dominum Eugenium ad osculum tamquam Papam receperunt, & in cathedra & sede Petri posuerunt, eundem adoraverunt, & in summum & universalis Ecclesiæ Pontificem, Christi Vicarium, & Petri successorem susceperunt, & eum talem esse omnibus Christianis & catholicis Principibus populi scripserunt & denuntiaverunt, ac eundem coronaverunt, (quæ coronatio est ultima Papæ electio, ut notatur in dicto lib. vi. per glōf.) eisdemque nihilominus per

duos annos & ultra ut tali obedierunt, & omnes & singuli obediunt eidem, etiam omnes Reges & Christiani Principes de præfenti, certè ex iis omnibus sic publicè & notoriè peractis omnia vitia, si quæ fuerint & electionum varietates sunt ad unitatem & unum redactæ, quia prædicta post electionem ipsam sunt publicè & notoriè peracta secuta, omnia impedimenta, si quæ fuerint, expirata sunt & purgata, & purgarunt ac si à principio omnes vel duæ partes eum elegerint, & ex illis postea secutis eidem Domino Eugenio novum jus, præmissis objectionibus cessantibus, in papatu acquisitum fuit, ut elegantissimè notat. Hostiensis in dicto cap. *Licet. §. Præterea*, super verbo à *duabus partibus*. In electione enim summi Pontificis sunt multa specialia quæ enumerantur octo. Sed dictus Dominus Ægidius Avinionensis Episcopus enumerat ibidem tredecim.

Item Compostellanus elegantissimè & multum notabiliter loquitur in hoc articulo, quem sequitur Novellator, de Ancarano, Ægidius, & alij in cap. *Transmissum* De elect. dicentes quòd etsi nulla sit electio, vel de ea non appareat, si tamen ab omnibus Cardinalibus recipiatur & eum Cardinales ita publicè fateantur, præsumitur electio canonica præcessisse, & talis investitura vim collationis habet. Eis enim credi debet, quia nullus est cum eis in electione, & plus est voluntatem suam factis quàm verbis declarare. cap. *Dilectis*. De pænis. *Degradatio*. lib. vi. ff. *De iis qui notantur infamia*. l. 2. §. *Ign. & de adilit. edic. l. 1. Si dictum. §. si*. Tamen facit ad præmissa c. *Ex ore*, De iis quæ fiunt à majōri parte capituli.

Nunc restat formaliter respondere ad rationes supra in contrarium factas de oratione plurali, quæ resolvi debet in singularitate &c. Ad quam satis responsum est, & quia etsi ita esset, & quòd ille admitti debuisset, licet non debuerit, ea quæ supra dicta

sunt, tamen hoc nonobstante valuit electio. Sed ad dictam rationem potest particulariter responderi multipliciter. Primo generaliter quod illa est ratio scholastica apparens & non existens in casu nostro, & ideo scholasticis relinqui potest disputanda, & maxime quia materia Brocardica est, ut notatur de re. jur. *Pluralis locutio* per Dylum & alios & Instit. de jur. perso. in principio per Io. Fa. & ff. *Si quis es. Si servus. §. Si pluri.* per Alber. de Rosate post omnes alios. Vel aliter specificè responderetur quod pluralitas resolvitur in singularitatem in materia favorabili, ut in l. *Contraria*, ubi de libertate agitur. Secus autem in materia odiosa, ut sequeretur absurditas vel inconveniens, ut in casu nostro, ubi est pœna, & sequi poterant mala, abusus & absurditates, de quibus supra secundum Bartholum. Vel aliter. Vbi pluralis locutio fit pluribus collectivè vel conjunctim, tunc non resolvitur in plures singularitates. Et ratio; quia mens & voluntas proferentis est inspicienda. Hic autem mens & voluntas proferentis erat de quatuor admittendis, non de uno solo. Ita notatur ff. *Si quis casu. l. Si servus. §. Si plur.* per Alber. post alios. Item non erat res in eodem statu tempore electionis, quia tres ex dictis quatuor erant admissi, Ergo &c. ff. *de solv. l. Cum quis in principio.* ex. de jurejur. cap. *Quemadmodum.*

Item propter unum vel duos nec plus vel minus. *De consec. di. 1. Revera.* Et ibi notatur in proemio Decretalium. Et ideo pluralitas non potest resolvi in singularitatem hoc casu, cum pluralis locutio non verificetur in uno ff. *De testi. l. Vbi minus*, & de reg. jur. l. 1. *Pluralis locutio* per Dylum. Item decretum dicit quod casu dicti quatuor non admitterentur &c. Hic autem quatuor non fuerunt repulsi, sed unus solus; & ideo non verificatur dicta pluralis locutio in illo, quia voluntas proferentis repugnat; quæ tamen

ante omnia est respicienda, ut suprà dictum est.

Item aliter dici potest quòd ubi est dispositio per verbum collectivi & pluralis numeri facta, resolvi potest in plures singularitates concernentes unum & eundem effectum, sicut in casu nostro, ubi de electione actum fuit, & ad illum effectum solum facta fuit. Tunc non fit resolutio in plures singularitates, ut est casus in dicta l. *Quamvis*. & l. *Cum quid*. Cod. de impub. & aliis substit. Vbi dicitur quòd substitutio pupillorum facta pluribus conjunctim non resolvitur in singularitates. Secus autem ubi ad diversos fines & effectus tendunt, quia tunc fit resolutio in singularitates, dicta l. *Falsa*. §. *fi. per contr. alleg. cum concord.* Ita eleganter notatur in dicta lege *Quamvis* per Ia. Britonem & Salicetum, qui notabiliter loquitur. Et idem sequitur Bartolus in dicta l. *Falsa*. §. *fi.* Et ita apparet multiplex solutio ad l. contrariam allegatam. *Quamvis* hæc fuit superflua, quia suprà satis responsum erat ad sufficientiam bene indifferenter. Et ideo concluditur evidenter quòd Cardinales ipsi debuerunt & potuerunt contra dictam scripturam eorum vestire, ex quo non valuit & à jure prohibita fuit. Cod. *De agric. & censit. l. Quemadmodum*, & notatur lib. x. & C. *de pact. l. Pacta que contra*. Et notatur in l. *ple. de pact.* in tribus oppos. per Baldum & alios Doctores. Et hoc de tertio & ultimo dicto sufficiat.

Verùm mihi dictum est post præmissa, videlicet quòd de usu & observantia & consuetudine Romanæ curiæ est quòd in materia promotionis & assumptionis Cardinatium fuit & est usitatum quòd ex quo aliquis est in secreto consistorio per Papam & Cardinales nominatus vel electus in Cardinalem, quòd ille pro Cardinali habetur & reputatur inter eos in omnibus. Quòd cùm audivi, non credidi, nec credo ita esse. Et causa est, quia jura probant contrarium. Dicit

enim textus legis quòd si legaretur alicuj Seio, si Consul factus fuerit, ut vivo testatore Consul designatus, id est, electus, extiterit, nisi vivo eodem testatore, Consul cum ingressus fuerit, non habebit legatum. Non enim sufficit sola nominatio, designatio vel electio nisi vivo testatore per ingressum honoris fuerit actus perfectus & consummatus. *ff. de condit. & demonst. l. Publius Mævius in principio*, Vbi est expressum. Vbi notat Baldus quòd ad perfectionem alicujus honoris vel officij tria exiguntur, primò electio, secundo acceptatio, tertio possessio seu ingressus: quorum si alterum desit, non meretur dici honorem aliquando vel officium adeptus. Et hæc ibi probantur. Similiter notat Dynus in beneficiis ecclesiasticis & feudis in quibus hæc tria requiruntur. De reg. jur. cap. Beneficium, lib. vi. Addunt Doctores & quartum, videlicet quòd requiritur juramenti præstatio. Nisi enim præstiterint juramentum solitum, sunt extrà mittendi, ut notatur in pace Constantiensi per Baldum notabiliter super verbo *Vasalli*. & 3. q. per eum disputata quæ incipit *Apulus Castrum progenitor*. Hic autem in casu nostro, etsi constet de electione vel nominatione, non tamen constat de acceptatione in vita Papæ, vel saltem non constat de publicatione in consistorio publico, nec de capelli rubei traditione, juramenti præstatione & aliis ceremoniis quæ in talibus notoriè fieri solent; & per consequens non meruit in vita Domini Martini nec post dici meretur Cardinalis per prædicta. Etiam dicunt canones de Archiepiscopo quòd non debet se Archiepiscopum nominare quousque receperit Pallium nec facere quæ archiepiscopali dignitati incumbunt, quia cum pallio recipit nomen Archiepiscopi. Notatur authenticè *De usu pallij in c. Nisi*. Item nec Episcopus ante consecrationem debet dici vel nominari Episcopus, nec priùs potest ea quæ Episcopo

incumbunt spiritualiter exercere. *De elect. Transmiss.*
 & *De prebend. c. De multa. per Innoc.* Nec ejus vacant
 beneficia ante consecrationem ipsam vel lapsum tem-
 poris ad eandem suscipiendam ordinatum. *De elect.*
Cum in cunctis. §. Cum verò. Nec Imperator dici de-
 bet nec nominari nisi imperiales susceperit infulas.
Cod. De quadrienn. prescript. l. vi. Bene à Zenone. in
fi. & quod ibi notatur per Cynum, Raym. & Albe.
in dicta lege Publium per Baldum, & notatur De jure
jur. Romani Principes. super verbo, Reges Roma-
nos in Clem. per Ioh. And. & alios & idem Ioh. Andr.
post... in in spe. De rescriptis. §. fi. Et ideo quicquid
sit de usu & observantia, istam credo juris veritatem.

Et ut finem verbis imponam, pro finali meorum
 scriptorum conclusione dicam quòd sanctissimo Do-
 mino Nostro Eugenio vero summo universali Ponti-
 fici dirigam verba beato Ambrosio in Episcopum
 Mediolanensem electo ad ipsius confortationem per
 Valentinianum Imperatorem dicta: *Noli timere, quia*
& Deus, qui te elegit, semper te juvabit. Et spero
 quòd Serenissimus Imperator, qui cum eodem esse
 præsentialiter asseritur, eidem pariter subjungendo
 verba quæ ibi sequuntur dicet, quæ sunt hæc: *Es*
ego adjutor & defensor tuus, ut meum ordinem deceat,
semper existam. 63. di. *Valentinianus* ad fi. Et alibi:
Iustitia liberabit te. Proverb. 10. Et etiam veritas,
 quæ apud Esdram vincit, ubi scriptum, *Veritas vales*
& invalescit & in æternum vivit & obtinet in secula
seculorum. Esdræ 10. Io. 8. di. 8. Cap. *Consuetudo.* Spe-
 ro enim firmiter in verbis quæ ipsa veritas Petro dixit
 Lucæ 22. *Ego rogavi pro te ut non deficiat fides tua.*
 Et quamvis Petri navicula fluctuet, perire tamen non
 potest, prout non peribit duce Domino in æternum.

De materia autem quæ principaliter tractatur in se-
 cro Basiliensi Concilio non tango, quia nescio puncta
 principalia super quibus dubitatur vel agitur. Dicun-

tur tamen multa quæ afferuntur fundari super constitutionibus & decretis Constantiensis Concilij, quæ facta fuerunt pro magna parte, ut fertur communiter, sede apostolica vacante. Si ita sit, nescio. Quæ sedes Dei gratia non vacat, sed plena est de præsentī. Et ideo si ita sit, videretur irreprehensibile iudicandum si secundum varietatem temporum statuta varientur humana. *De consang. & affinit. cap. Non debet. in princ. concord.* Item illi contra quos tunc processum fuit alia gravia valde non solum commiserant, sed egerant longo tempore & commiserant contra Dei Ecclesiam. Quod præfatus Dominus noster commiserit Ecclesiam, sicut illi scandalizaverunt & turbaverunt, quod ita rigide debeat contra eum procedi, non enim fuit in sede sua pacificus per biennium. Et ideo altercatio videtur reformare pactum. *Codic. De transact.* Concordanter scripturæ. *Cod. De fur. l. Apud antiquos.* ut ibi notatur. Hoc dico solummodo; super quibus amplius clavum non laxo. Paratus sum tamen pro veritate certare, scribere & laborare, si sim certus in facto. Super quibus &c. Salva semper determinatione dicti sacri Concilij. Quæ omnia submitto veritati & correctioni ac emendationi cujuscunque melius speculantis, protestationes in principio positas repetens.

Ex Aquis in provincia Provinciæ anno Domini millesimo quadringentesimo tricesimo tertio die x i i i. mensis Augusti, pontificatus dicti Domini Nostri Eugenii quarti anno testio.

Ego Iordanus Bricii Miles, utriusque juris minimus professor, consistorialis Advocatus, Provincia Ludex major, manu propria.





ITINERARIUM
ADRIANI VI.

A B

HISPANIA ROMAM
usque , ac ipsius pontificatus
eventus , per Blasium Ortizium
in Decreris Doctorem Canoni-
cumque Toletanum ac gene-
ralem Vicarium summa fide
collectum.

ILLVSTRISSIMO AC REVE-
rendissimo Domino D. Ioanni Martino Si-
liceo Archiepiscopo Toletano Hispaniarum-
que Primati &c. Blasius Ortizius in Decre-
tis Doctor , ejusdemque amplissimi Præsulis
generalis Vicarius , necnon Canonicus Toleta-
nus , perpetuam felicitatem.



V M animadvertissem , magne Præsul, His-
paniarum Primas , excellentiam persona dig-
nitatem amplissimam , egregiam doctrinam ,
omnium virtutum merita in te splendere , perhorresce-

bam quidem tantillum opus tanti viri nomine nuncupare, propterea quòd audacia vel potius temeritati mihi tribuendum fore existimabam, cum magna magnis ac parva parvis aqua proportionem sint conferenda; ideoque per longum dierum curriculum opusculum hoc tibi dicare distuleram. At verò quamvis me tua amplissima dignitas deterreret, litterarum referatissima copia consterneret, tua tamen in omnes humanitas, eximia benignitas alliciebant, atque ad hoc sub tua protectione ponendum invitabant. Nam etsi opus sit exiguum, in se magna memorandaque facinora continet, nimirum gesta per Pontificem maximum Adrianum, maximum inquam scientia, moribus, & vita; in cuius pontificatu multa notatu digna contigerunt, qua pro penuria mei ingenii ex multis collegi; qua forsitan neminem pigebit legisse, præcipuè te præstantissimo antistite aspirante. Idcirco, patrone dignissime, te deprecor atque exoro tuum ne deneges favorem. Quod quidem minimè ambigo, eo maxime quòd cum clemens erga externos undique prædiceris, non dubito quin erga tuos familiares te placidum benevolumque præbeas. Quorum ex numero quamvis indignus, vices tuas gerens, in hac cancellaria & curia Toletana, te annuente, fui collocatus. Suffultus tamen auxilio divino, sub tua censura exactissimaque castigatione, ne longa præfatione sum molestè usus, rem ipsam adoriar.



INCIPIT

INCIPIT ITINERARIUM

*Adriani sexti Pontificis maximi per Blasium
Ortizium in Decretis Doctorem Canonicum-
que Toletanum ac generalem Vicarium sum-
ma fide collectum.*

SÆpenumero animo revolve an mihi liceret ma-
num admoveere ad scribenda gesta aut potius
itinerarium sanctissimi Domini Nostri Papæ Adriani
natione Flandri, quæ post assumptum in Hispania
pontificatum non sine labore & maximo dispendio
inivit. Certè haud parvæ causæ dissuadebant, quæ
hanc provinciam meis viribus imparem propulsabant,
nimirum imbecillitas ingenii, ac trivialis stylus &
mihi satis inusitatus ad componendum epistolium,
nedum ad rem tam gravem tamque sublimem, quæ
sibi Ciceronis exposcit ubertatem, Hortensij vim, &
Catonis gravitatem. Videbam insuper hujus ætatis ho-
mines nihil audire vel legere nisi expolitum & diser-
tum; nec quicquam eorum animis inhærere nisi quod
aures blandiori sono demulceat, non quod vulgate
sit, & quod alioqui possit inducere voluptatem. Qua-
propter per longam diuturnitatem, & forsan tutius,
silere decreveram. Sed impellebant maximè domesti-
ca familiaritas, acceptaque beneficia, & præcipuè hu-
jus Pontificis merita; si possem veritate comprimere
obtreptantiam linguas, qui perperam illius denigrare
nomen famamque satagebant. Et adeo eorum malitia
protenfa est ut ausu nefario sepulchro sic scribere
auderent. *Hic jacet impius inter pios.* Obstupescant
fauces talia proloquentium, adhæreantque linguæ pa-
lato eorum, qui solum vibrare linguas consueverunt
animi sui cotibus exasperatas. Verùm habet hoc ho-
minum perfidia, ut quos vel generis amplitudo vel

tui animi nobilitas conspicuos fecerit, non solum non reddat clariores, prout sapientium est hominum laudanda laudare, sed diabolica sagacitate horum obtenebrare lucem conetur. Insuper antiqui hostis invidia, quos improborum actuum perpetracione (Deo illi resistente) deicere non valet, opinionem illorum fallā ad præsens simulando dilacerat. Erat enim sanctissimus Pontifex vir clementissimus, extraque vulgi aleam positus; natura prudens, moribus temperatus, vita castus, humilis & effabilis, in prosperitate benevolus, omnifaria laude dignissimus, atque omnigena doctrina catholica refectus; quemadmodum opera ipsius demonstrant, & totus orbis proclamat. Quantus verò fuerit, ex ejus diversis studiis & elaboratis opusculis perfacile lector prudens intelligere potest; qui cunctis suorum temporum ingenii acrimonia animique sapientia atque doctrina sana præstantior ac copiosior fuit. Quid dicam cū singulis diebus vir religiosissimus sacra libaret? Multa quidem commemorare possem quæ ad rem pertinerent. Sed quonam temerario conatu præceps rapior, meæ tenuitatis oblitus? Sublimia illius laudis præconia sermonis inopia non tam attingere quàm attenuare nitatur. At veniam mereor, ne beneficiorum judicer inmemor. Quapropter etsi balbutiens, verā tamen describam (omissis temporibus peractæ jam provincie gubernationis Hispaniarum, ac inquisitionis generalis sanctissimi Papæ, ac cæterorum officiorum illi injunctorum; quæ omnibus jam pridem innotuerunt) sub invocatione divini favoris atque intemeratæ deiparæ virginis, ad quam humiles effundo preces, cum sinceritate & veritate rem ipsam aggrediens.

Vndecimo Calendas Februarii anni vigesimi secundi supra sesquimillesimum, cū essem Lucronis in palatio Episcopi Calagurritani domini mei Ioannis Castellanos à Villalva, cujus vices, quamvis inme-

ritus; tunc agebam, quidam ejusdem urbis stabularius ad me veniens ait: Noveris, provisor, quendam cursorem hodie apud me divertisse, qui mihi occulto referavit Dominum Adrianum Hispaniarum gubernatorem in Pontificem maximum electum fuisse; & hoc procul dubio scias. Quare hujusmodi prætextu exte impetrare volo aliquod munus mihi ab Episcopo domino tuo postules. Quod ego tanquam incertum domino meo familiaribusque ejus aperui, parum de re tam inopinata curans, cum tamen ille verum assereret. Nam cursor ille (ut compertum est) literas Domini Gerundensis Episcopi Romæ commorantis ad amicum datas deferrebat; quibus continebatur reverendissimum Dominum Adrianum Cardinalem Dertusensem, Inquisitorem generalem, in Christi Vicarium unanimiter à facto collegio creatum. Die verò ipso, ad solis occasum, nobilis vir Cæsaraugustanus Hyeronimus Artal cum aliis equitibus modo excursionis superveniens eadem assererat, nihil novi tamen perferens nisi ea quæ prædiximus. Et cum nobilis hic electionem palam omnibus divulgasset, tota civitas præ gaudio repentè concitata suos nuntios ad deosculandos novi Pontificis pedes destinavit; qui propter nivium altitudinem, ut ex infra dicendis apparebit, jussa civitatis explere non poterant. Interim verò totus clerus cum magna populi caterva in Ecclesias convenerunt, laudes Deo pro tanto beneficio exolyentes. Deinde in noctis crepusculo rem gestam latius apertiusque domino meo in lecto jacenti significavi; quem consului quid in hac re agendum videretur, quandoquidem eventus felicissimus in illius diœcesi prosperè successisset. Is ergo maturo consilio ad eum me mittere decrevit; dum ipse propter valetudinem id agere non posset. Qua de re ego ac nobilis ille Artal unà ire in civitatem Victoriam, ubi tunc noster residebat Pontifex, convenimus; egressique sumus ab

urbe Lucronii tertia vigilia noctis, montes de Vernedo versùs iter agentes; quos propter nivium copiam cum transcendere non possemus, ad oppidum de Oion oportuit nos redire. Et accepto ductore per aliam viam iter nostrum proseguendo, in municipium sancti Vincentii de Navarra, à Lucronio quinque sejunctum leucis, pervenimus. Deinde in oppidum de *la Puebla* prope noctem accedentes, refectio-
ne sumpta, continuò exivimus, itineris nivisque vastitatem prosequentes. Nobilis ille cum comitatu à me discedens, totam noctem laborans sub dio, inter nives non sine magno discrimine vitæ permansit. Ego autem post fatigationem acerrimam felicissimo casu per invia quasi cæcus per incerta fovendo exhortandoque pueros, de quorum vita formidabam, maxime cum ex eis quidam instanter precaretur ut eum mori sinerem, in oppidum tandem nomine Ariniz perveni. Sequenti verò vigesima quarta Ianuarii in optatam urbem Victoriam appulimus. Sed quia hæc ad rem propositam non attinent, sat est obiter tetigisse, ut ad gesta Pontificis describenda properemus.

I. DE REVOCATIONE *indultorum & expectativorum.*

QVam almus noster Papa materiam indultorum & reservationum expectativarumque exosam, ut sacrorum gnarus canonum, haberet, uti talem decebat virum, cum similes expectationes abhorreant jura, hac die mentaliter Cardinalium indulta revocavit; cujus revocationis publicationem matura consideratione in urbem distulit. Quod primum memorabile post notitiam electionis fecerat. Ob hæc & cetera hujusmodi, ut suis locis referemus, malevolentiam in Christi vicarium curiales conceperunt. Hinc annotari potest quanta fuerit vis consuetudinis. Nam

humanæ naturæ est ea quæ in usu non sunt, etsi recta & iusta sint, abhorrere, & consueta magna custodia diligere. Et provinciales semper magni faciunt consuetudines sibi servari. Nam quid iustius, sanctius, & honestius quàm jura custodiri? quæ vir sanctus pro viribus nitebatur defendere; curiales verò suo abusui inhærentes, quasi novam rem exécrabantur; ut fossan propriis suo loco deducetur.

Die verò vigesima quinta ejusdem mensis, illo amoris ardore videndi Pontificem affectus, sacrum palatium sanctitatis Domini nostri Papæ pedes deosculaturus petivi. Et casus prosperè post fortunam niviumque periculum successit. Nam cùm beatissimo patri & consiliariis sanctæ & generalis inquisitionis constaret me urbem illam adiisse, volentibusque à me tunc inquisitore Calagurritano de re certa informari, facilè aditus mihi paruit, qui vix aliis concedebatur. Pedes sacros tunc procidens deosculatus sum; ac quibus potui verbis legationem Episcopi domini mei animique lætitiā, quam ex re gesta susceperit, Pontifici indicavi. Qui vultu præclaro dulciter se offerens, gratias egit domino meo propter curam visitationis, mihiq; nuntio ob laborem; præcepitque ut rem præfatam inquisitionis exponerem. Et ante exordium narrationis, tanta erat humilitas sanctissimi viri, ut consiliarios meque tantillum hominem, etsi cum debita reverentia excusaremur, nullum verbum sua bonitate & clementia, oblitus se Pontificem maximum, audire voluit donec gradatim cōsideremus; ibique coram tanta majestate, Deo opitulante, à primordio causam exorsus sum. Qua finita, egressisque consiliariis, data opportunitate instantius supplicavi me inter suos familiares annumerare veller. Quod quidem distulit, affirmans se nullos alumnos antè quàm literas à collegio Cardinalium recepisset accepturum. Ego verò perpendens justam excusationem, & ne

tanto Pontifici molestus viderer, habita copia in hospicium redii, & quamprimum potui ad rationem reddendam domino meo reversus sum: qui, etsi oppressus morbo, laudes tamen omnipotenti Deo exolvit, magnam concipiens lætitiā propterea quod in sua diœcesi tantum decus & gloria Hispaniarum contigisset.

Et quamvis per aliquot dies de Pontificis electione ambigeretur, quod diu certus nuntius rei tam celebris moraretur, adest dies lætitiæ nona Februarii, quā vir nobilis quidam Hispanus ex Pincia Antonius à Studillo reverendissimi Domini Cardinalis sanctæ crucis à Carvajal Camerarius breve sacræ electionis detulit: qui satis expectatus propter ingentes nives, quales forsan multis retro annis non contigerant, portus transcendere nequirit. Cujus quidem adventu civitas illa merito appellata Victoria præ gaudium cum tota provincia, & post dies aliquot magna pars Hispaniarum, concitatur, undique veniens tantum visura Pontificem, deosculaturaque pedes; & in die numero plures hinc inde non secus quā apes ad alvearium, alii ad benedictionem, alii ad novum spectaculum, nonnulli verò ad propria negotia confluebant. Ego verò dum primum præfati Camerarii adventum cognovissem, concessa facultate à domino meo gratia familiaritatis impetrandæ citius felicem Victoriā adii. Et interim Pontifex almus hospicium mutaverat: qui cum primum in domo Ioannis à Bilbao hospitaretur, in cœnobium divi Francisci pro tempore mansionem elegit. Et tanta erat confluentium copia ut pro importunitate vitanda difficilius pateret aditus. Quod ipse læto animo amplectebatur, aut naturam patriæ imitando, aut propriæ inhærendo. Fugiebat nempe negotia, deditus secretioribus silentiis ad quem nisi Prælati vel magnatibus præclusa erat via, & in dies claudebatur.

tur magis propter crebras in recipiendis famulis molestias, quas ægrè ferebat. In negotiis autem gubernationis regnorum & sanctæ inquisitionis morem non mutavit. Immo consiliis assistebat, negotiaque suo Marte expediebat. Cùm autem considerassem quanta difficultate admittebat familiares, veritus sum palam eum alloqui. Attamen cùm opus esset mei testimonium dare, quandoquidem hujus causa illuc pervenissem, honestiori modo propositum aperui, licet cum anxietate & rubore, quia multorum repulsam intellexissem. Verùm clementissimus pater volens mihi bene facere, ut cuncti noverunt, me grato animo in suum Capellanum accepit.

II. DE ACCEPTATIONE *Pontificatus.*

HÆCenus beatissimus Dominus noster, cùm esset timorata conscientia, formidans tantum onus, non decreverat illud subire. Tandem maturo consilio, ut imminetia pericula evitaret, quarto decimo Calendas Mart, Missa ex more celebrata, pontificatum acceptare destinavit. Et quia naturæ suæ propensione negotia ipsi peragenda potius secretò quàm palam conabatur facere, tres tantùm ex multis ad actum celebre hujus acceptationis, scilicet magnificum Doctorem de Agreda & me indignum Doctorem Blasium Ortiz ab sanctissimo eodem patre postmodum Toletanos Canonicos creatos, & secretarium consilii generalis inquisitionis Aragoniæ Ioannem Garssam, virum satis egregium, elegit; iussitque intrare in cameram interiorum, præcipiens ostiariis ut neminem neque domesticum neque externum sinerent ad se ingredi. Vnde nos tanta novitate perterriti expectabamus, nos ad

invicem conspicientes. Cùm autem summus Pontifex in loco secretiori esset, hæc verba fatuſ est. Iamdudum intellexistis electionem à sacro collegio de me factam ; cujus testimonium attulit Camerarius reverendissimi Cardinalis à Carvajal ; cujus quidem acceptationem hætenus distuli , timens muneris tanti onus sustinere : quamvis non me lateat nihil esse in hac vita , & maximè hoc tempore , facilius & hominibus acceptabilius Episcopi officio , & præcipuè papæ , si obiter & ut hominibus tantum arrideat atque adulatoriè res agat. Sed nihil est quod periculosius homines suscipere debuissent , si arctissimam Deo reddendam rationem præ oculis mentis haberent , si non eo modo militetur quo noster imperator Christus præcipit. Sed quia suspicor ex repudiatione graviora discrimina universali Ecclesiæ imminere , ideo divino auxilio suffultus munus hoc sacrosanctum vobis præsentibus assumero statuo. Et quia ad hanc dignitatem sua inscrutabili præscientia me vocare dignatus est , spero illius gratia me idoneum ministrum evasurum. Atque hujus acceptationis peto à præsentis Notario fidem ; vosque testes rogatos volo , injungens vobis nemini rem gestam dixeritis. Et licet videar in meam commendationem præfata scripsisse , Deus est mihi testis quòd non mentior. nobis præsentibus duntaxat acceptasse pontificatum. Quæ delectio seu testimonium non parum extulit nos propter bonam fiduciam ac opinionem quam erga nos beatissimus Dominus noster conceperat. O felix Victoria tanto & tali Christi vicario illustrata , & , ut sic loquar , benignitate & bonitate plena. Tuæ provinciæ primas gaude. Postmodùm verò cum domesticis antiquis aliquot dies tamquam familiaris sum versatus.

III. DE PRÆPARATIONE
itineris & bellica expeditione.

INterea vero cum forsan à portatore brevis sacrae electionis simultates Italicas tyrannosque quosdam usurpasse nonnulla Ecclesiae municipia noster Pontifex intelligeret, naves parat ducesque nominat, exercitum colligit, quorum generalem creat Dominum Comitem Ferdinandum de Andrada. Et Dominus Inicus de Velasco Comestabilis & Dominus Fredericus Castellae Amiras ejusdem Pontificis in gubernatione Hispaniarum collegae, Imperatoris nomine obtulerunt ei quatuor triremes quarum Capitaneus erat Dominus Ioannes à Velasco. Qui cum, ut suspicor, intellexisset beatissimum Papam constituisse generalem ducem exercitus & navium praedictum Comitem, eumque sibi prætulisse, ne sub ejus imperio militaret, renuit cum illo ire; sed non propterea cessarunt abire triremes. Parat etiam supellectilem & omnia ad iter necessaria. Tandem peractis omnibus, quarto Idus Martii ejusdem anni ab urbe Victoria egreditur satis numerosa stipatus caterva. Nempe aderant gubernatores & multi magnates & nobiles; quamvis Dominus Amiras, tum propter debilitatem, quia gracilis & aeger, tum etiam quia nuper expugnaverant Galli oppidum Fuenterrabia, & cum hostes essent ad limina, ne omnes gubernatores partes illas deferrent, statim ad stationem reversus est. Comestabilis autem cum ceteris magnatibus & turba magnifice est comitatus beatissimum Papam in oppidum *de la Puebla*; ubi eò quod esset dominus oppidi, honorem quem potuit tanto Pontifici nixus est exhibere. Die sequenti in villam *de la Roína*, ubi erat palatium celebre impensis Domini Ioannis à Ve-

laſco quondam Epifcopi Calagurritani exstructum ; pervenit , ibique illa nocte requievit. Pridie Idus ejusdem mensis hinc discedens , in urbem divi Dominici , ejus sepulchrum sacrosanctum videndi avidus , cum magna pompa & solenni fuit ingressus , quæ quidem civitas caput est provinciae appellatae Rioja , nequaquam minima tanto decorata divo & defensore Dominico , nec non cathedrali Ecclesia ad invicem Calagurritanae unica , vulgataque ubique terrarum propter gallum & gallinam. de qua ob ejus ubertatem dicit adagium : *Si Castella eſſet vacca &c.* etsi hoc adagium in nostra Carpetania multis sit ignotum. In hac urbe permansit duobus vel tribus diebus. Interim magister Ioannes de Oria à fratribus Dominicis incusatus super certis propositionibus quas ipse defensare pollicebatur in concione publica , sed ob temporis angustiam in futurum terminandas beatissimus pater , ut suo loco assignabimus , reservavit. In urbem hanc Duc de Naiara venit deosculaturus beatificos pedes ; cui Comestabilis , extra civitatem egrediens , magna nobilitatis caterva occurrit. Et ambo alacres mutuò colloquentes , quamvis in locis illis fuerint capita factionum Ognezinorum & Camboinorum , semen antiqui serpentes , civitatem ipsam læti intravere. Deinde postquam ea reverentia qua debuit magnus ille Dux affatus fuerat sanctissimum Dominum , precatus est ut urbem suam de Naiara territoriumque visitare ac benedicere dignaretur. Et licet ob aeris intemperiem , qui , ut ferebatur , civitatem illam infestabat , alia via Lucronium adire decreverat , devictus tamen Ducis deprecatione , quoniam instantissimè eum exoraverat , in urbem illam munitissimam situ maris & castris cum suo comitatu conſcendit ; in qua obſonia sanctissimo Pontifici ejusque comitibus jussu Ducis fuerant satis laute parata.

Una tamen nocte Naiaræ moratus, die sequenti valde mâne Lucronium versùs proficiscatur. Et quamvis transiret juxta mœnia loci de Navarret, illum intrare renuit, hac forsàn de causa quia ibi in arce propter seditiones communitatum Zamorensis Episcopus detineretur. Etsi à multis flagitatus, noluit ipsum videre, contentus visitatione suo nomine facta per dilectum suum Doctorem de Agreda protomedicum.

IV. DE H Q N Q R I F I C A
receptione à Lucronensibus habita in Pontificis
adventu.

HOra autem nona ante meridiem Lucronium pervenit sejunctum parva intercapedine à Navarret. Urbs ipsa est amœna, intus & extra habens arbusa & vineta pulcherrima terramque feracissimam; quam percelebris Iberus alluit, & radices utriusque Cantabriæ veteris desertæ atque dirutæ, olim capitis provinciæ Cantabrorum, & novæ, quæ appellatur Lucronium; quæ cum antea Pontificis adventum præscivisset, multa ad ejus occursum paraverat sub hujusmodi forma, ordinans quidem pedites habitu & arte militari compositos numero sexcentos, necnon equites levis armaturæ trigenta aut quadraginta, qui suo more per gyros huc atque illuc vertentes currebant. Pedites verò bellico ordine suis sclopetris (ut verbo utamur novo Antonii Nebrisenfis in capite septimo de deditione Zamoræ Regi Ferdinando in ejus chronicorum libro quarto) plumbeos globulos jacentes, strepitum ingentem faciebant. Hos sequuti sunt clerus & populus solenni pompa. Et cum Papa ex itinere atque calore defatigaretur, hujus processio- nis ordinem prosequi, ne diù moraretur, noluit; sed

adorato crucis vexillo transiens, procere urbis & turbam præcessit. Tandem cum propius civitatem accederet, aderant strenui cantores in fornicibus arboreis ad exemplar antiquorum, tantum adventum celebrantes. Deinde cum magis appropinquaret, erant multa tormenta bellica, bombardæ, colubrinæ, serpentinæ, aliæque sulphuraciæ machinæ ignivomæ tam ex urbe quàm ex Gallis paulò ante, cum civitatem illam obsedissent, captæ, quarum tonitribus terra undique resonabat non aliter quàm si fulmina ex cælo caderent. Cum verò portis instaret, tanta erat hominum turba ut nec muri nec campi eam capere possent, ut vix Pontifici maximo aditus pateret. Nec mirum, quoniam ad spectaculum novum ex Navarra & Celtiberia aliisque diversis locis convenerant. Et cum jam, licet difficile, introiret, quia multitudo in eum irruebat pedes ejus deosculatura, per viam tapetibus & aliis pannis pretiosis magnificè ornatam usque ad hospitium reverendi patris Roderici de Cabredo sui hospitis pervenit. Et quamvis subtili ingenio alii fornices existebant quibus comœdia tanto viro digna declamatoriè repræsentabatur, tamen ipse obtusis auribus pertransiens, in palatium honorificè receptus est; ibique duos aut tres dies demoranti decuriones splendide victum necnon familiæ necessaria exhibuere. Hinc in oppidum de Alcanadrè profectus, ibidem pernoctavit. Die proxima, hora nona, in antiquam urbem Calagurrium receptus solenniter cum mimis & larvis aliisque hujusmodi ludis, jucundè comitatus in Ecclesiam cathedralem, ubi beatorum Emeretii & Celedonii corpora requiescunt, & postmodum in domum venerabilis Archidiaconi Calagurritani pervenit. Et admodum reverendi Decanus & Capitulum ipsius almæ Ecclesiæ in recognitionem domini duas aut tres mulas egregiè phalo-

fatat Pontifici sunt elargiti, intellecta apostolicæ cæ-
meræ indigentia, quæ, ut inferius dicitur, expoliata
suis pretiosis pignoribus, quasi deserta permanfit,
aliaque cumulatiora munera præstituri si valuiffent
subvenire tantæ neceffitati, tamen pro itinêris sub-
fidio libentiffimo animo illa parva dona contulere:
quæ non ut parva, fed ut magna, accepta funt à
beatiffimo Domino Nostro potiùs qualitatem quàm
quantitatem confiderantè. Prope mœnia hujus ur-
bis Iber præterfluens, ad partem orientalem per-
transit. Ex parte australi rivulus quidam illi magis
accommodus eam abluit riganfque fegetes & pra-
ta. Vna tamen die fanctiffimus Pontifex manfit in
hac civitate; ex qua profectus contulit fe altera die
in municipium belligerum de Alpharo & loci fitu
& hominum ftructura munitiffimum; quod etfi cir-
cumvallatum oppidis & villis regni Navarra, tam-
quam figniferum Regis Castellæ permanfit; ubi
fronte hilari tormentis ignivomis aliifque fignis læ-
titia lætanter exceptus eft. Et hinc Duc de Najara,
qui Pontificem comitatus fuerat, tibicinibus di-
miffis in Pontificis ministerium ad propria rediit.
Noster tamen Pontifex iter profequens in Tudelam
civitatem Navarra, juxta quam idem Iber decurrit,
fufceptus eft non minore lætitia & folemnitate quàm
alibi. Ibique Decanus Tudelenfis hofpes Pontificis
fumptus magnificos præ ceteris exhibuit. Hem Tu-
delam miseram, quondam pulchriorem ceteris Na-
varræ urbibus, factam deformem, postquam juffu
magnificentiffimi ac illuftriffimi Cardinalis Domi-
ni Francifci Ximenez Archipræfulis Toletani & Hif-
paniarum gubernatoris muri diruti funt, arxque cor-
ruit; ut meritò de illa dici poffit: Quanta qualif-
que fuerit, ipfa ruina docet. Gemebant enim incolæ
profpicientes deformitatem, qui antea viderant per-
celebrem & illufrem. Quam tamen Iberi impetus

lætificat, quæ terram latam arboribus continet virentisque cultam. Huc Prorex Navarra Comes de Miranda cum multis proceribus ad deosculandos pedes sacros Pontificis, eadem die Pampilonam reversurus, advenit. Et cum Tudelæ Christi vicarius duobus recreatus esset diebus, propositum iter non intermittens, in oppidum de Mallem devenit. Die sequenti in villam de Pedrola Domini Comitis de Ribagorça abiit; ubi comiter exceptus est. Ac fortè cum Comitis conjux nuper filiam peperisset, humanissimus Pontifex in sacro fonte illam abluit, Adrianamque illi nomen imposuit; & tam prætextu adventus novi quàm gratia natæ filiæ celebrata sunt festa plurima; & Mauri chorizantes exhilaravere Pontificem. Die verò sequenti nostro almo aurigæ Cæsaraugustam versùs proficiscenti novem miliariibus Vicerex Aragonum cum suo satellicio & tribunibus insigniisque regalibus occurrens, multis militibus associatus, pedes sacros deosculatùm advenit. A quo loco in Cæsaraugustam usque gregatim hic inde visuri Pontificem homines confluebant, cum re ac cognomine maximus esset; adeoque iter totum occupatum erat populo ut nihil aliud quàm hominum offendiculum haberes. Et jam prope meridiem quarto Calendas Aprilis, æstuante calore, in palatium extra muros civitatis, vulgò Adiaferia appellatum, mitificè ornatum, divertit.

V. DE CELEBRI INGRESSU

Pontificis in urbem Cæsaraugustam.

Post aliquot dies hoc ordine beatissimus pater ingressus est urbem. Comitum & aliqui nobiles cultu & castibus expoliti, quos potius principes quàm magnates judicantes, sanctissimum patrem in sua pontificali sede deferabant. Hos præcedebat

clerus & populus cum crucis vexillo; quem ordo equeſter cum nobilibus regni poſtmodum ſequēbatur; & tanta erat turba huc & illuc divagata ut non liceret ultra-neque citra moveri; atque non parvo labore potuit arceri, quia omnes volebant tangere pedes ſanctiſſimi patris. Nec admirandum ſanè, cum ad hoc ex diverſis locis conveniſſent. Denique vix teſtudineo, quod aiunt, gradu ingreſſi ſunt urbem; ubi gravior labor & preſſura, quia viæ ſtriſtæ non ſinebant nos præ multitudi- ne incedere. Tandem longa graviſque preſſura in baſilicam Cæſarau- guſtanam ingreſſus, facta oratione, abſque mora ad Archipræſulis palatium divertit, ut tantam fugeret turbam, eademque elabente die reverſus, ad ſuum percelebre hoſpici- um ſe contulit.

VI. DE BENEDICTIONE

ſolenni palmarum per Pontificem facta.

Dominica verò quæ dicitur in ramis palmarum, ut morem Eccleſiæ paſtor univerſalis obſervaret, intra palatium ſolenniter, ut Romæ fieri ſolet, cum pompa ramos benedicere ſtatuit, diſtribue- reque adſtantibus. Et per ſecretiora loca paucis comitantibus ad benedicendum populum in eminen- tiorem partem palatii aſcendit. Aderat enim tanta hominum copia munus ſuſceptura ut magis admi- randam quàm numerandam eſſe cenſuerim. Mea quidem opinione plures conveniſſe quàm Romæ crediderim. Quod contingere ideo potuit quia om- ne rarum pretioſius eſt. Natura enim ſumus novi- tatum cupidi, cum ipſa ſemper aſſueverit novas edere formas. Et quia Romæ frequentius ſimiles ſunt benedictiones, facile eas urbani contemnunt. FERIA ſecunda majoris hebdomadæ, majoris inquam, quia in ea majora chariſmata celebrantur, ſcilicet

institutio dominici corporis, ac passio salutis & redemptionis nostræ, ex qua sacramenta fluxere, religiosissimus piissimusque pater, ut opere & exemplo oves suas instrueret, in monasterium sanctæ Engratiæ ordinis divi Hieronymi secessit, abstinens à negotiis; quæ licet expediri oporteat, his tamen diebus usque in octavam resurrectionis secundum juris dispositionem debet ab eis conquirere; cujus non ignarus Pontifex, ut liberius divinis vacaret, ad octavam Cal. Maij ibi permanfit.

VII. DE PROMVLGATIONE regularum Cancellariæ ac creatione officialium.

PRima verò die Maii regulas Cancellariæ à se noviter editas in metropolitana Ecclesia publicè & solenniter promulgari iussit; per quas omnes reservationes & expectativæ, ut in ipsis continetur, revocabantur; atque à die illa negotia undecunque sub anulo (quamvis ab aliquibus esset dubitarum utrum Papa ante coronationem facere pollet) expediebantur. Quod jure ambigeretur, nisi extravagans Clementis quinti postmodum emanasset, quæ omnia per electum Pontificem absque coronatione geri disposuit. Et ne ab aliquibus dubitetur, dignum duxi huic opusculo eam inserere; cujus verba sunt. *Quia nonnulli, prout accepimus, contra doctrinam Apostoli, suæ prudentiæ quàm potius imprudentiæ innitentes, ac disceptare super his quæ non expediunt eis satagentes, asserere non verentur quòd summus Pontifex ante suæ coronationis insignia se non debet intromittere de provisionibus, reservationibus, dispensationibus, & aliis gratiis faciendis, nec se in litteris Episcopum simpliciter, sed electum Episcopum scribere, nec etiam uti bulla in qua nomen etiam exprimatur ipsius, nos talium*

Verant etiam
apud Odor.
Raynald. an.
1307. 9. 27.
& lib. 6. Extravag. com.
tit. 10.

lium temeritates compescere cupientes, singulos qui occasione huiusmodi aliquas litteras nostras super negotiis quibuscunque confectas, quæ à nobis ante coronationis nostræ insignia emanarunt, ausi fuerunt impugnare, excommunicationis sententia innodamus. Datum apud Pessacum Burdegalensis diocesis anno secundo. Et cum ita cautum esset ut causæ confluentium ad curiam citius expediri possent, Dominus Noster supplicationibus examinandis ac negotiis agendis quatuor duntaxat, reverendissimum inquam Dominum Ioannem à Tavora tunc Civitatem Episcopum integerrimum patrem, qui postmodum Archiepiscopus Compostellanus creatus est atque consili imperialis præses, necnon tituli sancti Ioannis ante portam Latinam Cardinalis bene meritus, postremo verò Toletanus Archiepiscopus ac Primas dignissimus, & Hispaniarum gubernator, Inquisitorque generalis, ac post hunc Coldefançâ Doctorem dudum in Dertusensi episcopatu ipsius Pontificis vicarium, doctum & in stylo curiæ satis expertum, necnon Didacum de Paternina Canonicum & Abbatem sanctæ Piæ in Ecclesia collegiata civitatis Victoriæ, & me indignum Doctorem Blasium Ortiz in rebus illis, parum expertum præfecit. Qui singulis diebus ad videndas supplicationes iussu Pontificis conveniebamur, cum eo communicari quæ nobis viderentur concedenda aut deneganda. Huic quadrum viratui additus fuit præscripto sanctissimi Patris Auditor Cameræ superveniens, homo egregius & in rebus curiæ conspicuus. Designavit præterea Datarium Magistrum Theodoricum ipsius secretarium, virum timoratae conscientiae, qui benigna quadam & dulci conversatione studiosus virtutis omnes confovebat. Regesto verò Petrum de Roma Flandrum, intractabilem & inexorabilem hominem; cuius intuitu expeditionem gratiarum, si difficile à Pontifice, difficilius ab eo impetrabantur. Tantæ verò

difficultatis eam causam potiore esse conjicio quòd prudentissimus pater sancto zelo largas & faciles gratias Leonis feli. re. sui prædecessoris non approbaverat, qui sua largitate omnibus petentibus se liberalem exhibebat. Et ista expeditionis acerbitas ab exordio pontificatus adeo in dies crevit ut usque ad obitum Pontificis perduraverit.

VIII. DE NUMERO PRÆSVLVM
ac illustrium virorum Pontificem
comitantium

IN hanc itaque inclitam urbem Cæsaraugustam tam prælatorum quàm illustrium & nobilium virorum copia magna convenerat; quos ne sub silentio præteream, obiter resensere conabor. Et quia jure ac ratione ecclesiastici sunt præponendi, potissimum in pontificia curia, ideo in ordine Prælatos prætuli. Quorum primus erat illustrissimus ac piissimus Dominus D. Alphonsus à Fonseca Archiepiscopus Compostellanus, postea Hispaniarum Primas creatus: qui jussu Pontificis de prudentia ejus ac maturitate confisi Valentiam urbem pacandam suscepit, quæ in Cæsarem ob tumultus communitatum rebellaverat; quam tamen ad ipsius obedientiam reducere nequivit. Causas verò, quia extra propòsitum argumenti sunt, aliis scriptoribus relinquamus. Aderat etiam reverendissimus ac per quam illustris Dominus Archiepiscopus Rosanus Dominus Ioannes à Fonseca Burgensis, Prælarus maturo consilio notabilis. Vterque ex celebratissima prosapia Fonssecorum oriundi erant. Intererat insuper Archiepiscopus Cæsaraugustanus, ex regali propagatione originem trahens; atque Archiepiscopus Montisregalis, ex familia inclita Ducis de Cardona, etiam ex stirpe regia oriundus. Et Dominus Didacus Ramirez de Arellano Episcopus Con-

chenſis, vnde literatura ſingulari, &, ut fertur, generoſitate præcipuus, ex clara progenie Dominorum de Arellano. Necnon Dominus Federicus de Portugal Epifcopus Seguntinus, ſtrenuus prudentia, & nobilitate præclarus, qui etiam à Regum proſapia ducebat genus. Atque Epifcopus Lucenſis, ad præſens in conventu iudicio Granatenſi ob merita & literarum peritiâ præſes. Ac Dominus Didacus de Ribera Præſul Segoviænſis, ex familia inſigni atque illuſtri Dominorum de Silva Toletanus. Aderat præterea Dominus frater Franciſcus Ruiz Abulenſis Epifcopus ordinis minõrum, Toletique ortus, omni virtute & venuſtate plenus. Adfuit etiam Epifcopus de Pari, ſatis nobilis vir; necnon Epifcopus Ilerdenſis, literis & experientia præcipuus; atque Orſcenſis Epifcopus, ex familia Dominorum de Vrrias; ac Dominus Epifcopus Scalenſis Canonicus & Archidiaconus Hiſpalenſis, in dictando & loquendo æquè Carpetanam ac Latinam linguam ſatis elegans. Et per quam magnificus Dominus Garſias Loayſa in ſacra pagina Magiſter laureatus, ordinis Prædicatorum Generalis, & conſiliis ſacroſanctæ Inquiſitionis præſectus, ex inſigni genealogia, ut cognomen ejus indicat, temporis ſucceſſu Epifcopus Exomenſis, atque Imperatoris conſcientiæ ſcrutator ac auditor, poſtmodum verò ad Eccleſiam Seguntinam promotus, adeptus cardinalatus apicem, tractu temporum Hiſpalenſem obtinuit ſedem, Inquiſitorique generalis officium, cum omnibus conſiliariis & miniſtris ſancti officii inquiſitionis; cujus conſultores tunc aderant, videlicet Doctõr Manſo, qui poſtea Epifcopus Pacenſis, & deinde Exomenſis Præſul, ac regiæ cancellariæ Pintianæ præſes, & Licentiatus Maquecos Canonicus Toletanus, & Licentiatus Polancus, & Dominus Licentiatus de Aguirre; quorum noviffimi duo erant etiam ſenatus Imperatoris conſilarii, qui tam

nobilitate quàm literis hos dignitatis gradus optimè meruerunt. Huc etiam jussu Pontificis Dominus Magister Gaspar de Avalos, ex antiquo & claro genere illustris familiæ de Avalos, Carthaginensis Canonicus, postmodum Guadixensis Episcopus, deinde Granatenſis, demum Compostellanus Archipræſul creatus, tituloque cardineo decoratus, accerſitus advenit; quem propter eminentiam litterarum propriaque merita ſecum ducere cupiebat (quod rarò aut nunquam fecerat) noſter Pontifex. Ille tamen juſtis excuſis, honeſtiori modo ſubmittens ſe ordinationi Papæ, excuſatus ad propria redire decreverat. Adfuit Dominus Licentiaſus Franciſcus de Herrera Canonicus Toletanus ac in baſilica Toletana regionum ſacellanorum præſectus, qui deinde fuit Archiepiſcopus Granatenſis ac conventus juridici præſes. Et Dominus Rodericus de Mendõça, filius Comitis de Caſtro, poſtmodum Decanus creatus Toletanus, & Salmaticenſis Epicoſopus. Aderant præterea ex ordine equeſtri multi illuſtres viri, videlicet. prædictus Dominus Amiras Caſtella, qui licet ſtatura puſillus, virtute ac ſtrenuitate præclarus, ac Marchio de Villena magna ſuorum conſanguineorum & familiæ valatus caterva, atque Duc de Luna, & filius ejus Comes de Ribagorſa, necnon Comes de Saſtago, & Comes de Belchite; & Dominus Ferdinandus de Sylva Toletanus, capitaneus cuſtodie Pontificis, Commendatarius de Horos & de Guadalherca ordinis ſancti Benediſti nominati de Calatrava, quam Oretum antiqui dixere. Et ejus nepos filius Domini Ioannis de Ribera Marchionis de Montemaior; ac Blaſius Cavullero re & nomine ſplendibus Eques, Canonicus Toletanus; & Ioannes de Roias ejuſdem Eccleſiæ Canonicus, ex nobili proſapia & ſæcunda de Roias. Necnon Ioannes à Hurtado conſobrinus Domini Roderici Tenorio Canonici Toletani; cum multis nobi-

libus utriusque Hispaniæ, nomina quorum, ne prolixitate displiceam; sub silentio prætereo. In hanc præclatam urbem se contulit perquam illustis ac reverendissimus Dominus Cardinalis Cæsarius vices sacri collegii gerens, de quo inferius habendus est sermo, & quidam Episcopus Vngariæ regni valde doctus; cujus diocæsis cùm invaderetur à Turcīs, velut pastor sine grege abactus, ad Pontificem supplex confugit; cui præfatus Dominus Episcopus Conchenſis hospitium & victum magnificè tribuebat, tum propter indigentiam illius ac dignitatem, tum etiam propter cladem & excidium quod passus est. Quis enim ejus non miseretur, qui ex divite pauper, ex incola exul errabat, cùm inter omnes adversitates infelicissimum infortunii genus sit fuisse felicem; præsertim cùm fuerit senex probus & eruditus. Et cùm pacificus noster Papa vellet omnia inter Reges Christianos pacare bella & seditiones, quas frequentes ebullire videbat, hunc probum virum Vngariæ Episcopum in Franciam, Angliam, & alias regiones ad pacem componendam misit; frustra tamen, cùm nullus inde effectus concordie manaret. Huic benemerito Episcopo viaticum & alia dona tribuit magnificentissimus Præsul Conchenſis, qui omnibus affluenter munera conferebat. Ceterum, ut ad institutum redeam, tanta hominum varietas occurrebat ad videndum Pontificem & ad negotia expedienda ut nemo prorsus explicare posset. Ideo, ne insensu lectoribus judicer, his supersedendum cenſeo. Et quamvis negotia instarent ac temporis angustia ad iter agendum urgeret, non immemor fuit claviger fidei earum propositionum, quarum accusabatur Ioannes de Oria. Assignata itaque die, Pontifice nostro pro tribunali sedente & libram, quod aiunt, & pensum in utraque manu ferente, astantibus multis viris theologia laurea decoratis, proponuntur conclusiones

in quibus Magister ille de Oria, ut intelligere potui, cum expeditior ab eo expectaretur defensio, in publica disputatione succubuit. In qua magna & illustria de nostro doctissimo Pontifice dicta sunt præconia, & meritò; quoniam qui honore præstantior erat, alios scientia præcellere debuit; quemadmodum turpe esset quempiam imperare qui in omni genere virtutis subditos suos non antecelleret. Et quia discussio dictarum propositionum palam in sacro palatio fuit habita, non opus est singula quæque referre, cum se res ipsa indicaverit. Hoc ultimum memoria dignum Cæsaraugustæ peractum est, licet multa alia digna contigerint quæ perlongum esset ac fastidiosum per- scribere.

IX. DE DISCESSU A

Cæsaraugusta Dertusan versùs.

AB hac illustri & amœna urbe, quam prædictus Iber præterfluit, tertio Idus Iunii ejusdem anni sanctissimus noster Pontifex magna stipatus turba Dertusam versùs progreditur. Et quia interjacentes vici erant parvi & virorum copia magna; diversis itineribus in illam concedere coacti sumus. Et hac die in oppidum de Pinna sex luceis à Cæsaraugusta se- junctum devenimus; ubi illius dominus Comes de Sastago esculenta & copulenta copiosè omnibus sine discrimine donavit illac iter agentibus. Die proxima per villas ignobiles in oppida de Caspi & Favera beatissimus pater se conferens, sequenti die per alia parva loca obiter transeundo per partes clivosas non parvo labore vigilia sacratissimi corporis Christi ad Dertusensem civitatem appulit, quam alluit prædictus annis; in eamque per ligneum pontem ingressi sumus. Hic primùm humanitatis morumque diffi- dium experti sumus, cum in Castella mitissimè, in

Aragonia piè tractaremur. Hospitatusque est Pontifex in episcopali palatio. Die verò sacratissimi corporis Christi summus Christi vicarius ipsum corpus Christi Prælati comitantibus, cum multis deauratis equitibus innumeraque caterva, quasi alter David religiosissimè cum spiritali gaudio suis manibus deferebat; expletaque solennitate, ingenti comitatu ad palatium est reversus. Hæc autem civitas etsi aliquo modo videretur in lætitiâ concitata felici tanti pastoris adventu, non tamen eo modo quo in regnis Castellæ & Aragoniæ suscepti sumus. Aliter enim victitant Catalani, quorum mores multum differunt à nostris. Ductor verò noster vigilanter agens, tam in negotiis expediendis quàm in classe paranda operam navabat. Et cum navigationis tempus instaret, velletque in his locis suas vices committere, Nuncium apostolicum reliquit Dominum Bernardinum Pimentel virum illustrem, sinceri animi, vividæque mentis, conjugatum tamen, rem sanè novam hominem secularem apostolicum creari Nuncium, Sed Papæ lex imponi non potest, cum omnia jure possit. Attamen ipsius Domini Bernardini probitas & honestas omnium ora occludebat. Tanta verò erat aviditas Pontifici nostro visendi limina Petri sedandique Italiam, quæ tota seditionibus & factionibus agitabatur, tanta denique erat illi anxietas suum munus obeundi ut neque Imperatorem nostrum Cæsarem, quem ipse tamquam filium educaverat, quamvis certior de ipsius in Hispanias adventu factus esset, expectare voluerit. Itaque hujusmodi negotiis intendens, usque in octavum diem Julii in illa urbe commoratus est.



X. *INCIPIT NAVIGATIO*
Adriani sexti Pontificis maximi.

Cum beatissimus pater commoraretur in illa bene fortunata tantoque decorata Pontifice Dertusa, cui ipse paulò antè præfuerat, & tempus navigationis instaret, quasi repentino motu hora ferme tertia post meridiem, die Martis, octavo Idus Iulii ejusdem anni, nimio æstuante calore, egressus est in portum memoratu dignum, qui vulgò dicitur de Ampolla, à præfata civitate quatuor leucis distantem, non tamen tali ac tanta stipatus caterva quanta tantum stipari Pontificem oportebat. Nemo enim tam intempesta hora ipsum abiturum arbitrabatur. Itaque cum fama ad aures omnium pervolasset, videres Archiepiscopos, Episcopos illustres ac nobiles per invia & inaccessibleia arbusta & rupes pererrare, suum beatificum ducem ac aurigam (mirabile visu) assequentes. Et ne longa præfatione fastidiosus videar, magna pars comitatus ad prædictum portum in noctis crepusculo pervenerat; ac expeditè sanctissimus pater cum sua insigni & præclara familia triremes ascendit; quæ licet numero octo cum scapha vulgò vergantin appellata, principem Ecclesiæ festivè receperunt suis tormentis ignivomis, ut moris est. Hic beatissimus pater in sequentem diem ob temporis intemperiem permansit. Recreationis tamen causa paucis comitantibus ante solis occasum eodem die quo illuc apulimus in littora exiens, dum eiscæ parabantur, huc & illuc deambulabat. Post cœnam in sua navigia reversus est. Namque ab hora quarta noctis haud parvo remigum labore totam noctem navigavimus.



XI. *INGRESSVS DESCRIPTIOQVE*
urbis Tarraconensis.

Tertia verò hora post solis ortum sexto Idus Iulii adivimus Tarraconem. Ceterùm beatissimus Pontifex, quamvis ex navigatione aliquantulum fatigatus, suæ laudabilis consuetudinis, quam multis retro annis observaverat, memor, priusquam urbem ingrederetur, in cœnobium divi Dominici extra muros Missam celebravit. Interea autem clerus & magnates urbis cum plebe accingebantur Christi vicarium recepturi; quem non parva solennitate & jocularibus pompis in suam introducere antiquam & celebrem civitatem Ecclesiamque arte & ingenio illustrem, in qua cùm orationem prælibasset, ad Archipræsulis properavit palatium, ubi non segniter se gerens in negotiis expediendis classeeque paranda, quam aliquandiu demoratus expectavit, necnon centuriones missos ad milites conscribendos, ut similitates tumultusque Italicos pacaret, præstolatus est; quorum gesta breviter suis locis recensebimûs. Nos tamen cùm essemus in procinctu navigationis, à negotiisque aliquantulum vacaremus, hanc urbem & ejus antiquitatem & provinciam describere non ab re fore putavimus. Erat enim ista inclita civitas quondam Romanorum emporium caputque provinciæ Tarraconensis juxta veterum descriptionem ferme duplæ ad Hispaniam ulteriorem. Hanc urbem Romani quasi propriam stationem sibi vendicabant. Quorum monumenta ac litteræ in eis sculptæ, atque colosseum ad Romani amphitheatri exemplar, sunt evidens argumentum. Hæc meridiem versùs ad mare nostrum adjacet. murorum ambitu & situ satis munita; licet tempore quo floruerat, numero inhabitantium copiosior fuerit; ut ex ipsa murorum ruina perpenditur.

Causam verò depopulationis non aliam quam defectum aquarum fuisse arbitror, id quod vetustæ cisternæ, unde aqua pluvialis hauritur, ostendunt. Continet præterea Ecclesiam Canonorum regularium jam prædictam, cui subsunt sex episcopatus, Barchinensis, Ilerdensis, Derdulensis, Vrgelensis, Gerundensis, & Elnensis. In hac nonnulla corpora & sanctorum reliquæ coluntur. Est etiam domus quædam conventualis satis insignis, ubi antiquitus regulares vescebantur Canonici, quæ veterem magnificentiam urbis demonstrat. His delibatis, interrupta resarciamus. Cum animus itaque Pontificis esset quàm brevissimè transfretare ac visere Apostolorum basilicam, post longam tandem navium, triremium, militumque expectationem, in die festivitatis intemeratæ virginis, quæ ob nivis miraculum celebratur, ad portum omnes convenerunt; tantaque fuit sanctissimi patris lætitia ut eadem die perfolutis in æde sacra vesperorum solennibus, quibus ipse interfuit ut exemplo suo non instrueret, non minori pompa & jocunditate quàm fuit receptus ad littora progredirur. Tantum verò tota illa ora maiestima resonabat strepitu bombardarum & murmure suum Pontificem conspicientium ut nemo ferme posset quæ agebantur perpendere. Et priusquàm summus Pontifex triremem conscenderet, magnatibus & notis talia fatur. *Quas laudes Domino nostro Iesu Christo exhibere debeamus, nec mens concipere nec lingua exprimere potest. Multa quidem & antea meminimus à larga Dei manu recepisse, ac innumerabilia circa nos ejusdem beneficia confitemur; pro quibus nec meritis quidem gratias egimus, nedum retulisse cognoscimus. Pre omnibus tamen hoc quod nunc omnipotens Deus pro sua benignitate & clementia in nos conferre dignatus est, omnium hominum sensus excedit. Nunc verò post tot tantaque beneficia qua nobis divinitus contulit, illud de Domini*

nostri misericordia speramus, votisque omnibus deprecamur, ut omnes oves commissas firmas & illas ipse custodiat, nosque faciat eas secundum suam voluntatem & beneplacitum firma & inconcussa fide gubernare. Quod etiam deprecantes, suffulti precibus deipara virginis exoramus; ut quicquid pro virium capto non valeamus, ipse Deus suo nomine dignum efficiat. Hæc cum dixisset, comiter ab illis quos diutina conversatione & suavi eloquio demulserat, tristitia quadam se expedit; & gratias pro tantis laboribus agens, mari licet fluctibus concitato se commisit. Nobiles verò qui illum fuerant comitati, per diversa itinera domum se contulere, illos felices esse proclamantes qui sanctissimum Pontificem assequebantur, reliquos verò infortunatos. Deus tamen secretorum cognitor, qui non humano discernit iudicio, aliter disposuerat; ut inferius demonstrabitur. Ceterùm nonnulli ex familiaribus non existimabant sanctissimum Papam die tam solenni navigationem inchoaturum, quoniam hæc non palam divulgabantur, propterea opinor quia non erat in animo Pontificis tanta stipatorum turba onerari, ideoque aulica comitate in Hispaniam volebat eos dimittere. Vidisses multos ignavos, testudine, quod aiunt, pigriores, ad littora errantes; quorum alii in patriam remearunt, alii difficulter ad triremes pervenere; quos tamen ideo Pontifex non evocandos curaverat quia nimia importunitate eos admiserat, tum etiam quia formidabat triemes non posse tot hominum copias capere, quæ magnatibus patriciisque viris repletae jam fuerant. E quibus primus & præcipuus erat Cardinalis Cæsarius ex priscorum Cæsarum præclaro sanguine oriundus, ut suo cognomento demonstrat, patria sanè Romanus, qui, ut prædiximus, à sacro Cardinalium senatu ideo in Hispaniam missus fuerat ut eorum nomine maximo nostrati Pontifici reverentiam debitam

exhiberet. Necnon Lupus Hurtado vice imperiali in hac navigatione fungens. In urbe tamen alius creatus fuit, nempe Dux Suesanus Comes de Cabra. Atque illustris orator Regis Anglorum, ac ambasciator Mediolanensis, Ducisque Ferrariæ legatus. Et Episcopus Feltrensis. Quos quasi præcipuos ex omnibus segregare volui, quia perlongum esset omnium nomina recensere. Naves autem centuriones cum exercitu & innumera turba conscenderunt; in easque etiam vasa argentea ceteraque Pontificis suppellectilia congesta sunt. Et omnibus ferè in navigiis receptis ante noctis crepusculum, mare gravius æstruebat. Propterea aliquantulum à littore nos oportuit discedere; & portum versùs appellatum Solon tribus hinc millibus passuum distantem tendere.

XII. ILLUSTRIS ADMISSIONE *Pontifici à Barchinonensibus facta.*

DEnique æquore sedato, iter prosequentes, labore astrictorum hominum in triremesque damnatorum Barchinonam hora quarta post meridiem sequentis diei accessimus. Hæc civitas, inter alias Cataloniæ præcipua, non minore ovatione quàm reliquæ universalem pastorem voluit recipere. Struxit namque pontem ligneum ab aqua ad terram usque protræctum, tapetibus pretiosis ornatum, ut decebat maiestatem pontificiam, & urbis magnificentiam, quò venustiss in præclaram illam ac pulchram urbem intraret. Noster tamen Pontifex cum hinc inde tantam vidisset ad hoc spectaculum in ipsum pontem concurrentium turbam, suspicatus effractionem, renuit illum ingredi, & terrestri gressu civitatem cum pompa percelebri aliisque signis lætitiæ adiit, & ad Ecclesiam augustiorem veniens, in qua corpus beatissimæ Eulaliæ in

facello subterraneo subtus altare reconditum est, oratione ad Deum fusa voluit regredi ad sua navigia; sed ingens & repentinus imber obstitit. Quamobrem remanere coactus, ab Archiepiscopo Tarraconensi, qui tunc illius provinciae Prorex erat, convivari sustinuit. Ministri autem alii in navigiis, alii in urbe quieverunt. Et intempestæ noctis conticinio ecce bombardarum tonitrua, quibus non minùs infirmi quàm supremi ordinis homines vocabantur ad triremes. Nam illud signum omnibus erat commune; neque quisquam, ni statim adfuisset, expectandus erat. Qua de causa multos ex familia Pontificis, tum ob horam importunam, tum ob celeritatem navigationis remansisse suspicor; quorum aliqui postea in navibus militaribus in Italiam evecti sunt, alii verò cum neque naulum persolvere possent, neque victum haberent, ad sua redierunt. Et licet fuerit magna pressura ascendendi navigia, solliciti lintribus & scaphis ad suas triremes opportunè pervenere. Secundo vento die Iovis ad portum de *sant Felis* hora vespertorum concessimus. Sanctissimus verò pater cum primatibus in oppidum descendens, visitata Ecclesia, ad cœnobium monachorum quod propè aderat cœnatum veniens, statim se contulit in triremem, & classe quamprimùm aptata, in portum cognomine sancti Pauli perveniens, ibi pernoctavit. Et licet portus de Palamox sit ceteris celebrior, quia tamen peste laborabat, intactum reliquimus. Die Veneris adveniente luce, navigatione continua ventum est ad portum qui dicitur *la cala de Calella* distantem novem milliariis, quò triremes convenerant; nuntiatumque fuerat quædam navigia cum duabus biremibus, quas fustas appellant, propè adesse. Quapropter oportuit navigationem subsistere quousque per exploratores veritas patefieret. Qua cognita intrepidè hora tertia post me-

ndiem profecti, post solis occasum venimus in portum cognominatum de Rosas; ubi illa nocte quievimus. Et proxima die magna navigantium copia ad divina audiendā reficiendumque corpora in prædictum locum de Rosas concessit, propterea quod classis uique ad meridiem non esset discessura. Hic portus situs est in Emporiis, vulgò *Lampurdan*, feracissima provincia Cataloniæ, in qua proscripti, qui vulgò dicuntur *delats*, & possunt appellari pro-fugi, versantur. Cujus provinciæ caput est Gerunda, quam Gironam dicimus. Prædicta hora opposito vento lacertis remigum, maritimam oram legentes, juxta oppidum Cadaques transeuntes, levi cursu perdivimus promontorium nuncupatum. *Cap. de Creus*. Vulgò significat *Cabo de Cruzes*.

Turbat hoc loco Ortiziùs. Nam solventibus à portu Barcinonensi primum occurrit portus sancti Pauli, deinde Calella, postea portus sancti Felicis Guixalencis, quarto portus de Palamos, quinto Rosæ, sexto Caput aquensis portus, postremo Caput sanctarum cruciarum, vulgò *Cap. de Creus*.

XIII. NAVIGATIO SUMMI

*Pontificis postquam oram solvit ab
Hispaniarum finibus.*

ET cum claviger apostolicus ageret in Hispaniarum finibus, & ad limina Galliarum, utrum maritimam Gallicam oram an altum legere expediret; ambigebamus, quoniam tutius est multò juxta littus uti remis quàm passis velis periclitari in fluctibus, quia non omnibus venti favent, etsi à Rege Franciæ illac transeundi fides publica data esset, noluit, ut reor, noster Papa se illi credere. Quamvis multis ex familia cum jumentis tum vectoriis, tum sarcinariis, præcepto Pontificis per Gallias illasi &

incolumes transferunt. Tandem satis consultè habita deliberatione fuit decretum ut sub divina protectione mari appellato Golfo Narbonensi vento aliquo modo prospero nos committeremus. Et quia pelagus istud latissimum est infestissimum piratis & Sarracenis, more nautarum nomen sancti Laurentii, cujus vigilia illa die observabatur, per omnes triremes in signum tesseræ indictum fuit. Hujus beatissimi martyris die cum ventus infestus flaret, viribus miserorum remigum navigare coacti sumus; quia jam hinc inde nimium à terra semoti occingebamur aquis. Vespere autem nonnulli ex nautis terram Franciæ aut Italiæ se cernere testabantur. Nos verò inexperiti, licet nihil intueremur, non minùs in lætitiâ hoc auspicio concitabamur, ut tantam ponti vastitatem evaderemus. Post cœnam, præmissa Pontificis salutatione, magno tubarum clangore applausuque virorum tormentisque ignivomis, ut fieri solet, ante noctis crepusculum cantores tum Papæ tum Conchenſis Episcopi, in cujus trireme vehebantur, *Salve Regina* solenniter decantarunt; quorum concentus suavissimè resonabat. Atque expleto cantu, designatoque nomine beatæ Barbaræ pro noctis custodia, ut moris est, aura felici, resumptis viribus ad pristinum laborem fuerunt compulsi illi miseri remiges; magnaue parte noctis labori incumbentes, ante diluculum littora Massiliensia transivimus, quæ nostra classis, forsan ne se committeret Francigenis, noluit attingere; & orto jam sole ad ripas Provinciæ navigando, cujus principalis civitas est * Afagis, etsi indigenarum numero fuerit * Aquæ Sex-
copiosior Massilia, insulas comperimus Erroias no-
tiz.

caput de Monterros appulimus ad insulam beatæ Margaritæ divisam parvis aquarum canalibus, quibus ad eam difficile patebat aditus triremibus. Adjacent præterea insulæ Canoes; ubi celebre est monasterium sancti Augustini. Huc accessit orator Marchionis Mantuani satis, ut decuit, magno comitatu stipatus. Deinde in aliam insulam tendimus ubi est cœnobium ordinis sancti Benedicti, cujus monachi ob absentiam Abbatis simpliciter deprecati sunt Pontificem ut eadem illam sacram visere dignaretur. Ad quorum preces sua custodia munitus beatissimus pater in terram descendit; & cum monachorum pompa solenni venerabilem illam domum ingressus, sumptoque cibo, nulla media intercapedine temporis pari solennitate revertitur ad inceptam navigationem. Interea autem aliqui ex turba peragrabant insulam, alii verò aquam & necessaria deferabant, & adveniente Pontifice, omnes uno signo conveniunt. Et hæc cum aliis adjacentibus insulis subsunt Regis Franciæ ditioni. Antè verò quàm inde discederemus, Episcopus de Grassa illius conventus Abbas festanter deosculandos Pontificis pedes scapha strenuè parata veniens, honorificè à Pontifice fuit receptus; quem ideo in linitibus multi sequebantur, ut desideratam sui pastoris faciem intuerentur. Non tamen vacui, sed uvas & poma ferebant quæ omnibus liberaliter more Gallico impertirentur. Hinc per angustum canalem, qui potius flumen quàm mare videbatur, utpote cujus aquæ brevitæ vix triremibus ipsis sufficeret, transeuntes per littora Provinciæ usque ad Antibol perreximus; deinde ad municipium de Niça, quæ est ducatus Sabaudix, transivimus. Quas celebres provincias & urbes medius fluvius interfecat. Eas tamen non attingimus, eò quòd morbo epidimiæ afferebantur infectæ. Hac eadem causa pernoctantes in portu de Villafranca

Villafranca de Niça, jussu Pontificis absque commercio inhabitantium quievimus, licet alacriter suis bombardis & signis aliis hilaritatis nos salutarerint; & nisi Pontificis imperium obstarer, libentiùs exciperent. Huc Regis Gallorum orator accessit; quem Pontifex noster animi lætitiæ oreque renidenti suscipiens breviter expeditum remisit. Hinc portum Isam nuncupatum adivimus; qui licet strictus, satis tamen amœnus erat. Quapropter ibidem beatissimus cum suo comitatu aliquantulum demoratus est.

XIV. DESCRIPTIO SITVSQVE *municipii de Monago.*

DEinde municipium de Monago duobus vel tribus milliariis à præcedenti subimus, quod natura (propterea quia situm est in promontorio ad modum peninsulæ, quod paulum excurrit in mare contra meridiem) & manus artificum inexpugnabile, reddidere; cujus pretexto, Genuensibus invitis, multò antè, ut aiunt, usurpatum detinebatur per quendam equestris ordinis virum Genuensium potestatem minimè vetitum. Nec mirum, quandoquidem municipium ipsum plura propugnacula contineat, muros, & antemuralia, necnon in superiori parte, aquilonem versùs, turrim ad propugnationem satis fulcitam (ubi municipii dominus morabatur) instat castelli multis hinc inde munitam æreis tormentis, quibus, ut Pontificem exhilararent, lætitiæ signa municipes ostenderunt. Et quamvis dominus de Monago ad triremem Pontificis ipsius pedes deoscularurus veniens multa polliceretur, deprecatusque esset instantissimè vellet domum & locum visere, Dominus Noster noluit assentiri, immo neque portui accedere. Et sic suo functus officio regressus est; ac ex templo ab ejus portu quatuor triremes Genuen-

ses exierunt, quarum dominus Andreas de Oria exul à die expugnationis Genuæ profugus exulabat. Multa enim damna ipse cum factione sua in illius civitatis calamitate & ruina pertulerat, ut inferiùs suo loco dicitur. Et parum à portu discedens, huc & illuc navigando nostram classem versùs, fœdera pacis ignivomis tonitribus demonstravit, cui nostri invicem responderunt, & quamprimum ad ipsum met portum remeavit, forsitan timens nostram navalem militiam; quoniam, ut fama erat, Dux ipse Andreas tunc partes Franciæ sequebatur. Quia ex causa non est ausus nostras adoriri triremes; & jussu centurionum, inscio, ut reor, Pontifice, omnia navigia & milites Andreæ de Oria animum ignorantes parabantur ad arma. Et eo fortassis Andreas tam citò in suam stationem se recepit. At cum multi nobiles provinciales suis scaphis ad recipiendam benedictionem à Pontifice advenissent, eundem Andream inter eos adventasse ferebatur, id quod minime compertum est. Neque opinandum quidem virum cautum & providum tam faciliè se Hispanis hominibus credidisse. Cumque hinc in littora Liguria tenderemus, in qua etiam Monago jam dicta continetur, hisque visitationibus nonnihil moramur, mare nullo agitatum vento æstuarè cœperat. Quod cum tunc denuo navigantes conspexissent, illorum animos timor invasit. Propterea ambigebatur inter peritiores utrum redire ad portum de Villafraanca, an rectè tendere, tutius esset. Tandem placuit Pontifici ulteriùs progredi; quoniam in votis erat & non levis affectus ut videret limina Petri, cupidus præterea componendi inter Christianos pacem atque gerendi negotia quæ nequaquam extra urbem Romam agere ac finire posset. Cujusmodi zelus domus Dei curæque pastoralis neque in mari nec in terra Pontificem diù sinebat morari. Omnium

præterea alius cum voluntate Pontificis unus erat; ideoque in peragenda navigatione minimè detinebatur. Progredientes igitur è regione nostræ classis quandam navem non procul à piratis captam confepimus, idque, ut delatum est, jussu Andrea de Oria, quod vix credendum opinor. Vtunque tamen fuerit, cùm vergantinus & alia navigia puppim illam oppressam circumstarent, nostram prospicientes classē, sicut nebulae ante solem repente evanuerunt. Ad illam verò Christi vicarius accedens, liberam abire jussit. Cùmque triremes nostras sequi non potuisset, solam in fluctibus agitatam reliquimus. Ad rem igitur à qua digressi sumus redeamus. Die sequenti, vigilia Assumptionis intemeratæ virginis Mariæ, oppido cognominato sancti Stephani appropinquantes, in ipsius æde sacra Christi clavigeram divinam fecit. Et hinc postridie Assumptionis sacrosanctæ, in loco qui dicitur Portus marinus, in cœnobio fratrum Minorum extra muros idem Pontifex maximus idem sacrificium secretò fecit, ut urbem vitaret, quæ nequaquam poterat arceri; ita tamen ut illius diei solenni sacro publicè decantato impartiretur benedictionem. Ac paucis astantibus pransus, continuo audita oratione declamatoria, per loca secretiora pergendo ad navigia, hominum turbam evasit. Tanta enim erat multitudo fidelium hominum, quæ supplex ac obediens, ut summum Pontificem cerneret, illiusque sacros pedes oscularetur, convenerat ut illorum subinde se subtraheret aspectibus; idque ut expeditiùs navigatio nostra perageretur. Priùs tamen quàm inde solveremus, accesserunt Genuensium jussu ad comitandum Pontificem quinque triremes, ad eundemque in quo eramus portum venerunt; quæ ab aliis tormentis ignivomis, ut fieri solet, fuerunt salutatæ. Cùmque illa turba, quæ visura Pontificem venisset, inscia de

ipſius diſceſſu doleret, ruebat quippe catervatim per montes & littora, neque ſat explicari poteſt quanta aviditate ſuum quæritabant paſtorem. Nos verò navigationem noſtram proſequentes, ad inſulam appellatam de Ruenga prope civitatem Nolentem memoratu dignam acceſſimus: ubi, ut aiebant, talis vige-
bat inviolabilis conſuetudo, ut nullus poſſet ſtruere navem niſi & ſimul turrim ædificaeſſet. Vnde tot turribus eſt munita. Quod ſuo loco latiùs explicabimus.

XV. DE INGRESSU PONTIFICIS

in Saonam, ac jocunda à Saonenſibus facta receptione, concordia Regis Catholici cum Rege Franciæ, initisque nuptialibus contractibus cum Regina Germana, ejuſdemque urbis ſitu.

Navigationem autem proſequendo, aliis, quorum narratio non injocunda eſſet, brevitatis cauſa omiſſis, decimo ſexto Calendas Septembris appulimus ad inclitam civitatem Saonenſem, cameram imperii; ubi honoſſicentiffimè fuit exceptus Petri ſucceſſor, & in ipſius ingreſſu, ut conjectari potui, quendam oratorem nomine ſenatus Saonenſis orantem auribus (quòd aiunt) obturatis pertransiens Pontifex, eodem honore clero & præſtantioribus viris cum cruce & pallio pergentibus auguſtam Eccleſiam eminentiori præſentiam episcopali dignitate illuſtrem eſt ingreſſus. In hac colitur corpus ſancti Octaviani; ac conſuetudine Pontificis reverentia exhibita Deo, oratione ad Dominum habita, benedictioneque præſentibus data, paulò poſt ad egregiam domum Tidenſis Episcopi unàque Archipræſulis Avinionenſis, ubi prandium opiparè De-

mino Nostro suisque comitibus paratum erat, veniens, antequam ad mensam accederet, in loco secretiori divina sacra persolvit. Et cum jam stratis mensis lautisque cibariis apposis gratias Deo ageret, non solum pro munere spirituali soluto, verum etiam corporali sumendo, reliquis autem Prælati & equitibus ipsius mandato in altis thoris aliquantulum semotis suo ordine sedentibus, accubuit. Serius autem convivii talis fuit. Apponuntur ex abaco lances argenteæ & tympana cum cerasis & prunis uvisque recentibus & persicis pomis. Nec deerant vina generosa, album adeo pellucidum ut aquam putares solo aspectu, & flavum, & nigrum, dulce, acutum, lene, suave, austerum, ut peteret quisque ex animi sui appetentia. Deinde importantur artocœæ & assa edulia, pulli perdices, palumbuli, cuniculi, & vitulina caro. Elixæ verò caponum, gallinarum, arietinæ bovinæque carnes, & id genus alia cum condimentis aptioribus, ut ea malis quàm carnes. Quæ singula referens (ne videar prolixus) volui prætermittere. Afferuntur etiam cytronia & olivæ Balearicæ in muria asservatæ, pira, caseus multiplex. Colliguntur analecta. Datur deinde aqua odorifera lavandis manibus. Peracto tandem convivio, suo more solitus noster Pontifex gratias Deo egit; deinde impendit quas debuit hospiti, qui tam solenniter & egregiè illum exceperat. Post gratiarum actiones tolluntur mantilia & mappæ; deinde verò sternuntur secundæ mensæ paulò minus opiparæ prioribus, quas munificentissimus Archiepiscopus ob jocundum adventum tanti hospititis sterni fecerat comitatu; ut qui ex clara illustrique prosapia Iulii magnanimi Papæ originem duceret, animo namque & magnificentia æmulus. Iulii nempe industria tempestate nostra patrimonio Ecclesiæ Ravenna multaque alia loca accesserunt. Pontificatus

tamen illius tempore illud immane schisma seu conciliabulum in toto orbe terrarum diffamatum profuit, cujus caput fuerat Dominus Cardinalis à Carvajal. Atque hujusmodi occasione successit confictus ille horribilis inter Hispanos sequentes partes Iuli & Gallos inhærentes factioni prædicti Domini Cardinalis; quod vulgariter dicitur *la batailla de Ravenna*. Ceterum ut ad rem redeamus, quamvis prandium fuerit opulentissimum, decrevit prædictus Dominus Avinionensis Præsul Pontifici nostro illiusque comitatu ad cœnam non minores sed pares aut lautiores escas parare. Decuriones, iidem Saonensium beatissimo Papæ xenia obsoniaque donaverunt. In hanc eandem inclitam urbem Rex Ferdinandus cognomento Catholicus à Neapoli rediens & Rex Franciæ olim convenerant, & tam splendide & opipare (sicut ab indigenis accepi) Gallorum Rex excepit Regem nostrum atque Gundisalvum Fernandez Ducem cognomine magnum, qui primas in Ferdinandi Regis militia tenebat, ut facile explicari non possit. Ferebatur tamen ad Regum mensam sede humiliori in memoriam & honorem gestorum memoratum Ducem comedisse; qui dexteritate & armorum virtute nostram Hispaniam semisepultam belli exercitio sublimavit. Tanta quippe erat Regis Catholici prudentia forsân caventis subrepentia Hispaniarum bella ob administrationem regnorum Castellæ defuncto jam Rege Philippo clarissimo Principe, ut qui paulo antè ferme expulsus in Neapolim transfretaverat, sub nuptiarum prætextu Regina Germanæ pacem cum Francorum Rege iniret, cum sapientis sit maturo consilio providere futuris. At Regum solenniis expletis, repotisque solitis, alter in Hispaniam, cui ex animi sententia cuncta succedere, alter in Italiam devenerunt. In hanc (ut eò regrediamur unde digressi sumus) urbem Saonam

se contulerat Hieronymus Adorno imperialis dux, frater Genuensium Ducis, egregio comitatu stipatus, visendi gratia Pontificis, nonnullaque cum eo communicandi. Et licet videar aliquantulum à proposito divertisse, non abretamen; quia in dignum duxeram sub silentio præterire festivam lætitiâ sollempneque convivium & urbem tam illustrem. Atque eadem causa describere volui situm ætatemque illius urbis. Adjacet enim ad mare nostrum orientem versus. Habet amplum portum, calculosum tamen & inaccessibleem; quia Genuenses videntes urbem suam ubique notissimam à mercatoribus deferi, & Saonæ fieri commercia, lapides ingentes, ut aiunt, in prædictum portum projecerunt, ut magnis navigiis nemini liceret adire Saonam. Habet etiam ad meridiem castrum arte & situ munitissimum; omniumque iudicio urbs ista intus & extra est forma eleganti. Mulieres hujus civitatis ornantur mundo satis honesto absque palliis, crinibus collectis sub calanticis. Nobiliores verò matronæ etiam singulæ incedunt sine pedisequis, indutæ vestes talaris. Utuntur soleis parvis, non sandaliis; ideo fortassis quia majoris staturæ cernuntur Ligures, ut experimento compertum est. Utinam ornatu simili Hispanæ feminæ, abjectis vulpinis caudis & examine ancillarum, illas imitarentur.

XVI. DE MOESTA AC LVGUBRI

*receptione Pontificis à Genuensibus paulo
antè expugnatis facta.*

QVibus obiter utcumque expeditis, quid tum auringa noster egerit audiamus. Expleta cæna, triemes conscendunt omnes, Genuam versus nocte illa navigantes, quam exoriente sole adivimus paulo post ipsius excidium & ruinam. Quo circa et si

magna mœstitia ex præterita expugnatione Genuenses adficerentur, tamen cùm felicem tantæ Pontificis adventum persensissent, tam ex urbe quàm ex castro & ex navibus in portu astantibus tot globi bellici jactabantur ut faciliùs sit admirari quàm scribere. Et hac solennitate portum accessimus; cui à terra inhærebat ponticulus ligneus, quo dux noster augustiùs intraret. Ibi tunc proclamatum est à clero & majoribus natu: *Princeps Ecclesiæ, sis tuis adventus felix, præsentia salva. Gaudet in adventu turba deserta tuo. Gaudet & exultat, jubilat, letatur, ovaturque.* Ac confestim eodem ordine & celebritate petunt Ecclesiam; quæ caput atque metropolis totius Liguriæ est. Interim parantur solennia Missarum quæ dulcissimo concentu celebrata fuerunt. Illico visit ærarium sacrum, quo inter venerandas sanctorum reliquias quæ ibidem asservantur, catinus in cœna Domini celebratus, ut ex loco evangeli elicitur, fuit mirabilis visu; qui est tanti valoris ut non faciliè æstimari queat. Tanta verò convenit circumdantis populi undique turba, aviditate videndi, ut dum invicem sibi impedimento fuissent, pauci eorum aspectu præoptato potiti sint. Adjacet præterea extra sacrum ærarium in sacello sancti Ioannis Baptistæ tumulus lapideus supra columnas marmoreas, ubi servantur fideli custodia divi Baptistæ reliquiæ; quibus reverenter veneratis, summus sacerdos in palatium progressus est. Reliqui verò hospitabantur prout cuilibet occasio se offerebat. Hæc urbs in toto terrarum orbe celebratissima Pontifici illiusque comitatu biduo epulas non minùs affluentes quàm suaves est impartita; uberiusque factura esse videbatur, ni clades illam obruissent. Nam quæ inter Italicas urbes elegantior erat, superba cecidit. Genua, genuisti Esau & Iacob in utero bellantes, & peperisti Adornos ac Fragosos filios discordiæ; qui cùm priu-

cipes civitatis esse contenderent , cū nec Roma duos. fratres nec apes & grues duos principes habere potuerint , ruinam tibi intulerunt. Quis enim cupiditate dominandi inflammatus , vel fastu dominationis elatus , desiderat habere consortem ? Aut quis avarus querit suarum opum participem ? Nemo inquam. Quapropter invicem dissidentes , alii Cæsareas , alii verò Gallicas sunt sequuti factiones. Adornii enim exules & profugi , è quibus præcipuè Hieronymus Adornus suorum Dux , Hispanorum Germanorumque asciverunt exercitum , quorum favore Fragosos Gallorum partes tuentes expellerent. Et cū Marchio de Pescara militiæ ductor plusquam civiles concitationes perpenderet , capta opportunitate quā facilius posset urbem illam in Cæsaris obedientiam reducere , solerter properans , eam circumquaque ex parte orientis Germanico exercitu , ex parte verò occidentali Iberico obsideret. Et tandem post aliquot dies Fragosos allicere nititur ut urbem in Imperatoris obedientiam tradere velint. Adversarii verò omnino recusabant , cō quòd iussu Regis Gallorum in ipsorum auxilia accesserit strenuus ille dux Petrus Navarrus Comes ; propterea etiam quòd milites Corsicos ad septem millia stipendiarios pro urbis propugnatione obtinerent. Sed illorum contumacia cū in dies singulos cresceret , oportuit ex Hispanorum partibus tormenta ignivoma admoveere & prosternere muros ; atque stricto foramine audacter Hispani adoriuntur urbem , & in ipso ingressu nonnulli confligentium ceciderunt. ac brevi tempore Ligures cum suis stipendiariis nostratibus cessere. Hispani autem in urbem ut hostes irruentes quæ damna , quas necesse intulerint expugnatis , prudens lector consideret. quod latius historici memoriæ mandabunt ; ad quod lectores ipsos remittimus , hæc breviter nunc dixisse contenti. Nec facile est credere tantam &

tam munitam urbem, miliribus præsertim Gallis Corsicisque eam propugnantibus, illo maximè unico duce Perro Navarro suffultim paulò ante everfionem defenfionis causa in eandem civitatem ingreffo, expugnari tam faciliè poffe; cùm præcipuè, indigenis affertentibus, fuorum militum copia major fuerit numero quàm noftrorum. Postmodum verò cùm Germani intellexiffent tandem urbis expugnationem, confectim nemine impediente eam invaferunt; ac barbarico more, nunc occidendo, nunc verò diripiendo mœftam vastabant clamoribus urbem. Non est profectò quisquam cui nifi tibi & tuis afcribas & imputes ærumnam. Ceterùm inter captos præcipuos perducti sunt Neapolim Oëtavianus Fragofus Genuenfium Dux, Comesque Petrus Navarro, cum plurimis nobilebus. Sed dum Franciæ Rex captus detinebatur Vrfariæ, quæ Madrid vulgò dicitur, contrahe-retque nuptias cum Domina Leonore fofore Imperatoris, quia inter alias fœderis conditiones ftabilitum eft quoflibet hinc inde captivos liberè poffe ad propria remeare. Et quoniam Dux Petrus Navarro in libertate pofitus Regi Francorum potiùs quàm fuo fervire maluit, imò in illum & in ipfius exercitum, ut modò diximus, rebellavit, fub iudice ac voce præconis Neapoli capite plexus eft, poff tot præclara facinora infigniaque facta pœnas quidem graves durafque, jure tamen debitas perfolvit. Hujus superbæ & elegantis civitatis fitum & pulchritudinem figillatim nolui defcribere, propterea quòd Dominus Doctor Didacus Lopez de Stuniga Complutifius elegantius & copiofius in fuo explicuerit itineralio.



XVII. DE ADVENTV DVCIS

Mediolanensis, Prosperi Columna, Marchionis de Pescara, Antonii de Leyva aliorumque Militum in Genuam ad deosculandos Pontificis pedes.

HUc pedes Pontificis deosculaturi venerant Dux Mediolanensis, & Prosperus Columna, & Marchio Pescara, atque Antonius de Leiva, magno Hispanorum Italarumque comitatu circumsepti; quos beatissimus pater vultu sereno amplexus est. Hi, ut fama erat, instantissimè supplicarunt Pontifici ut eos militesque suos à devastatione prædictæ urbis dignaretur absolvere. Quod nullatenus impetrantes, ad proprias redierunt stationes. At ne longius digrediamur, eadem solennitate qua erat receptus, dempta illa solenni pompa post biduum ad portum beatissimus pater pervenit, ibique quàm breviter expeditus, navigationi intendens animum, in portum nuncupatum Portusf decent & sex milliariis à Genua distantem accessit; illumque, noster ductor ingrediendo, servata prius consuetudine, visitavit. Ecclesiam divi Georgii, in qua ipsius reliquiæ sub sacello coluntur; quem ex citeriori Hispania accolæ a Catalonia ortum, passum Tarraconæ, in promontorium quo nunc veneratur transfulerunt. Genuenses verò ossa sacra Genuam traducere pluries tentasse dicuntur, quia militare symbolum eorum est Georgius, ut Hispanorum est beatus Iacobus, & Venetorum divus Marcus. Quotiens autem translata sunt, toties in suam basilicam asserebant esse reverfa. Ex divi itaque Georgii Ecclesia in pomarium quoddam cænaturus Pontifex intravit; peractaque cæna, in triremen proficiscendi gratia progreditur. Cujus mentem omnino

proreta nitebantur explere ; ex quibus nonnulli seniorum ob tempus importunum , ne trirēmen solveret , hortabantur. Tandem ipsis invitis moveretur classis , quam vehemens imber parva à porta intercape dine semotam magno labore & periculo in eundem portum compulsit redire ; quæ si aliquantulum ultra progrediretur , non sine iactura magna navigaremus. quod meritis nostri ductoris nos incolumes evasisse minimè ambigitur. Itaque adeo invaluit semel exorta tempestas ut cogeret per quadriduum invictum Pontificem à navigatione desistere. ac de more his diebus secretò sacra libabat ; nihilominus tamen in prædicta Ecclesia divi Georgii audiebat Missam publicè ac solenniter à cantoribus celebratam. Atque fama erat nullum Principem illuc appulsum quin aliquot dies ab æquore æstuante fuisset detentus. quod experimento excellentissimi Imperatoris Maximiliani Genuam accedentis , necnon nostri clarissimi Regis Catholici à Neapoli redeuntis eadem perpeSSI comprobatur , & in nostro Pontifice propriis oculis vidimus ; quos omnes fidei tutores eadem ceperat domus ; quæ nequaquam minima vocari poterit , quandoquidem hospitio tot ac talium virorum fuerit illustrata. Ceterùm postquam maris sæva tempestas sedata fuit , intentam prosequentes navigationem , ad portum Veneris juxta oppidum de Specie ante solis occasum accessimus ; & in cœnobio littori adjacenti Pontifex cænatus est. Interea autem nonnulli recreationis causa descenderunt in terram , institores verò navigiorum aquatum misere servos. Tandem summo ductore nostro cum toto comitatu in trirēmes ascendente , parantur bellica tormenta , milites & arma expediuntur , eò quòd nuntius assereret navigia Turcarum , quæ vulgus fustas vocat , non longè à nostris existere. Tamen cùm neque ibi nec alibi Turcarum aliorumve offendiculum nobis obstaret ,

Imò prospere omnia succederent , armorum tumultus omnino cessavit. Illa verò nocte , vel ob lunæ oppositionem , vel formidine piratarum , in illo portu pernoctavimus.

XVIII. DE ACCESSU PONTIFICIS

in Liburnum, quem quinque Cardinales expectabant.

Die autem illucescente , labore astrictorum romigum inter littora Pisana & insulam appellatam Gorgonam appropinquavimus Liburno ; ubi aderant quinque perquam illustres Cardinales , * Cle- * *Julio* mens de Medicis , qui beatissimo Adriano in Pontificatum successit, Petraccius , Cortona , Rodolphus , summum Pontificem expectantes ; & ex portu castroque & municipio ac triremibus in ipsius introitu profpero innumera tonitrua belligera , ut talem decebat felicem adventum , emittuntur. Et cum tota jam classis juxta oppidum esset aggregata, magnificentissimi Cardinales in uno monoremo vergantino, ut ita dixerim , ad maximi antistitis pedum oscula delati sunt ; quos ipse piissimus hilari vultu animoque læto ut fratres Ecclesiæque columnas suscepit. Et exhibita obedientia , unà cum Pontifice magno à triremè sunt egressi, atque scaphis & lintribus in Liburnum supradictum ventum est. Et nullus Cardinalium in monoremo Pontificis aderat præter illum reverendissimum Clementem de Medicis , cum quo summus antistes, quasi successionem præfagiens & claves regni cælorum illi relinquendas, familiarissimè confabulabatur. Et juxta portus Liburni quasi ad rem novam excita plurima turba convenerat , congratulans utique tanti Pontificis adventui ; & ipso primo ingressu consuetudinem sibi ac exemplum omnibus servans , Ecclesiam visitavit , & oratione habita , hospitium quo

splendidè omnia ad cœnandum extructa erant adivit. Nam ille liberalissimus Cardinalis de Medicis plures vaccas, vitellas, gallinas, panem, vinum, & tempestivos fructus sanctissimo patri omnibusque illius trirēmibus splendidissimè obtulit. Ac ne dux noster suum comitatū videretur longa mora deferere, ante noctis crepusculum cum tota familia ad suam trirēmem reversus est; ubi propter imbres & ventum, quibus mare concitabatur, illa nos oportuit nocte ac sequenti quiescere die. ubi sunt quædam monimenta memoriæ digna, castrum nempe primo aspectu inexpugnabile. Est præterea in ipso mari parum à litore remota turris quædam, quæ de mala hora vulgari-ter dicitur, quam ferunt Catalanos sanguine Ligu-rym vice aquæ ad calcem stringendam in vindictam veteris injuriæ ædificasse. Distat Liburnum à Pisis novem milliariis; cujus portum veteres appellavere Pisanum, propterea fortasse quia quondam commer-cium Pisanorum agebatur in eo. Sed ut institutum prosequamur, secunda feria, prima noctis vigilia, felici aura classis tota movetur, ac exoriente sole in oppidum celebre de Plombin die Martis convenimus, ibique alacriter sumus excepti; & alacrius hospita-remur per dominum oppidi & municipes, si ductor noster sineret nos terram attingere. At ne prosperum amitteremus tempus, illac transivimus oppido inta-cto; quod quidem continet tria castra cujus domi-nus nullius paret imperio. Et quia canalis de Plombin. est adeo celebratus ut ferè nullus ignoret, pauca de eo subnectam. Ibi lapidicina magnetis prope muni-cipium foditur, ex qua non parum emolumenti pro-venit domino. Tum etiam multæ insulæ adjacent, quarum præcipua Corsica nominatur. Sunt etiam aliæ appellatæ Hierna, Claveria, Planosa, Mons Christi, Elxico, & aliæ, quas dicunt Formicas de Plombin. est etiam insula Cervitroya, præterea in-

Iula del Genut , & mons Argentarius , quæ quidem circumdant prædictum canalem ; atque illarum occasione crebra pericula piratarum Turcarumque & Maurorum contingunt circa eas navigantibus.

XIX. INTROITVS IN CIVITATEM

Centumcellarum , quæ vulgò nuncupatur

Civitavieja.

ET ut revertamur ad locum unde discessimus , eadem venti felicitate perreximus ad portum Herculis ; quem eadem causa intactum relinquentes , ipsa die , vigilia noctis secunda , appulimus Centumcellas ; in quas , quia portus calculosus erat , usque in diem Mercurii illucescentem minimè descendimus , quoniam absque periculo facilis non erat accessus. Et cum beatissimus pater Centumcellas intrasset , veterem appellatam urbem , tota civitas gaudiis suffundebatur felici adventu sui pastoris ac domini. Et hanc primam terrarum Ecclesiæ civitatem ac patrimonium attingens antistitem maximus , ut usum pium custodiret , præcipuam visitavit Ecclesiâ ; auditaque solenniter Missa , ut tantum decebat virum , ad palatium redeundo , ut peculiare sibi fuerat , rem divinam exolvit , ubi aliquot Cardinales aderant , atque nonnulli nobiles Romani , expectantes dominum suum. Ibiq; familia Pontificis in palatio ipso tinellum , ut ita loquar , Romanorum agnoscere cœpit , quod se familiares vescendi gratia conferebant. Mansitque ibi sanctissimus Dominus illa die usque ad occasum. Interea verò urbem & castrum nondum consummatum cellas centum , ut fama erat , & nomen vetus civitatis adhuc continens , munitumque instrumentis ferreis , necnon aquosa fovea ferme cinctum , visimus ; quod quidem postquam fuerit perfectum inexpugnabile fore creditur , dum defensorius munitioni-

bus non caruerit. Tandem cùm jam omnia essemus intuiti, & sol à nostro hemisphærio ad Antipodas discessisset, beatissimus Pontifex ad triremes deveniens, prima vigilia noctis aura secunda continuando navigationem, hora nona ante meridiem in urbem Hostiensem Tyberinasque undas appulit, qui inter omnes primus cum suo dilecto Doctore de Agreda in uno monoremo per Tyberim Hostiam versùs paulò ante meridiem advenit. Et cùm classis vellet suum sequi ducem, ostium Tyberis obstitit. Aditus enim nequaquam profundus, sed propè vadofus est. Propterea ad pelagus regredi oportuit. Et cùm jam felix Pontifex in tuto maneret, subito fretum vento agitatum efferabatur adeo ut vix liceret nobis absque periculo littoribus accedere. Quam ob rem nonnulli nostratium gravia discrimina sunt perpeSSI; veluti apparuit in magnificentissimo Domino Episcopo Abulensi, cujus pars supellectilis periit, pars verò madefacta difficillimè in terram delata fuit. Alii autem graviora pericula passi sunt, qui desidia aut ignavia in triremibus remanentes, post viginti demum dies in urbem nobiscum se contulerunt, per maria & per terras errantes, quia nulla statio in tota Romana & importuosa plaga tuta triremibus usque ad Caietam reperiebatur. Quo exemplo docemur quantum sit discriminis inter sollicitudinem & ignaviam. At qui post naufragium sospites ad littora eVecti sunt, quasi ex hostibus æstibusque liberati lætabantur. Vidisses nempe Archiepiscopos, Episcopos, Oratores, Duces, & Equites, literatos, ac alios hujusmodi huc & illuc oberrare, partim jacentes oblectamenti causa lapides, partim verò deambulantes.

XX. *FINIS NAVIGATIONIS
factæ ad ostiâ Tyberinâ , ac lautum convi-
vium Cardinalis à Carvajal Hostiæ custodis.*

ET tandem voti compotes urbem Hostiam pa-
rum semotam à mari pedes tres sub ardenti so-
le ingressi sunt , ubi illustrissimus Dominus Cardi-
nalis à Carvajal castri & urbis custos Papæ epulas
lautas & copiosas pontificiæque paraverat clientelæ.
Pomeridiana verò hora noster antistitum maximus
quinque aut sex Cardinalibus comitatus ad urbem
Romam tribus leucis inde distantem progreditur.
Et quia in parva illa urbe jumenta non reperiebantur,
minima pars Præsulum & nobilium equitans
poterat suum aurigam assequi. Ac propterea ex or-
dine equestri sua nobilitate accensi pedestres , non-
nulli verò in curribus ac rusticorum jumentis , pro-
ut fors cuique acciderat , ipsa vel sequenti die in
divi Pauli ædem ordinis sancti Benedicti extra ur-
bis muros in qua sanctissimus hospes illa nocte fue-
rat, convenere ; ibique Dominus Hincfort, de quo
infra habenda est mentio , jussu Pontifici fercula co-
piosa illi ejusque famulis paraverat. Et cum jam in
limine essemus , audacter asserere audeo quòd licet
Papa per tot maritima loca pertransisset & Cardi-
nales magnatesque cum eo colloquerentur, adhuc
ex Hispaniis in Italiam minimè adventasse credèba-
tur , cum pro certo haberent non tam brevi ex His-
pania expediendum , & meritò , cum nemo excur-
sorum cum præcederet illius adventum denuntiaturus.
Quin immo , tamquam ad suum obitum depro-
perans , anteibat omnes. Et utinam ipsius nomine
præfectum mitteret , sicut putabatur , ut ipse in ne-
gociis tam gravibus deliberatiùs ageret ; quia ne-
cessarium est tempus ut aliquid maturiùs agatur.

C c

Et cùm jam ejus adventus in notitiam omnium propalaretur, vespere illo multi ex urbe aviditate Pontificem videndi in prædictum cœnobium pervenere.

XXI. C E L E B E R R I M A *ingressio Pontificis maximi in urbem Romam.*

Sequenti verò die Veneris, quarto Calendas Septembris post solis ortum, exierunt ab urbe reverendissimi Cardinales, Præsules, Consules, Oratores, Decuriones, Officiales curiæ, milites stationarii, qui pro custodia Pontificis ad primam portam sacri palatii alternis vicibus deputantur, numero ducenti, necnon equites ejusdem custodiæ, diversa arma ferentes. Et cùm communis pastor suo spectabili decoroque vultu cunctos admisisset, unus Cardinalium ore omnium totiusque sacri collegii suaviter affatus est, offerens obsequia tanto Pontifici debita, ac sacrosanctæ apostolicæ sedi debitam obedientiam. Deinde unusquisque Oratorum vice dominorum velut Christi vicarium Petrique successorem ac Romanum Pontificem agnoscebat, atque universali pastori reipublicæ Christianæ obedientiam præstabat. Quorum unus in hæc verba prorupit. *Si ulla unquam hominum memoria documentis apertissimis est declaratum res humanas divina ministrari prudentia, id, beatissime pater, te Pontifice maximo calitus constituto luce clarius apparuit. Salutiferè atque adeo proclementer rerum omnium opifex ac moderator Deus de excelsis sancto suo misericordes oculos in populum Christianum convertis, cum te, Adriane sexte, in isto solio collocavit. Iam enim eò procellarum ac tempestatum adducta erat Romanâ respublica ut propediem foret per extremum naufragium peritura, nisi te peropportunè Ecclesia gubernacula capebente. Quis enim ambigat quin ille sis futurus qui summa*

sapientia anique magnitudine universos Christianos omni non modo calamitate, sed & calamitatis arum-
narumque formidine, quæ hinc à Mahometica rabie,
inde à venenatis hæresibus impendet, planè liberes?
Cur enim de te non sperentur maxima quaque & sa-
lutaria, in quo videmus ea inesse omnia quæ in sum-
mo viro, in summo Principe, in summo Pontifice requi-
runtur? Divino certè afflatus spiritu sacratissimi isti pa-
tres te præ omnibus unum delegerunt ad dominicum
gregem truculentissimis undique lupis circumscriptum
pastorali cura ac vigilantia conservandum. Non enim
clam & furtim, non ambiciosè aut subdile ad sum-
mum pontificatum irrepisti, sed cum nutu quodam con-
silioque divino, tum vero uno & claro & eodem Cardi-
nalem omnium judicio atque consensu; qui ut collis
semper & honoras & quotidianis sacrificiis semper pre-
caris Christum Iesum, ita divinitate suffragante felici-
ter avertes quicquid aut ab immanissimis Turcis ac hæ-
resibus possit accidere incommodi, ut ad id non tam
reprimendum quàm omnino comprimendum & alios
excites. Et quia tempus breve, ne fastidiosus videar,
subsisto. Et felix ac prosper, ut speramus, tuus sit ad-
ventus in sanctam & apostolicam sedem, quæ & no-
mini tuo ad laudem immortalem atque universa Chri-
stianæ reipublicæ ad salutem & tranquillitatem sit ac-
cessura. Ceterique Præsules & magnates ut aposto-
licum patrem venerantur, una voce dicentes, Be-
nedictus qui venit in nomine Domini, putantes per
eum Ecclesiam esse reformandam. Quibus clementis-
simus noster Papa brevi compendio respondens. Ob-
secro, inquit, vos, columna Ecclesiæ reverendissimi
Cardinales, per viscera nostri redemptoris, necnon Pra-
sules, Oratores, magnates, reliquaque astantium coro-
na, juvare me precibus; ut & spiritus gratia maneat
in me, ac ne iudicia de me vestra frustrentur. Quid
enim tam insolitum tamque pavendum quàm labor in-

jungatur fragili, sublimitas humili, dignitas non merenti? Et tamen non diffidimus, neque deficimus, quia non in operibus nostris sed in illo confidimus qui omnia operatur in nobis. Divina namque dignatio, quæ me indignum in summum gradum provexit, juxta Apostoli verbum, idoneum ministrum ad tantum onus subeundum faciet. His dictis assentiunt omnes, collaudantes Deum qui talem suo gregi dignatus est exhibere pastorem. Hæc & similia hinc inde affati sunt verba, quæ nec mens mea concipere nec calamus scribere posset. Quare contentus ero iudicio lectoris æstimanda relinquere; qui accuratius perpendere poterit quæ & qualia in tanta acclamatione ultro citroque acta fuerint. Denique magno júbilo hora nona ferventeque sole sanctissimus Præsul cum ingenti caterva à prædicto monasterio egreditur, & tali ordine ac pompa urbem versùs procedit. Equites quos sancta sedes habet ut aliis viam facerent, anteambulones præibant. Eos secuti sunt pedites custodiæ. Continuo scutiferi cum reliquis officialibus curiæ vestibis rubeis insigniti. Ultimus verò Magister domus cum Prælatis domesticis gradiabatur. Postremo autem parastenarii sacram maiestatem ambibant. Nam de more est, ob dignitatis pontificalis excellentiam, ut nullus quantæcunque dignitatis ejus latus regat. Et illico eum sequebantur reverendus Dominus Doctor de Agreda Protomedicus & magister Petrus præcipuus camerarius; quibus consuetudine seu prærogativa speciali talis locus conceditur. Et statim illustris atque conspicuus cætus Cardinalium sequutus est. Prostre-mo autem Oratores, Consules, magnates & nobiles, deinde turba plebeia, quæ ad spectaculum novum accesserat; qui omnes, etsi disparis gradus, compositi tamen ordinatique procedebant. Nimirum cum tanta esset fama sanctimonix literaturæ-

que sanctissimi viri, ut quasi infelix quisque putaretur qui faciem ejus non cerneret; unaque voce clamabant *Benedictus qui venit &c.* existimantes per eum Ecclesiam renovandam atque omnia reducenda in sanctorum patrum pristinum statum. quod maximè ipse conceperat licet non fuerit executus; ideo forsan quòd fragilitas nostri temporis censuram distractionis illorum temporum non patiebatur; aut fortasse, nec immeritò, quia indigebat plusculo tempore ut maturius rem tam gravem conficeret; ne opera & consilia præcipitare videretur, ordinem priorum Pontificum abolendo. Sed pia fuisset laudabilisque talis commutatio rerum, quæ sinceriorrem Ecclesiæ statum redderet. Antiquus tamen hostis impedierat, qui semper bonis operibus insidiatur: quia, ut verum loquar, nihil aliud magis animo Pontificis affixum persensi quàm statum Ecclesiæ reformare, de quo aliquid inferius tangetur. Et ne multum ab instituto dilabamur, cum jam clementissimus pater portis appropinquaret suo celebri ac illustri comitatu stipatus, aderant fornices perpulchri in ipso primo aditu ad exemplar antiquorum cum triumphantem imperatorem debellatis hostibus Romani excipiebant; quorum vestigia in urbe adhuc extant. Quot deinde & quanta posturbis ingressum per vicos & plateas fuerint gesta, veluti peregrinus, minimè investigare potui, quia nec locus quidem præ nimia turba singula considerandi concedebatur. Et prædicto processionis ordine in basilicam Apostolorum Petri & Pauli; ac circiter meridiem audita Missa illico in sacrum palatium eidem palatio contiguum proceditur. Et propter ferotinam prandii horam brevi à Cardinalibus reverendissimis, Oratoribus, ceterisque magnatibus expeditus, ne tamdiu Pontifex maneret impransus, stratis mensis accubuit. Reliqui autem catervatim

huc & illuc fervido sole in hospitia domosque diverte-
bant. Dies hic festus, quamvis magnæ solen-
nitatis, nostratibus tamen in jocundus, cum marcidi
ex longa navigatione nesciebant quo se reciperent.

XXII. DE CORONATIONE *Adriani Papæ.*

Beatissimus noster Papa ut Romanum servaret
morem, juraque custodiret, ad suam coronatio-
nem intendit animum priusquam aliud quicquam
exordiretur, ad omne tollendum dubium, id quod
superius tetigimus, possetne Papa quicquam expe-
dire ante suam coronationem, cum in Decretis quic-
quam agere posse prohibeatur, maximè in cap. 1. 23.
dist. cujus verba sic se habent. *Postquam electio fue-
rit facta, si bellica fuerit tempestas, vel qualiscunque
hominum conatus malignitatis studio restiterit ut is
qui electus est in apostolicam sedem juxta consuetudi-
nem inthronizari non valeat, electus tamen, sicut ve-
rus Papa, obtineat auctoritatem regendi Romanam
Ecclesiam & disponendi omnes facultates illius, quod
beatum Gregorium ante suam consecrationem cognovi-
mus fecisse. At si quisquam Romanorum Pontificum
ante suam coronationem aliquid attentare præsu-
meret, prædictis duntaxat duobus exceptis casibus,
præfatus textus graves infert pœnas; cujus lectio
talis est. Quod si quis contra hoc decretum nostrum
synodali sententia promulgatum quasi per seditionem
vel presumptionem aut quolibet ingenio electus aut
etiam ordinatus seu inthronizatus fuerit, auctoritate
divina & sanctorum Apostolorum Petri & Pauli per-
petuo anathemate cum suis auctoribus & fautoribus &
sequeantibus à limitibus sanctæ Dei Ecclesiæ separatus
abjiciatur sicut Antichristus & invasor & destructor
otius Christianitatis, neque aliqua super hoc ei audien-*

tiareſervetur, ſed ab omni eccleſiaſtico gradu, in quocun- que fuerat prius, ſine retractatione deponatur; cui quiſ- quis adhaſerit, vel qualemcumque tamquam Pontifici reverentiam exhibuerit, vel in aliquo cum defendere præſumpſerit, pari ſententia ſit mancipatus. Quòd ſi quis huius noſtra ſanctæ decretalis ſententia temerator extiterit, & Romanam Eccleſiam ſua præſumptione confundere & perturbare contra hoc ſtatutum tentave- rit, perpetuo anathemate atque excommunicatione dam- netur, & cum impiis, qui non reſurgent in iudicio, re- putetur, omnipotentis iram contra ſe ſentiat, & ſancto- rum Apoſtolorum Petri & Pauli, quorum Eccleſiam præſumit confundere, in hac vita & in futura furorem ſentiat. Fiat habitatio ejus deſerta, & in tabernaculis ſuis non ſit qui inhabitet. Fiant filii ejus orphani, & uxor ejus vidua. Commotus commoveatur ipſe, & filii ejus mendicent & ejiciantur de habitationibus ſuis. Scrutetur etiam fœnerator omnem ſubſtantiam ejus, & diripiant alieni labores ejus. Orbis terrarum pugnet contra eum, & cuncta elementa ſint ei contraria, & omnium ſanctorum quieſcentium merita illum confun- dant & in hac vita ſuper eum apertam vindictam eo- rum oſtendant. Obſervatores autem huius noſtri decreti omnipotentis gratia protegat & auctoritas beatorum A- poſtolorum Petri & Pauli ab omnium peccatorum vin- culis abſolvat. Quapropter Adrianus maximus juris gnarus pœnas & interminationes huius textus ut evitaret, etſi ob extravagantem prælibatam illaſa mente cuncta apoſtolicæ ſedi occurrentia poſſet ex- plicare, tamen quia bonarum mentium eſt timere culpam ubi non ſit, ignari vulgi nemini parentis opinionem fugiens, quàm ociffimè potuit inthroni- zationem ſuam facere decrevit. Igitur cùm prædi- ctam ſuam coronationem proxima Dominica fieri deſtinaviſſet, hoc biduo nihil inſigne ab eo geſtum eſſe cognovimus; quoniam ob temporis anguſtiam om-

nia fercula & ornamenta ceteraque necessaria in tantam festivitatem portabantur. Et quidem omnia ita splendide copioseque facta sunt ut quispiam diceret multò antè parata fuisse. Vnum pro certo affirmare audeo, quòd si in negotiis futuris eam diligentiam impartiretur noster Pontifex qualem in itinere & coronatione adhibuit, nullus prædecessorum, exceptis tamen canonizatis, eum præcelleret; & si quid remissionis illi quisquam ascriberet, rē vera ut testis oculus audacter assero potiùs officialibus imputandum, qui tardè & difficulter more Flandrorum expediebant negotia, ut experimento omnibus compertum fuit. Et quia sermo de coronatione Pontificis incidit, inter ejus gesta brevi compendio eam referre constitui. Primùm quidem pulcherrima aurea & argentea vasa à præfectis familiæ in sacellum peculiare principum Apostolorum intra basilicam divi Petri ad ornatum & ostentationem potius quàm ad necessitatem allata sua serie ponuntur, quibus ipsimet familiares præficiuntur custodes. Deinde almus noster Papa magna celebritate in sede majestatis suæ circumstantibus Cardinalibus, magnatibus, innumeraque turba, à cubiculariis camerariisque ducitur in ædem Apostolorum ad sacellum beati Andreæ; ibique collocatur in solio quod cœtus Cardinalium circumstat, & prævia oratione gradatim genuflexo, deosculantur venerabiles pedes, & quamprimùm egrediuntur. In limine autem officialis quidam incendit stupam atque proclamat: *Beatissime pater, sic transit gloria mundi hujus*. Statimque devenitur ad proprium sacellum beatorum Petri & Pauli, ubi eorum corpora requiescunt. Et cum ista majestate in pontificali veste ipsum magna humilitate ingressus est cum toto cœtu. Et facta oratione & confessione, nullo intervallo in propriam cathedram beati Petri in eodem sacello defixam

ascendit ; ac Cardinales primos , Oratores secundos , Prælati tertios occupant accubitus. Capella tamen ipsa erat brevior quàm ut tot caperet ; ubi in eadem cathedra Petri resedit Pontifex quousque epistola & evangelium cum ceteris Missæ solennibus absolverentur. Quibus peractis , ad sacrosanctum altare perveniens , cœpit ministrare, Cui Oratores & magnates in fastu ad manus lavandas deserviebant , malluvias ac alia pro hujusmodi obsequio deferentes. Missa coronationis celebratur populum versùs intuentem faciem Pontificis. Solennia verò Missarum quanta præterea & quali melodia cantores psallerent ; & qualis fuerit loci majestas tanto viro tantisque columnis Ecclesiæ illustribus & magnatibus illustrata , tu ipse , prudens lector , considera. Si enim vultum angelicum Pontificis , dulcem vocem ceremonialque conspiceres , potius divinum quid quàm humanum judicares. Et cum piissimus pater illa sacrosancta mysteria peregisset , eadem solennitate qua venerat ad testitudinem templi revertitur. Et tanta erat hominum copia ut difficillimè via ad contabulatum locum , ubi actus coronationis celebrandus erat , pateret. Tandem post aliquod spatium non parvo labore ad locum deputatum ante fores basilicæ structum ornatu mirabili devenimus ; atque ibidem quædam ceremoniæ sunt factæ orationesque recitatæ , quas in ceremoniali libro poteris legere. Nam longum esset omnia sigillatim describere. Sat mihi censeo , ne prolixus videar ad pontificalem librum lectorem remittere , ubi hæc omnia latius tractantur. Inferere enim orationes in eo contentas potius esset molestum quàm necessarium aut utile ; ideo maximè quòd officium illud adeo est longum ut ab hora nona ultra meridiem duraverit. Tanta nimirum mole & gravitate omnia fiebant. Hac peracta solennitate , antistitem maximus cum

fratribus, licet hora intempestiva, ad prandium in aulam sacri palatii spatiosam basilicæ Apostolorum contiguam concessit; ubi mensæ, soli Pontifici prima ab aliis aliquantulum semota, Cardinalibus verò suo ordine præparatæ aderant. Cujus prandii apparatus obiter prosequar. Primò, ut à caliculis ordiatur, custos abaci scyphos exposuit aureos ac argenteos cum vino albo purissimo ex oppido sancti Martini, ut reor, quod apud nostrates Hispanos in maximo pretio habetur, non infectum, ut solet, sed quale in eodem oppido sancti Martini bibitur, nec non cum vino flavo atque rubeo. Erant præterea alia diversa vina diversi saporis & coloris; ut quisque appetitui pro arbitratu satisfaceret. Post verò benedictionem pontificalem afferuntur uvæ in primis aliique generosi fructus, ac continuo pulli perdicini, phasiani, gallinæ, capones, carnes vitulinæ arietinæque, & cetera hujusmodi, quæ prudens speculator poterit considerare, qualia quantaque convivio lauto & oppiparo convenirent. Nemo enim posset omnia brevi compendio perstringere. Et quamvis, ut fertur, in similibus conviviis venena formidari solent, in hoc tamen nullam assero toxici suspicionem fuisse. Iocundissima namque viscera Pontificis ita cunctos inæstimabili pietate afficiebant ut nihil in convivio infectum à quodam credi deberet. Attamen reverendissimi Cardinales suos structores aulæ magistros & pincernas habebant; qui, etsi edulia essent communia, vina tamen propria deferrebant. Propterea fortè quòd crebrius in haustis virus misceri experimento liquebat, hac de causa pincernæ Cardinalium interserviebant poculis. Et mos iste sine injuria invitantis in urbe inviolabiliter observatur. Absoluto prandio, benedictione peracta, ecce cantores dulciter concinentes, item magno jubilo Cardinales, & innumera turba comitati sunt

Pontificem in secretiorem cameram palatii, unde facta copia, lætus in suum quisque sese recepit hospitium.

XXIII. *DE PUBLICA
revocatione indultorum in cancellaria
apostolica.*

Sed cum semper lætitiæ sequatur mœror, juxta illud nimirum Salomonis *Extrema gaudia luctus occupat*, die sequenti post hanc transactam gloriam ac pompam, Calendis Septembris, indulta Cardinalium à notitiæ electionis suæ, videlicet vigesima quarta Januarij anni supradicti, esse revocata declarari jussit. De cujus revocatione inter alias cancellariæ sanctiones regulam edidit & publicavit. Id quod molestè pertulere illustrissimi Cardinales, id eo fortassis quòd ipsis ignaris fuerint revocata. Vnde provisiones medio tempore collatæ indultorum gratia illuzæ atque frustratæ remansere. Sed cautè atque prudenter reverendissimi Cardinales pertulerunt. Deinde per aliquot dies nihil conspicuum egit præter restrictionem Referendariorum; qui cum essent triginta numero, eos ad octo duntaxat reduxit. Quod etiam, ut opinor, seminarium odii in Pontificem fuit: quamvis à multis fuerit approbatum, quia tanta multitudo effrenis dispendiosaque videbatur. Qua occasione officiales ceteri graviter doluerunt, propterea quòd crederent totam curiam & Ecclesiam reformandam. Et hic, ut diximus, fuerat Pontificis animus. Considerans tamen hostis lividus novum Pontificem, novum hominem, multiplici virtutum gratia vernare, machinatus est uredinem, qua jam exortum meritorum germen posset suffocare, ne suum propositum perficeret Pontifex, cum jam viros doctos & strenuos ex diversis locis ad hoc opus peragendum evocasset, eosque sæpe sæpius super hac

re consulisset. At versutia Sathanæ & humana malitia longè aliter obstiterunt. Quapropter cùm viri docti in dies minùs proficerent, sensissentque mentem Papæ refrixisse, post breve tempus eò unde evocati fuerant, non perfectò modò sed neque incepto negotio, reversi sunt. Cessavitque reformatio illa quam multis antea diebus noster morum sanctorum censor mente conceperat. Postmodum verò sequutæ sunt legationes, quoniam potentatus, duces, magnates Italiæ, ut est moris, ad ipsum suos nuntios mittebant in Publica concione causam suam perorantes, etsi secreto secretiora beatissimo Domino exponerent, cum illa publica narratio causæ ad ostentationem potiùs quàm ad rei substantiam attineret. Oratores verò Imperatoris & Gallorum Regis, non publicè, sed secretò propter bella intestina, cum Pontifice sua negotia pertractabant. Necnon Helvetij, qui stipendium ab Ecclesia recipiunt ut in pace & in bello sint fideles, prætendentes diù observatum morem ut quoties legatos ad apostolicam sedem pro obedientia exhibenda miserint, expensas eis ab Ecclesia erogandas, ascribentes hunc sibi titulum, se fidei tutores & velut patronos, subindeque hoc sibi jus vendicant. At nostra tempestate non jure assument sibi titulum hunc. Magna enim pars ipsorum Luteranam hæresim est amplexa. Vtunque tamen sit, gloria hujus mundi parum duratura ad hunc statum eximium nostrum Pontificem per gradus evexit, cùm primùm exigentibus meritis ac litteratura in Decanum Lovanii, deinde ob vitæ exemplum in magistrum sacræ Majestatis Caroli quinti Imperatoris nostri semper Augusti fuerit electus, qui eum ad Hispanias gubernandas miserat, ubi Dertusensem episcopatum & temporis successu lauream cardinalatus atque officium generale sanctæ inquisitionis, & cùm de virtute in virtutem cresceret, sine cujusquam offendiculo apicem pontificatus adeptus est.

XXIV. DE INFORTVNIIS

*quæ obvenerunt apostolicæ sedi Adriano
eam gubernante.*

HActenus narravimus felicitates prosperumque Papæ Adriani successum ; qui profectò sine controversia gradatim jure optimo assecutus est fastigium apostolatus. Nunc verò referamus casus & ærumnas quas spectatissimus vir usque ad obitum æquo animo passus est. Hinc enim proclivis, cùm invidia neminem voluit in culmine rotæ diù sustinere, secreto Dei judicio in calamitates diversas usque ad obitum, exemplo beati Iob, ut ejus bonitas & sanctimonia tamquam aurum in fornace probaretur, prolapsus est. Nam vix se collegerat cùm Oratores Vngariæ Regis suam afflictionem & ærumnam ab Imperatore Turcarum illatam deplorantes, lacrymosis singultibus proclamabant. *Pater sancte miserere, miserere reipublica Christiana, quando Mahometica superstitione, perfida impietas sacrosanctam Christi religionem, fidem, pietatem usque adeo jam oppressit ut vix caput attollat. Nonne vides tu, pater beatissime, perfidos hostes extremam nostræ religionis pestem atque perniciem machinantes? Annon vides primarios Christiani nominis ductores nescio qua infelicissimi fati invidia, dum inter se mutuis armis digladiantur, non modò non repugnantes tantæ Turcarum immanitati, sed eam potius per contentiones & dissidia nutrientes? Vnicus Archidux Ferdinandus publicam propugnanda religionis causam solus per hoc tempus suscipit. Quapropter, elementissime pater, lacrymis deprecamur ut tantæ pernicietis subvenire digneris. Qui vix satis desierant cùm accesserunt legati prædicti Archiducis Austriæ, Infantis, ut aiunt, Hispaniarum, postmodum Romanorum Vngarorumque Regis, qui in hæc*

verba apostasiam exposuerunt Luteranæ. *Aspice*, pater pientissime, quanta injuria universus terrarum orbis ex perversis & perditis moribus totus ferè prodierit redemptori suo contumax ac rebellis. Hæreses undique pullulant, ubique erumpunt, ubique propagantur; quibus infelix plebs & ad omnium rerum novandarum varietatem semper exposita velut pestifera quadam contagione tabescit, adeo ut non contemnenda Europa pars, & qua hactenus omni monstro caruit, tota sui dissimilis evaserit; quoniam cum religione superstitio, cum fide perfidia, cum pietas impietas, cum veritate mendacium nullo pacto coharet. In quo tanto incendio, ne in majores flammarum vortices erumpat, extinguendo sanctitas tua Fernandum vel præcipuum adjutorem habebit: qui ut est acerrimus Christiana veritatis assertor, nullâ difficultate perterritus, in id totus incubuit ut Luterus iste draco, unde hoc omne venenum effluxit, ex miserorum mentibus eruatur. Proh dolor, voracitatem istam exortam ab ecclesiastico & religioso viro! Sed non novum est, quia, ut inquit Hieronymus, veteres scrutans historias invenire non potuit aliquos alios scidisse Ecclesiam & de domo Domini populos seduxisse præter eos qui sacerdotes à Deo positi fuerant & Propheta in speculatores; ut in cap. Transferunt 24. q. 3. At cum jam Luterus ille suæ rebellionis & apostasia plures obtinuerit eisdemque obstinatissimos sectatores, nequaquam prædictam apostasiam Christianissimus Archidux evellere potuit. Propterea, pater sapientissime, accingere fortitudine, & exurgat Deus, & judicet causam suam. Multa alia eleganti stylo in fidei favorem perorata sunt quæ longum esset referre; ac mihi quidem; quo ad præsens attinet, sufficit tetigisse.



XXV. DE ACERRIMA PESTE *qua negotia cessarunt.*

Postmodum verò per plures dies negotia siluerunt, eò quòd pestis acerrima in dies invalescebat. Nam tempore quo Romam adivimus orta, singulis diebus subrepens, usque ad maximam stragem crevit; cuius prætextu principes Ecclesiæ Cardinales, Archipræsules, ceterique Prælati, & curiæ officiales ab urbe secesserant. Sed Prælati, magnates, & nobiles, cum cetera turba quæ ab Hispania in Italiam sanctissimum patrem fuerat sequuta, non discesserunt, cum vidissent Pontificem, tamquam bonum navarchum, naviculam Petri tot tempestatibus fluctuantem non deserere; & sicut servi fideles in tranquillitate, ita in tumultu epidimiæ & angustiis inferviebant. Ideoque plures è nostratibus quàm ex aliis in morbidam luem ceciderunt, quia potiùs mori quàm cum relinquere decreverant, usque ad extremum halitum, ut inferiùs dicitur, in sua fidelitate permanentes.

XXVI. DE MILITIBVS IN *Hispania conscriptis & in Italiam adductis.*

Sed quoniam suprà pollicitus sum navalem armaturam & gesta militum me recensiturum, hic inferere existimavi, & primùm fluctus concitados marisque tempestatem, qua penè obruti fuerunt. Nam profectò multa & gravia sunt perpeSSI, præcipuè tempore illo quo fuimus in Portu, & rursus cum ad ostia Tyberina accessimus. Sed nos in portu, illi verò in alto mari. Vnde nostrum & illorum discrimen fuit dispar. Ceterùm cum omnes convenissent ad portum veteris civitatis vulgariter nuncupatæ *Civitavieja*,

magno periculo & labore cum reliqua turba littoribus optatis potiti sunt ; & in urbe ipsa aliisque locis adjacentibus per aliquod tempus permanentes , infirmitate aut inedia multi perierunt. Tandem cum decretum esset miles ad expugnandum Ariminum proficisci debere , quam Dominus de Malatesta occupatam habebat , post aliquam cladem deventum est ad urbem Ariminum , quam obsidentes sunt castrametati. Vbi Dominus Franciscus Maria cognomento de Ruvere Dux de Vibino , Comes de Monterelero , Dominus de Pesaro & Senagalla , Urbis Præfectus , tanquam feudatarius Ecclesiæ , multis equitibus feudum sponere offerens affuit. Quam præfecturam illi donaverat avunculus ejus Iulius Papa , de cujus cognatione ducebat originem. Quæ arbitrio Pontificis conceditur ad vitæ duntaxat tempus illius , qui donat ; & est magnæ auctoritatis magistratus , præcipuè in coronatione Imperatoris , cui Præfectus Urbis coronam imponit. Quæ præfectura hodie imago & umbra est præfecturæ priscorum ; ut videri potest titulo *De officio Præfecti urbis in Digestis*. Præfectura enim omnia omnino crimina urbis sibi vendicavit , neque tantum ea quæ intra urbem admittuntur , verum etiam quæ extra urbem , dum intra Italiam patrentur. Quies quoque popularium , & disciplina spectaculorum , necnon dispositos milites stationarios habere ad tuendam popularium quietem , & cura carnium & armentorum , ut justo pretio vendantur , ad Præfecti Urbis curam pertinet. Et ut brevi compendio constringamus , Imperator Urbem fidei Præfecti cum miserat , ut latius in præfato titulo tractatur. Et ne diù à materia divertamur , per multi magnates & nobiles in subsidium supradictæ expeditionis Ariminum venerunt. Denique tyrannus ille Malatesta hinc inde constrictus , post mensem ad obedientiam deveniens civitatem Ecclesiæ restituit. Et cum exercitus ferme

tota

tota hyeme per campos Italiæ discurrisset, febris crebra milites invasisit, adeo ut partem dimidiam totius exercitus obisse crediderim; qui etsi non parva jactura, terras tamen Ecclesiæ inquietas pacavit.

XXVII. OBSIDIO ET *excidium Rhodium.*

INter has simultates & pressuras, ecce obsidio Rhodia è vestigio eminit; cui pastor Ecclesiæ, quamvis à munificentissimo Episcopo Concheni instantissime efflagitaret ut à reverendissimis Cardinalibus ac aliis Prælatiis auxilia peteret, cum manifesta cunctis esset inopia sedis apostolicæ; ac ne eorum quiscquam se excusaret, primus ipse Conchenis polliceretur se omnia vasa aurea & argentea allaturum in pecuniâ conflandas, ut reliqui aut religionis gratia aut pudore sua vasa deferrent, hujus efflagitationi assentiri noluit. Atque à multis nobilibus & centurionibus Hispanis interpellatus ut eos in subsidium Rhodum mitteret, eis concedere noluit, tum ob simultates recentes, tum etiam propter nimiam inopiam cameræ apostolicæ, & præcipue quia Prior Capuanus Præceptor militiæ ordinis sancti Ioannis se obtulit, paucis navibus sibi traditis, Rhodiis opem ferre. Tunc sanctissimus pater zelo fidei accensus misit quendam ex Capellanis Magistrum Petrum, Barbifium Genuam, qui magna diligentia & sollicitudine classem pararet quam Priori Capuano traderet. Paulò post allatæ sunt litteræ Magistri Rhodii Pontifici nostro, quibus obsidium ac statum belli significabat. Præterea instantè deprecabatur ut beatissimus Papa dignaretur inéunte vere anni sequentis sibi surque auxiliari. Vsq̃ue ad illud nempe tempus civitatem magistròsque militiæ ac milites suos fore tutos arbitrabatur. Securiratem verò medio hoc tempore

Magister militiæ ideo fortè obtulit quòd cùm hyems instaret, Regem Turcarum deserturum castra & obsessionem non immeritò conjiciebat. Illum tamen omnino fefellit opinio, cùm contra eò ardentius, non in dies modo, sed in horas etiam civitatem circumvallaverit; quæ septem continuos menses per summas difficultates obsessa, cùm terra, tum verò mari, acrimè oppugnaretur, tandem expugnata succubuit. O infelix illa Rhodiorum militum manus, quæ sola tam gravis & ærumnosi belli pondus molemque sustinuit, partim jam trucidata, partim vulneribus ac inedia penè confecta; cùm interim nullus adhuc Principum (ô inauditum torporem & socordiam!) ad propugnandum suppetiæque amicis laborantibus ferendum accingeretur. Heu miseram atque infelicem Rhodiorum militum sortem! O cæcas nostrorum Principum mentes, quos tantus perturbationem stupor oppressit ut perinde ac in theatrâli ludo Rhodo capta, Christiani milites occisi spectentur, nulla non modo classe, quod factu facillimum erat, ad opem laborantibus ferendam instructa, sed nec cymbula quidem aut lintre ad miseros illos solandos emissâ. Quod verò ad nostrum Pontificem attinet, cur ipse quoque in ope ferenda remissius egerit, non est quòd incusetur. Nam habito consilio cum viris strenuis in rebus bellicis ac bellorum expertis credidit Magistrum equitum Rhodiorum & milites civitatem per totum vel propugnâuros; quia non credebant ipsi bellici viri eos ad veris duntaxat introitum auxilii dilationem debere præscribere. Propterea Pontifex consilio peritiorum acquiescens, dictum Petrum à navali expeditione revocavit, ne intempestivè, cùm periculum præsertim non esset in mora, fierent expensæ; maximè cùm camera apostolica summa laboraret inopia. Et cùm tota curia magno mœrore afficeretur tot undique occurrentibus malis, calamitas

& mœstitia urbis pro tempore cessavit, delatis literis prædicti Magistri equitum Rhodiorum, eo maxime quòd existimarent Turcam immanem fidei inimicum tempore brumali ab obsidione discessurum, & tunc Pontificem, Imperatorem, Regesque Christianos Rhodiis suppetias esse laturos. Sed hæc nos opinio, Dei tamen occulto iudicio, scellit; quoniam Turca ferus aper non discessit ab obsidione, neque eum tempestas neque imbres aut bruma terruerunt. Qui non solum urbem constrinxit, verum etiam maria vetuit, commeatus & auxilia obsessis interclusit, ne quisquam Rhodum adire aut inde egredi posset. neque poterant naves ad portus accedere. Et hac causa de ejus statu nihil Romæ significatum est quousque die nativitatis Domini hujus anni, cum Pontifex ad rem divinam audiendam vellet progredi, & milites custodiæ suo ordine componerentur ut arcerent turbam, ne ab ea opprimerentur, ecce lapis decidit ex fornice sacelli sancti Sixti intra palatium extructi, qui quendam miserrimum virum stationarium contrivit, aliumque semimortuum commilitones abstraxerunt. Quo prodigio stupefactus Pontifex, quasi in extasi capellam intrare formidabat. Attamen cum omnia essent parata; decrevit in sacellum ingredi ut divina audiret officia, ne tanta solennitas natalis dominici omitteretur. Et continuo exclamatum est per seniores Romanos Rhodum esse captam, illam nimirum assignantes causam quòd cum Constantinopolis à proavo istius Mahometici Principis expugnata fuerat, alius inde exciderat lapis; & hoc signo cognoverunt excidium Rhodium. In hoc loco, nisi aliò properarem, liberet extendere calammum. Dimissis enim quæ de prodigiis Iulius Obsequens memoriæ mandavit, iis quoque quæ Polydorus Vergilius scripsit, multorum sanctorum patrum sententias huc possem afferre. Illud tamen duntaxat

non prætermittam, Deo justo judicio quædam ejusmodi prodigiorum ostentatione ideo decipi, aut quia id eorum meruere peccata, aut talis credulitas aliquo prætextu fucata superstitionum hominum culpam obnubilet reddatque leviolem. Gregorius tamen in expositione sacri eloquii, scilicet, *erunt signa in sole & luna &c.* hæc verba dicit: *Quamvis priusquam Italia gentili gladio ferienda traderetur, igneas in cælo acies vidimus ipsum qui humani generis fusus est sanguinem coruscantes.* Ex quo loco elici potest nonnunquam similia præfagia certitudinem habere. Sed ut ad rem redeamus, proh dolor, cum tot Principes Christiani armis potentes, virtute strenui, toto orbe diffusi essent, nullus tamen eorum movit pedem, quasi eorum nihil interesset, in Rhodiorum subsidium, præter Dominum Didacum à Toletò Priorem militiæ sancti Ioannis in Castellæ provincia, filium illustrissimi Ducis Albani, necnon Priorem ejusdem ordinis regni Aragoniæ, Castellatum de Amposta cognominatum. Qui singuli singulas naves ex Hispaniis in Siciliam ad portum Messanæ qui dicitur Mecinas adduxerunt; expectaruntque diu alios Priores vel Commendatarios aliosve quoslibet Christianos, ut simul omnes suppetias ferentes Rhodum navigarent. Frustra tamen expectavere, cum nullus ad rem tam piam aut zelo fidei aut amore reipublicæ Christianæ incitaretur, decepti fortasse brumam fugaturam tyrannum illum, quantumvis immanem. Hinc intelligi potest religio & virtus nostratium. Atque si mihi absque suspitione liceret, animum Christianum eorum extollerem, ni satis ipsa experientia monstraret, maximè ab illustri & felici tempore Gundisalvi Fernandez ob excellentiam gestorum magni ducis nuncupati. Ceterum cum prædicti Priores ab omnibus destituerentur, capta Rhodo à portu Messanio in Urbem se contulerunt visitatum limina Apo-

Stolorum deosculatumque sacros Pontificis pedes. Et post aliquot dies in Hispaniam reversi sunt.

XXVIII. DE SECUNDA

revocatione expectativarum.

HVcusque nonnulla adversa Christi vicario recensuimus, quæ ipse, ut diximus, lege Christiana vultuque hilari, sicut prospera, æquo animo pertulit. Redeamus nunc ad discursum actorum ejusdem sanctissimi patris. Qui cum materiam reservationum & expectativarum sacris canonibus inimicam, ac perinde eorum observantissimus exosam haberet, Casaraugustæ omnes beneficiorum expectationes, ut prædiximus, octavo Calendas Maii revocaverat. Quarum revocatio cum sit facti & in facto consistat, posset inculpabiliter ignorari. Ut ergo in omnium veniret notitiam, dictas expectationes in cancellaria apostolica, ne amplius ab aliquo ambigeretur, quinto Idus Decembris palam irritas nuntians jussit. Demum revocatione facta, adeo pestis acerrima increvit ut Cancellariam & Rotam claudi negotiaque cuncta silere ac Pontificem cum familia intra septa palatii detineri oporteret, ut nemini ex urbe aut ex familia, nisi vocato, ad eum pateret accessus, neque cuiquam familiari urbem adire permetteretur; qui, si secus faceret, eo ipso à consortio palatii ablegaretur. Et adeo complacuit hæc monastica vita Pontifici ut usque ad mortem ferme eam servaverit. Cujus rei causa nonnulli Cardinales aliquantulum sedata peste Romam reversi, cum populo querebantur quod non esset ad quem pro suis querelis posset haberi recursus. Ut testis domesticus & oculus, si dictis meis fides adhibenda est, hanc culpam usquequaque illi non audirem imponere. Considerata namque probitate Pontificis, illis potius ascri-

Vide supra
cap. 1. & 7.

berem quorum ministerio & consilio Pontifex utebatur ; qui sibi tantum nixi sunt vindicare Pontificem, ut sub contagiosæ epidimiæ prætextu, ejus commercio soli fruerentur & alios prohiberent. Quibus consiliariis plusquam expedierit, cum aliàs esset formidolosus, se confidebat. Et fideliter asserere audeo nullum multis retro temporibus Pontificem in studiis & negotiis tantum elaborasse. Sed quamvis sollicitè, irritò tamen labore ; quandoquidem ejus labores Sathanæ malitia concutiebantur, cum per manus ignavorum officialium domesticorum negotia essent expedienda. Quorum nomina ideo silere decrevi, ne cum aliis in hoc proficere nequeam, illis officiam. Pontifex tamen adeo incumbere labori ut existimaret pontificatum, mare magnum & spatiosum, suo claro indefessoque ingenio esse moderandum. Et iste assiduus labor causa fortassis fuit ejus intempestivè mortis ; quia omnia propria manu quasi tangere atque æqua lance librare volebat. Tractu temporis multis gubernatoribus, præsidibus, vel arcium custodibus tam diversas urbes quam Ecclesiæ castra commisit.

XXIX. DE EXPEDITIONE
negotiorum, breviumque missione ad Principes
Christianos super pacis observatione.

AT cum divina clementia sua immensa caritate pestem illam à Romano populo primo in eunte vere anni vigesimi tertii supra sesquimillesimum avertisset, jussu sanctissimi Papæ aperitur Rota, & negotia expeditionesque suo ordine procedebant. Prius enim propter contagiosam illam tabem causarum actio cessaverat. Deinde reverendissimi Cardinales ac alii curiales egregii, qui timore pestis aberant, paulatim ad urbem redierunt ; consistoria-

que publica fiebant , ea causa maximè ut Imperatorem & Regem Franciæ invicem divisos concordia pace ligarent , maturiorique consilio pastor Ecclesiæ cum suis fratribus dissidentes ad pacem reduceret. Ad quos assiduè litteras & nuncios miserat , incassum tamen , quoniam antiquus sator zizaniarum iram intestinumque odium adeo fixerat in illorum cordibus ut concordia semen sanctum & monita salutis non exciperent , neque dissidium illud intestinum ab eorum visceribus evelli aut eradicari potuit. Et hac via sanctissimus Papa optatum consequi finem non valens , ad juris rigorem se convertit , eos monendo & sub excommunicationis pœna præcipiendo ut à bellis & simulatibus infra tempora in litteris bullatis præscripta discederent & ad concordiam caritatemque redirent. Quas litteras numero triginta duas expeditas propriis oculis vidi ad omnes Principes Christianos , potentatus , dominationes , & magnates non recognoscentes superiorem missas quos in partes Imperatoris aut Regis Francorum propensos conspeximus , quibus monebantur ab illis factionibus secedere & pacem sub eisdem pœnis inire. Vexillum hæc ne videantur aliquibus peregrina subindeque sua fide carere , cum præsertim dum bellis durantibus inter Regem Catholicum & Reges Franciæ , Pontifices nunquam eo remedio usi sint , propterea fortassis quod Pontifices non pacifici his aut illis partibus adhærebant , jure tamen cautum est 90. *distinēt.* præcipuè in conciliis Carthaginensibus ; quorum verba hæc sunt. *Stutendum est Episcopis ut dissidentes fratres , sive Clericos , sive laicos , ad pacem magis quàm ad judicium coërceant.* Et eodem Concilio : *Oblationes dissidentium fratrum neque in sacrario neque gazophylatio recipiantur.* Item in Concilio Agathensi , cujus series talis est. *Placuit etiam ut (sicut plerumque fit) quicum-*

que odio aut longinqua inter se lite disenserint, & ad pacem revocari diuturna obstinatione nequiverint, à sacerdotibus civitatis primis arguantur. Qui si inimicitias deponere perniciofa intentione noluerint, de Ecclesia cœtu iustissima excommunicatione pellantur. Ideo peritissimus Papa iuris censor prius voluit ad arma spiritualia, quæ propria sunt Ecclesiæ, recurrere quàm corporalia movere. Ista tamen remedia, etsi sancta & iure consona, tamquam futilia & supervacua illi contemnentes, in suo indurato corde perseverarunt. Et indies ventum est ad ultimum præcipitium, ut nostris peccatis in præliis Longobardicæ & Mediolani periculo comperimus; gravioraque damna formidabamus, nisi Deus sua clementia avertisset. Atque his dissidiis, ut fama erat, originem dedit comprehensio reverendissimi Cardinalis *
 * Francisci
 Soderini. Volterrani, qui accusatus fuit crimine læsæ majestatis imperialis, eò quòd arguebatur cum aliis nobilibus regnum Siciliæ in Gallorum manus traditurum, & hac occasione, tamquam particeps conjurationis, in sancti Angeli castellum jussu Pontificis per Dominum Ferdinandum de Sylva ipsius Papæ custodiæ ducem die vigesima sexta Aprilis anni prædicti missus est atque ibidem detentus, honestè tamen, sicut ejus dignitas exigebat, usque in ultimum exequiarum beatissimi Papæ diem; quo cum aliis Cardinalibus ingressus est conclave, ut suo loco opportunè referemus.

XXX. DE CANONIZATIONE beatorum Antonini & Benonis.

ET quia inter alia gesta per Pontificem memoranda potissimum fuit canonizatio beatorum Antonini Florentiæ Archiepiscopi necnon Benonis Saxonæ, quam celebravit Calendis Maii prædicti

anni, propterea huic opusculo, tamquam dignissimam rem, tali forma celebratam annectere volui. Sed prius querendum est quid sit canonizatio. Secundum Ioannem Andream *cap. 1. De reliquiis & veneratione sanctorum* canonizare est aliquem per summum Pontificem catalogo sanctorum adscribere, cum nemini liceat aliquem, etiamsi miracula fecerit, ut sanctum colere, quia sæpe per malos quædam quasi miracula sunt. Magna præterea cum instantia petenda est canonizatio; neque Papa facile moveri ad inquisitionem sanctimonie canonizandi, immo debet commissionem differre illius vite indagandæ, ut videatur interim an fama & miracula continuentur. Quod si fiat, tunc committit inquisitionem super vita & miraculis hominis canonizandi; ut latius hæc traduntur in dicto capite primo. Primum quidem causa prædictorum per Pontificem commissa fuit iudicibus in locis Florentiæ & Saxoniæ, ut diligenter per testes de vita, moribus, & miraculis præfatorum Antonini & Benonis informarentur, sicut iura decernunt, præcipue textus capituli *Venerabili*, De testibus, cujus littera talis est. *Venerabili fratre nostro Episcopo & Capitulo Corisopitensi ac universis Abbatibus apud Cistercium in generali capitulo congregatis. Et infra. Discretionem vestram mandamus quatenus testes quos Abbas & monachi sancti Martini Cisterciensis ordinis super vita & miraculis pia memoria * M. Abbatis monasterii supra*

* Mauricii.

dicti duxerint producendos, examinare sigillatim curetis cum ea diligentia qua solet & debet in receptione testium adhiberi. Informatio itaque prædictorum Antonini & Benonis per iudices juxta mandatum apostolicum habita sub fideli custodia mittitur ad Papam; eamque ipse uni ex Auditoribus sacri palatii examinandam tradidit, ut per eum discuteretur an fuerit jure facta, & probationem sufficientem

ad canonizationem sanctorum fuisse perpenderet. Qui quidem idoneam se comperisse informationem & juridicam Pontifici retulit. Quam iterum pater sanctissimus theologis commisit, qui dijudicarent an mores, vita, & miracula sanctorum digna essent necne ad illos canonizandos. Et juxta eorum vota, quoniam omnia rectè fuerunt reperta, astantibus sanctissimo domino Nostro Papa cum reverendissimis fratribus Prælati ac multis aliis viris literatura & nobilitate claris, canonizatio in publico consistorio proposita fuit in hunc modum. Duo Advocati consistoriales declamatoriè, alter quidem unius, alter verò alterius vitam, miracula, & alia hujusmodi, ut manifesta fierent cunctis, radicitus exposuerunt, exorantes beatissimum Papam ut illos viros, qui sanctitate & exemplo in via suæ peregrinationis eminnerunt, catalogo sanctorum aggregare vellet. Deinde Pontifex post illorum narrationem gratias Deo egit, qui nunquam etiam usque in finem seculorum sanctos & justos elargiri desinit. Et ut sanctius omnia procederent, triduum jejunium & preces Deo effundendas Prælati omnibus indixit, ut ipse sua bonitate in eorum corda, si vera essent miracula, illorum approbationem cælitus infundere, sin autem falsa, avertere dignaretur. Et peracto jejunio, Cardinales & alii præfules cum beatissimo Domino nostro in palatium convenerunt, & in publica concione de eorum vita & sanctimonia, utrum approbatione vel improbatione dignæ essent, prout cuique desuper datum est, conferebant. Et licet multi ex Præsulibus actum istum decorantibus solenniter materiam disseruissent, præcipuus tamen fuit integerrimus pater Dominus Didacus Ramirez Episcopus Conchensis, prudentia & literatura refertissimus. Et post longam altercationem inter omnes convenit viros sanctos approbari. Itaque post biduum aut triduum sanctissimus cum

clero & populo ad basilicam Apostolorum in locum contabulatum eminentiorem ascendens, inter Misfarum solennia alta & intelligibili voce ipsorum laudes pertractans, omnesque ad bene agendum exhortans, his verbis concionatus fuit. *Gloriosus Deus in sanctis suis & in maiestate mirabilis; cuius ineffabilis altitudo prudentia nullis inclusa limitibus, nullis terminis comprehensa, recti censura iudicij cœlestia pariter & terrena disponit, et si cunctos suos ministros magnificet, altis decoret honoribus, & cœlestis efficiat beatitudinis possessores, illos tamen, ut dignis digna rependat, potioribus atollit insigniis dignitatum & premiorum uberiori retributione prosequitur quos digniores agnoscit & commendat ingentior excellentiâ meritorum. Sic & alma mater Ecclesia ejus sacra vestigia prosequens, & exemplo ducta laudabili, licet universos in regnis cœlestibus constitutos studiis honorare sollicitis & sonoris efferre præconiis non desistat, Antoninum tamen & Benonem electos Dei athletas specialibus disponit honoribus venerari. Ideoque circumspecta prudentia dædæ sedis, quæ actibus intenta salubribus & operibus exposita pietatis libenter & solerter exequitur quæ sunt Dei, præmissa sollicitè dignèque considerans & debita meditatione perlustrans, ad divini nominis honorem & gloriâ, exaltationem catholicæ fidei, salutemque fidelium meritò censuit riteque providit servos Dei per sanctam & catholicam Ecclesiam esse colendos. Nos itaque piis ducti consiliis, dignisque studiis excitati, nonnullos prædecessores nostros Romanorum Pontificum specialis devotionis prosequentes affectum imitari sollicitè intendentes, qui aliquos sanctos canonizavere, de consilio fratrum nostrorum pariter & assensu beatos Antoninum Florentia Archiprasulem atque Benonem Saxonensem catalogo sanctorum ascribimus, festa quoque illorum, Missas, & officia in eorum commemorationem per universas orbis Ecclesias singulis annis perpetuis*

futuris temporibus celebrari concedimus & ordinamur. Astantes verò concordī júbilo collaudaverunt Dóminum dicentes : *Te Deum laudamus &c.* Et quamvis summa pecuniarum non exigua in simili actu, tum in pontificia familia toganda, tum in aliis impendiis soleat consumi, circumspectissimus tamen Papatales sumptus, quasi alienos à sanctimonia & à puritate canonizationis, fieri vetuit. Quod rarò (cùm pecunia magno pretio habeatur) visum inter homines censeo. Sed non absque querela familiarium aliorumque suam mercedem frustra expectantium actum est.

XXXI. DE LEGATIONE

& suppetiis in Vngariam missis.

MEnsi Iunii anni supradicti reverendissimum Cardinalem Minervæ, Caietanum nomine, in Vngariam cum quinquaginta millibus ducatorum in subsidium contra Turcas regnum illud invadentes atque legationis officio functurum, virum in literis sacris eximium, ordinis sancti Dominici, bellorum omnino expertem, vicarius Christi misit, etsi alium aptiorem huic rei illuc mittendum curare posset, ut qui paulò antè illustrissimum Columensem Cardinalem, virum strenuum, hujusmodi legationi satis idoneum, mittere decreverat, attamen ob pecuniarum penuriam, cùm ex claro sanguine ortus ampliorum comitatum ducturus, facturisque esset majores expensas, propterea Cardinalis ipse honestiori modo quo potuit, hoc prætextu se excusaverat. Quocirca prædictum reverendissimum Cardinalem Minervæ in illius locum suffecit, qui propter instantem necessitatem citius in Vngariam se contulit; ac paulò post ejus adventum stragem magnam indigenæ Turcis intulerunt, quoniam, ut ex literarum inde missarum exemplari percepi, tredecim mille à paucis Christi-

tolis industria & ingenio eos invadentibus obtruncati sunt, cum furtim expugnare castrum aut prædas, agere niterentur. Reverendissimi tamen Cardinalis labor irritus propè fuit, cum in dies major pars Ungariæ veniret in manus Turcarum; & quod calamitosius accidit, Rex ipse Vngarorum pro defensione regni & fidei à Turcis anno vigesimo quarto supra millesimum quingentesimum in prælio occisus est. Ac post aliquot dies monachus quidam putans sibi licere a claustro exire militiæque intendere, eò maximè quòd reverendissimus Minervæ Cardinalis quasi cum Turcis conflikturus Ungariam petiverit, vel fortè quia in subsidium Christianæ reipublicæ se accingeret, Romæ multos pedites ob Dei amorem nullo alio stipendio collectos conscripsit, qui eos quidem tamquam dux strenuus præcedebat, pedites verò ducem illum sequebantur, & militari ordine sæpenumero ante sacrum palatium per gyros huc & illuc incedebant, & ut moris est, in unum corpus instar coronæ convenientes, jactabant sua, ut ita dixerim, ignivoma tonitrua. Deinde versa vice rotunda phalanx illa hominum paulatim dissolvebatur; & iterum ut grues antesignanum suum insequentes, in hospitia sua redibant. Mercede tandem bellica destituta evanuit exercitus illa devotio, aliis asserentibus Pontificem vetuisse propterea quòd non expediret monachis rebus bellicis immisceri, aliis aliter sentientibus. Nihilominus tamen alter monachus continuo prodiens se obtulit, qui paucis sumptibus multas triremes se paraturum pollicebatur. Sed idem de triremibus quod de exercitu monachali actum est. Et meritò. Gesta enim monachorum extra claustra evanida reputantur. Monachus enim (ut inquit textus in cap. *Placuit*. 2. 16. q. 1.) neque pœnitentiam dare, neque filium de baptismo accipere, neque baptizare, neque infirmum visitare, neque mortuum sepelire;

neque ad Ecclesiam secularem transire, neque aliis qualibuscunque negotiis sese implicare debet. Sit claustro suo contentus; quia sicut piscis sine aqua caret vita, ita sine monasterio monachus. Sedeat itaque solitarius & rãceat, quia mundo mortuus est, Deo autem vivit, Agnoscat nomen suum. Monachus enim Grecè, Latine est solitarius. Sedeat ergo, & suæ solitariæ vitæ vacet. Propterea cum Pontifex juris prudentissimus tantæque sanctimonix vir esset, illos monachos extra monasteria evagari vetuisse arbitror, eosque ad claustra redire compulisse, ne amplius bellicis rebus immiscerentur.

XXXII. DE CONFOEDERATIONE

Pontificis Adriani cum Imperatore, potentatibus & magnatibus Italiae.

ET cum hinc indeque anxietatibus solitudinibusque Pontifex distringeretur, diùque ut cultor pacis, quamvis casso labore, inter Imperatorem & Gallorum Regem per suas litteras nuntiosque procurasset concordiam, quum item rumor esset Regem Franciæ manu potenti in Latium venturum, totaque Italia in partes Imperatoris & Regis, ut diximus, divisa esset, multis diebus consilium cum Cardinalibus in consistorio pater piissimus habuit, ut maturius deliberaret quid in discrimine tanto agendum esset. Tandem ut bonus gubernator ac propugnator paterque patriæ curavit Imperatorem nostrum, dominationes Italicas, Duces & magnates Romanæ Ecclesiæ unanimes colligare ad propulsandos omnes qui Latinos invadere niterentur. Et quamvis unio illa esset generalis, qua omnes vincirentur, conjectura tamen certa erat in Gallorum aut Turcarum Regem esse factum. Pontifex pro terris Ecclesiæ ad expeditionem, Cæsar nempe pro regnis Siciliæ & Neapolis

ac urbibus imperialibus, Venetorum verò, Genuensium, Florentinorumque potentatus, cum ceteris Ducibus, Marchionibus, & Comitibus, certum numerum equitum peditumque pro virili pollicebantur. Ac ut isthæc tamquam utilia & reipublicæ proficua palam omnibus patefierent, sanctissimus pater cum illustrissimis Cardinalibus, Præsulibus, aliisque nobilibus pridie Nonas Augusti petiit Ecclesiam beatæ Mariæ urbis Romæ; ut die intemeratæ virginis de nivibus cognominatæ inter Missarum solennia prædictorum promulgaretur concordia. Quam quidem confæderationem contra quoscumque volentes Italiam invadere jure potuit Papa facere ac arma temporalia movere non suffragantibus armis spiritualibus, ut suprà retuli, ac se & alios Christicolæ defendere. Et quidem cum liceat cuilibet suo vicino vel proximo pro repellenda injuria suum impartiri auxilium, immo, si potest & negligit, videatur injuriantem fovere, licuit etiam Pontifici catholico sibi ac suis proprio subvenire subsidio atque arma parare & gerere bella; ut in cap. *Dilecto*. De sent. excomm. in Sexto. Neque fecisset noster mitissimus pater nisi jure posset, quia magnæ literaturæ & timoratæ conscientiæ Pontificem nostrum fuisse constat. Quis enim facillè crederet virum præditum scientia literarum propriæ salutis oblitum, in juventute pacificum, in senio ad bella se convertere, ni jus & pia justaque causa permitterent? Cum ergo divina officia pariterque pacis fœdera proclamata essent expleta, in suum quisque hospiciū se contulit.



XXXIII. CONVIVIUM
*à reverendissimo Cardinali Bernardino de
 Carvajal Pontifici factum, ejusdemque Pon-
 tificis letalis morbi initium.*

MAximus verò Pontifex in domum sancti Martinelli nuncupatam divertit, ubi à reverendissimo Domino Bernardino de Carvajal Cardinali tituli sanctæ crucis hospitatus atque invitatus fuerat: qui nudius tertius (ne quid sinistrum quis suspicari posset) vetellas, arietes, attagines, phasianos, & alias hujusmodi aves esculentiores vivas, vinaque singularia in palatium miserat sacrum, ut per oblationum præfectos coquosque pontificios degustarentur & pararentur. Tamen præventus letali morbo ne degustare quidem quicquam potuit. Quamvis nonnulli errore ac sinistra suspicione decepti improbè suspicati sunt ex illo convivio ægritudinem esse initiatam. Sed omnino falsum id est, cum nihil, ut diximus, prægustasset. Et hora cœnæ parvo sumpto cibo in noctis crepusculo in aulam sacram rediit. Et in initio infirmitatis medici judicabant esse catharrum è capite defluentem; qui quidem catharrus vulnus quoddam juxta palatum fecerat. Et paulatim apostema illud descenderat in guttur; ubi per aliquot dies sic defixum fuit ut difficillimè quicquam deglutire sineret. Opinabantur tamen physici & chirurgi non esse mortiferum, maximè cum suppuratio illa in brachium collaberetur: qua intumescente, ij qui experti apostema simile fuerant timuerunt, mortemque proximam esse Pontifici prognosticabant. Sed cum ope medicorum inflatio illa expelleretur, iterum respirantes ac læticia affecti credebant Papam evasisse periculum, cum inde deterius illi contingerit: quia, tumor ille deorsum corruens, supra renes
 confedit;

confedit, & usque ad obitum Pontificis cum gravi dolore plusquam triginta diebus affixus stetit. Et licet tolerantissimus pater diebus ferme singulis extra thorum vesceretur, & per cameram deambulet, & nona die ante exhalationem animæ benedicturus milites quos in subsidium Mediolani (fide unionis servata) mittebat contra Gallos, qui post Alpium transitum in Italiam descenderunt, in publicum progrediretur, & ab illo die omnes indubitata Papæ incolumitatem opinarentur, Deus autem, cui spiritum tradidit quadragesima die initiati morbi, aliter decreverat. Et cum nondum de infirmitate satis constaret tot lapsis dierum curculis, opiniones hinc inde variæ emergebant. Alii veneno peremptum, alii ex incognito morbo decessisse asserebant. Quod Dei iudicio, qui secretorum nihil ignorat, est relinquendum.

XXXIV. DE CREATIONE

*Cardinalis Hincfort, & legato
familie relicto.*

ET cum familia Flamingiorum mortem Pontificis per aliquot dies antea præsensisset, illi instabat ut Dominum Guiliermum Hincfort, tunc Datarium & Dertusensem Episcopum, Cardinalem crearet; ne omnino manerent deserti in casu (quod Deus averteret) piissimus pater nutu divino ab hac luce emigrasset. Et licet Papa, sive persuasione familie, sive aliâs ardentem hoc procuraverit, difficillimè a collegio Cardinalium impetraret si reverendissimi patres pro certo ejus proximum obitum haberent; tum quia Hincfort exosus habebatur, tum verò quia paulò antè cognitus in tenui officio, eorum consortio indignus putabatur. Et ferme omnes affectabant Magistrum Theodoricum à secretis Pontificis ipsorum.

E c

conventui aggregari & loco Datarii Dertusensis eligi. Voluntas tamen Pontificis aut verius suorum aliter inhiabat. Et tandem nostri Cæsaris oratore instigante Comite de Cabra Duce Sueffano seu magis de Sessa, triduo ante mortem Papæ numero Cardinalium prædictus Dominus Guilielmus Hincfort Dertusensis conjunctus est, ditatusque multis beneficiis ac officiis quibus eum Pontifex donaverat. O felix vir, quem Deus ad tantum fastigium brevi evexit. Etsi conquerere ut se divitem curialem esse maluisse quam pauperem Cardinalem. Hoc quippe inde provenire arbitror quia suæ quemque fortunæ maximè tædet. Eadem die Gadicensam Ecclesiam cum mille ducatorum pensione Ioanni Rufo Consentino Archiepiscopo aliumque episcopatum in Flandria cuidam juveni Proregis Neapolis consanguineo cum eadem aut majore pensione in utramque familiam Hispanicam & Flamingiam dividendas contulit. Et prima hora diei qua obiit, motus precibus illustrissimi Ducis Sessani Dominus Noster Papa breve concessit quo utrique alumni suppellectilem quam ex Hispaniis in urbem detulerat, moderatione Sessani Ducis ac Cardinalis Dertusensis distribuendam reliquit. Causa largitionum hujusmodi ea fuerat, quòd misera & rerum indiga clientela, tum ob temporis angustiam, tum quia id casu contigit, nihil aut parum pro multis expensis & illatis dampnis recepisset. Sed frustra, quia ex legato nihil, ex pensionibus verò modicum post longam expectationem fortiti sunt. Nam defuncto Pontifice parva aut nulla cura fuit executoribus in explenda ejus voluntate. Vel fortè quia novus Pontifex pensionibus assentiri noluit; aut quia ij quibus officium illud commissum fuerat, sibi officiosi duntaxat, aliorum sunt obliti. Et cum ante mortem Papæ suspicarentur medici in potu aut cibo sive literis eum toxicatum, prævia informatione Dominus Ferdinan-

Eustachius
de Troy h.
p seopus A-
troualensis.

us de Silva Capitaneus custodiæ incarcerationis in castello sancti Angeli quosdam subditos Ducis de Camerino, qui factionem Gallicam sequebatur; quorum causa mihi fuerat commissa. Et quia ante excussionem definitionemque almus Pontifex à vita migravit, successitque cœtus Cardinalium, quibus non magis quàm suspecto Papæ curæ fuit amplius crimen examinare, negotium infectum permansit.

XXXV. DE MORTE
brevibusque Papæ inferiis.

ET cùm jam sæva mors quatuordecima die Septembris prædicti anni M D X X I I. insidiaretur Pontifici, receptis devotissimè sacramentis, ut moris sui erat, ibidem astantibus Prælatibus domesticis cum reverendissimo ædituo Archiepiscopo extremam unctionem ministrante, necnon Pœnitentiariis alternis vicibus more solito præsentibus, moritur Pontifex quadragesimo die incepti morbi, defatigatus doloribus ac cruciatibus creberrimis, anno secundo sui pontificatus. Mortuo Pontifice pontificalibusque ornamentis induto, cadaver foras vehitur in secundam spaciosam aulam palatii; deponiturque in thorum stratum, ubi manifestè usque ad noctem omnibus pareret. Innumeræque hominum copię catervatim ad ipsius pedes deosculandos solita consuetudine irruebant; quia, ut asseriebatur, indulgentia plenaria deosculantibus ejus pedes est concessa. Aderant enim comitantes examine corpus magnificentissimus Conchenfis Præsul, & Dominus Ferdinandus de Silva infelix tunc custodiæ Capitaneus, & Dominus Bartholomæus Cueva, temporis successu creatus Cardinalis, Ducis de Albuquerque filius, & Dominus Petrus Paciecus postea Episcopus Gienensis, & Cardinalis, filius Domini Alphonfi Tellez Comitis de la Puebla

de Montalvan, fratris Marchionis de *Villena*, & Dominus Rodericus Mendocius filius Comitis de Castro, Salmanticensis Episcopus postmodum creatus, cum multis aliis nobilibus Hispaniarum cadaver observantes, ne turba irruens prosterneret, quam vix poterant arcere. Astabant præterea Pœnitentarii ac alii de familia facellani summissa voce officium defunctorum canentes. Deinde nocte eadem in sacellum sacri palatii sub silentio portatur; quod nonnulli nostratum custodierunt, dolentes lacrymosis singultibus obitum immaturum sui ducis & aurigæ. Pietatis namque affectu aut humanitatis intuitu mortuos ligere non prohibemur, sicut nonnullos sanctorum patrum exequiis aliorum pias lacrymas impendisse legimus. Tristes interim collachrymant ærumnas & misérias coacervatas quas per mare & per terras (profectò dignas ploratu) passi sunt, quasque passuri essent; quarum inferiùs aptius forsan mentionem faciemus. Postmodum verò decimo septimo Calendas Octobris convenere reverendissimi Cardinales Prælati, Oratores, magnates, nobiles, innumeraque turba ad inferias beatissimi Papæ, quæ in hunc modum ductæ sunt. Horam circiter nonam ante meridiem magna & solenni pompa in basilicam Apostolorum eodem ornatu Pontificali cadaver lectica deferretur funebri. Et celebrata Missa & peractis exequiis sicut pridie factum fuërat, in aperto relinquitur, ut matronæ Romanæ venirent Pontificis pedes deosculaturæ. Nam hic mos jamdiu in urbe observatur ab ipsis; quæ non passim è domibus egrediuntur, exceptis diebus in chirographo nuptiali designatis. Et tunc obligationis potiùs facultate quàm arbitrio maritorum egrediuntur. Hinc inter illas exortum est adagium, beatas esse feminas quæ nubunt Hispanis, quia liberè ad sacra aliaque munia obeunda pro arbitratu exeunt juxta Iberiæ consuetudinem, neque

constringuntur ut reliquæ ad certos dies & festa solennia. Et ne ab argumento suscepto discedamus, circa noctem ejusdem diei honorificè defertur corpus pientissimi patris in capellam; ubi per Canonicos sancti Petri diebus singulis divinum decantatur officium. Et cum vivens esset aspectu pulcherrimus, horribilis visu tunc omnibus apparebat, ob id nempe quia non pinguis tantum, sed morbi vitio erat valde turgidus. Et cum Scalcus, id est, architriclinus, sacellanorum ac sacri palatii scutiferorum prospiciens tumiditatem cadaveris acclamasset Pontificem toxico interemptum, quippe qui meminerat Alexandrum felicitis recordationis veneno occisum similem effigiem & inflationem habuisse, exorta est contentio inter alterutram familiam. Hispani enim incusabant Flamingios quod non fideliter & sollicitè custodissent Papam sanctissimum, quem sibi solis servandum vendicaverant, repellentes Hispanos, admittentes Gallos & coquos & ministros coquinæ. Et cum eo tempore præfata bella exarderent, suspicabantur omnes ab illistoxicatum Pontificem. Auctore enim Boëtio nulla pestis efficacior est ad nocendum quam familiaris inimicus, nec deterior hostis quam fictus amicus, aut odium gravius quam simulatus amor, Et sunt ideo nequiores hostes hi quam illi qui foris sunt, quoniam per amicitiae speciem quæ inimica sunt gerunt. Sed non puto Flandros adeo ignavos ut tales reciperent à quibus simile flagitium perpetraretur. Si enim aconiti potione Pontifex fuit interemptus, subtiliori ingenio commissum est facinus. Omnia namque edulia prægustabantur ab structore. Sed, ni fallor, propterea admittebant Gallos quia ritus moresque eorum potius quam nostri cohererent illis. Et tantus fuit tumultus domesticus ut ad sedandam altercationem oportuerit arte anatomiae aperiri à chirurgicis cadaver. Attamen quia veritas hujusce rei

minimè cetera constitit, jurgia nondum sopita fuerunt; & ita semidilaniatum cadaver sepulchro traditur. Quamvis memor fuerim Doctorem de Agreda protomedicum dixisse sacrum magistratum veneficio sublatum esse. O immane & horrendum facinus, oves necare pastorem! Nam si apertè quempiam occidere grave flagitium arbitramur, quanto magis insidiosè Pontificem universalis Ecclesiæ, speculum pudicitiae, magisterium vitae, scholam virtutum interimere? O nequissimum leonem veriùs quàm hominem! Tunc agnum mitem interfecisti, quem ut animarum patrem tencharis diligere? Qua temeritate quave audacia tantum scelus commisisti? Consideras enim bonitatem, literaturam, aliaque multa Pontificis merita ut à tam turpi facinore abstineres. Quæ si omnia vellem colligere, faciliùs me tempus quàm materia desereret. Quod non ab homine, sed à dæmone perpetratum existimo. Quod si verum est sanctum Pontificem ab homine toxico occisum esse, hujusmodi suspicioni præsumptionem addidit obitus Prosperi Columnæ generalis copiarum sacrae majestatis ductoris, qui post mortem Pontificis viam universæ carnis est ingressus peremptusque, ut fama erat, veneno. Hoc multi suspicabantur, quoniam Pontifex in fœdera contra Regem Franciæ omnes potentatus Italiæ devinxerat. Et quia Prosper Columna armis & consilio exercitui Gallorum resistebat, ideo cum Pontifice toxico interiisse rumor erat. Quæ nimirum judicio divino relinquamus; quia tam nefaria facinora non sunt à Christi fidelibus præsumenda, neque re neque consilio perpetrata fuisse credendum est. His novem continuis diebus magister domus cum tota familia pontificia ad tumulum Papæ singulis diebus veniebat, & peracta Missa in domum revertebatur. Alii in tinellum palatii, alii verò in proprium hospitium divertebant. Nam mos est quòd clientes

Pontificis defuncti impensa cameræ quadraginta diebus alantur. Vtinam mihi citra suspicionem liceret nostrorum fidelitatem suis laudibus non fraudare, quanto vitæ discrimine quantisque damnis impensisque hunc virum sanctum usque ad sepulchrum sint comitati. Nam profecto si parens singulorum ipse fuisset Pontifex, eisque multa beneficia contulisset, non possent ardentiori amore eidem inservire, cum tamen experts muneris eorum major pars fuerit. Hac eadem die decimo septimo Calendas Octobris, cum tota urbs armis ebulliret, reverendissimi Cardinales in unum convenerant super rebus agendis, & primum ut ordinarent magistratus urbis Præfectum Præfectique officialem, quia obitu Pontificis omnes de more cives parantur ad arma. Et quod deterius est, ex villis & castris finitimis catervatim ruunt rustici ad prædam & pugnam. Item fautores civilium dissensionum concitant partes suas. Ideoque Domini Cardinales ad justitiam expediendam sine mora creant magistratus; frustra tamen, cum seditiones usque ad creationem Pontificis non sedentur. Tractarunt præterea de Castellanis ministris & officialibus in tota Ecclesiæ ditione sub homagio ponendis. His rebus à morte Pontificis in decimum calendarum ejusdem mensis operam dederunt.

XXXVI. DE EXEQVIIS

solennioribus Papæ à Cardinalibus factis.

VLtima die novendialis reverendissimi Cardinales, ut defuncto parentarent, moremque priscum exequiarum servarent præteritorum Pontificum, & officium funebre in hunc modum perficerent, basilicam Apostolorum petivere. Assistent enim reverendissimi Cardinales, per quos Missa funebreis decantatur in prædicto sacello Canonorum. Et inter

Missarum solennia concionatus est præclarus Patriarcha Hierosolymitanus, illustrissimi Cardinalis sanctæ Crucis nepos ex sorore, ex familia de Carvajal, alliciendo & exhortando reverendissimos Ecclesiæ principes ut talem in pontificali sede constituere procurarent cui Reges & Principes terræ capita submitterent, ejusque monita velut medicamenta susciperent. Ac finita Missa quatuor Cardinales comitantur reverendissimum eandem Missam celebrantem usque ad suggestum in Apostolorum media basilica erectum, quod circumstabant familiares Pontificis pullati; super quod aliud cor tabulatum instar arcis facibus magnis plenum structum erat. Atque interim dum cantores psallebant & eorum requiei antiphonam, quilibet Cardinalium circuebat tumulum, aspergens supra eum aquam benedictam, aut thurificans; & cum perficiebat orationem, summissa voce cantabat. Quo ordine ad ultimum usque deventum est. Ad has solennes inferias Dominus Cardinalis Vulterra eductus à carcere venit, cum multis antè diebus in arce sancti Angeli jussu Domini Nostri Papæ illa de causa quam supra retulimus inclusus detineretur, eumque bonæ memoriæ Adrianus solvi vetuerit ante creationem novi Pontificis. Attamen ut cessarent Oratorum Cardinaliumque contentiones, quoniam alii volebant illum statim dimitti, alii autem præceptum Pontificis custodiri, decretum est ab illam ultimam Missam ducendum, qua finita, conclave cum ceteris Cardinalibus intraret, essetque cum illis inclusus usque ad novi Pontificis electionem, qui posset, si vellet, eum in castrum reducere aut ejus causam indecisam relinquere, sicuti factum est.



XXXVII. DE PROTESTATIONE
*nuntii Regis Franciæ ne Cardinales
 intrarent conclave.*

Peractis exequiis illustrissimis Cardinalibus conclave, ut moris est, ingredi volentibus, contentio exorta est inter Oratores Cæsareæ majestatis ac Regis Gallorum. Nam Orator Regis assererat reverendissimos patres expectaturos Cardinales in Galliis commorantes antequam intrarent conclave, cò præcipuè quòd tenerentur absentes citare ut venirent ad futuri Papæ electionem; alioqui absentium nomine protestabatur se acturum de contemptu, prætendens etiam moris esse omnes Cardinales citra vel ultra montes existentes ad electionem esse vocandos, quòd si secus fieret, irritum & inane quicquid sine ipsis decernerent fore protestabatur. E diverso Cæsaris Legatus dicebat rem esse magni periculi diuturnam vacationem apostolicæ sedis, & propterea brevius pleniusque esse consulendum. Quàm verò gravibus sit onusta dispendiis, quot & quantis sit plena periculis Ecclesiæ Romanæ longa vacatio, exacti consideratio temporis edocer; quia deficiente Ecclesiæ pastore gregem dominicum rapax lupus invadit, & Ecclesia viduata in facultatibus grave dispendium patitur. Et idcirco petebat à reverendissimis Cardinalibus ne sanctam congregationem differrent, ut tantis discriminibus occurrerent; maximè autem quòd juxta juris dispositionem Cardinales præsentés non tenentur absentes expectare ultra decem dies; ut apparet ex textu cap. *Vbi periculum.* in verbo *Hoc sacro.* De electio. lib. sexto; cujus verba sunt. *Hoc sacro concilio approbante statuimus ut si eundem Pontificem in civitate in qua cum sua curia residebat diem claudere contingat extremum, Cardinales qui fuerint*

in civitate ipsa praesentes absentes expectare decem diebus tantummodo teneantur ; quibus elapsis, siue absentes venerint, siue non, ex tunc omnes convenient in palatio in quo idem Pontifex habitabat contenti singuli singulis tantummodo servientibus Clericis vel laicis, prout duxerint eligendum. Illis tamen quibus patens necessitas id suggerit indulgeri, duos habere permittimus, eisdem electionis arbitrio reservato. Auditis & intellectis utriusque Legati rationibus, decretum fuit per Dominos Cardinales, ut tot damnis obsisterent, statim adire conclave.

XXXVIII. DE INGRESSU. *conclavis.*

TAndem more solito itur ad claustrum prima die Octobris anni millesimi quingentesimi vigesimi tertii, quod usque in diem sequentem quarta hora post meridiem mansit occlusum. In eo autem triginta Cardinales affuerunt ; & sexta die ejusdem mensis supervenere alii tres Cardinales Gallici modo excurtorio ; quos Orator imperialis simul cum aliis dicebat non esse admittendos, eò quòd conclave jam esset clausum. Sed post longam altercationem determinatum est ut admitterentur juxta textum in capite præallegato in versic. *Si verò ibi absentes, quos per decem dies diximus expectandos, supervenerint re integra, videlicet antequam eidem Ecclesiae sit de pastore provisum, in eodem negotio in illo statu in quo ipsum invenerint admittantur ; qui præmissa quæ diximus tam de clausura quàm de famulis, cibo ac potu, reliquisque cum aliis servaturi erunt. Quorum adventu perculsi sunt imperiales. Triginta itaque tres Cardinales fuerunt in conclavi usque in diem Mercurii dedicationis basilicæ Apostolorum Petri & Pauli decimam octavam mensis Novembris ejusdem anni,*

qua electus est Pontifex maximus reverendissimus Dominus Cardinalis de Medicis, vocatus Clemens septimus. Quæ autem compositiones & conventiones, si fas est foras effutire, diebus conclavis inter reverendissimos Cardinales eorumque confœderatos ultro citroque jactæ fuerint, aliis scriptotibus relinquamus, qui verius gesta secretiora intellexerunt. Sat sit nobis tot sine controversia dies elabi non potuisse. Nos verò post tot dierum curricula potius schisma quàm electionem formidabamus; propterea quòd adjurationes dicebantur factæ à senioribus Cardinalibus de non creando Domino Cardinali de Medicis, & à junioribus de eodem pontificali apice decorando. Et quamvis in re tam sancta non sit verisimile talia juramenta intervenisse, cùm lex etiam humana similes pactiones sive juramenti sive cujuslibet alterius vinculo firmatis innexas casset & irritet, & jura viribus eas carere decernant, ita ut nullus ad illa observanda quomodolibet sit astrictus, nec quisquam ex earum transgressione notam vereatur fidei non servatæ, & Deo transgressiones hujusmodi quàm jurjurandi observationes sint acceptiores, cùmque cesseret electio dum libertas quoquo modo adimitur eligendi, vulgus tamen nemini parcens has pactiones pro certo asseribat. Tandem seniores Cardinales, fortassis defessi, cesserunt; vel quoniam tam proximam clausuram pati non poterant, aut quod verius est, quia Deus, qui cuncta gubernat, mutaverat illorum corda ut omnium consensu reverendissimus Dominus de Medicis eligeretur, ne defectu pastoris universalis Ecclesia incommoda pateretur. Et die sequenti festo sanctæ Helisabeth de Vngaria celebritati dicato fuit ejus electio publicata, nimirum quinquagesima die, quasi Spiritus sanctus repræsentato Pentecostes festo affuisset. Pontifex autem prius quàm exiret à conclavi magnas fecit largitiones Cardina-

libus, donando eos officiis; quatuor duntaxat reservatis, quorum obventiones sibi retinuit. Conclaviariis etiam aliisque complura beneficia & quadraginta millia ducatorum, vestes insuper contulit, & omnibus gratias egit pro electione de se facta. Et non post longum intervallum à publicatione electionis pontificali apparatu amictus, magna solennitate & pompa in solio à lexicariis ducitur in basilicam Apostolorum, in capellam beati Andreae, ad gratiarum actiones; ubi à Cardinalibus solita veneratione fuit exceptus, ut superius in genuflectione piissimi Adriani retulimus. Et post benedictionem populi, in limine sacelli Magister ceremoniarum tenebat duas arundines, alteram stupa, alteram candela incensa paratas; & cum Pàpa egrederetur, alta voce & intelligit illi exclamavit incendendo stupam: *Pater sancte, sic transit gloria mundi hujus*. Deinde in medio Ecclesiae fecit idem. Tertiò denique ad exitum basilicae eadem protulit verba. Et eodem ordine ac comitatu reversus est in sacrum palatium. Primitiae pontificatus fuit creatio Datarii Ioannis Matthæi; qui etsi juvenis, prudentia tamen senex clarisque virtutibus pollebat, ut ab omnibus probabatur. Postmodum verò magna festa solennitatesque celebrantur usque ad Calendas Decembris; quibus Pontifex novus coronatus, Ceterum quia animus meus fuit gesta beatissimi Adriani immortalis memoriae viri describere, quæ facta sunt tempore Clementis felicitis recordationis sub silentio præteribo; (Hoc enim esset membranam, quod aiunt, totam occupare) maximè quia in Romanorum Pontificum annalibus latius & elegantius sunt designanda. Ac ne multum à proposito videar dilabi, ad rem cœptam revertar.

Ioan. Matthæus Giber-
tus, postea
Episcopus
Veronensis.

XXXIX. DE RETENTIONE
beneficiorum in pectore Pontificis Adriani.

Cum beatissimus Papa, recolendæ memoriæ vir, in omnibus esset circumspectus, præcipuè tamen in provisione beneficiorum, eos undique viros quæritans quibus salva conscientia posset ea conferre. Cum eos ex sententia non facile inveniret, plurima beneficia post ejus decessum vacantia remanserunt. Et quia non passim & sine delectu curialibus ac reliquis beneficia & ordines de more conferebat, æmuli invidique tenacitati potius quàm debitæ provisioni hoc imputabant, minimè considerantes qua vigilantia ac solertia beneficia sunt conferenda. Prælati enim juxta canonum statuta ad unguem perpendere debent viros, provectiores scientia, moribus, & ætate, qui in sacro ordine & Ecclesiis sunt collocandi; ubi, ne potentia aut supplicatio quorumlibet subrepat, merita personarum sunt expendenda. Et quia vigilantissimus Papa tam in promotionibus quàm beneficiis conferendis hæc exactissimè observabat, in multorum indocilium quasque barbarorum hominum odium incidit. Cum dignitates, personatus, & reliqua sint singulis singula, & non plura, ut sacri canones testantur, tribuenda, attamen nonnulli modum avaritiæ non ponentes, dignitates diversas & plures Ecclesias contra canonicas sanctiones nituntur accipere; qui cum unum officium vix adimplere sufficiant, plurimorum stipendia sibi vendicant; quæ multis literatis viris vitæ puritate ac testimonio bonæ famæ pollentibus, quique infelices in plateis mendicant, possent abunde sufficere æqua distributione collata. Hæc & majora pericula pluralitas beneficiorum execrabilis adfert. Plura enim sacerdotia habentibus paratur materia vagandi; præter id quòd divinus cultus

minuitur, atque jura Ecclesiarum absentia rectorum collabuntur, &, quod deterius est, animarum cura negligitur, & vitiorum sentibus fomentum periculosè præbetur. Hæc & alia hujusmodi effrenata cupiditas, sui prodiga, pacis æmula, mater litium, materia jurgiorum, generat. Et cum hi nondum in castris dominicis fuerint initiati, jure optimo tamen putant sibi majores præbendas deberi, tum quia antiqui curiales, tum præcipuè quia caudatarii sint aut cubicularij Dominorum Cardinalium; non attendentes quòd etiam leges civiles officia secularia & principalem locum, non tyronibus, sed veteranis ac per singulos gradus examinatis conferunt. Quis tam arrogans, tam impudens erit qui in cælesti militia, quæ propensius ponderanda est & sicut aurum repetitis ignibus exploranda, statim dux animarum esse desideret, cum fortè ne tyrocinium quidem fecerit, cum prius lectorem, aut ostiarium, psalmistam, exorcistam, sive acolytum in divinarum rudimentis, ut sacros ordines omittamus, agere debuisset; cum iniquum sit absurdumque ut imperiti magistris, novi antiquis, rudes emeritis præferantur. O execrabilis ambitio, quæ semper quò plus ambit, eò magis fit insatiabilis; quò sibi ampliùs indulget, eò magis inhiat. O improbitas importuna petentium à Pontificibus Romanis coacervata sacerdotia, ut non tam obtinuisse quàm extorsisse plerique noscantur. His omnibus vicarius universalis mederi cupiens, quæritabat undecunque literatos quibus Ecclesiarum gubernacula committeret, Doctorem inquam de Agreda, Doctorem de Alvarado, Doctorem Coldefança, Doctoremque Ortiz tunc Parisiis commorantem, ut ex multis hos saltem pauculos seligamus, ac plures alios in Hispania, Francia, Italia, & utraque Germania; ut de me interim taceam, non inter hos antè signatos Doctores nominando, eisdem tamen ab

eodem Pontifice connumerato. Ideoque cum provisiones & alia hujusmodi præmissa oculus testis inspexerim, omnibus hæc pernoscenda curavi. Ac propterea maximè curialibus Pontifex erat infestus, quasi novatum opinionum superstitiosus inventor. Qui utinam considerassent quod si qua beneficia vivens adhuc non concessit pastor eximius, non sibi, sed viris doctis & sublimibus perquirendis reservavit, ut experimento exemplisque omnibus probis fuit exploratum. Considerassent præterea detractores, ne opinarentur eum esse tenacem, inopiam apostolicæ cameræ ex eaque omnia vasa aurea & argentea & pretiosissima quæque suppellectia asportata aut pignora esse, adeo ut neque obolus quidem, quo indigentia sublevaretur, in ea reperiebatur, nedum ad liberalitates exercendas sufficeret, & nemo in tanta pauperie posset liberalis existere nisi demens, aut ni contra fas extorsisset gabellas seu impositiones à subditis. Quod minimè attentavit pientissimus Papa; immo potius eos spiritu lenitatis consovebat, illorumque indigentis subveniebat. Animadvertissent etiam ob acerrimam pestem siluisse negotia è quibus obventiones apostolicæ cameræ evenire solent. Neque erat industrius ad investigandas pecunias, magis deditus lucubrationibus litterarum. Vellet nempe solvere creditas pro classe paranda & exercitu colligendo clientelaque alenda; quæ quidem omnino brevi & immatura morte non esse solutas reor. Considerantes verò magnas impensas, apostolicæ sedis summam inopiam parsimonix & non avaritiæ attribuerent. Si enim hoc non fecisset sanctissimus Papa, dilapidator bonorum potius quam magnificus largusque videretur. Quamvis sæpe vitia se ingerunt, sapissimeque sub virtutum prætextu latitare conantur. His verioribus & iustis causis obstruere ora latrantium contra Pontificem existimavi, licet alius oratione magis

composita meliùs posset eum excusare. Sed veritas absque ampullosis verbis longisque verborum ambagibus se ipsam demonstrat. Hæc sat mihi puto retulisse, ne in re tam clara prolixus aut verborosus videar.

*XL. DESCRIPTIO STATURÆ
& qualitatum Adriani Pontificis maximi.*

AD coronidem opusculi congruum duxi in meam Aatorumque piam recordationem staturam & qualitates Adriani sexti Pontificis maximi dignas memoratim describere. Nam quod imago depicta in doctis, ædem scriptura præstat literatis hominibus. Et tunc membrorum pulchra temperatura, aspectu pulchro, vultu oblongiori, candido, & rubeo, sublimi nato, ac aliquantulum aut senio aut natura incurvabat caput & collum, statura proceriori, incessu moderato neque tardo neque cito, silentio providus, utilis & cautus in verbo, humilis, doctus, castus, honestus, conversatione alacer, ac benignus, videntibus & colloquentibus placidus ac clemens, sermone verax, iudicio rectus, qui conspicientes honestate instruebat atque reficiebat moribus, integerrimus vita, literatura sacra conspicuus, adeo ut ejus tempestate par difficillimè reperiretur. Heu miseram temporis calamitatem! Antequam fastigium pontificatus adipisceretur, erat exemplar virtutum; in pontificatu verò non defuerunt detractores, critici, & blaterones, qui illi detraherent. Post obitum verò à malevolis quasi vas contumeliæ fuit reputatus. Deus tamen, qui cuncta per veras causas agnoscit, aliterque homines judicat, qui bene noverat mentem & opera piissimi Papæ, quem neque magnitudo status movit ut vitam mutaret, immo eadem frugalitas, eadem continentia, par in sacris eloquiis enucleandis ardor & studium, sibi que per omnia similis in cultu

cultu & parsimonia, æquali in omnes mansuetudine
 usus, nulli servivit desidiæ, nulli denique fuit per-
 turbationi apud eum locus. Neque minùs clementer
 ac leniter, ubi res postulabat, vel severè & rigidè &
 dixit & fecit omnia, ni forsan clementior fuerit na-
 tura quàm regnorum gubernatores decet. Audacter
 fortassis asserere possem, ut domesticus testis, quòd
 neque vidi neque persensi, quandiu in ejus obsequio
 & ministerio permansi, quicquam sinistrum aut mi-
 nùs grave in dictis aut factis; immo quâsi speculum
 cunctarum virtutum, antequàm urbem ingrederetur,
 ut cuncti noverunt. Cujus orationi studium vehemens
 succedebat. Et studium interdum oratio interpella-
 bat, ita ut ea, solùm tempora quæ naturæ necessitas
 exigìt victui & quieti concederet, cetera omnia of-
 ficiis divinis ac humanis ita distribuens ut humani ge-
 neris adversario nullum locum vacuum relinqueret.
 At quid moror in illius præconiis enarrandis, cum
 esset vix ex omni parte irreprehensibilis? de quo con-
 sultius forsan esset nihil dixisse quàm hæc pauca re-
 ferre, præsertim cum lingua dictantis impar sit tam
 arduæ materiæ.

XLI. DE BREVI MORA IN

*urbe post Pontificis obitum, redituque
 meo in Hispaniam*

Occasione tamen hinc sumpta, in calce hujus
 opusculi, ut de me interim nonnihil loquar,
 annectere volui brevem moram quam post obitum
 Domini mei Papæ in urbe, non tamen sine causa,
 traxi; reditumque meum in Hispaniam nonnihil
 ad rem attinentem adjungam. Defuncto enim Domi-
 nio meo non pœnitendo Pontifice, lites exortæ, ut
 solet, super canonicatum meum reditum moraban-
 tur. Quapropter oportuit gradum figere eisque finem

optatum imponere. Et habita sententia, exequutorialibus, ut sic dicam, obtentis, possessioneque canonicatus à clarissimo ac perinde in orbe terrarum celeberrimo capitulo almæ Ecclesiæ Toletanæ concessa, continuo composui sarcinulas, ut ad propria remearem. Sed cum non expediret hominem solum proficisci, potissimum ex Italia, quæsiui comites; & inveni ex familia Papæ paucos quidem ex multis. Nam illorum magna pars illa ipsesta & proluxa peste jam pridem obiverat, alia in exercitum Imperatoris distracta cum expeditione maximi Adriani ejus morte fuerit consumpta, reliqua verò periit in illa miserrima summersione Domini Ferdinandi de Silva; de qua suo loco dicitur. Et cum sacra eloquia nos doceant ut quæcunque agere verbo aut opere velimus, omnia in nomine Domini Iesu Christi faciamus, merentes amisso duce, omnique comitatu in basilicam cognomento sanctæ Mariæ de populo nos contulimus, unde post rem divinam celebratam feliciter cœpimus nostrum iter die Martis Idibus Martii anni vigesimi quarti supra sesquimillesimum, hora decima quinta secundum horologium Romanum, quod numerari incipit à solis occasu pridianæ diei. Et tendimus in oppidum de Badano; cui adjacet nemus illud satis vulgatum ejusdem cognomenti, & lacus capax ad piscandum; & cum pisces sint mali, nihilominus tamen aer deterior est, distatque ab urbe quatuordecim, ut mensuris Italicis utamur, milliariis. Ac illico inde profecti, in oppidum de Monteroso pervenimus sejunctum à præcedenti sex milliariis; quorum tria leucam Hispanam conficere dicuntur. Deinde oppidum de Ruifellon in noctis crepusculo petivimus; inter quæ duo oppida fuit amnis profundus. Nihil aliud inter utrumque memorabile cernitur præter lacus piscatorios similes præcedenti. Die Mercurii in aurora egressi concessimus Viterbium civitatem

quam, ut reor, mille * vicini colunt ; ubi corpus ^{* id est, ciues.} divæ Rosæ in cœnobio quodam monialium colitur ; quæ illac transeuntibus dant chordulas quasdam quibus sacrum illud corpus tetigerant, juvantes quidem, ut incolæ aiunt, parturientes patientesque lumborum dolorem & remum ac hujusmodi alios cruciatus. Quod minimè ambigendum puto ob prærogativam illius beatæ virginis. Nam ejus merita hæc & majora privilegia merentur. Est præterea cœnobium sanctæ Mariæ de la Chercia, nostro idiotismo *del enzina* nuncupatum. Continet etiam imaginem Deiparæ virginis, quam magna religione accolæ venerantur ; distatque à Ruissello decem milliariis. Hinc perreximus in urbem nomine Montis-Flascon, aliàs Falisco ; quæ licet parva inhabitantium numero, fulget tamen cathedrali Ecclesia, qua corpora beatorum Margaritæ & Felicitatis & septem filiorum magna devotione coluntur. Cui è regione non eminus prominet palatium episcopale ; honoraturque præterea corpus sancti Publiani in propria Ecclesia, unita tamen majori basilicæ. Circumstant urbem tria cœnobia, unum divi Augustini, aliud beati Francisci, tertium ejusdem ordinis nominatum servorum. Continet etiam quatuor Ecclesias parrochiales, & castrum occidentem versùs mediocriter munitum. Quæ omnia reddunt urbem illam magnificam, insula episcopali decoratam ; quam quidem minimè proprius sponsus illustrat, propterea quòd quondam communitas eum occidisse perhibetur ; ac civitati dignitas episcopalis jure subtrahitur casu quo ipsa interemerit Prælatum ; ut *cap. si. 25. q. 2.* Neque stupeas tali pœna eos puniri, cum in libro Decretorum scriptum sit : *Oves* ^{c. 9. t. c. 9.} ^{0. 1. 1.} *pastorem non reprehendant, plebs Episcopum non accuset, neque vulgus eum arguat.* Quinimmo sententia Chan filii Noë damnantur qui suorum præpositionem culpam pròdunt more Chan, qui verenda patris non

operuit, sed irridenda monstravit; cùm si aliquid contigerit de Domini sacerdotibus audiri quod piis mentibus ingerat confusionem, non infructum Chan, sed pudoratos filios Noë imitantes, contegere te-
neantur. Legitur præterea Imperatorem Constantinum dixisse: *Verè si propriis oculis vidissem sacerdotem Dei peccantem, chlamydem meam exucrem, & cooperirem eum, ne ab aliquo videretur.* Ergo si ac-
culare aut reprehendere suos præpositos nefas judicatur, quanto atrocius oves trucidasse pastorem nefandum & immane flagitium solaque morte planeum est. Quod ratò aut nunquam in nostris Hispaniis accidisse creditur. Etsi proditum sit in comitatu de Vizcaya Cantabros olim proprium interemisse Pontificem; hujus tamen facti nihil certi conjectari potest; quanvis aliqui opinentur propterea Episcopum eorum provinciam neque visitare neque in comitatum ingredi; ac etiam jura duplicia ab eis in litibus ecclesiasticis persolvi. Quæ quidem argumenta nequaquam ob id hanc consuetudinem inolevisse probant. Etsi vulgus hoc teneat, aliterque alii sentiant, hoc tamen liquet quòd Episcopus non visitat illos, neque illi se visitari permittunt, cò forsan quòd primates provinciae obstant, ne ab eis decimæ & alia emolumenta Ecclesiarum vendicentur. Sed ex quacunque causa id evenerit, oporteret, ne grex dominicus dispergeretur, oves suum pastorem agnoscere. Etsi apud ipsos ad gloriam Dei fides illibata & inconcussa permaneat, quod ut testis & arbiter assevetare possum, non tamen ambigo quin multa incommoda ex absentia Prælati exoriantur, quibus esset medendum. Nam sanctius est in tempus occurrere quàm post vulnus impactum medelam quærere; ideoque esset opus rei tam periculossæ intendere animum: quia, ut evangelica sententia præmonet, bonus pastor cognoscit oves suas, ab eisque mutuò cognoscitur. Unum coram

Deo testor, quòd quandiu in episcopatu Calagurritano fui demoratus, cum multis nobilibus viris comitatus Cantabriæ sæpe pertractavi de ingressu & visitatione nomine Episcopi domini mei facienda, qui nunquam ei obstiterunt; ac nisi electio piissimi Adriani citius quàm perficeretur negotium emergeret, omnia, ut reor, componerentur. Neque piget hæc inferuisse, etsi videantur ad rem propositam non attingere, ut aliquis fortasse zelo religionis accensus à summo Pontifice & Rege Carolo Imperatore nostro impetrare conetur ut præsul Calagurritanus planè & sine offendiculo comitatum Vizcaïæ sicut reliquas partes episcopatus visiter. Evangelica enim lectio præcipit: *Compelle eos intrare &c.* Ad rem itaque rediens, ne longius provehar, prædicta civitas Montis-Flascon distat à Viterbio octo milliariis. Illinc egressi hora tertia post meridiem, tetendimus Vulsenam ducentorum civium oppidulum, quod ferme circumdat lacus magnus trigenta milliariorum; quod prætereuntes, appropinquavimus oppidulo nuncupato sancti Laurentii satis munito distanti à Monte-Flascon novem milliariis & à Vulsena tribus, ubi pernoctavimus. Die Iovis diluculo à sancto Laurentio discedentes sex milliariis, in oppidum de Aquapendente devenimus; & absque mora abeuntes, accessimus diverforia de Palla per alia decem miliaria, ac post prandium in cauponam de Escala, ubi illa nocte quievimus; licèt per terram ignobilem inhabitatamque octo milliariorum intervallo concessimus. Sequenti verò die Veneris in sanctum Quiricum nos contulimus leuca, ut brevius dicam, inde distantem. Quod oppidulum etsi parvum sit, aliquantum tamen præmunitum apparet; processimusque decem inde milliariis in municipium de Buenconvento, tandem ad oppidum de Lucina semotum quinque milliariis. Deinde in Monteron parvo tramite distantem ventum

etiam ponit quod digitos habeat. Pes enim quindecim digitorum spatium ; ut in ead. glos. Cosmographis verò est sedecim. Sed de his hætenus. Deinde verò per loca inhabitata & cauponas usque ad montem Lupi ; & ultra. procedentes divertimus in suburbium Pisarum urbis antiquitus celeberrimæ & primas provinciæ obtinentis, quæ dominabatur in magnam partem maris nostri terrarumque , nunc autem facta est sub ditione & tributo Florentino. Habet hæc antiqua civitas & celebrata per orbem juxta cathedralem Ecclesiam templum sancti Ioannis Baptistæ satis insigne cum turri artificio singulari constructa quasi minanti ruinam quæ proprius transeuntes conterreat. Et præterea juxta templum cæmeterium cujus area parietibus circumquaque depictis inclusa dicitur Campus sanctus instar Romaui. Huic domus episcopalis quasi cohæret. Ex altera parte ædes Canonicis ad degendum visitandumque deputatæ, quibus annectitur vicus porrectus longè latèque discurrens, qui appellatur *Strata*, satis magnificus, parum tamen habitatus, propterea quòd tempore ætatis fertur esse novicus. Continet præterea celebrem universitatem, quam tunc decorabat magnus ille ac famigeratissimus Doctor Philippus Decius utriusque juris Doctor. Collabitur etiam per mediam urbem amnis lætificans eam, si lætitia mœstis paulò antè dominis, modò astrictis alieno imperio, cum nundum recentem delinissent dolorem, tribui potest. Habet item ultra prædicta loca unum orphanotrophium non prætereundum, quo educantur infantes expositi, opus sanè memorabile, instar nostræ illustis civitatis Toletanæ in orbe terrarum clarissimæ. Reliqua verò, si qua digna annotatu ibidem adhuc extant, non potui conspicerè, quia clanculum urbem illam ingressus fui ; cum ideo observaretur ne ab urbe Roma profecti peste illa acerrima & diutina.

qua nubs ipsa infestabatur, quæque tot homines corripuerat, quamque illuc usque durare formidabant, Pisas urbem inficerent. Ideoque velut in latebris cunctari fuimus in nostro hospitio apud Pisas tres quatuorve dies, expectantes quidem lintrem qua Genuam veheremur.

XLIII. DE COMPUTATIONE

Suprà c. 16.
17.

studiorum, & navigatione in Genuam.

VERUM quia superius annotaveram portus à Genua in Liornam distantem à Pisis nonaginta sex stadiis, hic non referam. Stadium est, ut hoc quoque cum reliquis mensurarum intervallis omnibus innotescat, quod continet octavam mille passuum partem, hoc est, centum viginti quinque passus, pedes vero sexcentos viginti quinque, aut quingentos secundum certiore cosmographorum computationem. Hunc itaque Pisanum portum nostra aggressi sumus navicula. Ideo autem hos portus censui prætereundos, ne geminato sermone videar molestus, cum in navigatione Adriani Pontificis eisdem pro modulo descripserim. Prius autem quam accederemus Genuam, comperimus militem quendam Hispanum, qui primus nobis cladem & calamitatem Domini Ferdinandi à Silva ambiguo verbo referavit. Nos verò tristari paulatim processimus, cum paulò antè instantissimè faceremus iter ut cum illo in Hispanias regrederemur. At Deus ex alto aliter prospexit, ne tota lamentabilis Pontificis familia quis obruta, peste aut bellico gladio consumeretur, essentque saltem qui nuntium mæstium, etsi dolentes, ad nostrates Hispanos deferrent. Demum adivimus Genuam, ibique invenimus Dominum Doctorem de Agreda, qui nos præcesserat ut cum prædicto Domino Ferdinando in patriam navigaret. Eramus quidem

tristes ; quia jam apertius circumferebatur infortunium illorum nobilium. Agentes tamen quas potuimus gratias redemptori nostro, qui nos à tanta infelicitate liberavit, cum omnes simul periissent in navì contrariis fluctibus agitata. Neque adhuc constat certus locus infortunii calamitosique casus, cum nemo illorum periculum evaserit qui id nuntiaret. O infelix nobilium animus indefessus ! quanta aviditate, quanta solertia sequuti sunt dominum & aurigam Pontificem Adrianum, quanta mœstiria illo amisso sunt reversi, ac demum perierunt in mari cum Domino Ferdinando à Sylva è nostris plures illustres viri ; quorum paucos obiter referam. Dominum Petrum inquam filium Marchionis de Monte-majori, ac Dominum Alphonsum filium Comitissæ de Salinas nostri patroni Adriani Camerarium, multosque Magistros militiæ ordinis sancti Ioannis, quos virtus à calamitate exemerat Rhodia ut causa latens fluctibus submergeret ac suffocaret, cum pluribus aliis quotquot navis illa magna, carraca vulgò nominata, onusta capere poterat. Flevit infelicitatem Hispania, & præcipuè nostra urbs Toletana, suos filios extrema fuisse passos. Flevit etiam Genua cives suos cum navarcho suo obrutos. Flevit præterea Nolensis civitas nauclerum ac ministros navis ac cives merfos amisisse. Hinc pensanda sunt facta divina. Heu nos miseros, qui anxii festinabamus ut simul cum eis nostra fieret navigatio ! Quod Deus sua clementia dignatus est avertere iudicio suo secreto. Quod utinam fuerit ad salutem animarum nostrarum. Ceterum vix paulum processeramus post miserabilem illam ruinam, ecce nuntium nostras perculit aures, quòd altera navis, que vulgò dicitur carraca, etiam submersa fuerat juxta insulam Ebusum, quæ nunc Ibiça dicitur, ex qua Dominus Ioannes à Corduba Decanus Cordubensis cum paucis, propterea quòd esset in portu aut propè,

fuerat liberatus, reliqui verò emigrarunt à luce. Nos verò circumdati angustiiis, consideratis tōc discrimi-
nibus, timentes ne criminibus nostris casus similis
nobis accideret, quærebamus modum securiorem
quò tutius proprias domus possemus invisere, cum ad
hoc necessitas ipsa nos cogeret. Per terram enim non
erat tutus accessus propter bellicam cladem Gallorum
assiduosque grassantium incurfus, qui cum diù mo-
raremur Genuæ, ut fama erat, nobis astruxerant insi-
dias. Et cum aliud non superesset confugium, opor-
tuit nos periculis vasti maris exponere ac quæritato
navigium quò tutius navigaremus. Denique tertia se
obtulit navis magnæ oneraria quæ merces in partes
occiduas erat evectura; cujus navarchum instanter
sollicitavimus ut quam primùm nauclerum ac nautas
excitaret, necnon anchoram, armamenta, funes,
amplastraria, & carbasa, & munimenta quæque para-
ret, atque malum constringeret, ne horum aut hu-
jusmodi aliorum defectu carraca nostra periclitare-
tur, ac nos ut ceteros deglutiret maris sæva tempe-
stas. Et licet ipsum in horas hoc efflagitemus, non
tamen continuo impetravimus, propterea quòd opus
fuit illi viginti dies demorari. Et cum interim otio
vacassem, ne omnino otiosus essem, volui varias opi-
niones de nomine Genuæ hic immiscere, unde nomen
acceperit Genua, cum sit caput Liguriæ. Libuit etiam
mores indigenarum huic papyro mandare. Quæ in re,
quamvis crasso stylo, annotassem situm ac pulchritu-
dinem ejus, & pleraque in illa urbe annotanda, nisi
sigillatim elegantius & copiosius Didacus Lopez Tu-
nica Complutensis, ut supra retuli, hæc omnia in
suo explicuerit itinerario, ubi harum rerum cupidi
cuncta poterunt perlustrare. Ad primum ergo dixe-
runt quidam Genuam à genu deductam: quia habet
quasi quoddam genu curvum & semisphæricum à la-
tere maris. Alii à Genuo, cui eam condidisse putatur,

Quidam hanc urbem Ianuam appellant, quam à Iano conditam dicunt; alii verò quia sit janua Italix, & potissimum Galliæ cisalpinæ sive togatæ, quæ vulgò dicitur Lombardia. Appellatur etiam Genua Ligusticum emporium. Ex hac incipit mons Apenninus qui dorsum Italix dicitur. In eadem hac urbe nobiles & mercatores vestibus utuntur talaribus ac manicatis; neque intra urbem equitant, neque ferunt arma nisi bella continua aliud pro tempore introduxerint. Feminae verò absque palliis & sine turba pedilequarum & sine caliendris seu vittis incedunt; reticulo tamen colligunt capillos, facillèque sine injuria vadunt ad forum, etiam honestiores, quia conditione locique natura humiles, & sibi comparant necessaria. Et cum virgines aut nuptæ non induant capita vittis, magna in nutriendis curandisque capillis est illis quasi ingenita sollicitudo; quæ quidem sunt procerioris staturæ quàm nostræ, ut experimento comprobatur. Sunt præterea, ut asseritur, Genuenses ditiores mercatoribus cunctis, quia nobiles etiam negotiantur, etsi jure sunt prohibiti, ut in. l. 3. Cod. De commer. & mer. cujus verba sunt: *Nobiliiores natalibus & honorum luce conspicuos & patrimonio ditiores perniciosum urbibus exercere mercimonium prohibemus; ut inter plebeios & negociatores facilius sit emendi vendendique commercium.* Et quamvis ratio hujus legis sit justa, rationabilis, & honesta, jam domini Genuenses, cum sint legibus exempti, quia si non jure, re tamen ipsa reculant superiorem, in hoc non servant jura, sunt acutissimi ingenii; ideoque commercantur in pluribus nostri hemispherii locis ac alterius nostra tempestate reperti. Fertur apud omnes in suis contractibus & pactionibus inviolatam servare fidem. Multa alia possem referre. Sed ne videar longius evagari, de his hæcenus, ut eò revertar unde nostra divertit oratio.

propter navigium mercesque pretiosas, tum etiam quia ex vectoribus qui illa navis vehebantur, alii præbendati, alii verò divites erant. Ac dum magis protenderemus contra meridiem, magis ac magis invaluit ventus. Et usque ad vespèrum dominicæ diei terras Latii ducatusque Sabaudia conspeximus; atque prima noctis vigilia juxta insulam vulgò appellatam de Eras perlabentes, fretum de Hierro aggredimur. Deinde illa eadem aura secunda die Lunæ tranavimus sinum alterum nuncupatum de Leon. Et à præcedente nocte diei dominicæ usque ad diem Mercurii nil aliud quàm cælum & mare visum est. Qua die cùm mare & littora nebulis contegereptur, neque nautæ neque illorum præfectus cognoscere poterant longè essemus à terra necne, quòve cursus esset. Et cùm sol paulatim rumperet caligenem; in cacumineque refulisset, repente conspeximus montes nostro mari adjacentes, & qui navi præerant, Latamini, letamini. inquirunt, amici, quia incolumes in Hispaniam tandem appulimus. Quo audito nuntio, quæ gaudia & lætitia post tot angustias piratarumque incussam nobis formidinem nos jam inetus expertes ceperint, vix erit credibile, quotque laudes omnipotenti Deo necnon intemeratæ virgini egerimus ille pensabit qui simile periculum evasisset, tum pro tanto munere à Deo concesso, tum quia paratas insidias scopulorumque allisiones, nunc hiantium cæcas vorticum fauces absque ullius detrimento transegeramus, tum quia nos ad optatum perduxit portum. Quanto verò jubilo agitaremur nemo inquam significare poterit, neque calamus meus demonstrare: quia hi solum optimè norunt qui eisdem periculis vexati, eam evaserunt. Adde etiam quòd portui de Rosas, à quo Hispaniarum ultimo cum sanctissimo Domino Nostro Papa copiosa & illustri comitato caterva discessum fuerit cùm in urbem navigaremus, die præ-

duabus leucis disjunctum, ubi fertur beatus Franciscus, cum in Hispanias proficiscetur, ab indigenis vapulasse. Et continuo in pagum de Roca itinere nonaginta sex stadiarum nos contulimus; ubi, quia nox instabat, quiescere nos oportuit. Ceterum quoniam stadiorum mentionem fecimus, per quæ nostrates itinera rarissime metiuntur, octo stadia milliarium, tria milliaria unam leucam conficiunt; quamvis nonnulli quatuor milliaria uni leucæ attribuant. Die sabbati quatuor leucis Barchinonem præ cæteris Hispaniarum urbibus elegantem accessimus; quæ adjacet Balearico nostro mari necnon radicibus montis Iovis qui vulgò dicitur Monjui, ubique gentium vulgatissimi; ex cujus lapicidina, ut accolæ aiunt, tota civitas & muri, cum sint lapidei, extructi fuerunt, neque ideo fuerit mons diminutus. Miranda profectores, cum omnes ædes ex lapidibus inde excisis constructæ sint; nisi cum Iuriconsulto Papiniano in *l. Divortio. §. Si vir soluto matrimonio. ff. dicamus lapides renasci*; cujus verba sunt. *Nisi talis sit ut lapis ibi renascatur; quales sunt in Gallia & in Asia.* Volui citare verba Iuriconsulti, quia videtur hoc difficile creditu. Sed in monte Iovis experientia docet vera dixisse Papinianum. Nimirum cum mons ille sit in confinibus Galliæ, ubi (ut inquit consultus) lapides renascuntur. Multa alia in illa celebri civitate quæ non essent prætermittenda relinquo; tum quidem quia nostris nota patent; tum etiam ne cum multa dixerò, multò plura relinquam. Ideo decrevi potius illa sub silentio præterire quàm pauca dicere. A Barchinone in oppidum de Martutel quatuor leucis semotum, relictis obiter Montereï ac aliis oppidulis, venimus confestim in locum de Esparraguera quatuor milliariis distantem; unde in cænobium illud Deiparæ virginis vulgò de Monte Serrato toro orbe celebratissimum duobus leucis inde semotum concessi-

mus. Et quia multi aut devotione aut curiositate videnti monasterium ejusque eremiticas cellas visitant, omnia prætereunda censui; quæ tamen pro dignitate materiæ justum sibi volumen exposcerent. Ea enim quæ omnibus nota sunt, non debent stricta serie narrari. Venimus itaque ad locum de Igualada quatuor leucis, deinde in oppidum de Momanco duabus, ac illico in Cerveram tribus; indeque in Tarragā una leuca æquivalente duabus pervenimus. Vnde de longiori leuca ortum est adagium apud nostrates: *À Tarraga usque Cerveram*. Perreximus continuo in oppidulum de Castilnoxo, hoc est Castelli novi, sexaginta quatuor stadiis segregatum a præcedenti. Deinde verò Belloc, hoc est, Bellum locum, tribus leucis ventum est. Cursimque transeuntes, in antiquam urbem Ilerdam, satis celebrem, tum propter universitatem insignem & insulam cathedralem, tum etiam ob fluvium Sicorim, vulgo *Segre*, mediam urbem interluentem, qui, ut ab auctoribus scribitur, fluebat olim arenis aureis. Deinde in oppidum Alcarraz ultimum Catalonia devenimus. Antequam ad loca Aragonum accedam, ut intelligas, pie lector, qualis quantusque fuerit Catalonia principatus, nonnulla quæ prælibanda essent hic saltem annectam, quibus facile cognoscetur ejus nobilitas & amplitudo. Continet enim comitatum de Ruysellon conterminum Franciæ; ob cujus obtentionem pax antiqua Hispanarum & Gallorum fuit rupta, initiataque bella, cum prius sub pignore à Rege Franciæ haberetur, & à Carolò cognomine capitolio fuerit restitutus, id quod curiosi ab historiographis radicitus elicere poterunt. Præterea archiepiscopatum Tarraconensem continet, ex cujus cognomento provincia Tarraconensis nomen assumpsit, quæ majorem Hispaniarum partem sibi vendicat. Expanditur enim à Pyæneco ad Anam fluvium. Cui archiepiscopatui subjacent sex Ecclesiæ

Ecclesiæ episcopales, prima Elnensis in novissima parte principatus, secunda Gerundensis, tertia Barchinonensis, quarta Vrgelensis, quinta Ilerdensis, sexta Dertusensis. Habet etiam tria insignia cœnobîa primum Populeti, vulgari ter dictum *Poblet*, vetustate notabile, quo sepulchra Regum Aragoniæ magna veneratione observantur. Inter hoc & monasterium de Bonafaci fuit quondam illa subtilis contentio super locum de Rosellis, de qua in cap. *Abbate sancti* De re judic. lib. vi. in qua lite jura & allegationes utriusque partis copiosissimè fuere deductæ. Et audacter fortasse possem asserere nullibi latius & subtilius esse allegatum sive consultum. Neque mirum, cum negotium esset monachorum & magni momenti. Monasterium de Populeto in redditibus annuis est multum locuples, sed plurimum in subditis. Asserebatur nempe neminem ex magnatibus, Duce de Cardona dempto, in toto principatu plures habere subditos. Habet præterea illius Abbas suffragium in curiis Aragoniæ. Hoc cœnobium caput est ordinis divi Bernardi in tota citeriori Hispania; sicut in nostra monasterium sancti Bernardi extra murus Toleranæ urbis. Sed longè dispar alterum ab altero, cum illud opulentissimum, istud verò pauperrimum sit: quod non ideo minoris æstimandum est, cum redemptori nostro paupertas maximè arriserit. Volui circa particularia hujus sanctæ domus calamum protendere, eamque propriis oculis intueri, quia ubique famigeratissima est, ac propterea præcipuè quia in præallegato capite illius sit mentio, cum aliàs crederem longius à nostro commercio esse. nec mirum, cum in solitudine fuerit sita, atque ad ipsam non per itinera immo potius per diverticula iter. Secundum cœnobium celebratissimum est matris virginis de Monferrat. Tertium fortalitium Iliberritanum, quod nunc dicimus Salsas, inexpugnabile quidem castrum

quo clauditur Catalonia; quæ, ut clarius designari possit tantum occupat soli quantum Aragonium Valentinarumque regna. His itaque decursis, in quibus aliquantulum divagati fuimus, ad propositi itinerarii materiam pertractandam revertamur.

XLVI. TRANSITVS ARAGONIÆ,
atque denominatio Aragonis.

AB oppido igitur Alcarraz venimus in Fragam, municipium primum Aragoniæ multum amœnum, ad cujus radices fluit amnis nomine Cinga. Hinc in pagum de Candafnos nonaginta sex stadiis inde divisum, & ad oppidum de Pennalva leuca tantum, ac alia in oppidum de Burjalaroz, & continuo in cauponas appellatas de sancta Lucia tribus leucis, & totidem in viculum de Ossera, atque aliis tribus in vicum paganum nomine Alphaxarim per terram aridam & inaquosam, qualis rara alibi habitata reperietur. Hinc aliis tribus leucis (ut sæpius numero utar ternario) in urbem inclitam imperialemque per loca amœna, hortos, & pomaria Cæsaraugustam devenimus, quæ caput est regni Aragonum, qui hoc nomine funguntur propter duos amnes Aragones nuncupatos, velut Iberi dicti sunt ab Ibero. Hæc celeberrima urbs est metropolis, cui subsunt quatuor episcopatus; Oscensis primus universitatem vetustissimam habens, nempe à tempore Sertorii, ut ex illius vita apud Plutarchum liquet; secundus Tirasonensis, tertius Pampilonensis in regno Navariæ, quartus Calagurritanensis & Calciatensis ad invicem uniti in regnis Castellæ, præter Segobrigensem simili modo Ecclesiæ civitatis de Albarazim unitum. Et pro ea parte qua subjacet ecclesiæ de Albarazim, subest etiam Cæsaraugustanæ metropoli; pro alia verò, qua Segobrigæ, archiepiscopatus Valentino. Hanc

Cæsaream urbem meritò à Cæsare nominatam abluìt ille celebratissimus amnis Iberus , à quo sæpissime Hispani nomen accipiunt. Ac iusta eam est oppidum appellatum Velilla ; quod quidem, etsi nonnullis videatur fabula , habet cymbalum quod cùm aliquid memoria dignum etiam valde remotum contingit ; nemine impellente (ut Aragonenses testantur) pulsatur. res stupenda ; & qui dubitaverit, eos sciscitetur. Vnum tamen in huius rei comprobatione asserere possum , quòd cùm iussu reverendissimi ac illustrissimi Domini Alphonsi Maurici Archiepiscopi Hispaniensis eo tempore Inquisitoris generalis ad visitandas inquisitiones Navarrae , Aragoniae , atque Cataloniae missus essem , pertransiretque Cæsaraugustam, quidam ex officialibus sanctae inquisitionis eò voluerunt me deducere ; quorum unus promotor fiscalis, ortus in praefato oppido de Velilla, narravit mihi rem admiratione dignam. Volo, inquit, tibi propalare campanam de Velilla, nuper pulsatam ; & hactenus ignoratur causa. Tunc ab illo percontatus sum quid illud esset, qui praedictum mysterium referavit. Cui refragari nolui, cùm esset vir non lubricae fidei. Perterritus tamen novitate rei tam insolutae. Et profectò antequam accederem Barchinonem, divulgatum fuit excidium Romanum, quo tempore exercitus Imperatoris (occiso Duce de Borbon quodam ignovimo ictu generali Capitaneo) urbem invaserat, eamque multiplici clade vastavit ; ac nisi divino obtuitu Dominus Alarcón strenuus vir & dux Hispanus cum suis stipendiariis Hispanis militibus Germanis obstitisset, actum esset de beatissimo Papa Clemente septimo, qui diù in castro sancti Angeli detentus fuerat, quousque Imperatoris nostri semper Augusti tanti facinoris ignari iussu incolumis tandem evasit à praedicta detentione. Nec est quòd mireris, Christiane lector, quod actum esse de Papa praedixerim, ni sic

evafisset ; quoniam cùm plures exercitus Germano-
rum fuissent sectatores hærefum Luteri atque eorum
teffera aut fymbolum effer , *Nite Papa* , *Nite Papa* ,
quod fignificat *Minimè Papa* , nihil magis quàm eum
obtruncare illa barbara & obtufa gens quærebat. Sed
quia non diù in his morari decet , ne ab incepto lon-
giùs diverramur , cetera , quæ pro fuo modo non
effent injocunda relatu , de regno Aragoniæ dignum
dixi relinquere , velut ea quæ omnibus effent expofita
& aperta , cùm alias fit regnum Castellæ contermi-
num illi ac finitimum. Ceterùm , ut eò revertamur
unde digreffiffumus , quia recta pergere non expedi-
vit , oportuitque rectum tramitum deferere ac in cu-
riam imperialem tunc Burgis agentem divertere , in-
terfuit mea ab itinere quo petebamus Toletum decli-
nare. Propterea à Cafarauguffa in oppidum de Ala-
gon quinque leucis diftanti , & ab eo in vicum de
Lucenique duabus tantùm , ac totidem in pagum de
Agallud , atque fexaginta quatuor ftadiis in oppidu-
lum de Corres regni Navarræ , & totidem in locellum
de Ribahorada nos contulimus : Deinde per campos
patentes per alias duas leucas in nobilem civitatem
Tudelam devenimus ; quam licèt obiter fuperiùs
memoravimus , quia non noftrum eft minutiffima
quæque præter animi intentionem attingere , illam
(ut faftidium repetito fermone fugiam , eadem etiam
facturus in aliis urbibus de quibus fuprà verbum fece-
rim) fub filentio prætereo. A Tudela verò vicum
Cintruenpigo tribus leucis feparatum petivimus ; ibi-
que aliquantulum defeffi quievimus , quum illuc ut-
que excurfiores veriùs quàm viatores iter fecerimus ,
eò quòd negotia mei canonicatus in imperiali tracta-
bantur curia. Et quoniam fodalif meus Capellanus
Domini doctòris de Agreda præcefferat ad expedi-
dam domum quam in loco illo cum multi redditibus
ecclefiafticis , fupellectili infuper , necnon inftru-

mentis rusticis & possessionibus munitam prædictus Doctor obtinebat, eò quòd Ecclesia illius oppidi erat unita thesaurariæ, ut sic dicam *Tirafonenfi*, quæ quidem ab illo tunc temporis possidebatur, hinc egressus in oppidum de *Aldea nueva*,

XLVII. DE ADVENTATIONE in illustrem Castellam principem Hispaniarum

AB oppido igitur de *Aldea nueva* per alias duas leucas in prædictam urbem antiquam Calagurram vigesima nona Aprilis die accesseram; cujus dioccesim, ut in exordio opusculi tetigi, jussione Episcopi domini mei Ioannis à Villalva sub officio provisoris regendam quondam suscepi. Ac die sequenti pridie Calendas Maii in amœnam illam Lucronii urbem deveni; quæ, præter collegialem Ecclesiam, duo continet extra muros monasteria, alterum ordinis Prædicatorum ad partem occidentalem, alterum Seraphici Francisci ad orientalem plagam. Continet etiam castrum, muros, & antemuralia, atque fossam aqua repletam; quæ civitatem illustrem & inexpugnabilem reddunt. Postmodum verò sexto Idus Maii profectus in oppidum de Navarret, per duas leucas ac per tres urbem Najaram petivi, quæ licet sit parva, tamen munita conspicitur; quam pertransiens leuca una in pagum de Aqofra, & per alias tres in civitatem sancti Domini tanto, ut prædiximus, illustratam patrono perrexi. A qua egressus, in oppidum de Grañon triginta duobus stadiis semotum, & per dimidiam leucam in locellum de Redezilla, atque per aliam dimidiam in locum de *Villa de Pun*, quo, ut reor, finitur Calagurritanensis & Calcientensis episcopatus, & cursim tribus leucis in municipium de Vilorado Burgenfis diocesis devenit. Deinde quinto Idus Maii in oppidum de Villafranca de Mon-

tesdoca perveni ; cujus montes ; ut arbitror , sunt ceteris Hispaniarum celliores , quandoquidem illorum vertices seu cœcimina dividunt Castellæ & Celtiberiæ aquas hinc inde erumpentes. Nam quæ orientem versùs , in Iberum , quæ verò in occidentem , in Durium amnes defluunt. Deinde oppidula & diversoria ignobilia transiens , octo leucis in ditissimam & ubique memorabilem ob magna commercia & opulentos mercatores Burgorum urbem me contuli. Et quàm potui brevi scrutatus sum statum negotiorum canonicatus mei ; cui nisi adventu meo opem ferrem , jussu Dominorum imperialis consilii adversario meo prætendenti se expoliatum fuisse redderetur possessio , nimirum cùm nullus eò usque causam meam , quasi desertam , tueretur. Sed cognita veritate tam à procuratore magnifici capituli almæ Ecclesiæ Toletanæ quàm à Domino Blasio Cavallero , quem ut patrem & dominum semper colui , noluerunt Domini Consilarii amplius negotio ad eos minimè pertinenti se immiscere. Et prædictus Dominus Blasius re & nomine splendidus eques post aliquot dies deliberata causa me in urbem hanc inclytam Toletum , quæ soli benignitate , fortunis , & tractu cæli cunctas præcellit , secum duxit , atque ejus domo honorificè hospitatus quousque lares componerem. Et quia à Burgis Toletum usque loca omnia sunt omnibus nota , ne prolixus molestusve judicer , consulto prætereunda duxi , finiens itinerarium hoc ad laudem Dei omnipotentis , qui dignetur ex hac militia , ad quam immeritum vocavit , in æternam & perennem gloriam perducere per redemptorem Dominum nostrum Jesum Christum , qui cum eo atque Spiritu sancto vivit & regnat per infinita secula seculorum. Amen.

Finis itinerarij Adriani sexti Pontificis maximi.

Laus Deo.



V I T A

MAVRITII BVRDINI

ARCHIEPISCOPI BRACARENSIS.

Scriptore Stephano Balusio Tutelenfi.



SCRIPTVVS vitam Mauritiū Burdini Archiepiscopi Bracarenſis, quem virtus & fortuna per totum vitæ curſum ita ad gloriam laudemque erexerant ut planè contaret magnum excellentemque virum eſſe, ſed qui poſtea triſtem adeo ac miſerandum habuit exitum ut magnifico ac glorioſo Calliſti ſecundi triumpho, omnium quos Romanus orbis poſt fundatam religionem Chriſtianam vidit ampliſſimo, depreſſus ſit ad maximam calamitatem, hiſtoricorum præterea qui poſt eum vivere, ac præcipuè Roderici Archiepiſcopi Toletani, à quo ceteri ferme acceperunt, contumelioſiſſimis ſcriptis exagitatus ac dilaceratus, neceſſariò incurram in multorum reprehenſionem, qui rem ex eventu æſtimantes, neque rationem in conſilium adhibentes, indigniſſimè ferent hominem ſceleſtum, impudentem, ambitioſum, flagitioque nobilem, uti vulgò deſcribitur, à me nunc poſt tot ſecula vindicari tamquam virum egregium & probum. Contra, qui veritatis amore potiùs ducuntur quàm præjudicio temporum, ac ſepoſitis odiis, quorum cauſas procul habent, ſincerè de dictis factiſque veterum judicare amant, me non illibenter, ut ſpero, audient diſſentem de re multis difficultatibus atque obſcuritati-

bus involuta, scientes veritatem exagitatam magis splendescere in luce fructumque divinum esse iustitiam sæpius recenferi, ut monet Innocentius Papa primus in epistola ad Episcopos Macedoniæ.

I. Primum igitur omnium facile assentior illustrissimo ac doctissimo Archiepiscopo Bracarenfi Roderico à Cunha, qui in historia ecclesiastica Archiepiscoporum Bracarensum ait existimare se Burdinum, ut mos Francorum est, fuisse binominem, adeoque non Burdinum simpliciter vocatum, sed Mauritium Burdinum. Atque ita ego illum à Vvillielmo Malmesburienfi, ab Antonio Augustino Archiepiscopo Tarraconensi, & à Cardinale Baronio nominatum lego. Rodericus tamen Archiepiscopus Toletanus scribit eum, cum esset astutus & versipellis, Mauritium se pro Burdino nominasse inter Hispanos. Quod ita interpretor, ut quia solenne tum quoque Episcopis erat nullam familiæ mentionem facere in suis titulis ac solum nomen in baptismo datum retinere, non statim quidem ille abdicaverit nomen Burdini, sed illo primum tempore quo factus est Episcopus Conbricensis, ut ait Rodericus. Quod etiam placere video Ioanni Marianæ viro doctissimo. Neque enim audiendus est Arnoldus Vvion, qui illam nominis mutationem, ut ipse vocat, factam scribit quando Burdinus transit ad cathedram Bracarensem. Multo minus audiendi recentiores quidam scriptores Hispani, qui Burdini nomen impositum Mauritio volunt à Romanis in contumeliam ejus & irrisionem, ita persuasi, ut arbitror, quia quod Latini veteres jocum ludumque dixissent, sequior ætas burdam vocavit. Burdinus ergo nomen familiæ ac gentis fuit, Mauritius prænomen.

II. Patria Lemovicem in Aquitania prima fuisse Burdinum tradit idem Rodericus, qui in eam sententiam traxit omnes scriptores qui post illum vixere.

Roder. Tolet. lib. 6.
Ret. Hisp. c. 28.

Mariana lib. 10.
Ret. Hisp. c. 11.
Vvion. lib. 2, p. 6.

Anselmus tamen Abbas Gemblacensis Hispanum fuisse Burdſnum ſcribit. Verùm iſtud ita intelligendum eſt, non quidem Hispanum fuiſſe natione, ſed habitatione, ſeu, ut ait Falco Beneventanus, Hiſpanum Archiepiſcopum, vel Hiſpanum Epicoſcopum, ut Otto Friſingenſis. Vbinam verò ortus ſit, adhuc in occulto eſt, Attramen ſuſpicari licet eum Vſercæ modico provinciæ oppido aut in vicinia natum eſſe, atque adeo ſancti Benedicti inſtitutum illic arripuiſſe in monaſterio quod ibi vetuſtiſſimum habetur. Duo quædam ſunt quæ ita ſuadere videntur. Primum, quòd in iſpis ſuæ ordinationis in ſede Romana initiis, quum nondum ea fama pervenire potuiſſet ad Lemo- vices, proprio motu confirmavit privilegia ejuſdem monaſterii. Alterum, quòd poſtea quàm à Calliſto ſecundo captus eſt apud Sutrium, inde in Cavenſe monaſterium ad agendam pœnitentiam projectus, monaſticum habitum coactus eſt ſuſcipere, id eſt, ad eum ſtatum redire in quo fuerat antequam in Hiſpaniam proficiſceretur. Nam cur ita viſum foret Calliſto niſi ſpecioſam ac probabilem ita ſtatuendi rationem habuiſſet? Quippe ſatis illi erat hominem viciffe ac triumphatum incluſiſſe in monaſterio; neque ulla neceſſitate adigebatur eum monachum facere niſi priùs fuiſſet. Nec illud levis momenti in rem noſtram argumentum eſt quòd quum Mauricius Epicoſpus Conimbricenſis eſſet, poſt reditum ab Hieroſo- lymis, quò religionis ergo profectus erat, ut poſtea dicemus, pretioſiſſimam quandam thecam miſit ad Cluniacenſe monaſterium, memor videlicet, ut res ipſa clamat, veteris converſationis ſuæ. Quippe monaſterium ſancti Martialis Lemovicenſis pertinebat ad congregationem Cluniacenſem. Vſercenſe porrò ab illo tum pependiſſe, adeoque Cluniacenſis familiæ partem fuiſſe, hinc gravis ſummi conjectura potèſt quòd plerique eorum qui pèt illas tempeſtates ſancti

Otto Friſing.
lib. 7. c. 16.

fuerunt Abbatis officio in monasterio Vsercensi, fuerant antea monachi sancti Martialis Lemovicensis. Adde quod Prudentius Sandovallius, vir, ut omnes norunt, doctus & eruditus, disertè scribit eum fuisse monachum ordinis sancti Benedicti, non dicturus si non alicubi invenisset. E monasterio igitur Vsercensi eductus à Bernardo Archiepiscopo Toletano, in Hispaniam cum eo profectus est. Quod qua ratione acciderit, paucis exponam.

III. Anno Christi M x c v. Urbanus Papa I I. cùm accessisset in Gallias, habita generali synodo apud Arvernorum civitatem, classicum belli sacri cecinit; propositaque amplissima peccatorum indulgentia iis qui Hierosolyma pergerent pugnaturi adversum Christiani nominis inimicos, immensum congregavit exercitum ex orbe nostro. Aderat huic synodo Bernardus Archiepiscopus Toletanus ac sedis apostolicæ per Hispaniam Legatus. Incessit itaque & istum ambitio pellendi barbaros ab iis terris in quibus fixa ad memoriam omnium sempiternam erant vestigia Christi servatoris. Verùm inquieta semper Toletanorum ingenia, qui gravem paulò antè Bernardo exhibuerant molestiam, tum etiam initia Toletanæ Ecclesiæ renascentis, nondum firmæ, effecerunt ut Bernardum. Urbanus redire juberet ad Ecclesiam suam, insuperhabito sacræ peregrinationis voto. Paruit ille mandatis Urbani; & in Hispaniam tendens per Aquitaniam, quâ recta via est, aliquot illinc viros graves & sanctos secum duxit solatio inter barbaras nationes futuros, & quò pluribus munimentis insisteret. Duxit ergo è provincia Lemovicensi Burdinum, literatum, curialem, & eloquentem virum, ut eum vocat auctor chronici Maurigniacensis, virum quem multùm quislibet revereri & penè adorare pro viva & magna industriæ specie debuisset, uti de eo scribit Vuillelmus Malmesburiensis in libro quinto

de gestis Regum Anglorum. Acta hæc anno M X C VI.
post synodum nempe Claromontanam.

IV. Constitutus in Hispania Burdinus, primum
Toletanus Archidiaconus factus est à Bernardo, dein
Episcopus Conimbricensis, non ambitu atque lar-
gitione, ut quidam recentiores absque ullo veteris
scriptoris testimonio tradidere, seu contemplatione
insignium ejus virtutum ac meritorum. Non vident
enim qui ita sentiunt quantam quàmque atrocem in-
juriam faciant Bernardo Archiepiscopo Toletano,
quantam Paschali secundo Papæ, quos volunt mune-
ribus à Burdino corruptos, pro pecuniis in eum con-
tulisse episcopatum Conimbricensem ac ipsum etiam
Bracarensem archiepiscopatum. Præterea quis credat
hominem tantopere laudatum ab antiquis, qui etiam
anno Christi M C X X I. dictus est vir vitæ venerabi-
lis, de quo, dum Episcopus Conimbricensis esset,
cum laude loquebatur sanctus Geraldus Archiepisco-
pus Bracarensis, cujus vitam ac mores, quos tempe-
ratissimos ac moderatissimos fuisse animadverto nul-
lus mortalium accusavit ante supremum ac fatalem
Papæ Paschalis annum, quis inquam credat hunc ho-
minem adeo malum ac sceleratum fuisse ut illi nobis
persuadere conantur? Factus est ergo Burdinus Epi-
scopus Conimbricensis secundum regulas, approbante
Bernardo sedis apostolicæ Legato.

Vita S. Ge-
raldi Bracar.
c. 16.

V. Qua tempestate incensus desiderio videndi
Hierosolyma, illuc profectus est anno, ut videtur,
millesimo centesimo octavo, habuitque comitem iti-
neris Tellonem Archidiaconum Conimbricensem, ut
legitur in veteri narratione Ecclesiæ Conimbricensis
quam edidit Antonius Brandanus in tomo tertio Mo-
narchiæ Lusitanæ. Constantinopolim quoque pro-
fectum, illicque per medium annum fuisse commora-
tum scriptum est in eadem narratione & in altera mo-
nasterii Cluniacensis quam vir clarissimus Franciscus

Dufchesniius edidit in tomo secundo historię Cardinalium Francorum, in qua additur hunc nostrum Mauritiū, cūm Constantinopoli degeret, majoribus urbis & palatii atque ipsi quoque Imperatori Alexio notum & carum fuisse. Cūm triennium in ea peregrinatione exegisset, rediens in Lusitaniam, ē Constantinopoli retulit thecam quandam in modum textus evangelii factam, quam volunt fuisse olim sancti Basilii Cæsareæ Cappadociæ Archiepiscopi, in qua continebatur magna ligni dominici portio. Eam thecam Mauritius destinaverat collocare in quadam Ecclesia suæ dioceseos. Verūm cūm post reditum suum Lusitaniam gravi dissensione laborare comperisset, tum quia Alfonso Rex nuper obierat, tum quia Henricus Comes ad regnum aspirabat, eam post longam deliberationem misit in Galliam ad monasterium Cluniacense, ubi suscepta est à Pontio Abbate anno MCXII, v. Kalendas Augusti.

VI. Interim verò dum Mauritius reverteretur, defuncto, inquit auctor narrationis Conimbricensis, sanctissimo Bracaræ Archiepiscopo Gerardo, quem ex monasterio Moyssiacenti in eadem Aquitania prima Bernardus in Hispaniam adduxerat, Mauritius ei, juxta quod vir sanctus olim prædixerat, susceptus est communibus cleri suffragiis anno millesimo centesimo decimo, ut tradit Rodericus à Cunha in libro paulò antè laudato. Necessaria tamen visa est interventio auctoritatis Romani Pontificis, eò quòd jam tum persuasum esset orbis nostri hominibus sola illius auctoritate fieri posse translationes Episcoporum ab una sede ad aliam. Ob eam itaque causam, tum etiam propter necessitatem obrinendi Pallij, sine quo vix constat Metropolitanorum dignitas, accedens Mauritius ad sedem apostolicam, primū quidem à Papa Paschali *in hoc assensum præbente non parvi muneris gratia ab eo sibi collati*, ut scribit Ro-

mualdus Archiepiscopus Salernitanus, obtinuit ut postulata cleri Bracarenfis valerent, postea verò Pallium accepit per manus Ioannis Caietani Diaconi Cardinalis & Cancellarii, Paschaliq; secundo tumi sedenti & catholicis successoribus ejus fidelitatis & obedientiæ juramentum secundùm formulam à Gregorio VII. institutam præstitit; ut testatur ipse Ioannes Caietanus in epistolis quas post mortem Paschalis, quum in ejus sede locatus fuisset & Gelasius II. vocatus, scripsit ad Gallos & ad clerum populumque Romanum. Deinde verò reversus Bracaram, sine dubio munus suum sanctè ac diligenter executus est; consecrationes etiam suffraganeorum suorum peragens, & ab eis professiones subjectionis & obedientiæ accipiens. Earum unam refert Sandovallius in loco supra laudato, quæ sic habet.

*PROFESSIO ADEFONSI
Tudensis Episcopi Bracarenfi Ecclesiæ sub
Mauritio Archiepiscopo.*

EGo Adefonsus sanctæ Ecclesiæ Tudensis nunc ordinandus Episcopus subjectionem & reverentiam & obedientiam à sanctis patribus constitutam secundùm præcepta canonum Ecclesiæ Bracarenfi rectoribusque ejus perpetuò me exhibiturum promitto & supra sanctum altare propria manu firmo. •

VII. Tenacior autem fuisse videtur Mauritius iu retinenda dignitate sua vindicandoque antiquo sedis suæ gradu & honore quàm ut patrono ac magistro suo placere posset. Nam Bernardus (ut humanum est ambitione labi) in id tota mente omnique impetu incumbebat ut quia ipsi Toletanæque Ecclesiæ collatus recenter fuerat primatus per universam Hispaniam, vim nomenque imperii retineret, ac seriò cogitaret de subjiciendis Toleto universis Hispaniarum Eccle-

sis, adeoque Bracarenſi, quæ una erat ex Hiſpanicis. Et incidiſſe videbatur in tempus opportunum. Diſcipulus enim in ea ſede inſtitutus ob virtutes quidam proprias & ingentia merita, ſed tamen favore Bernardi adjutus, non videbatur interceſſurus. Subſidio eſſe poterat legatio ſedis apoſtolicæ per univerſam Hiſpaniam qua Bernardus erat ornatus. Præſto quoque erat auctoritas & potentia Alphonſi Regis Aragonum, Caſtellæ, & Legionis, cujus ea erat ambitio ut quia tria intra Hiſpaniam regna poſſidebat, Imperatorem ſe exemplo ſoceri nuncuparet. Magnificum porro videri poterat, eique qui ſe Imperatorem diceret valde honorificum, ſi Princeps externus Archiepiſcopi Toletani juridiſtioni ſubjiceretur in cauſis eccleſiaſticis, finitimusque populus ſacra peteret à Caſtellanis. Igitur Bernardus turbare primum jura Bracarenſis Archiepiſcopi, dein palam infringere, provinciamque raptare ſub umbra legationis, ut olim Illyricum Anaſtaſius Epicoſpus Theſſalonicenſis. Interceſſit Burdinus, ne dignitati auctoritatique ſuæ injuriam inferri ſineret, neu ſucceſſoribus exitioſa inciperentur. Appellavit Paſchalem Romanum Pontificem. Is verò ſæpe monuit Bernardum ut abſtineret ab inferendis injuriis Mauritio Archiepiſcopo Bracarenſi. Sed ille tamen à continuis bellis nunquam conquievit, ac ſemper affectavit turbare jus metropoliticum Eccleſiæ Bracarenſis. Vnicum tantis malis remedium erat appellatio ad Pontificem Romanum, ut adverſus Legatum ſedis apoſtolicæ. Magna quippe tum erat Legatorum iſtiusmodi reverentia magnaque auctoritas apud omnes ubique gentes, tum metus ex poteſtate eorum, ut alibi dictum eſt à nobis. Quod itaque unum erat afflictiſ rebus remedium, pergit in Italiam Burdinus anno milleſimo centeſimo decimo quinto. Hanc enim ejus in Italiam proſectiohem eo anno contigiſſe hinc colligitur quod Petrus

Bibliothecarius loquens de coronatione Imperatoris, quæ medio Anno MCXVII. Romæ peracta est à Burdino, scribit eum biennio non introiisse provinciam Bracarensem. Quod evincit, ut dixi, eum de provincia decessisse anno millesimo centesimo decimo quinto.

VIII. Agebat per ea tempora Paschalis Papa in partibus Apuliæ; unde Romam reversus est VII. Kalendas Octobris, ut ait idem Petrus. Secedens dein Anagniam, auditis illic quæ adversus Bernardum proponebantur, non perstrinxit quidem illum asperioribus verbis, tamen etsi exemplū haberet sancti Leonis, qui Anastasium Thessalonicensem inconcessa præsummentem graviter increpaverat; sed ratus infra dignitatem Romani Pontificis esse si Legatus apertè damnetur, aliam viam invenit sistendæ hominis audaciæ nimis pervicaci, terminos nimirum ponendo legationi ejus, Mauritiumque Bracarensem Archiepiscopum universamque provinciam ab illius jurisdictione liberando; simulque Conimbricensem diocesim, quam Bernardus subtrahere conabatur metropoli Bracarensi, ad eam pertinere debere pronuntiavit. Horum Papæ Paschalis decretorum mentionem facit Innocentius III. lib. II. epist. CXXVI. occasione controversiæ quæ pontificatu ejus fuit de diocesi Conimbricensi inter Bracarensem Compostellanumque Archiepiscopos. Nam Conimbricam uterque contendebat ad metropolim suam pertinere. Bracarensis ergo, ut jus suum tueretur, allegavit decreta Papæ Paschalis, quæ Conimbricensem diocesim adjudicant Archiepiscopo Bracarensi. Hæc sunt verba Innocentij. *In tantum enim Paschali Papa, qui privilegia super redintegratione prædictorum episcopatum Ecclesia Bracarensi concessit, constituisse videtur hos episcopatus ad eandem Bracarensem Ecclesiam pertinere quod ipse in literis quas*

direxit Gonsalvo Colimbriensi Episcopo manifestè testatur quòd constat Colimbriensem Ecclesiam in Bracaren- sis provincia catalogo contineri. Vnde quia Toletanus Archiepiscopus ad mandatum ipsius Colimbriensem Episcopum non restituerat Ecclesie Bracaren- si, priva- vit ipsum legationis officio, ut Bracaren- sis Archiepis- copus liberius in provincia sua iustitiam exerceret. Extant porro epistolæ illæ quas heic commemorat In- nocentius, prior quidem edita ab Antonio Brandano in tomo tertio Monarchiæ Lusitanæ, postetior à Ro- derico à Cunha in tractatu de primatu Bracaren- sis Ecclesiæ in univ- ersa Hispania, Sic autem habent.

Paschalis Episcopus servus servorum Dei venerabili fratri Gonsalvo Colimbriensi Episcopo salutem & apo- stolicam benedictionem. Quanti criminis habeatur ecclesiastica auctoritatis contemptus ex prophetici ve- agnoscitur, ubi scriptum est: Quasi scelus idolatriæ nolle acquiescere. Fraternitatem tuam missis & re- missis literis admonuimus ut confratri nostro Mauri- tio Bracaren- si Archiepiscopo tamquam Metropolitano tuo reverentiam obsequiumque impenderes. Tu verò & literas contempsisti, & privilegia quæ Bracaren- si Ecclesiæ apostolica sedis auctoritate indulsumus sub con- temtu ejusmodi conculcasti. Adhuc tamen penes te patientiam exhibentes precipimus ut eidem Archiepis- copo tamquam Metropolitano tuo deinceps debeat obe- dire. Porro nisi infra dies quadraginta postquam hæc literas acceperis debitam ei obedientiam præstaveris, ex tunc ab episcopali officio te suspendimus. Datum Anagnia III. Nonas Novembris.

Paschalis Episcopus servus servorum Dei venerabili fratri Bernardo Toletano Archiepiscopo apostolica sedis Legato salutem & apostolicam benedictionem. Pro in- juris confratris nostri Mauritiij Bracaren- sis Archiepis- copi fraternitatem tuam sæpe monuimus; sed adhuc se vehementer à te gravari conqueritur. Colimbriensis enim
Episcopi

Episcopi obediētiā ei contra Romanā auctoritatis privilegia subtrahisti. Item in Lucensi Ecclesia, ad ejus metropolim pertinente, Episcopo præter judicium ejecto superordinari alium proposuisti. Idipsum in monasterio beati Petri de Monte factum conqueritur. Bracarenſis Ecclesia bona & ab aliis distrahi consensisti, & ipse cum familiaribus tuis mora diutina consumpsisti. Per totam etiam provinciam, invito & ignorante eo, potestatem tuā voluntatis exerces. Asturicensis Ecclesia patrochiam, ut Salmantinam augeres, invito eo imminuisti. Nos autem in his vehementer regni turbationem & atātū tuā gravedinem infirmitatisque pensamus. Idcirco te ab injuncta super Archiepiscopum & provinciam Bracarensem cura legationis absolvimus; ut liberius ipse valeat in provincia sua justitiā exercere. Datum Anagnia III. Nonas Novembrii.

IX. Vſus est sanè Bernardus, ut est varia vitæ humanæ commutabilisque ratio, fortuna partim prospera, partim adversa; planèque expertus est id quod M. Tullius alicubi observavit, magnam esse vim in fortuna in utramque partem, vel ad secundas res, vel adversas. Inter adversa quidem numeraverim infelicem hunc sacrosanctæ pontificiæ legationis exitum, eò graviorem quòd ista pati coactus est in extrema senectute & post tam diuturnam auctoritatem. Annus potrò millesimus centesimus sextus initium ei fuit, longi exilii, & Hispaniæ seminarium itidem magnorum motuum ac bellorum. Alfonso enim Castellæ Rex maritum Vrracæ filiæ quæsiturus, adeoque Regem post se Hispaniæ daturus, Bernardum ac reliquos Episcopos & Abbates regni sui Tolerum ad se vocans, cum eis consultavit de matrimonio Vrracæ cum Alfonso Rege Aragonum, universorumque consensu nuptiæ illæ celebratæ sunt, invita licet ac repugnante nobilitate, quæ Vrracam alicui è regni proceribus nubere malebat. Tum statim nova nupta

Roder. Tol.
lec. lib. 6. scr.
Hispan. c. 34.

in Aragoniam abducta est. Mortuo deinde patre Alfonso anno centesimo nono supra millesimum, Reginarum initii conjugii haud obscure pœnitere cœpit; an quia rerum omnium satietas est, omnibusque in rebus voluptatibus maximis fastidium finitimum; seu quia in formina ad omne dedecus projecta conjugii dignitas impedimento erat ne suos sensus voluptarios omnes incitaret libidinesque expleret. Igitur in Castellam marito jubente, profecta, primum usurpare jura regia, deque Castellanos vita ac fortunis decernere inconsulto marito, multaquę probrosa agere quę silentio transmitti non possent. Ea de causa Alfonso illam ad arcem Castellare in custodiam tradidit, ex qua tamen ipsa se cum suis communicata in Castellam evadit. Verum à regni proceribus ad virum repulsa, carceri denuo mancipatur. Eo tumultu excitati Castellani proceres, utendum tempore rati, inventamque occasionem dissolvendi conjugii quod inauspicato coierat invita nobilitate, societas inter se ineunt adversus Aragonios conatus. Ex ea re in animis hominum religiones excitatę ei obtemperare fas esse negantium qui legitimus Rex non esset. Odio quęsitus color, incestu nuptiæ. Alfonso enim Vrracę conjunctus erat proxima consanguinitatis linea, quam enarrat Rodericus Toletanus in initio libri septimi. Porro auctoritas Romani Pontificis implorata non fuerat quò justę legitimęque essent nuptiæ. Nondum enim moribus receptum erat ut pontificum Romanorum venia lege cognationis soluta, conjugia inter cognatos coirent, ut heic observavit Mariana. Paschalem nihilominus Papam in partes trahi debere visum. Itaque ad eum missa legatio, causa omnis exposita, nuptias fuisse celebratas contra sanctorum canonum reverentiam, sola regnantium auctoritate; decretum ederet quo incestum matrimonium dissolveretur. Et patet ita factum in gratiam Vrracę, quæ

Roder. Tolet.
lib. 7.
1.º. Hisp. c.
1.º. Mariana
lib. 10. c. 8.

certa odii adversus Alfonsum signa dederat, & tum impendio cum odisse credebatur. Visum ergo ut adversus eam scriberetur, quo consilia occultiora forent, Reginaque, si fortè custodia evaderet, probabiles justasque causas habere videretur repudiandi Alfonsum enubendique in familiam alicujus è proceribus Castellanis. Scribens igitur Paschalis ad Didacum Episcopum Compostellanum, quem ego virum summæ tum dignitatis auctoritatisque fuisse reperio, jussit ut Vrracam excommunicationis pondere percussam, regnoque privandam denuntiaret si in incesto perseveraret. Ego existimo facillè lubenterque pontificiis illam literis obsequuturam fuisse si sui juris ac libera fuisset. Verùm semper in custodia attinebatur jussu mariti. Ille verò insuperhabuit decretum Pontificis, seu quia legitimum conjugium esse putabat quod auctoritate Præsulum Hispanorum ipsiusque Toletani Primatis coierat, sive etiam quod iram & odium concepisset adversus hominem qui per illam matrimonii dissolutionem sibi adimere meditaretur regna Legionis & Castellæ, ut Castellanis proceribus gratificaretur. Quin & addita contumelia. Nam quia Episcopi Hispani, quò reverentiam & obsequium erga sedem apostolicam suam publicè testarentur, seu quia illos quoque forsitan tædebat Aragoniæ dominationis, Alfonsi imperium detrectabant ac forte an illum diris devovebant in consequentiam literarum pontificiarum, ipse, ut solent irati Principes, & qui dignitatem auctoritatemque suam modis omnibus sartam tectamque tueri volunt, Episcopos affligens, etiam Bernardum Archiepiscopum Toletanum ejecit in exilium, quod is biennio toleravit, nihil prohibente legationis pontificiæ sacrosancta majestate, ut ait Mariana. Addit Baronius Burdinum Bracarensem Episcopum hac occasione captata Romam venisse, Paschalem Pontificem adiisse, atque oblata

H h ij

custodia regia erat, & quod Paschalem ait diem suum obiisse apud Caietam. Nam hæc omnia sunt falsissima, Equè falsum est quod ait Romualdus, Burdinum, defuncto Toletano Archiepiscopo, largita Paschali Papæ thesauri copia petiisse ab eo Toletanum archiepiscopatum, sed obtinere non potuisse, licet Paschalis pecuniam accepisset. Quippe Bernardus superstes fuit Papæ Paschali. Crimen enimvero magnum Burdini fuit, & quo Roderici odium promeritus est, excussisse auctoritatem primatus Toletani, quam in provincia Bracarense obtinere debere actiter, irritum quamvis conatu, contendit postea Rodericus in Concilio quod Romæ in Ecclesia Lateranensi celebravit Innocentius Papæ tertius. Ex eo fonte & ex incertis ac maledicis vulgi rumoribus ortam puto narrationem illam. Nam si reiectus cum execratione Burdinus, ut Baronij verba repetamus, addita etiam ea contumelia quam enarrant Romualdus & Rodericus, nimirum acceptam quidem à Paschale pecuniam quæ à Burdino offerebatur, sed frustratum nihilominus petitione sua; si inquam hæc vera sunt, quæ vel immanissima sunt, cur Burdino postea gratificatus est Paschalis, cur eum tuitus est adversus vim Bernardi? Cur non eum opprimi à Bernardo sivit, virum ambiciosum, versipellem, flexibilem, ingratum, & qui res Dei pretio constare putaret? Cur ejus opera uti postea voluit ut concordiam revocari procuraret inter sacerdotium & regnum? Constat enim ex literis Gelasij secundi ad clerum populumque Romanum scriptis Mautitium Bracarensem Archiepiscopum à Paschale Papa missum fuisse Legatum ad Henricum pro pace tractanda. Absit autem ut existimemus sanctum Pontificem, cujusmodi fuit Paschalis, uti in negotio gravissimo voluisse opera viri quem sciret esse perditæ ac profligatæ conscientiæ, quemque ipse ob eam causam, ignominia insigni notasset.

XI. Perseverabat enim adhuc schisma inter Paschalem & Henricum post abrogatum in Romana synodo privilegium investiturarum. Nondum discordiarum finis; & tentata sæpe pax, nunquam coalescere poterat. Nam facta cum Henrico pax, non pax fuit, sed pactio servitutis. Tamen quia is pacem se quàm bellum malle prædicabat, Pontifex pacis amantissimus officij sui esse putavit ut gravem aliquem virum ad eum mitteret, qui pacem inter ipsos procuraret. Delectus est ad id munus exequendum Mauritius Bracarensis, vir magna prudentia, usu, & exercitatione præditus, ad eumque destinatus cum dignitate Legati sedis apostolicæ. Contigit istud anno Christi MCXVII. ut ego quidem arbitror. Nam & eo anno Mauritius erat in comitatu Augusti, & non ita multo post à Paschali excommunicatus est in Concilio Beneventano, ceu mox sumus dicturi.

XII. Certum prorsus habeo non defuisse suo Legatum, pacisque bonis Henrico propositis flexisse ferocem animum ad reintegrandam cum Pontifice concordiam. Consiliis enim Burdini tribuendum puto quòd eodem anno MCXVII. Henricus Romam venit ut diadema imperatorium reciperet de manu Paschalis, qui futurus erat omnium controversiarum laudabilis exitus. Verùm quia Henricus, ut solent Principes satellitio muniri, Romam venerat armatus, Pontifex, qui bene meminisset carceris ac vinculorum suorum, fugæ tutam viam quærens, liberam Augusto urbem reliquit. Agere profectò absentiam ejus tulit Augustus; ut ipsemet testis est in oratione quam habuit ad populum Romanum, quæ extat apud Petrum Bibliothecarium. *Ecce, inquit, à Patre Romana Ecclesia Domino Paschali è Galliis coronandus adveni in urbem. Eum abesse infortunis meis deputo.* Ne tamen non acciperet coronam imperialem, cujus accipiendæ causa Romam venerat, usus est opera Mau-

ritij, utpote Legati apostolici, ad peragendam consecrationem suam. Ita enim docet idem Petrus Bibliothecarius. *Rex accito Mauritio Bracarenſi Archiepiſcopo, qui ob ſuperbiam levitatemque curialis eſt, ſectus per biennium extra parrochiam propriam opulentiſſimè cultu regio hac & illac molliter diſſolutèque vagaverat, ante corpus beati Gregorij coronari ſe fecit.* Et manifeſtum eſt, ni fallor, non alia de cauſa delectum ad id facinus Mauritium quàm quia Romani Pontificis vices obtinebat apud Auguſtum, pacis ac concordiaſ interpreſ. Alioqui enim cur non potiùs Germani cujuſpiam miniſterio uteretur Henricus? Et fortaiſſis rebatur non ægrè laturum Paſchalem ſi, abſente ſe, Imperator à vicario ſuo coronaretur in urbe, atque hac ratione redintegrari poſſe concordiaſ; contra quàm evenit.

XIII. Nam Paſchaliſ, qui tum agebat in partibus Apuliaſ, audito Henticum Romæ coronatum fuiſſe à Burdino ſedis apoſtolicaſ Legato, ſtatim ſibi perſuaſit illum in partes Henrici tranſgreſſum eſſe, incanduitque ut adverſùs proditorem ac perſugam. Ea de cauſa (qui moſ erat illorum temporum, in gravioribus cauſis nihil agere ac ſtatuerè inconfultis collegiſ) ſynodum congregavit apud Beneventum, in qua Burdinum publicè ob eam cauſam excommunicavit, ut docet Gelafiſ ſecundi epiſtola ad Galloſ. At ex epiſtolis ejuſdem Gelafiſ ad Bernardum Toleranum & ceteroſ Hiſpaniarum Epiſcopoſ diſcimus, non ſolùm excommunicatum in ea ſynodo fuiſſe Burdinum, ſed præterea depoſitum ab honore epiſcopatuſ. (quod etiam tradunt Sugeriuſ in vita Ludovici Groſſi, Romualduſ Salernitanuſ, itemque Petruſ Diaconuſ Caninenſiſ) in junctumque Bernardo fuiſſe uti ad electionem Epiſcopi in Bracarenſi Eccleſia faciendam operam & opem præberet cum effectu. Cauſa autem excommunicationiſ fuit, quòd contra juſſionem Paſ-

chalis, ut Romualdus ait, in Ecclesia beati Petri Missam celebrasset, sive quod adhæreret Regi excommunicato, id est, Henrico Imperatori, quem in Ecclesia sancti Petri ante corpus beati Gregorij coronavit, quem verò Paschalis propterea vocat Regem excommunicatum quia jamdiu à Paschali Papa & ab universa Ecclesia fuerat excommunicatus. Episcopus enim qui deprehensus fuerit communicare cum excommunicatis, & ipse communione privandus est, juxta canonem secundum Antiochenum. Iuraverat præterea Burdinus in acceptione Pallij non communicaturum se scienter his quos Romani Pontifices nominarim excommunicassent. Hinc sequebatur etiam perjurij crimen. Episcopus porro in perjurio deprehensus deponi juberetur in canone xxv. apostolico. Itaque ex excommunicatione secuta est sententia depositionis adversus Burdinum, quamvis absentem, juxta legem Gregorij septimi. Nam novi istius juris repertor Gregorius pronuntiavit effatum istud: *Quòd absentes Papa possit deponere.* Quamquam, si rem seposito omni affectu humano consideramus, poterat Burdinus optimo jure conqueri de iniquitate judicij. Neque enim sponte sua communicaverat cum Henrico, sed jussu Papæ Paschalis, cujus Legatus erat apud Henricum.

XIV. Accidit interim post mortem Paschalis, dum Princeps Romam pergeret ut electionem futuri antistitis præsentem se fieri procuraret, festinatam eam fuisse ac peractam ante adventum ejus. Quod an tentatum fuerit studio conservandæ libertatis ecclesiasticæ, an verò propter odium Henrici, seu quia in animis amicorum Paschalis inhærebat adhuc memoria injuriarum ei ab Augusto illatarum, non est istius temporis investigare. At parte ex alia Henricus, dum se contemptum videt, majestatemque imperatoriam & jus regnantis pulsari ac temerari ægrè patitur, os-

dinationi Ioannis Caietani, qui tum electus fuerat, & Gelasius secundus postea dictus est, assentiri noluit.

X V. Hoc nimirum fuit initium schismatis quod per illa tempora distraxit Ecclesiam, regnumque & sacerdotium, ut sanctus Bernardus ait, divisit plaga s. Bernard, edit. 119. penè incurabili & castigatione crudeli. Et poterat

istius mali causa tolli si vel expectatus fuisset Henricus, vel Romam rediisset Gelasius ab Augusto vocatus. Miserat enim Henricus ad eum legatos oratum Falcon. Be-nev. chron. ut in urbem rediret, illic peragendam consecrationem Romani Pontificis in sede Petri, huic porro &

interesse se valde cupere, & assensu suo corroboraturum, posse ea ratione redintegrari concordiam si inter se colloquerentur. Verùm Gelasius, qui mallet nimis timidus quàm parum prudens videri, dum repetit memoriam Paschalis in carcerem coniecti, fidem adhibere noluit promissis Henrici; sed Caietæ remanens, facta legatis potestate discedendi, hæc Imperatori dicenda mandavit, accepturum se statim consecrationem, ac postea cum Augusto collocuturum ubicumque lubitum illi foret. *Ego verò, inquit, Deo annuente consecrationis accipiam firmitatem. De hinc me, ubicunque voluerit, paratum ad propositum negotiationis inveniet.* Profectò, si verum fateri volumus, dura illa & inimica responsio, tum ordinatio Gelasij statim peracta velut in contemptum Augusti, animum satis jam exulceratum facilè excitare potuerunt ad audendum magnum aliquod facinus; præsertim si diligenter attendimus existimasse illum elegi non potuisse Pontificem Romanum inconsulto se, multo minùs contempto. Prætendebat enim haud dubiè Henricus eam electionem esse nullam quæ inficiente se celebrata fuerat. Quò enim evasurum antiquum Augustorum jus, nuperrimò a Nicolao II. confirmatum in Concilio Romano? Non ferendam eam audaciam, ac validè reprimendam. Timendum enim

ne si ista silentio transmitterentur, jus imperatorium paulatim aboleretur, nihilque posthac auctoritatis reliquum Augustis foret in electione Pontificum Romanorum.

XVI. Sed ut istæ Henrici querelæ speciem ostendantur habere justitiæ, necessarium est nonnulla dicere de jure quod Romani Imperatores habebant antiquitus in electione Pontificum Romanorum; ut qui Burdinum ab eo in sedem apostolicam evectum lecturi sunt, non statim eum de vi damnent, sed jure regio, ut tum quidem putabant, factum interpretentur. Nam ex libro diurno Pontificum Romanorum, quem nuper eruditissimi viri Ioannis Garnerij diligentia produxit dias in luminis oras, discimus hunc olim in Romana Ecclesia morem fuisse ut quum summus ejus antistes obiisset, statim ij qui servabant locum sanctæ sedis apostolicæ ad Exarchum Ravennæ commorantem scriberent de ea re, & quum postea electio facta esset, ab Imperatore peterent confirmationem electionis, absque qua ordinationem peragi non potuisse patet ex vita Gregorii Magni & ex gestis Vitaliani & Agathonis Pontificum Romanorum. Scribebant etiam ad Exarchum, ut propè positum, vicemque Imperatoris in Italia tenentem, ut ejus consensum elicerent, ut patet ex eodem libro diurno. Extincta, deinde Exarchi dignitate anno d c c l v. Ravennæ tradita Romanæ Ecclesiæ à Pippino Rege Francorum, cum in occidente viluisset auctoritas Imperatorum, surgensque Carlovingicæ familiæ gloria tutelam Italiæ suscepisset & apostolicæ sedis, quum Longobardos Italia expulisset Karolus Magnus, libertatem Romanis reddidisset, sedem apostolicam variis donis ac muneribus ornasset ac locupletasset, invenit Hadrianus Papa istius nominis primus rationem exsolvendi aliquantum beneficia ejus, transato videlicet in eum in plena synodo jure eligendi Pon-

tificem Romanum & ordinandi apostolicam sedem. Erat Karolus natura generosus, beneficentissimus, & ad bene merendum quàm respondendum propensior. Itaque gratus iste Hadriani animus ei stimulus haud dubiè fuit ad ornandam adhuc muneribus urbem Romanam; planèque affirmare licet ita Karolum sibi deinceps maximis suis & immortalibus beneficiis devinxisse Pontifices ac populum Romanum ut utrorumque valde interfuerit ut si minùs tantam ei gratiam referre possent quanta debebatur, haberent tamen quantam maximam animi eorum capere poterant. Mortuo igitur Hadriano succedens Leo III. anno d c c x c v i. *mox per legatos suos (verba sunt Eginhardi in annalibus) claves confessionis sancti Petri ac vexillum Romanae urbis cum aliis muneribus Regi misit ; rogavitque ut aliquem de suis optimatibus Romam mitteret qui populum Romanum ad suam fidem atque subjectionem per sacramenta firmaret. Misus est ad hoc Engilbertus Abbas monasterij sancti Richarj. Tum ergo confirmatum est Karolo summum jus summumque imperium in Romanam urbem ; ut etiam colligi potest ex chronico Moyssiacensi , in quo scriptum est eum tenuisse Romam matrem imperij antè quàm fieret Imperator. Aucta deinde Karoli dignitas ex nomine Imperatoris & Augusti , quod anno octingentesimo in eum collatum est in Concilio Romano. Hinc ergo, si non comprohata , saltem accepta potestas cognoscendi de electione Romani Pontificis , an legitime facta foret, tum propter jus imperatorium de quo supra diximus , tum quia multum interest Regum ac Principum ut civitatibus imperio eorum subjectis tales instituantur Episcopi quorum fidei & virtutibus ipsi Reges ac Principes confidant , & qui populos verbo & exemplo doceant jura majestatis non esse violanda. Itaque sequentes post Karolum Imperatores non antè Pontificum Romanorum ordinationes*

peragi sinebant quàm ex inquisitione prudentium
Missorum constitisset electionem rite ac legitime fa-
ctam fuisse, electumque Pontificem Principi futurum
fidelem; uti pluribus olim dictum à nobis est ad Ago-
bardum. Sed vetera hæc. Transeamus ad posteriora
tempora, ut ævo Burdini proximiora.

Fragment.
hist. Aquit.
editum à Pi-
thæo.

XVII. Nam Gerbertum Ravennatum Archie-
piscopum, Silvestrum secundum deinde dictum, quis
ad fastigium Romanæ sedis evexit, quis elegit, quis
alius creavit quàm Otto Imperator istius nominis
tertius? Gregorium sextum rite canonicèque electum
& consentiunt veteres & contendit illustrissimus Car-
dinalis Baronius. Sed hunc tamen in Sutrina synodo
deposuit Henricus Germaniæ Rex anno MXLVI. &
Suidgerum Bambergensem Episcopum *summum Rô-
manæ Ecclesiæ elegit Pontificem*, ut ait Hermannus
contractus. Quid non & Damasus secundus, Poppo

Baron. ann.
1048. §. 1.
Hermann.
Contr. adan.
1017.
Herm. contr.
ad an. 1019.
Vita § Hen-
rici edita à
Gretien. c.
17.
Anonymus
Hafenstele-
bus.

antea vocatus Episcopus Brixinensis; ab eodem Im-
peratore missus est Romam *Pontifex consecrandus?*
Et successor Damasi Leo IX. Leucorum tum Episco-
pus, vir catholicæ Ecclesiæ consensu consecratus in
sanctorumque numerum relatus, nonne ad Romanam
cathedram pervenit præcepto Imperatoris, ab eo
electus? Atque hoc jus imperatorium adeo constans
erat per illa tempora ut quoties Romani cujuscumque
Pontificis obitus eveniebat, mitterent Romani lega-
tos ad Imperatorem, oratum ut successorem daret.
Denique & ipse Gregorius septimus, nondum sanè
Pontifex, sed Subdiaconus Hildebrandus, à Roma-
nis missus est ad Imperatorem anno MLIV. ut succes-
sorem Leoni peteret. Missus est autem ab Augusto
Gebhardus Eystettensis Episcopus, Victor secundus
postea nominatus. Vnde porro ortum est schisma in-
ter Alexandrum secundum & Cadaloum quàm ex in-
juria quam sibi à Romanis illatam contendebat Im-
perator Henricus IV. *quod ipsa nesciente Pontifex.*

Baron. ann.
1014. §. 51.
ex Leone est.
lib. 2. c. 90.

Baron. ann.
1061. §. 9.

peragi sinebant quàm ex inquisitione prudentium

Romanus electus esset ? Nam Henricus olim acceperat principatum super ordinatione Romani Pontificis. Quod privilegium Henrico ; istius filio , confirmatum est a Nicolao II. in plena synodo Romana, ut fidem facit etiam Advocatus regius apud Baronium. Non alia profectò causa Gelasium II. & Henricum V. dissociavit quam contemptus Augusti in electione Gelasij, ut diximus.

Baron. ann.
109. 5. 14.

XVIII. His ergo quas suprà diximus cogitationibus , ut ego quidem arbitror , incitatus Henricus ; tum exasperatus animo ob liberam Gelasij contumaciam , *quò imperij jura tueretur* , ut ait Alphonsus Ciaconius, Mauritium Bracarensem Archiepiscopum eligens ut esset Pontifex Romanus , eum in sede apostolica collocavit adhibitis veteri consuetudine , ut Ioannes Aventinus ait , suffragiis nobilium Romanorum eorumque è clero qui discedente Gelasio remanserant in urbe , proque Mauritio Gregorium nominavit , istius videlicet nuncupationis octavum.

XIX. Anselmus Abbas Gemblacensis, tum vivens, hoc schismatis exordium , hunc progressum fuisse docet in suo chronico : *Paschalis Papa moritur. Succedit Iohannes Gaietanus , qui & Gelasium se nominat. Cum verò Henricus Imperator , tunc temporis agens in Italia , Romam tenderet ad eligendum Papam , Iohannes presentiam ejus veritus , jam electus & ordinatus , secessit Capuam. At Imperator , quia electioni non interfuerat , nec ordinationi consensit ; sed aliquibus Romanorum adnitentibus Hispanum quendam Burdinum nomine satis Clericum ei superordinari fecit. Tandem discordiæ causam præfert vetus epitaphium Gelasij.*

*Præsule Paschali meritis ad sidera raptò ,
Promeruit tandem sacram conscendere sedem ,
Dignus post primum Gelasius esse secundus.
Sed quia Rege fuit non precipiente levatus ;
Horrendum fremuit Princeps.*

Item Eadmerus monachus Cantuariensis in libro quinto historiæ novorum: *Rex verò Tentonicus, qui & Romanus Imperator, audito Papam huic vita decessisse, Romam advolat; & Bracarensem Episcopum, jam anno præterito ab eodem Papa Beneventi excommunicatum, cadente ab urbe Gelasio, suum Papam instituit, & ex Burdino Gregorium nominat.* Romualdus Archiepiscopus Salernitanus in suo chronico: *Paschalis Papa Roma defunctus est. Et Iohannes natione Gaietanus, qui Romana Ecclesiæ Diaconus & Cancellarius fuerat, statim à clero & populo Romano in pontificatus honorem electus & Gelasius est Papa nuncupatus. Qui prius quàm ordinaretur, propter Henrici Alamannorum Regis adventum, qui tunc Romam festinus advenerat, ipse Gelasius in civitatem Gaietam secessit, ibique à Cardinalibus qui eum secuti sunt ordinatus est & consecratus.* Spreverat enim prædicti Imperatoris assensum ejusque communionem. Imperator autem hoc videns, convocato populo Romano cum quibusdam Clericis, jussit eligi in ordine summi Pontificis quendam Burdinum nomine, cui nomen impositum est Gregorius Papa. Ordericus Vitalis lib. xii historiæ ecclesiasticæ: *Defuncto Paschali Papa, Ioannes Baicianus Romanorum Pontificum antiquus Cancellarius & magister in Gelasium Papam electus est, & contradicente Imperatore à Romano clero canonicè consecratus est. Tunc etiam Burdinus Bragarum Archiepiscopus, qui suis à fautoribus Gregorius VIII. vocitatus est, Imperatore connivente in Ecclesiam Dei intrusus est.*

XX. Contigisse ista septimo Idus Martias anni M C X V I I I. docet nos epistola Gelasij ad Gallos, in qua scriptum est Burdinum in sedem apostolicam evectum ab Henrico fuisse quadragesimo quarto die post electionem Gelasij. Cum enim is electus fuerit VIII. Kalendas Februarij ut constat ex Pandulpho Pisano & aliis scriptoribus, consequens est Burdini

electionem septimo Idus Martias fuisse celebratam.

XXI. Hanc Gregorij electionem & ordinationem ut primùm audivit Gelasius à Caieta, quò post fugam suam se receperat, has ad Gallos literas dedit quas heic describimus ex editione quæ extat apud Eadmerum & apud Simonem Dunelmensem, utpote quæ emendatior esse videtur.

Gelasius Episcopus servus servorum Dei venerabilibus fratribus Archiepiscopis, Episcopis, Abbatibus, Clericis, Principibus, & ceteris per Galliam fidelibus salutem & apostolicam benedictionem. Quia vos Romanæ Ecclesiæ membra estis; quæ in ea nuper acta sunt dilectioni vestre significare curavimus. Siquidem post electionem nostram Dominus Imperator furtivè & inopinata velocitate Romam veniens, nos egredi compulsi. Pacem postea minis & terroribus postulavit, dicens se facturum quæ posset nisi nos ei juramento pacis certitudinem faceremus. Ad quæ nos ista respondimus. De controversia quæ inter Ecclesiam & regnum est, vel conventioni vel justitiæ libenter acquiescimus & loco & tempore competenti, videlicet vel Mediolani, vel Cremonæ, in proxima beati Lucae festivitate, fratrum nostrorum judicio vel consilio, qui à Deo sunt iudices in Ecclesiâ constituti, & sine quibus causa hæc tractari non potest. Et quoniam Dominus Imperator à nobis securitatem quarit, nos verbo & scripto ista promittimus, nisi interim ipse impediat. Alias enim securitates promittere nec honestas Ecclesiæ nec consuetudo est. Ille statim, die videlicet post electionem nostram quadagesimo quarto, Bracarensem Episcopum, anno præterito à Domino prædecessore nostro Paschale Papa in Concilio Beneventi excommunicatum, in matris Ecclesiæ invasionem ingressus; qui etiam dum per manus nostras olim Pallium accepisset, eidem Domino nostro & catholicis successoribus ejus, quorum primus ego sum, fidelitatem juravit. In hoc tanto facinore nullum de

Romano clero, Deo gratias, Imperator socium habuit; sed Guibertini soli, Romanus de sancto Marcello, Cencius qui dicebatur sancti Grisogoni, & Teuzo, qui multo per Daciam tempore debacchatus est, tam infamem gloriam celebrarunt. Vestra igitur experientia literarum presentium praecepto mandamus ut super his communi per Dei gratiam deliberatione tractantes, ad matris Ecclesiae ulionem communibus praestante Deo auxiliis, sicut oportere cognoscitis, accingamini. Data Caieta xv 11. Kal. Februarij.

XXII. Siste heic paululum, quaeso te lector; ut nonnulla mecum observes in hac Gelasiana epistola quae non videntur esse leviter praetereunda. Primum ex ea docemur, praeter ea quae de legatione Henrici ad Gelasium referuntur à Falcone Beneventano, petiisse Augustum pacem à Pontifice, & quidem his artibus ulum quibus plerunque uti solent qui eam maximè cupiunt, minis videlicet ac terroribus, ut facilis animum Gelasij flecteret ad concordiam ineundam. Minæ autem hæ fuere, facturum se quæ posset. Probabile est suspensum istud & ambiguum scribendi genus non fuisse obscurum Gelasio. Ea enim mens erat Augusto; habere se maximam auctoritatem in electione Romani Pontificis, quæ firma ac valida esse non posset nisi accederet assensus principalis, non comprobaturum se illam, immo cuncta acturum quibus futuram ordinationem infringi ac labefactari posse arbitraretur, ni Gelasius secum rediret in gratiam; id se valde cupere & optare; sin aliter eveniret, declaraturum se nullam fuisse electionem Gelasij, aliamque celebraturum, adeoque æmulum levaturum adversus Gelasium; quod si Gelasius pacem mallet, certitudinem pacis faceret. Tangit istud caput controversiam investiturarum, quæ per tot annos turbavit Ecclesiam. Molestè ferebat Henricus abrogatum in Romana synodo privilegium domui Augustæ

Augustæ concessum à Paschali, & renovari cupiebat. Petebar ergo ut donec magnus dies imponi posset huic controversiæ, Gelasius sponsonem faceret ac promitteret non turbaturum se, neque causam offensionis Henrico præbiturum ob investituras. Et æquissima videbatur Henrici postulatio, neque præjudicabat quicquam adversus ecclesiasticas regulas. Verùm Gelasius semper timidus, adeoque procrastinandum ratus, negotium istud remisit ad proximam synodum Mediolani vel Cremonæ celebrandam in festivitate beati Lucæ, id est, post septem mensium spatium. Potuit existimare Henricus ludificationem id esse, & valde probabile est ita existimasse. Tum statim secuta electio Burdini, quadragesimo quarto die post Gelasianam.

X XIII. Ait deinde Gelasius nullum de Romano clero consensisse huic secundæ electioni. Heic duo quædam observanda sunt. Primum, aliter se habere hunc locum apud Eadmerum & apud Simonem Dunelmensem, aliter apud Vvillelmum Malmesburiensem & Rogerium de Hoveden. Nam apud istos ita omnino legitur hic locus : *In hoc autem facinore nullum de Romanis Dominus Imperator, Deo gratias, socium habuit.* Falsa est ac mendosa hæc editio. Mentiretur enim Gelasius si ea non esset falsa. Constat enim nobiles quosdam Romanos, & in his Frangepanem, transgressos fuisse in partes Augusti & à Gelasio secessisse. Neque mihi placet Baronij interpretatio, qui ut locum istum à mendacio liberet, ait Gelasium heic per Romanos intelligere catholicos, eos nimirum qui partis erant Gelasij, ac si factionis adversæ homines ne civium quidem Romanorum vocabulo dignos esse putaret. Vana admodum interpretatio, quod salva tanti viri pace dictum sit. Vtrique enim, & Gelasiani, & Gregoriani, ejusdem urbis cives erant, licet partibus ac studiis diversi; ut etiam

ipsi Gelasiani profitentur apud Pandulfum Pisanum in vita Gelasij, ubi Frangepanes, id est, eos qui Gregorii partes sequebantur, sic alloquuntur: *Numquid & nos perdere cupitis? Et quidem Romani sumus, similes vobis, & si dici liceat, consanguinei vestri.* Melius igitur editio quam nos sequimur, ubi legitur *nullum de Romano clero.* Omnes enim Episcopi & Cardinales Gelasium elegerant, ac sequuti fuerant fugientem, ut patet ex Pandulpho Pisano.

Alterum igitur quod heic observandum est, ita se habet. Affirmat Gelasius Augustum neminem de Romano clero habuisse qui Burdini electioni assentiretur. Prima fronte istud videtur falsum. Nam dubitari non potest quin tres illi quos statim nominat fuerint è clero Romano. Verùm illos ea de causa non connumerat Gelasius in clero Romano quia cùm essent Guibertani, id est, schismatici, præcisi jam olim erant per excommunicationem à corpore universalis Ecclesiæ, adeoque extra clerum projecti.

In fine hæc Gelasij epistolæ data dicitur Caietæ **XV I I.** Kalendas Februarij. Quo tempore Paschalis nondum mortuus erat, neque Gelasius electus; neque tum iste Caietæ morabatur, sed in monasterio Casinensi. Itaque necesse est mendum heic esse. Quod tamen mendum vetus est, cùm reperiatur in omnibus exemplaribus. Sensit vitium Baronius, proque Februario Aprilem rectè reposuit.

XXIV. Scripsit etiam Gelasius ad Bernardum Archiepiscopum Toletanum, olim quidem abalienatum à Burdino, sed nunc ei infensum haud dubiè ac inimicum quòd vim primatus & apostolicæ legationis petitione ejus infractam in Bracarensi provincia constaret. Itaque facile Gelasio fuit accersitum contumelia animum trahere in partes suas. Hæc ergo ad eum scripsit.

Gelasius Episcopus servus servorum Dei venerabili

fratri Bernardo Archiepiscopo Toletano & Hispaniarum Primati salutem & apostolicam benedictionem. Non latere credimus fraternitatem tuam qualiter frater quondam Mauritius Bracarenfis Episcopus se jamdiu habuerit, qualiter Ecclesiam suam dimiserit, & quomodo Regi excommunicato adhaerit, & contra statuta canonica in cubile sancta Ecclesia se ingesserit. Nec eum miramur debitam tibi obedientiam & antiquum primatus honorem Ecclesia tue penitus denegasse, qui Romanam Ecclesiam, qua omnium Ecclesiarum mater est & magistra, non solum denegare, sed destruere, quodammodo conatur &c. Monemus itaque atque precipimus ut juxta mandatum predecessoris nostri ad electionem in Bracarenfi Ecclesia faciendam sollicitudine caritatis debite operam & opem praebeas cum effectu. Ipsum verò Mauritium excommunicatum, perjurum, & matris Ecclesiae constupratorem publicum ceteris Hispaniarum Prelatis &c. Data Caieta VII. Kalendas Aprilis.

XXV. Eadem die literas sequentes dedit ad universos Hispaniarum Episcopos, quas ex Gelasij regesto se descriptisse ait Rodericus Toletanus.

Gelasius Episcopus servus servorum Dei venerabili fratri Bernardo Toletano Primati & ceteris Hispaniarum Episcopis. Non latere credimus fraternitatem vestram qualiter frater noster Mauritius Bracarenfis Episcopus se jamdiu habuerit, & quomodo Ecclesiam suam dimiserit, & quomodo Regi excommunicato adhaerit. Illud etiam, ut opinamur, nostis, quod a predecessore nostro sancta memoria Paschali Papa in Concilio excommunicatus sit, & quod Bracarenfi Ecclesia sit mandatum ut pastorem sibi alium provideret. Nunc tandem per Regis tyrannidem, post longum electionis meae spatium, in cubile sancta matris Ecclesiae se ingessit. Ideoque fraternitati vestra mandamus ut ad electionem in Bracarenfi Ecclesia faciendam sollicitudine

*caritatis debita operam prabeatis. Ipsum uerò Mauri-
tium excommunicatum, perjurum, & matris Ecclesia
conspuratorem ceteris Ecclesia filiis publicetur. Datis
Caicta v 111. Kal. Aprilis.*

XXV I. Siste heic, quæso, rursus, lector, & mecum aliquantisque expende epistolas illas ad Hispanos Episcopos scriptas. Omnino quinque res velut flagitia Burdino objicit Gelasius, societatem cum Imperatore, dimissionem Ecclesiæ Bracarenfis, rebellionem adversus Primatem, perjurium, & quæ ex perjurio sequebatur, sedis apostolicæ invasionem. De societate cum Augusto satis jam supra dictum est, neque ea repeti nunc est opus. Dimissam ab eo fuisse Ecclesiam objectat, nimirum per biennium. Verum id quidem. Sed non ideo culpandus Burdinus. Quippe certis indiciisprehenditur non alia illum de causa Ecclesiam suam deseruisse quam ut jura sedis suæ tueretur adversus Bernardum pervicaciter, ut apparet, incubantem Ecclesiæ Bracarenfi eamque Toletanæ subicere conanti. Quod si non statim post confectum negotium rediit Bracaram, accusetur Pontifex Paschalis, qui operam ejus sibi Ecclesiæque utilem ac necessariam putavit, adeoque eum apud se detinuit ut eo uteretur in tractatione gravium negotiorum. Itaque dum illi Gelasius absentiam hanc exprobrat, dat locum defensionis. Nam si crimen istud fuit, cur non eum statim Paschalis ad Ecclesiam suam redire jussit? Cur ejus opera uti voluit ad pacem inter sacerdotium & regnum conciliandam? Agit ergo Gelasius ut adversus hostem; Paschalisque insuper decreta violat, ut Burdinum fortius ac vehementius opprimat. Paschalis etenim existimaverat Burdinum habere justam causam, atque adeo nihil deinceps Bernardo licere voluerat in provincia Bracarenfi. Gelasius autem insurgit adversus æmulum, primatumque Toletanæ Ecclesiæ adjudicat super Bracarensem, parte utraque

inaudita, nullo judiciorum ordine servato, & adversus instituta majorum, id est, impetu, non ratione. Qui modus agendi adeo destitutus erat omni ratione ut Callistus II. insuperhabito Gelasij decreto privilegia Bracarenfis Ecclesiæ postea confirmaverit literis datis ad Pelagium Archiepiscopum Bracarensem, quas Mariana recitat.

Mariana lib.
10. Rexlii.
c. 13.

XXVII. Burdinum præterea perjurum vocat Gelasius, ob eam nimirum rationem quod cum fidelitatis & obedientiæ juramentum Romano Pontifici Paschali successoribusque ejus, quorum primus erat Gelasius, olim fecisset in acceptione Pallij, nunc papatum Gelasio tollere conabatur contra manifesta jurjurandi verba. Nam hæc sunt omnino verba juramenti: *Non ero neque in consilio neque in facto ut vitam aut membrum aut papatum perdant, aut capti sint mala captione.* Et infra: *Papatum Romanum & regalia sancti Petri adjutor ero ad retinendum & defendendum, salvo meo ordine.* Istam criminationem fortiter repulisse Burdinum & in adversarium rejecisse dubitari non potest. Ipse enim se legitimum Paschalis successorum ferebat, Gelasium verò putabat summum pontificatum non ritè adeptum fuisse, quia ejus ordinatio destituebatur consensu Imperatoris. Si extarent acta & epistolæ Burdini, quas probabile est Callisti II. jussu combustas fuisse, cum nulla deinceps earum memoria reperiatur, videremus illic eum diluisse ea maledicta, rectène, an perperam, non est hujus loci judicare. Itaque ad institutum nostrum revertamur.

XXVIII. Vrebat profectò malèque habebat Gelasium tam potens ac tantæ dignitatis adversarius, præsertim quum videret eum sedere in cathedra Petri interim dum ipse alienas terras habitare cogeatur. Itaque cum per id temporis intellexisset plerosque Romanorum non consensisse electioni Gregorij & consecrationi ejus nullatenus consilij & auxilij manus

dedisse, quemadmodum illos ad Gelasium scripssisse memorat Falco Beneventanus, optimum factu putavit si literas grati animi significationem continentés ad eos scriberet, hostareturque porio ut perseverarent in ea constantia. Hanc ergo epistolam ad eos misit.

* *Eximiam
quam.*

*Gelasius Episcopus servus servorum Dei dilectis in Christo filiis clero & populo Romano salutem & apostolicam benedictionem. Dilectionis vestre Domino gratias agimus quod unanimiter persistentes, communicare tenebrarum operibus nolistis. Audivimus * etiam quondam ille amicus noster Dominus Imperator familiarem nostrum Mauritium Bracarensem Archiepiscopum, antea sibi super tractanda pace Legatum, in nostram Ecclesiam ingesserit. De quo sciatis quod dicitur olim secundum consuetudinem confirmatione consecratione Pallium accepisset à nobis, & nos ab ipso secundum statuta canonicum juramentum fidelitatis & obedientie recepimus &c. Rogamus ergo dilectionem vestram atque precipiendo mandamus ut ab eo vos tamquam excommunicato, perjuro, invasore, & sanctæ matris Ecclesiæ ac fidei catholica constupratore abstineatis &c. Datum Caieta &c.*

XXIX. Habuit autem Henricus Imperator sectatores ac fautores in ea Gregorij electione & ordinatione nobiles Romanos, itemque quosdam è clero, sed quos, cum Gu bertini forent, diù ante excommunicatos fuisse contendebat Gelasius, adeoque nullius in Ecclesia Dei auctoritatis. Sic ergo ordinatus Gregorius Romæ cathedram tenuit interim dum Gelasius vagus & exul per Italiam errabat; adeo ut cum idem Gelasius ab amicis suis persuasus urbem aliquantò post repeteret, necesse habuerit, ut Pandulphus air, in Ecclesia sanctæ Mariæ quæ de secundo cereo dicitur latebris se occultare, ac postea rursus fugam inire.

XXX. Conflato igitur schismate ac consummato, *gravis*, (ut Ordericus Vitalis ait) *inde discensio inolevit, sava persecutio inhorruit, & catholicam plebem vehementer perturbavit.* Divisa ex eo regna Europæ, dum nonnullæ regiones Gregorium sequebantur, aliæ Gelasium. Ac sanè oportet aliquod robur, rursus aliquod vitium habuisse utramque electionem, quandoquidem Eadmerus Cantuariensis, istorum omnino temporum scriptor, ait usque adeo diversas ac divisas fuisse Christianorum sententias in hoc schismate ut nonnulli Callistum, qui Gelasio successerat, Ecclesiæ Dei jure prælatum assererent, alij Gregorium, plerique neutrum. Inde enim oriuntur schismata & discidia cum jura contendendum sunt ambigua. Certè tamen fortassis Rex Anglorum Gelasio adhereret, non tamen omnes Angli eum susceperunt. Nam Matthæus Parisius, tum in historia majori, tum etiam in chronico, Gelasium disertis verbis vocat Antipapam. *Anno, inquit, M C X V I I I. defuncto Papa Paschali, Gelasius Antipapa anno uno succedit. Cui successit orthodoxè Calixtus.*

XXXI. In Germania Herimannus Episcopus Augustensis, ut legimus in epistola Eginonis Abbatis sancti Vdalrici, rejecto Gelasio, Burdinum suscepit, nomenque ejus in cerei Paschalis benedictione recitari præcepit, ac plebem sibi subjectam Burdini literarum salutatione convenit, monachos etiam sancti Vdalrici compulit ad suscipiendum nomen Gregorij. Sanè Rodericus Toletanus apud Innocentium III. in synodo Lateranensi disserens adversus memoriam Burdini, quam denigrare modis omnibus conabatur, ait eum sumpto Gregorij octavi nomine commentitiis & falsis bullis per universum orbem apostolicas immo apostaticas literas direxisse. Earum epistolarum unam, cujus supra meminimus, nos reperimus in archivo monasterij Vsercentis insertam bullæ Pauli II. qua

Exrat apud
Patron. ad
an. 1120.

Con. illa
Hispan. Loaysa
pag. 190.

confirmat antiqua ejusdem monasterij privilegia à Romanis Pontificibus prædecessoribus suis, inter quos nominat hunc Gregorium octavum concessa. Ea sic habet.

Gregorius Episcopus servus servorum Dei dilecto in Christo filio Aldeberto Abbati sancti Petri Vercensis monasterij omnibusque fratribus ibidem Deo famulantibus & successoribus ejus in eodem monasterio substituendis in perpetuum salutem & apostolicam benedictionem. Cum per Dei omnipotentis misericordiam in summi pontificatus arce constituti, universarum Ecclesiarum curam suscepisse videamur, illarum tamen maxime necessitatibus condescendere debemus quas religiosè conversari ac in Dei servitio semper permanere cognoscimus. Ideoque, fili carissime, auctoritate sedis apostolicæ, cui Deo dispensante præsidemus, confirmamus tibi & Ecclesiæ tuæ libertatem quam à principio habuisse dinoscitur, videlicet ut nullus Episcopus, nullus Archiepiscopus monasterium istud sine nostra jussione audeat excommunicare, & post obitum tuum vel cujuscunque Abbatis habeant monachi ipsius monasterij licentiam & facultatem secundum regulam sancti Benedicti sibi eligendi Abbatem aut de illo monasterio, si ibi repertus fuerit, aut de alia quo voluerint. Insuper concedimus tibi monasterium Agidunense cum omnibus Ecclesiis sive terris ad idem pertinentibus, monasterium quoque Maimacense cum omnibus possessionibus suis, necnon Tusturiaci & sancti Raphaelis & Exidolij cum omnibus possessionibus ad hæc in integrum pertinentibus, alias quoque Ecclesias quas nunc habere videmini aut inantea Deo auxiliante justè acquirere poteritis. Recepimus quoque te & monasterium sub tutela & defensione beati Petri, cujus Ecclesiæ omni anno debes persolvere byzantium auri. Ita ut nullus Archiepiscopus, Dux, Marchio, Comes, Vicecomes, nec aliqua parva magnaue persona de rebus ad Ecclesiam

Vide Gaufrid. Vof. chron. cap. 15.

pertinentibus aliquid depraedare, subtrahere, aut quolibet ingenio defraudare audeat. Si quis verò, quod non credimus, contra hanc nostram ordinationis paginam ausu temerario obviare tentaverit, sciat se anathematizis vinculo colligandum. Datum Laterani per manum Petri sacrosanctæ Romanæ Ecclesiæ Cancellarij secundo Idus Aprilis, Indictione undecima, anno dominicæ incarnationis millesimo centesimo octavo decimo, pontificatus autem Domini Gregorij Papæ VIII. anno primo.

XXXII. Haud ita multò post, nempe posttridie Kalendas Iunias, ipso Pentecostes die, Gregorius Henricum Imperatorem ut papa coronavit, quem prius coronaverat ut Legatus Paschalis Pontificis. Ita enim factum fuisse docet Leo Ostiensis in Chronico Casinenſi lib. 1 v. cap. 1 x i v. *Imperator interea cum oppidanis (Turriculæ) fœdus iniens, Romam rediit, ibique diebus Pentecostes ab eodem hæresiarca coronatus Liguriam rediit.*

XXXIII. Sedente itaque Gregorio in sede Petri, in Gallias accedens Gelasius, moritur apud Cluniacum anno m c x i x. mense Ianuario. Successit ei statim Guido Viennensis Archiepiscopus, magnæ nobilitatis vir, magnæque tum in Ecclesia auctoritatis, dictus Callistus istius nominis secundus. Refricatum ex eo vulnus, novisque viribus instaurata Ecclesiæ scissio, dum alij Gregorium sequuntur longo jam tempore tenentem Romanam sedem, alij Callistum optimo jure electum contendunt. *Dum hæc ecclesiastica ita in Burgundia disponuntur, inquit Eadmerus, apostolatus Romanæ Ecclesiæ prefato Gregorio sede beati Petri presidente administratur. Super his ergo multis rumoribus Anglia concussa est, aliis hunc, aliis illum, aliis neutrum Ecclesiæ Dei jure prælatum asserentibus. Galli tamen & Rex Anglorum cum Pontifice Cantuariorum in Calixtum se transtulerunt, & cum, spreto Gregorio, pro Apostolico suscep-*

runt. *Chronicon Maurigniacense*: *Vvidonem Vienneſem Archiepiſcopum ſtrenuum & incomparabiliter genere virum eligunt & pontificalibus induunt inſignibus; quibuſdam tamen ob rei novitatem, aliis, ut ferebatur, ob invidiam murmurantibus & aliſer ſentientibus. Non caruit ergo contradictione electio Calliſti.*

XX XI V. Sequenti dein mēſe Octobri Calliſtus ſynodum habuit generalem in civitate Remenſi, in qua *Karolum Henricum Imperatorem Theomachum*, ut *Ordericus Vitalis* ait, & *Burdinum Pſendopapam & fautores eorum mærens excommunicavit*. Boni enim Episcopī eſt optare primū ut mali corrigantur ac ſanentur, poſtremō cum dolore abſcindere quod ſanari non poteſt. Tentaverat autem Calliſtus Henricum, ut conſanguineum & aſſinem, reducere ab bona mentem, irritō conatu. Sed non eadem erga Burdinum caritas. Invocatus & inauditus damnatur.

XX X V. Incommodum ſanè ingens ac detrimentum Gregorio attulit illa Calliſti electio. Vir è regali ſtirpe oriundus, Regum & Auguſtorum conſanguineus, Ducum frater, præterea magnæ tum auctoritatis, & audax, magna in cauſam præſidia induxit adverſus Gregorium. Ob eas nimirum cauſas electum eum tradit *Villelmus Malmſburienſis* in libro quinto de rebus geſtis Regum Anglorum. *Cardinales qui cum Gelafio venerant, inquit, ſimulque omnis Eccleſia ciſalpina Guidonem Archiepiſcopum Vienneſem in Papam grandi paratu levantes, Calixtum vocarunt, religionis & efficacia ipſius intuitu ſperantes ſe per illius potentiam, quod eſſet in auxiliando facultatis maxime, Imperatoris viribus obſiti poſſe. Nec ille credulos ſpei effectu exinaniens, mox Concilio Remis celebrato inveſtitos vel inveſtiendos à laicis ab Eccleſiis removit, pariter & Imperatorem, niſi reſiſceret, involvens. Ita tempore in inferioribus plagis moratus*

UT PARTES SVAS AVGERET, *Romam compositis in Gallia rebus venit, libenterque à civibus (nam jam Imperator discesserat) receptus est. Tum Burdinus in medio relictus Sutrium effugit, multum peregrinorum calamitatibus papatum suum fovere meditans.*

XXXVI. Pervenimus ergo tandem ad ultimam periodum calamitatum hominis infelicissimi, qui post multas res præclarè gestas, post plurima doctrinæ ac pietatis exempla edita, post gestos honores amplissimos, demum fatali quadam sorte gratiam Henrici Imperatoris adeptus, ab eo in altum sublatus est ut rueret lapsu graviore. Triennium integrum tenuit apostolicam sedem in summa pace ac tranquillitate, donec Callistus collecto in Gallia exercitu in Italiam pergens, Imperatorem Roma decedere compulit, quam ipse victor ingressus est. Henrici discessus peperit casum Burdini, qui Sutrium se contulit. Sed quid illic faceret miser absque exercitu, absque Imperatore, a quo derelictus ac desertus erat? Igitur Callistus illuc properat, Burdinum superat, capit, indignissimè tractat, in custodiam tradit, triumphat, carceri perpetuo mancipat.

XXXVII. Itaque ut a Sutrino Gregorij secessu initium faciamus, ei vitio versum est quod peregrinos ad Apostolorum limina transeuntes sibi genu flectere cogeret; eamque potiore causam suscepti adversus eum belli fuisse testatur Callistus in epistola mox recitanda, quò si ipse peregrinorum & pauperum clamores ferre penitus non posset. Ergo Callistus, cui, ut Baronius ait, superandi Burdini munitione se

Baron. ann.
1131. §. 12.

Conflatis igitur paſſionibus cum Normannis, factus abundè jam ab omni parte ſecurus, ut ſcribit Pandulphus, paravit magnum exercitum, & cum eo Ioannem Cremonſem Cardinalem ſancti Chryſogoni Sutrium contra Burdinum præmiſit. Ipſe eum è veſtigio ſequitur. Demum Sutrij convenerunt. Pugnatur attentius. Vincitur capiturque Burdinus. Captus eſt autem per timiditatem & ignaviàm Sutrinorum: qui obſidionem ferre non valentes, cùm eorum mœnia quaterentur, eum dedidere militibus. Hi verò hominem ejuſmodi expoſuere ludibrio. Primùm omnium eum inceſſere blaſphemiis, altis vocibus conclamantes: Maledicte, maledicte, per te tam grave ſcandalum venit. Addebant alij: Tu es qui Chriſti tunicam attentasti dividere, & dilacerare catholicam unitatem præſumpſiſti. Periſſet autem miſer inter manus furontium militum, qui multas ei contumelias, ut ait Vrſpergenſis, irrogarunt, niſi Calliſtus illum à manibus eorum eripuiſſet, eum ſervaturus ad pompam triumphi. Fuit enim tum tanta Calliſti lætitià ut epistolam conſeſtim de ea re generalem ſcripſerit in univerſum orbem Romana ſacra colentem, quam heic deſcribere viſum eſt operæ pretium.

Calliſtus Episcopus ſervus ſervorum Dei dilectis fratribus & filiis Archiepiſcopis, Episcopis, Abbatibus, Prioribus, & ceteris tam Clericis quàm laicis beati Petri fidelibus per Gallias conſtitutis ſalutem & apoſtolicam benediſſionem. Quia dereliquit populus legem Domini, & in judiciis ejus non ambulat, viſitavit Dominus in virga iniquitates eorum & in verberibus peccata eorum. Paterna tamen conſervans viſcera pietatis, de ſua conſidentes miſericordia non relinquit. Diu ſiquidem, peccatis exigentibus, per illud Thentonicorum Regis idolum, Burdinum videlicet, fideles Eccleſia conturbati ſunt; & alij quidem capſi ſunt, alij uſque ad mortem carceris maceratione afflicti ſunt.

Nuper autem festis Paschalibus celebratis, cum peregrinorum & pauperum clamores ferre penitus non possemus, cum Ecclesia fidelibus ab urbe digressi sumus, & tamdiu Sutrium obsedimus donec divina potentia & supradictum Ecclesia inimicum Burdinum, qui diabolo nidum ibidem fecerat, & locum ipsum omnino in nostram tradidit potestatem. Rogamus itaque caritatem vestram ut pro tantis beneficiis unà nobiscum Regi Regum gratias referatis, & in catholica Ecclesia obedientia & servitio constantissimè maneatis, retributionem debitam in presenti & in futuro ab omnipotenti Domino per gratiam ejus recepturi. Rogamus etiam ut has literas alter alteri presentari omni remota negligentia faciatis. Datum Sutrij quinto Kalendas Maij.

Perstringit autem illic Callistum Vvillelmus Malmesburienſis his verbis: Urbana omnino & excogitata facetia, ut eum quem oderat, Regis Theutonici vocaret idolum, quòd ille Mauritiij peritiam tum in literis tum in civilibus negotiis magni pensaret. Idolum tamen simpliciter, ut ego quidem arbitror, dixit Callistus pro eo quod antiqui dicebant imaginarium ac suppositum, ut ipso verbo ostenderet Burdinum non fuisse verum Papam, sed imaginem & idolum Papæ; sicut sanctus Bernardus ad Eugenium Papam scribens adversus Vvillelmum electum Eboracensem Archiepiscopum, cujus electionem vitio factam fuisse contendebat, idolum Eboracense vocat. Eodem sensu Alexander III. ad Gerardum Episcopum & ad ceterum populumque Bononienſem scribens de sua electione, ait Ioannem & Guidonem Cardinales Octavianum, quem sibi in statuam crexerunt, obstinata, perfidia venerari, & cum, relicta unitate Ecclesia usque adhuc tamquam idolum aut simulachrum adorare. Ceterum heic observandum est Burdinum nullius alius flagitij aut accusatum à Callisto aut compertum quàm quòd apostolicam sedem quum occupasset,

S. Bernard.
Ep. 219.

cam summa ope retinere conatus est, adcoque peregrinos per Sutrium transeuntes genua coram se flectere cogeret. Quod ideo adnotare placuit ut hinc quivis colligere possit quanta fides habenda sit Abbati Vispergensis, qui ex incertis vulgi rumoribus ait eundem Burdinum in talibus deprehensum flagitiis *que nostris*, inquit, *indignum duximus tradere scriptis*. Nam si istius modi scriptorum testimoniis integra fides habenda esset, multum periclitaretur bona quorundam Pontificum fama, præcipue verò Ioannis XXIII. quem Onuphrius Panvinus scribit nullam fidem novisse neque religionem, ac rebus prophanis magis quam divino cultui accommodatum fuisse. Longum esset ire per singulos. Itaque revertamur ad institutum nostrum.

XXXVIII. Post caprum Sutrium dejectumque Burdinum nihil supererat quam ut Romam duceretur triumphandus. Ergo turpissimè ultrà quam credi potest afflictus, ut ait Falco Beneventanus, ligatus, & indutus pilosa pelle vervecis pro chlamyde rubea, ut est in veteri codice Vaticano apud Baronium, immo sanguinolentis pellibus caprinis amictus, ut legitur apud Sugerium, vel cute indutus ursina, ut apud Vvillelmum Tyrium, positus ex adverso super camelum versa facie ad tergum, ita ut caudam cameli pro fræno haberet, Callistum Papam ad urbem antecessit ex more veterum triumphorum, per medium civitatis via regia, ut magis publicaretur, deductus 1 x. Kalendas Maias. Pontifex igitur Callistus, inquit Falco Beneventanus, *Deo & Petro Apostolo gratias agens, magno gaudio repletus, urbem triumphans ingressus est*. Ne quis verò miretur hunc ingressum Pontificis in urbem Romam conjungi cum triumpho, legenda est epistola Eginonis Abbatis sancti Vdalrici Augustensis: in qua scriptum est Callistum Romam redeuntem secum duxisse hunc Eginonem, relaturum

Vvil. Tyr.
lib. 12 c. 8

Chron. Ioan.
Bromton.
Suger. in vi-
ta Ludov.
Grossi.

Apud Baron.
ad an. 1150.

terre suæ triumphum, ut Callistus aiebat, *Ecclesia*. Certè ita hæc conveniunt cum historia ut de hac ipsa re agens Baronius, eamque ex Sugerio describens, idcirco dicat ita se facere *ne quid desit ad triumphum bestia per Imperatorem exaltata*. Et Constantinus Gaetanus Abbas sancti Baronti ait Burdinum à Callisto captum per Romanas plateas triumphi specie camelo traductum esse. Neque carebat exemplo ridiculus ille Burdini eVectus quem suprà descripsimus. Narrat enim Anastasius in historia ecclesiastica, ex Theophane, ut apparet, Constantinum falsum Patriarcham Constantinopolitanum à Constantino Copronymo Imperatore dejectum, & dehonestatum publice, fuisse impositum obliquè super asinum sagma tinentem, & ipsius tenere caudam iussu esse. Mitius etiam & honestiùs cum Burdino actum quàm postea actum sit Constantinopoli anno MCLXXXV. erga Andronicum Comnenum Imperatorem; qui post multas contumelias, post plurima probra, demum scabioso camelo impositus, per forum triumphi specie traductus est, ut in ejus vita narrat Nicetas Choniata. Porro ne quid ad triumphi decus & ornamentum desiderari posset & ad memoriam tanti facinoris sempiternam, Callistus ad exemplum veterum Romanorum, qui devictorum Regum ac populorum nomina titulosque marmoribus inscribi curabant, eam historiam in antiqua camera palatii Lateranensis depingi curavit cum hac inscriptione, quam sua quoque ætate superfuisse docet Onuphrius Panvinus.

Ecce Callixtus honor patriæ, decus imperiale,

Burdinum nequam damnat, pacemque reformat.

Fidem autem huic narrationi adstruit etiam Sugerius his verbis: *Et ad tanta ultionis memoria conservationem in camera palatii sub pedibus Domini Papa conculcatum depinxerunt*. Plenius verò Rodericus Archiepiscopus Toletanus in Concilio Lateranensi.

Cæter in Notis ad vitam Gelas. a. pag. 68.

Hoc non solum authentica historia testatur, inquit, verum etiam laicorum pictura hoc asserit & protestatur. Si quis astantium hac de re dubitat, tollat oculos ad praesentes loci hujus parietes; & videbit hujusmodi historiam picturatam. Erigentes autem oculos omnia ut dixerat viderunt. Videndus etiam Otto Frisingensis lib. v l. i. cap. xvi. suorum chronicorum, ubi referuntur versus à nobis supra descripti.

XXXIX. Ad eandem historiam, licet tacito nomine respicit Arnulphus Episcopus Lexoviensis in epistola xix. ad Alexandrum III. Papam scribens: *Porro schismata hac in Ecclesia Romana frequentius accidisse etiam Lateranensis palatii picturae demonstrant, ubi catholicorum patrum pedibus pro scabello schismatici praesumptiones adscripti sunt. Item Ioannes Saresberienensis epist. lxi. Sit ad gloriam patrum teste Lateranensis palatio, ubi hoc in visibilibus picturis & laici legunt, ad gloriam patrum, schismatici, quos secularis potestas intrusit, dantur Pontificibus pro scabello, & eorum memoriam recolunt pro triumpho. Sed in primis historiam hanc idem Ioannes enarrasse videtur in Policratico, sic illam describens ut incertum relinquat cui veram victoriam tribuat, victori, an victo, & ejus qui vicit causam meliorem fuisse colligat ex eventu. Afferam autem ipsa ejus verba. Gaudeat planè mundus cum alter solus vicerit; sed propensiori latetur gaudio si vicerit uterque vel neuter. Conveniant ergo, si placet, in insula Lycaonia aut alio, (si quis tamen locus bellis sive duellis est aptior) & sine orbis & urbis periculo vincat alteruter duelliorum quem Deus scilicet approbaverit aut victorem esse permiserit. Vilius quoque, si id victori placeat, demergatur in Tyberim; aut si cum eo mitius agendum videtur, retrudatur in Caveam. Cui cum Abbas loci claustrum immo carcerem aperuerit, protestetur se non illud ei qui damnatur praeparasse, sed victo. Qui vero vicerit,*

Ioan. Saresb.
lib. 4. Policr.
c. 23.

vicerit, id est, qui violentior fuerit, in Liparem aliamve Insulam exul perpetuus deportetur ad marnora secunda. Confirmat suam illam quam diximus sententiam idem Ioannes in epistola XLIV. quæ est scripta nomine sancti Thomæ Archiepiscopi Cantuariensis ad Regem Anglorum, in qua loquens de Ichimate Alexandri & Victoris ait: *Erit autem nobis periculosum si apud eum qui victurus est, quem nondum novimus, alii qui minus hominis ab Ecclesia Romana acceperunt devotionem nostram pravenerint.*

X L. Ergo dejectus eo modo ac triumphatus Burdinus, ne post hac impedimento esse posset, missus est cum multa ignominia, ut Vvillielmus Tirus ait, ad Cavense monasterium, quod juxta Salernum situm esse dinoscitur, sive reclusus in Caveam, ut verbis utamur Ioannis Saresberiensis; ibique habitu monachali indutus, ut idem Tyrius, Radulfus de Diceto, & auctor chronici Maurigniæ acensis referunt, vitam compulsus est lege loci ducere cœnobiticam, id est, redire ad illud vitæ institutum quod olim susceperat in monasterio Vsercensi, ut supra monuimus. Nicolaus enim secundus constituerat ut si quis *per seditionem vel presumptionem aut quolibet ingenio electus aut etiam ordinatus seu inthronizatus fuerit, ab omni ecclesiastico gradu, in quocunque fuerat prius, sine retractatione deponatur*, id est, ad illud vitæ institutum reducat in quo existerat antequam gradus ecclesiasticos assequeretur. Anno sequenti, qui fuit vigesimus secundus à nativitate Christi supra centesimum & millesimum, idem Callistus Burdinum de Cava extractum in Ianula, quæ arx est in rupe imminente civitatis sancti Germani, custodiendum tradidit, auctore anonymo Casinensi quem edidit Antonius Caracciolus. Denique hinc eductus ad Honorio II. anno MCCCIV. in arcem Fumonis non longè ab Alatro civitate in Hernicis translatus est, in eam nimirum ar-

cem in quam postea Bonifacius VIII. coniecit sanctum Petrum Murrhonem, dictum antea Cælestinum quintum. Illic ad supremum usque senium vixit Burdinus, ibique mortuus est, non verò in monasterio Cavenfi, unde recesserat. Sunt qui scribant eum pervenisse usque ad tempora Eugenij tertij. Verùm cum illi nullo veterum testimonio, quod quidem appareat, nitantur, In arbitrio lectoris erit quid existimare ac credere debeat.

Defensor
Ecclesiæ apud
Baron. ann.
1019. §. 24.
& 1061. §. 5.

Malmesbur.
lib. 5. Reg.
Anglor.

XLI. Hic finis fuit infelicis Burdini, hic terminus. Scio illum, si tum regulæ ecclesiasticæ sacrique canones valuissent, vitio electum, adeoque ejus ordinationem fuisse irritam. Sed cum illorum nulla tum in hoc ratio haberetur, electionesque Romanorum Pontificum fierent secundum privilegium Augustis concessum ab ipsis Pontificibus, quod, ut vidimus, multis exemplis per aliquot secula confirmatum, novissimè à Nicolao II. fortius fuerat stabilitum in Concilio universali, difficile tum erat existimare quis ex duobus qui post Paschalem ordinati sunt esset verus ac legitimus illius successor, ut ostensum est ex historicis illorum temporum. Ecclesia tamen, quæ post Burdini dejectionem excussit hoc jus imperatorium & pristinam libertatem recuperavit, Burdinum rejecit, Callistum verò suscepit. Nos illam auctoritatem fuquentes, nobis id tantum concedi postulamus, ut liceat deplorare miseram sortem magni excellentisque viri, *quem multum quislibet reverteri*, ut Vvillelmus Malmesburienfis ait, & *penè adorare pro viva & magna industria specie debuisset, nisi tam famoso facinore enitescere maluisset.*

FINIS.



INDEX

LIBRI TERTII.

A

A **B** **A** **S** inobediens Regi depositus. 132. 138
 Abbas Vispergensis redarguitur. 110
 Abbatix interdum pertinent ad fiscum 16
 Abbatis electio secundum regulam sancti Benedicti. 18. & seqq.
 Abbatis eligendi licentia. 138
 Abbo Comes. 119
 Absentes Papa potest deponere. 433
 Absentia pro confessione constat. 121. & seq. Non debet prodesse reo. 122. 125
 Absida. 45. 66. media. 8. & seq.
 Absolvi de palatio. 110
 Abradus Episcopus Genevensis. 136
 Accipitrum cura non decet Episcopum. 184
 Accolæ. 19
 Actio id qua fraus intercedit, non valet. 138
 Actores Ecclesiarum. 19
 Ada, quæ & Adrehildis. 108
 Adalardus Comes. 119
 Adalbertus Comes. 119. & Consiliarius Ludovici Pii Imperatoris. 177

Adalbertus Episcopus Tricacensis. 137
 Adalelmus Vassus dominicus. 130
 Adalgarius Comes. 130
 Adalghysus propinquus Francorum Episcopi Cenomannensis. 118. 119
 Adefonsus Episcopus Tuden- sis. 477
 Adefonsus Petri. 186
 Ademarum Abbas Salvanien- sis. 222. 135
 Ademarum Episcopus Ruthenensis. 216
 Adiateria palatium. 366
 Adaonitio synodalis. 147
 Adoratio Papæ. 344
 Adorni & Fragoi, filii discordiæ. 392
 Adriana filia Comitis de Ribagorsa. 366
 Adrianus I. Papa Karolo M. tribuit jus eligendi Pontificem Romanum. 490
 Adrianus VI. progressus, Pontificatum acceptat. 359
 Ejus itinerarium 351. modestia. 357. Fugiebat negotia. 358. Ejus morbus letalis. 431. Mortuus fuit horribilis visu. 437
 Advocati. 41
 Egidius Episcopus Ariminensis. 295

K k ij

INDEX.

| | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
|---|--|--|---|---|--|---|---|---|---|---|--|--|--|--|---------------------------------------|-------------------------------------|--|--|---|---|---|--|--|--|--|--|---|---|--|---|---|---|---|--|--|---|---|---|--|--|--|--|---|---|---|---------------------------------------|--|--|--|--|--|---|--|---|
| Ægidius Episcopus Avionen- sis. 318 310. 317. 345 | Ægidius Carlerij Decanus Ca- meracensis. 301 | Æneas Silvius fuit domesticus Capranicz. 296 | Æqua lance dividere. §s. 169 | Æternaliter. 111 | Asia martyr. 12 | Agbertus Vassus dominicus. 170. Comes & Ostriarius at- que Consiliarius Ludovici Pij. 171 | Agdunense monasterium. 504 | Aguifus Archiepiscopus Bitu- ricensis. 119. 136 | Agobardus Archiepiscopus Lug- dunensis. 136 | Agreda Doctor. 359. 369. 400. 404. 438. 446. 456. 468. | Agrum predat qui censum ne- gligit. 32 | Aguanticum. 214 | Aguitre Licentiatuſ 371 | Alagon oppidum. 468 | Alamaniscæ. 87 | Alamannus. 1 | Albarazin civitas 466 | Albericus Episcopus 129 | Alcanadre oppidum. 364 | Alcarraz , ultimum oppidum Cataloniæ. 464 | Aldea nueva oppidum. 469 | Aldebertus Abbas Vsercen- sis. 504 | Aldrici Episcopi Cenomanen- sis vita. 1. & seqq. | Aldricus collegit capitula ca- nopum. 44 | Aidricus Abbas. 130 | Alearum ludus non decet Epit- copum. 184 | Alexander VI. toxico interem- ptus, 412 | Alexius Imperator Constanti- nopolitanus. 476 | Alfonſus Castellæ Rex cogitat de matrimonio Viracæ fi- liæ. 481 | Alfonſus Rex Aragonum ux- orem ducit Vvracam. 481 | Alixona , potionis genus. 66 | Allocutio synodalis. 147 | Alloveus Presbyter. 20 | S. Almirus confessor. 13. Ejus cellulæ. 40. monasterium. 88 | Alpharo , municipium bellige- rum. 365 | Alphonſus Rex Aragonum, 277. & seq. 281 | Alphonſus Rex Neapolita- nus. 183 | Alphonſus à Fonseca Primas Hispaniarum. 370 | Alphonſus Tellez Comes de la Puebla. 435 | Alphonſus filius Comitissæ de Salinas. 457 | Alphonſus Mauricus Archiepiſ- copus Hispalensis. 467 | Altercatio. 117 | Altisiodorensis pagus. 141 | Altmarus Seneschalchus Iudith Imperatricis. 117 | Alvarado Doctor. 446 | Alvimanum. 144 | Amaluvinus Archiepiscopus Ve- sonioneusis. 129 | Ambagalis charta. 168 | Amicitia Poggyj & Aretini in- violata. 249 | Amicus Aquilanus. 296 | Amiras Castellæ. 361. 372 | Amiffarij. 26. & seqq. 146 | Ampolla portus. 375 | Ampoſtæ Castellanus. 410 |
|---|--|--|---|---|--|---|---|---|---|---|--|--|--|--|---------------------------------------|-------------------------------------|--|--|---|---|---|--|--|--|--|--|---|---|--|---|---|---|---|--|--|---|---|---|--|--|--|--|---|---|---|---------------------------------------|--|--|--|--|--|---|--|---|

INDEX.

| | | | |
|--------------------------------|------------|--------------------------------|-------------|
| Ana fluvius. | 464 | Aquarum divergium in mon- | |
| Andecavus pagus. | 85 | tidus. | 470 |
| Andegava civitas. | 20 | Aquilgranensis Ecclesia. | 2 |
| Andreas de Oria. | 386 & seq. | Aquilgrani palatium regium. | |
| 460 | | 35. 37. 96. 101. 105. 117. | |
| Andronicus Comnenus Impera- | | 126. 134. 137. 178. | |
| tor. | 511 | Aquitania, 24. 27. data Karo- | |
| Anfredus Comes. | 119 | lo Calvo. | 145 |
| Angelus Capranica Cardina- | | Aragonia unde dicta. | 466 |
| lis. | 297 | Aragoꝝ Vicerex. | 366 |
| Animalium nutrimenta. | 31 | Archiepiscopus non se debet | |
| Anisola monasterium. | 98. 97. | Archiepiscopum nominare | |
| 102. 106. 114. 125. 131. | | quousque receperit pal- | |
| 133. 137. 140. Ejus Abba- | | lium. | 348 |
| tes. 127. & seqq. | | Archivus Ecclesiæ. | 159. 164. |
| Annonæ diversi generis. | 84. | 170 | |
| 86. | | Arduinus Comes. | 125. 130 |
| Annonenca fundatur. | 225 | Aretij laus. | 252. & seq. |
| Ausigandus Episcopus. | 129 | Aretius. Vide Leonardus, | |
| Antibol. | 384 | Carolus. | |
| Antiphonarium. | 49 | Argentarius mons. | 399 |
| Antoninus Archiepiscopus Flo- | | Ariminum restituitur Eccle- | |
| rentinus. 296. Canoniza- | | siz. | 316 |
| tur. | 424 | Arniz oppidum. | 356 |
| Antonius Bencivulus. | 269 | Aristotelis quædam Latine ver- | |
| Antonius Latiofus. | 296 | sa Aretino. | 258 |
| Antonius Cusculus, secretarius | | Aimarium Ecclesiæ. | 33 |
| Papæ. | 268 | Arnaldus de Ponte. 216 220. | |
| Antonius de Leiva. | 395 | 224 | |
| Antonius Nebriffensis. | 363 | Arveus confessor. | 15 |
| Antonius à Studillo. | 358 | Asagis, principalis civitatis | |
| Anulus Papæ. | 308 | Provinciæ. | 383 |
| Apennini montis initium. | 459 | Assumptio sanctæ Dei genit- | |
| Apostolicæ sedis inopia. | 417 | ricis Mariæ. | 53 |
| Appellare qui non possint. | | Asturicensis Ecclesiæ parro- | |
| 123 | | chia. | 481 |
| Appellatio à Papa ad Conci- | | Atrahere. 159. & seq. 164 | |
| lium. | 274 | Auctoritates finis & veræ. | |
| Appellatio ad Papam. | 478 | 117. & seq. 120. & seq. | |
| Aqua ducta in civitatem Ce- | | Auctoritatibus tribus conven- | |
| nomanicam. | 6 | tus. | 123 |
| Aqua odorifera lavandis ma- | | Auditor Cameræ. | 369 |
| nibus. | 389 | Audoveus Episcopus Andega- | |
| Aquapendente oppidum. | 453 | vensis. | 20 |

INDEX.

| | | | |
|--|------------|--|-------------------------|
| Adulfus Comes. | <u>129</u> | Ejus cellula. | <u>40</u> |
| Auriensis sedes. | <u>191</u> | Bavo Vassus dominicus. | <u>154.</u> |
| Austria. | <u>145</u> | 156 | |
| Autcarius Archiepiscopus Mo- | | Belloc. | <u>464</u> |
| guntinus. <u>69.</u> <u>79.</u> <u>129.</u> <u>136</u> | | Bellum justum quale. | <u>245</u> |
| Aurlingua Saxonæ | <u>61</u> | S Benedicti regula. | <u>135</u> |
| Axilios. | <u>144</u> | Beneficia perdere. | <u>32</u> |
| | | Beneficia alienata per preca- | |
| | | rias. <u>166.</u> & seq. | |
| | | Beneficia ecclesiastica quomo- | |
| | | do conferenda. | <u>445</u> |
| | | Beneficiarium munus. | <u>27</u> |
| | | Beneventanum Concilium. | |
| | | 487. 494. & seq. | |
| | | Beno Saxo canonizatur. | <u>424</u> |
| | | Bentivolus. Vide Antonius. | |
| | | Berarius Episcopus Cenoma- | |
| | | nenfis. | <u>128</u> |
| | | Berbicinx frisingæ. Vide Fris- | |
| | | cingæ. | |
| | | Bernaldus Archidiaconus Bra- | |
| | | carensis. | <u>197.</u> <u>203.</u> |
| | | Bernardinus Carvajal Cardi- | |
| | | nalis. Vide Carvajal. | |
| | | Bernardinus Pimentel Nun- | |
| | | cius apostolicus. | <u>375</u> |
| | | Bernardus Archiepiscop. Tole- | |
| | | tanus. <u>180.</u> & seq. <u>474.</u> | |
| | | <u>476.</u> <u>480.</u> & seq. <u>483.</u> | |
| | | <u>498.</u> | |
| | | Bernardus Abbas Clarevallen- | |
| | | sis. | <u>318.</u> <u>333</u> |
| | | Bernegarius Archiepiscopus | |
| | | Narbonensis. | <u>136</u> |
| | | Bernuinus Vassus dominicus. | |
| | | 130. | |
| | | Bertrannus Episcopus Cenoma- | |
| | | nenfis. | <u>28</u> |
| | | Bes villa. | <u>16</u> |
| | | Brha Deo sacrata. | <u>168</u> |
| | | Bibere ter. | <u>51</u> |
| | | Bibliotheca Capranicæ Cardi- | |
| | | lis. | <u>297</u> |
| | | Blasius Cavallero Canonicus | |

INDEX.

- Toletanus, [372.](#) [470](#) que. [472](#)
 Blasius Orázius Canonicus Burdinus. *Vide* Mauritius.
 Toletanus. [351.](#) [354](#) [352.](#) Burgorum urbs. [470](#)
[359](#) Buxarias villa. [13.](#) [65.](#) [67.](#)
 Blasius Ortiz. [369](#) [71.](#) [92](#)
 Blondus Forlivienſis, ſecretarius Papæ. [268.](#) [296](#)
 Bona villa ſuper fluvium Liz.
[141](#)
 Bonalla villa. [177](#)
 Bonifacius Comes. [119](#)
 Bononia à Duce Mediolanenſi capta. [241.](#) deficit à Pontifice. [269](#)
 Bononienſium rebellio. [342](#)
 Borbonij Dux occiſus. [467](#)
 Borgia Calliſti III. nepos ex ſore. [290](#)
 Borns Eccleſia deditur. [194](#)
 Borſius Marchio Ferrarienſis. [283](#)
 Bracara metropolis. [181.](#)
& ſeqq.
 Bracatenſis provincia exempta à juriſdictione Legati. [479](#)
 Bracarenſis Eccleſiæ privilegia confirmantur à Calliſto. [11.](#) [501](#)
 Brachius, vir militaris. [264](#)
 Breviaria Eccleſiæ. [29.](#) [40](#)
 Brica fluvius. [89](#)
 Bricii tractatus adverſus Capranicam. [303](#)
 Brocardica materia. [346](#)
 Brogilius. [6.](#) [14.](#) [19.](#) [40](#)
 Broilius Cenſurij. [18](#)
 Buccis. [19](#)
 Bucias. [18](#)
 Buenconvento municipium. [453.](#)
 Burchadus Abbas. [130](#)
 Burda, id eſt, jocus luduſ.

C

- CAdanus fluvius. [188](#)
 Cadaques oppidum. [382](#)
 Cadavus fluvius. [101.](#) *& ſeq.*
 Cadilo Vaſſus dominicus. [130](#)
 Cadolonenſis Episcopos. [137](#)
 Cadurcenſis regio. [179](#)
 Cæleſtinus V. conjeſtus in arcem Fumonis. [513](#)
 Cæſaraugusta. [366.](#) [370.](#) caput regni Aragonum. [466](#)
 Caictanus Cardinalis. [428](#)
 Calagurris urbs antiqua [364.](#)
[469](#)
 Calagutritanenſis episcopatus. [466](#)
 Calarrava, olim Oretum. [372](#)
 Calciatenſis episcopatus. [466](#)
 Catella portus. [381](#)
 Caliendæ ſeu vittæ. [459](#)
 Calliſtus II. eligitur. [505.](#)
& ſeq.
 Calliſtus III. offenſus Capranicæ. [290.](#) Vituperatur. [268.](#)
 Calix aureus cum patena ſua. [47.](#) [74.](#)
 Calumnia. [26.](#) [136.](#) [167.](#) [173.](#)
[175](#)
 Cameli cauda pro freno. [510](#)
 Cameræ apoſtolicæ indigentia. [365](#)
 Camerini Dux factionem Gallicam ſequitur. [435](#)
 Campana de Velilla. [467](#)
 Campanus, auctor vitæ Brachij. [264](#)

INDEX.

| | | | |
|-----------------------------------|--------|----------------------------------|------|
| Campofregosi tumultuans. | 278 | Cardinalis Presbyter. | 142 |
| Cancellaria Florentina. | 216. | <i>Et seq.</i> | |
| Pintuana. | 371 | Cardinalium status à Christo | |
| Cancellariæ regulæ. | 368 | immediatè institutus. | 326. |
| Canes & meretrices. | 45 | Successores Apostolorum. | |
| Cannetulus. <i>Vide</i> Baptista. | | 318. 321. Secretò creando- | |
| Canones insulæ. | 304 | rum ratio. 271. 303. 347. | |
| Canonialiter. | 63 | Eorum consensus necessa- | |
| Canonica auctoritas. | 125 | rius in creatione novorum | |
| Canonicæ sacratæ ab Aldri- | | Cardinalium. 433. Quan- | |
| co. | 110 | diu expectandi in electione | |
| Canonici debent conservari re- | | Romani Pontificis. 441. | |
| gulantet & canonicè. | 2 | Eorum juramenta in con- | |
| Canonicorum refectio. | 12 | clavi. 443. Eorum indul- | |
| Canonicorum præpositi, ma- | | ta revocantur ab Adriano | |
| gistri, ministri. | 67. 76 | VI. 356. 368. Deponi | |
| Canonicus ordo. | 64 | non possunt à Papa. 320. | |
| Canonizationis solennia. 425. | | <i>Et seq.</i> Eorum avasitia | |
| In canonizationibus sump- | | damnatur. 283 | |
| tus fieri vetuit Adrianus | | S. Carilius Abbas. 11. 127. | |
| Papa. | 428 | Ejus sepulcrum. 58. 97. | |
| Canonum collectio adornata | | 102. monasterium. 28. 40. | |
| ab Aldrico. | 44 | 85. 87 | |
| Canonum auctoritas 121. 125. | | Carificum palatium regium. | |
| Reverentia. 132. 135 | | 94. 99. 103. 132. <i>Et seq.</i> | |
| Cantabri olim interemerunt | | Carlovingicæ familiæ gloria. | |
| suum Episcopum. | 452 | 490 | |
| Cantor Metensis, scholarum | | Carmicensis pagus. 177 | |
| magister. | 4 | Carnaticum. 144 | |
| Cantus Romanus. | 3 | Carolus Aretinus. 159 | |
| Canum latratu. | 45 | Carolus Malatesta Vicarius | |
| Canum venatio non decet | | Atimini. 269. 416 | |
| Episcopum. | 184 | Carolus capitofus Rex Fran- | |
| <i>Cap de creus.</i> | 382 | corum. 464 | |
| Capellanus senior. 134. 135 | | Carraca. 457 | |
| Capitis honor, decus est alio- | | Carrorum constructio. 31 | |
| rum membrorum. 124 | | Carthusiensium modestia. 121 | |
| Capitula Christianissimorum | | Carvajal Cardinalis. 390. | |
| Imperatorum. 44 | | 471. 432 | |
| Capitularium auctoritas. 27 | | Carvajal Patriarcha Hieroso- | |
| Capranica <i>Vide</i> Dominicus, | | lymitanus. 440 | |
| Angelus. | | Casati. 118 | |
| Capitæ sanctorum. 127 | | Casæ qui sunt de vaccariis | |
| Capivorum redemptio. 7 | | dominicatis. 31 | |
| | | Castellar | |

INDEX.

- Castellare arx. [482](#) monumenta. [36](#)
 Castellon in *Emportiis. [461](#) Childebertus Rex Francorum. [97. 126. & seq. 133](#)
 Catalani aliter victitant quàm [20. 127. &](#)
 cereri Hispani. [371](#) [seq.](#)
 Catalonia clauditur castro Sal-
 sarum. [466](#). Ejus ampli-
 tudo. [466](#). termini. [464](#)
 Catharinæ Senensis caput. [454](#)
 Catinus in cœna Domini ce-
 lebratus. [392](#)
 Caudola. *Vide* Iacobus.
 Cavea. [512.](#) & *seq.*
 Causa ubi fraus intercedit;
 non valet. [138](#)
 Caulario. [33. 101. 116. 120.](#)
[125. 136](#)
 Cella S. Frambaldi. [161](#)
 Cellæ monasterii. [180](#)
 Cellarium. [2.](#) cellaria. [45. 56.](#)
 Cennæ argenteæ & deausta-
 tæ. [45](#)
 Cenomanensis Ecclesiæ dedi-
 catio. [12.](#) & *seqq.* [33. 38.](#)
[41. 48. 53.](#)
 Cenomanica civitas. [1.](#) & *seqq.*
 Cenomanicus pagus. [109](#)
 Censum qui negligit, agrum
 perdat. [32. 491](#)
 Censurij Broialus. [18](#)
 Census Diaconus. [20](#)
 Census annuus. [25](#)
 Census monasteriorum. [26. 29.](#)
 vicorum. [40](#)
 Cchsus legitimus. [31. 156. 172.](#)
[177.](#)
 Centumcellæ. [399. 415](#)
 Cera pio censu. [25. 29](#)
 Certamen singulare. [120](#)
 Cervera, locus. [464](#)
 Cervitroya insula. [398](#)
 Chalcedonense Concilium. [135](#)
 Charta legalis. [47.](#) ambagi-
 balis. [168](#)
 Chartarum strumenta. [33. 38.](#)

- monimenta. [36](#)
 Childebertus Rex Francorum. [97. 126. & seq. 133](#)
 Chilpericus Rex. [20. 127. &](#)
[seq.](#)
 Chlamys rubea Papæ. [510](#)
 Chlotarius Rex. [127. & seq.](#)
 Chonizantes Mauri. [366](#)
 Christus verum & summum
 caput Ecclesiæ. [327](#)
 Ciborium. [44](#)
 Ciborum varietas damnata.
[285](#)
 Cimiterium Regum Portugai-
 liæ. [198](#)
 Cincius Romanus, secreta-
 rius Papæ. [268](#)
 Cingâ annis. [466](#)
 Cintruennigo vicus. [468](#)
 Civem præclarum esse licet
 sine literis. [211](#)
 Civitavicij. [415](#)
 Clamatores. [211](#)
 Claveria insula. [398](#)
 Claves non debent vim pati.
[318](#)
 Claves confessionis S. Petri.
[491](#)
 Clauitri descriptio. [56](#)
 Claustrum Canonicorum Ce-
 nomaneusium. [2. & seq.](#)
 Claustrum Canonicorum. [50.](#)
[54. 63. 70. 145](#)
 Clemens primus Episcopus Me-
 rensis. [9](#)
 Clemens VII.º Papa. [397.](#)
 Ejus electio. [443.](#) detentus
 in castro S. Angeli. [467](#)
 Clerici qui præficiuntur paro-
 clijs. [135](#)
 Clericorum Cameræ dignitas.
[267.](#) Vilescit. [268](#)
 Clericus alienus non ordinan-
 dus absque licentia proprii
 L I

INDEX.

| | |
|---|--|
| Episcopi. 3. 142. & seq. 66. 108 | Confessio peccatorum publicè recitata. 210 |
| Clericus intusus in Ecclesia. 192 | Confessor Regis. 5 |
| Clocatia. 109 | Confluentes. 18 |
| Clocæ. 126 | Conjectum ad carros construendos. 31 |
| Cluniacense monasterium 473. 476 | Connimbrica suffraganea Archiepiscopi Bracarenfis 479. & seq. |
| Coldefança Doctor. 369. 446. | Conjugati non possunt converti nisi ex consensu. 108 |
| Colina Tibianis. 198 | Conjugia inter cognatos olim cohabitantes absque auctoritate Romani Pontificis. 482 |
| Colonica. 17. 21. | Conlaborationes terræ. 31 |
| Colutus Salutatus. 250 | Consensus liber quando dici possit. 337 |
| Comes provinciarum. 100 | Consignatio judicis. 159. & seq. 164 |
| Commemoratio defuncti. 21 | Consultatus Imperatoris. 110 |
| Communio sub utraque specie. 214 | Consolatio, id est, refectio. 26. 92 |
| Commedia acta in adventu Adriani Papæ. 364 | Constantia civitas Germaniæ. 255 |
| Componete centum solidos argenti. 42 | Constantiense Concilium. 350 |
| Compostellana sive ad S. Iacobum peregrinatio. 214 | Constantinopolis in Turcarum potestatem venit. 178. Ejus expugnatio. 419 |
| Compositio devotionis. 23 | Constantinopolitanus Imperator. 222 |
| Conchenfis Episcopus. <i>Vide</i> Didacus Ramirez. | Constantinus falsus, Patriarcha CP. 511 |
| Concilia duodecim. 44 | Consuetudinis vis. 356 |
| Concilium Basileense. 349. indistinctum. 169. 173 | Convenientiæ. 169 |
| Concilium Beneventanum. 487. 494. & seq. | Conventiones. 127 |
| Concilium Caristacense. 133 | Conventus generalis totius populi. 133. 135. 137 |
| Concilium Chalcedonense. 135 | Coronatio Papæ. 368. est ultima Papæ electio. 344 |
| Concilium Constantiense. 350 | Ejus insignia. 408 |
| Concilium Palentinum. 183 | Corfica insula. 393 |
| Concilium Senense dissolvitur. 268 | Corfici milites. 393 |
| Conclaviarij. 444 | Corona Cardinalis. 397 |
| Concordare. 116 | |
| Condictum placitum. 117 | |
| Condita, id est, vicaria. 161. | |
| Conedralensis, Vinonienfis, Gabtonensis. 56. & seq. | |
| Duciacensis. 58. Labricensis. 40. Noviacensis. 86 | |
| Confessio altaris. 8. & seq. | |

INDEX.

| | | | |
|---|----------------|---|-----------------|
| Costum optimum. | <u>66</u> | Dertusensis Ecclesia | <u>466</u> |
| Crimen confitetur qui purgandi se occasione non utitur. | | Desiderius Abbas Salvanensis. | <u>225</u> |
| 121. & seq. | | Devotionis compunctio. | <u>73</u> |
| Crimen majestatis. | <u>174</u> | Diablentica vicaria. | <u>161</u> |
| Crucum sanctarum promontorium | <u>382</u> | Diablenticum. | <u>28. 30</u> |
| Crux Christi adoratur apud sanctum Guillelmum. | <u>214</u> | Didacus Episcopus Compestellanus. | <u>483</u> |
| Culturæ duæ. | <u>47. 74</u> | Didacus à Toletò Prior militiæ S. Ioannis. | <u>420</u> |
| Curia Urbani Papæ. | <u>180</u> | Didacus Ramirez de Arellano Episcopus Conchenfis. | |
| Cursus ecclesiastici. | <u>109</u> | 370. 373. 383. 427. <u>435</u> . | |
| Curtes. | <u>102</u> | Didacus de Paternina Abbas Victorix. | <u>369</u> |
| Custos Ecclesiæ. | <u>67. 110</u> | Didacus Lopez de Stuniga. | <u>394. 458</u> |

D

| | | | |
|--|------------------------|--|--|
| D acia. | <u>496</u> | Didacus de Ribera Episcopus Segovienfis. | <u>371</u> |
| Daddus Diaconus. | <u>10</u> | Dido Abbas Anisolz. | <u>128</u> |
| Dæmoniacus sanatus. | <u>15</u> | Dilationibus subterfugere iudicium. | <u>121. & seq.</u> |
| Dagobertus Rex. | <u>128</u> | Dinanus Episcopus | <u>10</u> |
| Dagobertus Vassus dominicus. | <u>130</u> | Dipticia. | <u>151. & seq.</u> |
| Daniel Abbas. | <u>130</u> | Dño Vassus dominicus. | <u>130</u> |
| Dathus. Vide Leonardus | | Distringere homines. | <u>42. 95.</u> |
| David Chorepiscopus. | <u>69. 72</u> | | <u>102</u> |
| Daulsi campus. | <u>18</u> | Divergium aquarum in montibus. | <u>470</u> |
| Daunaredus Presbyter. | <u>20</u> | Dividere æquali lance. | <u>85. 169</u> |
| Deambulatoria. | <u>10. & seq.</u> | Diurnus Romanorum Pontificum. | <u>490</u> |
| Deaurata Ecclesia Tolosæ. | <u>180</u> | Dodo Episcopus Andecavensis. | <u>137</u> |
| Decanus. | <u>147</u> | Doli actione quis teneatur. | <u>139</u> |
| Decima & nona. | <u>155. & seq.</u> | Domestici. | <u>33</u> |
| 160. 164. 170. & seq. | | S. Domini sepulcrum & veneratio. | <u>362. Ejus civitas</u> |
| Decreta Pontificum Romanorum. | <u>44</u> | | <u>469</u> |
| Defensor Ecclesiæ. | <u>19. 21</u> | Domini Capranicæ Cardinalis vira. | <u>263. Iordani Bricij adversus eum tractatus. 303</u> |
| Defuncti indigent precibus viventium. | <u>52</u> | | |
| Dehonoratio seniorum. | <u>124</u> | | |
| Delsas. | <u>382</u> | | |
| Deponere omnes Episcopos an Papa possit. | <u>312</u> | | |
| Dertusa civitas. | <u>324. 376</u> | | |

INDEX.

| | | |
|------------------------------|--------------------------------|-----|
| Dominicus Episcopus Hiler- | Egino Abbas S. Vdalrici. | 103 |
| d-nsis. | Egressus præsumptivus. | 131 |
| Domnolus Episcopus Ceno- | Elaboratum. | 68 |
| manensis. 11. 17. & seq. 20. | Electio upa. | 138 |
| 127 | Emeradus Abbas. | 130 |
| Donationis paginola. | Elnefis Ecclesia in Catalo- | |
| Donitorium. 45. & seq. 56 | nia. | 465 |
| Dos monasterij. | Elxico insula. | 398 |
| 48 | Embola felici navigare. | 460 |
| Dovera forestis. | Emmo Comes. | 171 |
| 25 | Emporitanus pagus. | 332 |
| Drausio Presbyter. | Emunitatis tutio. 38. 41. præ- | |
| 10 | ceptum. 39. 137. & seq. | |
| Drinonia monasterium. | Engilbertus Abbas S. Richa- | |
| 108 | rij. | 491 |
| Drogo Episcopus Metensis. 4. | Engiscardus Vassus domini- | |
| Archicapellanus, frater Lu- | cus. | 130 |
| dovici Pij. 97. 126. 129. | Engraziæ monasterium Cæsa- | |
| Archiepiscopus & senior | raugustæ. | 368 |
| Capellanus. 134. 136. Ar- | | |
| chiepiscopus Metensis & | Enucleatim. | 133 |
| Archicapellanus. 142. & | Episcopalis sedes. | 112 |
| seq. | | |
| Duciensis condita. | | |
| 18 | | |
| Durius annis. | | |
| 470 | | |

E

| | | |
|---------------------------------|--------------------------------|-----|
| E Berardus Comes. 171 | Episcopus nullus debet vocari | 300 |
| Ebroinus Episcopus Pi- | anic consecrationem. | 343 |
| ctaviensis. 69. 79. 117. | Episcopi olim eligebantur à | |
| 129. 136 | clero & populo. §. Admi- | |
| Ebrinus Vassus dominicus. | nistrationem episcopatum | |
| 130 | recipiebant à Regibus. 2. | |
| Ebus insula. 457 | 16. Eorum est dispensare | |
| Eccardus Episcopus Noviom- | oblationem fidelium. 26 | |
| ensis, 129. 136 | Episcoporum translationes per- | |
| Ecclesiæ baptismales. 16 | tinent ad Romanum Ponti- | |
| Ecclesiastici sunt præponendi | ficem. 476 | |
| secularibus 370 | Episcopos omnes an Papa pos- | |
| E. hardus Episcopus. 69. 79 | sit deponere. 312 | |
| Edictum peremptorium. 123 | Episcopum non debet venari | |
| Effervescentia subita non est | neque ludus. 184 | |
| reprehendenda 357 | Episcopum proprium olim Can- | |
| Egeas Pelagij incestuosus. 135. | tabri occiderunt. 452 | |
| Egibertus Vassus dominicus | Episcopos prius conveniendus | |
| 130 | antequam ad iudices publi- | |
| Eginhardus Abbas. 130 | cos eatur. 42 | |

INDEX,

- Episcopus laudatur quòd psal-
mos omnes per ordinem
memoriter retineret. 7
Episcopus non debet negligere
populum sibi commissum.
174
Episcopus communicans ex-
communicatis deponendus
est. 488
Episcopus quidam Vngariæ
ejectus. 373
Epistola formata. 142. & seq.
Epistolas tres pares facere.
169

Erardus Episcopus Tungren-
sis. 136

Eras insula. 461

Ercanradus Episcopus Pari-
sienfis. 69. 79. 117. 129.
137

Erastulum Episcopi. 83. &
seq.

Eribertus Abbas. 130

Erminus Comes. 129

Erroia insulæ. 383

Espatraguera. 463

Evangelia mirificè conscrip-
ta. 47. 74

Evangeliorum liber nobiliter
ornatus & ex auro ex parte
conscriptus. 74

Eugenius IV. fuit Papa. 272.

Ejus electio an nulla. 305.
& seq.

Evindicare. 114. 115. & seq.
134. & seqq. 141. 169

Eulaliæ beatissimæ corpus.
380

Eurardus Vassus dominicus.
130

Eustachius de Croy Episcopus
Atheniensis. 434

Eutelus Presbyter. 19

Exactare. 42

Exarchus Ravennæ. 490

Excommunicationis sententia
timenda. 327. Aliquando
est nulla. 338

Excommunicatis non licet com-
municare. 488

Exidolense monasterium. 104

Exominis pagus. *Vide Oxo-*
me sis.

Expectativæ gratiæ revocan-
tur ab Adriano VI. Papa.
316. 368

F

Facultaticula. 83

Falsitas non appareat in
moneta. 101

Falsitas subditur veritati. 142

Farinaria. 75

Fatius, scriptor vitæ Alphon-
si Regis. 164

Fauvo Cavilquenensis Episco-
pus. 137

Febris milites invadit. 417

Federicus Amiras Castellæ.
361

Federicus de Portugal Episco-
pus Seguntinus. 371

Felicionis silva. 13

S. Felicitatis & septem filio-
rum corpora. 414

Feltrensis Episcopus. 180

Femina beatæ quæ nubunt
Hispanis. 436

Ferdinandus de Andradra. 361

Ferdinandus Archidux Austriæ
laudatus. 413. & seq.

Ferdinandus Rex Catholicus
390.

Ferdinandus de Silva Commen-
datarius de Hotos. 372

Ferdinandus de Sylva dux
custodiæ Adriani Papæ

INDEX.

424. 434. 450. 456. & 296. & *seq.*
seqq.
 Ferro abscondantur quæ leni
 medicamine sanati non pos-
 sunt. 135
 Ferula pastoralis. 109
 Festivitatum vigiliæ. 67
 Fidejussores electi. 47
 Fidejussores tollere. 42. 95.
102
 Fidei facere. 155. 158. 160.
 & *seqq.* 170
 Filios suos tradere ad mona-
 sterium. 46
 Finiculi porio. 66
 Firminus Præfectus prætorio.
 123
 Firmitas facta. 125. 140
 Firmum in potestatem Ponti-
 ficis redactum. 276
 Fisco sociante. 169
 Fiscus. 16. 134
 Fisco, *Vide* Io. Philippus.
 Florentiæ laus. 229. 253. 259.
 & *seq.* magistratus. 256
 Folcradus vassus dominicus.
 125. 130
 Follicionis silva. 65
 Fonscorum profapia celebra-
 tissima. 370
 Forestis. 25. 40
 Forlivium restitutum Romano
 Pontifici. 269
 Formata epistola. 142. & *seq.*
 Formicæ de Plombin. 398
 Fortunæ magna est vis in
 utramque partem. 481
 Fortunæ suæ quemque maxi-
 mè tædet. 434. 466
 Fraga municipium. 466
 Fragosi & Adorni, filij dis-
 cordiæ. 392
 S. Frambaldi cella. 161
 Franciscus Archidiaconus To-
 letanus. 296. & *seq.*
 Franciscus de Herrera Archie-
 piscopus Granatensis. 372
 Franciscus Sfortia Dux Me-
 diolanensis. 275. 283. &
seq.
 Franciscus Ruiz Abulensis
 Episcopus. 171
 Franciscus Ximenez Cardina-
 lis Tudelan diruit. 369
 Franciscus Episcopus Ferra-
 riensis. 283
 Franciscus Maria Dux Vrbi-
 ni. 416
 Franciscus Soderinus Cardina-
 lis. 404. 442. 440
 S. Franciscus vapulat apud
 S. Saloni. 463
 Franco Vassus dominicus. 130
 Franco Episcopus Cenoma-
 nensis. 98. 116. 118. 129.
 137. 144. 159
 Frangepanes adhaerent Bur-
 diuo. 497
 Fraus nemini patrocinari de-
 bet. 138. & *seq.*
 Fraxenetus villa. 19
 Freculfus Episcopus Lexo-
 viensis. 136
 Freda exigenda. 41. 95. 102
 Frigimodus Presbyter. 20
 Friscinga. 68. 77
 Friscingæ vervecinæ & por-
 cinæ. 49. 57. 65. 76
 Fructuosus Episcopus Braca-
 rensis. 182
 Frugalitas Capranicæ. 286
 Fuentesrabia capta à Gallis.
361
 Fulcarius Episcopus. 137
 Fulco Comes palatij. 125. 130
 Fumonis arx. 113
 Functiones publicæ. 102
 Fundere signa. 109

INDEX.

Funebris oratio qualis esse
debeat. • [218](#)
Fustæ, id est, biremes. [381.](#)
[396](#)

G

GAbronensis vicaria. [362](#)
Galeaz Virtutum Vice-
comes. [165](#)
Galli & gallinæ adagium. [362](#)
Galli in Italiâ descendunt. [433](#)
Gallus Abbas Anisfolæ. [117](#)
Gambacurta. *Vide* Gerardus.
Gamboinorum factio. [362](#)
Garona fluvius. [180](#)
Garfias Loaysa Generalis or-
dinis Prædicatorum & Car-
dinalis. [371](#)
Gaspar de Avalos Archiepis-
copus compostellanus & Car-
dinalis. [372](#)
Gauciacensis forestis. [25](#)
Gaufridus Comes. [115](#)
Gauziolenus Episcopus Ceno-
manensis. [100.](#) [115.](#) [118.](#)
[158](#)
Gauziolenus Vassus domini-
cus. [171](#)
Gebuinus Comes. [130](#)
Gelafij I I. Papæ electio &
ordinatio. [489.](#) [493.](#) Mo-
ritur apud Cluniacum. [505.](#)
Vocatur Antipapa. [503](#)
Gellonense monasterium, sive
[S.](#) Guillelmi. [213.](#) & *seq.*
Genæ etymologia. [418.](#) Bel-
lo civili vastatur. [278.](#)
Ejus excidium & ruina. [393](#)
Genuensium invidia erga Sa-
onenses. [391](#)
Genus insula. [399](#)
S. Georgij reliquiæ & genus.
[395](#)
Georgius Abbas. [130](#)
S. Geraldus Archiepiscopus
Bracarenfis. [179.](#) & *seqq.*
[476](#)
Gerardus Comes. [139](#)
Gerardus Gambacurta. [281](#)
Geibertus factus Papa ab Or-
tone I I I. Imp. [492](#)
Gerildis, mater Aldrici Epis-
copi Cenomanensis [1](#)
Germana Regina. • [390](#)
Germanus Episcopus. [20](#)
Gerunda civitas. [462.](#) caput
Emporitani pagi. [382](#)
Gerundensis Episcopus. [355.](#)
Ecclesia. [465](#)
Ghefridus Episcopus. [129](#)
Giibertus Comes. [171](#)
Girona, sive Gerunda. [382](#)
Gislebertus Comes. [119](#)
Glanderica. [31](#)
Godofredus Sculitenfis Epis-
copus. [137](#)
Godolricus Abbas. [130](#)
Golfus Narbonensis. [383](#)
Gonsalvus Episcopus Conim-
bricensis. [479](#)
Gorgona insula. [397](#)
Gradus altaris. [112](#)
Græcarum literarum studia.
[254](#)
Grassensis Episcopus. [384](#)
Gratiæ expectativæ revocan-
tur ab Adriano V I. Papa.
[356.](#) [368.](#) [421.](#)
Gregorius IV. Papa. [109](#)
Guibertini Cardinales. [496.](#)
Extra clerum projecti. [498.](#)
[502](#)
Guido Archiepiscopus Vien-
nensis fit Papa. [505](#)
Guillelmus de Rota. [209](#)
Guillelmus Desparron. [209](#)
Guillelmus Hincfor Cardi-

INDEX.

| | | |
|------------------------------|---------------------|---|
| nal's. | 401. <u>433</u> | Herembertus vassallus domi- |
| Guibaldus Abbas Salvaientis. | | nicus <u>24</u> |
| 222. 225 | | Heribaldus Episcopus Altis- |
| Geraudus Presbyter. | <u>109</u> | dorensis. <u>136</u> |
| Gundacher Episcopus Lenon- | | Hercus Vassus dominicus. |
| vicensis. | <u>136</u> | <u>130</u> |
| Gundilvus Fernandes Dux | | Herimanus Episcopus Augu- |
| magnus. | 390. <u>420</u> | stenfis. <u>503</u> |
| Gundulfi villa. | <u>82</u> | Heriveus tyrannus. <u>146</u> |
| Gundulfus Episcopus Meten- | | Heilemundus Episcopus Cen- |
| sis. | <u>4</u> | nomansenfis. <u>128</u> |
| Guntardus Episcopus Nanne- | | Heilomus Comes. <u>130</u> |
| ntensis. | <u>69</u> <u>79</u> | Hibernatica. 155. <u>158.</u> <u>160.</u> |
| Gunzo Vassus dominicus. 130 | | <i>& seqq.</i> <u>164.</u> <u>170</u> |

H

| | | |
|---|------------|--|
| H Adalboldus Archiepisco- | | Hierna insula. <u>397</u> |
| pus Colonienfis. | <u>129</u> | Hieronymus Aral. <u>355</u> |
| Hadundus Episcopus Ceno- | | Hieronymus Adoino imperia- |
| manensis. <u>108.</u> <u>117.</u> <i>& seq.</i> | | lis Dux. <u>391</u> |
| Haereticus pcedens non impe- | | Hieronymus Adornus Dux |
| dit electionem Papae. <u>343</u> | | Genuensium. <u>393</u> |
| Harimberrus Episcopus Bijo- | | Hiero frutum. <u>461</u> |
| centis. | <u>116</u> | Hildemannus vassallus domi- |
| Harivius fratres Gabzcioleni | | nicus. <u>24</u> |
| Episcopi Cenomanensis. <u>115</u> | | Hildi Viduenensis Episcopus. |
| Hechardus Episcopus. <u>69.</u> <u>79</u> | | <u>137</u> |
| Helisacharus Abbas & Missus | | Hilduinus Abbas. <u>130</u> |
| dominicus. <u>166.</u> <i>& seq.</i> | | Hinefort. <i>Vide</i> Guill Imus. |
| Helvetij se olim vacabant tu- | | Hirminatus Notarius. <u>13.</u> |
| tores fidei. <u>412</u> | | <u>16.</u> <u>31.</u> <u>35.</u> <u>37.</u> <u>72.</u> <u>82.</u> <u>94.</u> |
| Henricus Abbas & Missus do- | | <u>96.</u> <u>99</u> <u>101.</u> <u>103.</u> <u>105.</u> <u>117.</u> |
| minicus. <u>131.</u> <i>& seq.</i> | | <u>167.</u> <u>178</u> |
| Henricus V. Imp. Romae co- | | Hodchinda virgo. <u>12</u> |
| ranatus a Burdino. <u>487.</u> <i>&</i> | | Homo bulla. <u>251</u> |
| <i>seq.</i> <u>505.</u> Noluic assentiri | | Homo fluviu. <u>201</u> |
| electioni Gelasij II. <u>489</u> | | Honores suos perdere. <u>140</u> |
| Henricus Comes Portugalenfis | | Horae canonicae. <u>64.</u> <u>195</u> |
| terrae dominator. <u>185.</u> <u>187.</u> | | Hostas quomodo numerent |
| <u>189</u> | | Romani. <u>450</u> |
| Heibatica. <u>31</u> | | Hospitalia duo facta ab Al- |
| Herbertus Comes. <u>119</u> | | drico Episcopo Cenoma- |
| Herculia portus. <u>399</u> | | nenfis. <u>107</u> |
| | | Hostes facere. <u>129</u> |
| | | Hastia civitas. <u>401</u> |
| | | Hostilense. <u>31.</u> <u>144</u> |

Hugo

INDEX.

Hugo, Cancellarius Ludovici Imperator dici non debet nisi
Pij 35. 37. 43. 71. 82. 94. suscepit insulas imperia-
96. 99. 101. 103. 105. 117. les 349. A quo coronetur.
167. 173. 176. 178. 416.

Hugo Vassus dominicus: 130 Imperatorum jus in electio-
Hugo Francigena. 105 ne Papæ. 490
Hugo Magnus. 109 Incensum offeratur per singu-
Humbertus Abbas. 130 la altaria 113
Humberius Episcopus. 137 Incestum matrimonium dit-
Humus marga. 461 solvendum. 482
Hungaria. *Vide* Vngaria. Incestus ciuim frequens in
Hungarius Comes. 130 Lusitania. 185. & seq.
Inconvulsè. 140
Incriminati. 124
Indictum regium contemne-
re. 43

I

Iacob Archipresbyter & Ab-
las. 59

Iacobensis Archiepiscopus, id
est, Compostellanus. 215

Iacobus Cardinalis Papiensis
laudatur. 165. 396

Iacobus Caudola, vir. milita-
riis. 269

Iacobus Languisçò secretarius
Papæ. 268

Iacobus Pigeninus. 284

Ianua, vulgò Genua. 459

Ianua arx. 513

Ibbolenus Abbas Anisola. 128.

Iberus fluvius. 363. 365. 466.
& seq. 470.

Ibica insula. 457

Idolum, id est, imago Papæ.
509.

Ignalada. 464

Ilerda, urbs antiqua. 464

Ilerdensis Ecclesia. 465

Iliberritanum fortalitium. 465

Immeliorare. 92. 159. & seq.
164

Inimo Vassus dominicus. 171

Imola restituta Romano Pon-
tifici. 269

Imperatorum jus in electio-
ne Papæ. 490

Incensum offeratur per singu-
la altaria 113

Incestum matrimonium dit-
solvendum. 482

Incestus ciuim frequens in
Lusitania. 185. & seq.

Inconvulsè. 140

Incriminati. 124

Indictum regium contemne-
re. 43

Indignatio repentina non est
vitupescenda. 257

Indominicata vinea. 48. 74.

Indua fluvius. 18

Indulgentia plenaria concessa
decolulantibus pedes Roma-
ni Pontificis mortui. 435

Indulta Cardinalium reuoc-
antur ab Adriano VI. Pa-
pa. 356. 368. 411.

Inferenda exigenda. 95. 102.
144 requirenda. 41

Ingenium. 33. 62. 104. 172.
177.

Ingenium malum. 138

Inicus de Velatice Conestabi-
lis Castellæ. 361

Inimicus familiaris multum
timendus. 437

Injuriolus Episcopus. 20

Immajorare. 38. 41

Innocens quatit ut absolua-
tur. 121

Innocehtius Papa VIII hu-
manissimus. 255

Innocentius Episcopus C. no-
mauentis. 36. 97. 108. 119.

126. & seq. 133.

M m

I N D E X.

- Inquietudo. [167.](#) [173](#)
 Inquisitio synodalis. [147](#)
 Intramnis monasterium femi-
 narum. [56.](#) [85.](#) [111](#)
 Intercessionem sanctorum. [109](#)
 Investiturarum privilegium
 abrogatum. [486](#)
 S. Ioannis Baptistæ reliquiæ.
 391.
 Ioannes à Bilbao. [358](#)
 Ioannes Caietanus R. E. Can-
 cellarius. [477](#)
 Ioannes Castellanus à
 va Episcopus Cala-
 nus.
 Ioannes à Cordula Decanus
 Cordubensis. [457](#)
 Ioannes Cremenſis Cardina-
 lis. [508](#)
 Ioannes à Fonseca Archiepi-
 scopus Roſanus. 370
 Ioannes Garſia ſecretarius in-
 quiſitionis Aragoniæ. [359.](#)
 Ioannes Imolenſis. [267](#)
 Ioannes Martinus Siliceus
 Archiepiſcopus Toletanus.
 351.
 Ioannes Matthæus Gibertus.
[444](#)
 Ioannes de Oria Dominica-
 nus accuſatus. [362.](#) [373](#)
 Ioannes Philippus de Fulco.
[278.](#)
 Ioannes de Roias Canonicus
 Toletanus. [372](#)
 Ioannes Rufus Archiepiſcopus
 Conſentinus. [434](#)
 Ioannes à Tavora Cardina-
 lis. [389](#)
 Ioannes à Velasco Capita-
 neus triremium Hispanica-
 rum. 361
 Ioannes à Velasco Episcopus
 Calagurritanus. 361
 Ioannis XXIII. pontificatus
 fuit quæſuoſiſſimus. 255
 Ejus impietas notata. 310
 Ionas Episcopus Aurelianen-
 ſis [69.](#) [119.](#) [131.](#) [136.](#) & ſeq.
 Iordanus Bricius ſcribit ad-
 verſus Capranicam. 303
 Irrevocabilis. [135](#)
 Iſa portus. [185](#)
 Iſaac frater Aldrici Episcopi
 Cenomanenſis. [88](#)
 Iſaac Vaſſius dominicus. 130.
 171
 Italia ſeditionibus & factio-
 nibus agitata. [321.](#) [377](#)
 Itinera facere. [119](#)
 Itinera regalia. [175](#)
 Iudicium nocens reus ſubterfu-
 git. 111
 Iudith Imperatrix. [13.](#) [16.](#) [60.](#)
[117.](#) [119](#)
 S. Iulia. [108](#)
 Iulianus Episcopus Cenoma-
 nenſis. [108](#)
 Iulianus Cæſarinus Cardina-
 lis. [267.](#) [303.](#) Ejus marty-
 rium. 101
 Iulius II. Papa magnani-
 mus. [389](#)
 Iulus de Medicis Cardinalis.
[397](#)
 Iumentarij. [25](#)
 Iumentorum greges. [86.](#) &
 ſeqq. [146](#)
 Iuniores Eccleſiæ. 147
 Iuramenta Cardinalium in con-
 clavi. [443](#)
 Ius eccleſiaſticum. [167.](#) [173.](#)
[178](#)
 Ius civile opes & divitias ſuis
 cultoribus pollicetur. [254](#)
 Juſticia familiaris. [41](#)
 Juſticia ſæpius recenseri de-
 bet. 121

INDEX.

Iustitiam suam perdere. 125

K

Karolus M. nobilissimus
orthodoxus Imperator.
39. præstantissimus Augustus.
27. Ejus merita ia sedem
apostolicam. 490
Karolus Calvus Rex. 129. 133.
140. & seq.
Karolus filius Ludovici. 59.
& seq.
Karolus filius Pipini. 115
Karolus Stroza. 235

L

Labricensis condita. 40
Lacus Bacani. 450
Lacus Vulsenæ. 453
Lagenosa castellum. 191
Laica manus. 189
Laici non debent dispensare
oblationem fidelium 26.
neque sanctuarium Dei
possidere jure hereditario.
192
Lampurdan. 382. 462
Lance æquali dividere. 85.
169
Landramnus Archiepiscopus
Turonensis. 5. 2. 64. &
seq. 142
Landricus Comes 119
Languisco. Vide Iacobus
Lantramnus Abbas. 130
Lapides renascuntur in Gal-
lia. 463
Lapis decidit ex fornice sacelli
S. Sixti. 419
Larazium, castrum inexpug-
nabile. 207
Lateranensis palatij pictu-

ra. 511
Larratus canum. 45
Laudaricum. 144
Laurentius de Medicis. 150
Lectonarum. 49
Legatorum apostolicæ sedis
magna olim auctoritas.
478
Legibus obvenit. 168. & seq.
Leo III. Papa munera mittit
Karolo M. 491
S. Leonardi basilica 216
Leonardus Aretinus Secretarius
Papæ. 268. Ejus laudes &
vita. 248. & seqq. Lucu-
brationes. 258. 264
Leonardus Perusinus. 296.
& seq.
Leonardus Dathus Generalis
Ordinis Prædicatorum. 268
Leonis X. facilitas in conce-
dendis gratijs arguitur. 370
Leonora soror Caroli V. Imp.
394.
Letania. 147
Letricus Vassus dominicus.
130
Leuca Hispana quomodo me-
tienda. 450. 454. 463
Ludoricus defensor. 19
Ludoveus Presbyter. 20
Lex divina & mundana. 119.
Romana. 123 Salica & Ri-
buarra. 119
Liborius Episcopus Cenoma-
nensis. 13. 108. 111
Liburnum civitas. 397
Lignarium. 144
Liguriz littora. 386
Ligusticum emporium. 419
Limoticinensis Episcopus. 16
Litterarum laus. 261
Liz fluvius. 89. 141
Locella. 158. & seqq. 163. &
M m ij

INDEX.

- Inquietudo. [167.](#) [173](#)
 Inquisitio synodalis. [147](#)
 Intramnis monasterium femi-
 narum. [16.](#) [85.](#) [111](#)
 Intercessionem sanctorum. [109](#)
 Investiturae privilegium
 abrogatum. [486](#)
 S. Ioannis Baptistae reliquiae.
 392.
 Ioannes à Bilbao. [358](#)
 Ioannes Caietanus R. E. Can-
 cellarius. [477](#)
 Ioannes Castellanus à
 ya Episcopus Cala-
 nus.
 Ioannes à Cordula Decanus
 Cordubensis. [457](#)
 Ioannes Cremenſis Cardina-
 lis. [508](#)
 Ioannes à Fonseca Archiepi-
 scopus Roſanus. [370](#)
 Ioannes Garſia ſecretarius in-
 quiſitionis Aragoniae. [352](#)
 Ioannes Imolenſis. [267](#)
 Ioannes Martinus Siliceus
 Archiepiſcopus Toletanus.
 351.
 Ioannes Matthaeus Gibertus.
[444](#)
 Ioannes de Oria Dominica-
 nus accusatus. [362.](#) [373](#)
 Ioannes Philippus de Philco.
[278.](#)
 Ioannes de Roias Canonicus
 Toletanus. [372](#)
 Ioannes Rufus Archiepiſcopus
 Conſentinus. [434](#)
 Ioannes à Tavora Cardina-
 lis. [389](#)
 Ioannes à Velasco Capita-
 neus triremium Hispanica-
 rum. [361](#)
 Ioannes à Velasco Episcopus
 Calagurritanus. [361](#)
 Ioannis XXIII. pontificatus
 fuit quaestuosissimus. 255
 Ejus impietas notata. 510
 Ionas Episcopus Aurelianen-
 ſis [69.](#) [129.](#) [131.](#) 136. & ſeq.
 Iordanus Bricius ſcribit ad-
 verſus Capranicam. 303
 Irrevocabilis. 135
 Iſa porius. 185
 Iſaac frater Aldrici Episcopi
 Cenomanenſis. 88
 Iſaac Vallus dominicus. [130.](#)
 171
 Italia ſeditionibus & factio-
 nibus agitata. [371.](#) [377](#)
 Itinera facere. 129
 Itinera regalia. 175
 Iudicium nocens reus ſubterfu-
 git 121
 Iudith Imperatrix. [13.](#) [16.](#) [60.](#)
[117.](#) [119](#)
 S. Iulia. 108
 Iulianus Episcopus Cenoma-
 nenſis. 108
 Iulianus Caſſarinus Cardina-
 lis. [167.](#) [303.](#) Ejus marty-
 rium. 101
 Iulius II. Papa magnani-
 mus. 389
 Iulius de Medicis Cardinalis.
[397](#)
 Iumentarij. 25
 Iumentorum greges. [86.](#) &
 ſeqq. [146](#)
 Iuniores Eccleſiae. [147](#)
 Iuramenta Cardinalium in con-
 clavi. [443](#)
 Ius eccleſiaſticum. [167.](#) [173.](#)
[178](#)
 Ius civile opes & divitias ſuis
 cultoribus pollicetur. [214](#)
 Iuſſicia familiaris. [42](#)
 Iuſſicia ſæpius recenſeri de-
 bet. 122

INDEX.

Iustitiam suam perdere. [125](#)

K

Karolus M. nobilissimus
orthodoxus Imperator.
[39](#). præstantissimus Augustus.
[17](#). Ejus merita ia sedem
apostolicam. [490](#)

Karolus Calvus Rex. [129](#). [133](#).
[140](#). & seq.

Karolus filius Ludovici. [59](#).
& seq.

Karolus filius Pipini. [115](#)

Karolus Stroza. [235](#)

L

Labricensis condita. [40](#)

Lacus Bacani. [450](#)

Lacus Vulsenæ. [453](#)

Lagenosa castellum. [191](#)

Laica manus. [189](#)

Laici non debent dispensare
oblationem fidelium [26](#).
neque sanctuarium Dei
possidere jure hereditario.
[192](#)

Lampurdan. [382](#). [462](#)

Lance æquali dividere. [85](#).
[169](#)

Landramnus Archiepiscopus
Turonensis. [5](#). [2](#). [64](#). &
seq. [142](#)

Landricus Comes [119](#)

Languisco. *Vide* Iacobus

Lantramnus Abbas. [130](#)

Lapides renascuntur in Gal-
lia. [463](#)

Lapis decidit ex fornice sacelli
S. Sixti. [419](#)

Larazium, castrum inexpug-
nabile. [207](#)

Lateranensis palatij pictu-

ra.

[512](#)

Lattratus canum. [45](#)

Laudaticum. [144](#)

Laurentius de Medicis. [150](#)

Lectonarium. [49](#)

Legatorum apostolicæ sedis
magna olim auctoritas.
[428](#)

Legibus obvenit. [168](#). & seq.

Leo III. Papa munera mitit

Karolo M. [491](#)

S. Leonardi basilica [116](#)

Leonardus Aretinus Secretarius
Papæ. [268](#). Ejus laudes &
vita. [148](#). & seqq. Lucu-
brationes. [258](#). [264](#)

Leonardus Perusinus. [296](#).
& seq.

Leonardus Dathus Generalis
Ordinis Prædicatorum. [268](#)

Leonis, X. facilitas in conce-
dendis gratijs arguitur. [370](#)

Leonora soror Caroli V. Imp.
[394](#).

Letania. [147](#)

Letricus Vassus dominicus.
[130](#)

Leuca Hispana quomodo me-
tienda. [450](#). [454](#). [463](#)

Leudoricus defensor. [19](#)

Leudoveus Presbyter. [20](#)

Lex divina & mundana. [119](#).
Romana. [123](#) Salica & Ri-
buarra. [119](#)

Liborius Episcopus Cenoma-
nensis. [13](#). [108](#). [111](#)

Liburnum civitas. [397](#)

Lignarium. [144](#)

Liguriz littora. [386](#)

Ligusticum emporium. [419](#)

Limoticinensis Episcopus. [16](#)

Litterarum laus. [263](#)

Liz fluvius. [89](#). [141](#)

Locella. [158](#). & seqq. [163](#). &

M m ij

I N D E X.

- seq.* 169
 Logogiaccensis pagus. 18
 Lodovenſe S. Salvatoris monaſterium. 208
 Lucenique vicus. 463
 Lucenſis Eccleſia pertinet ad metropolim Bracarenſem. 481
 Lucronium urbs in diœceſi Calagurritana. 354 356. 362
et seq. 469
 Ludovicus Abbas. 130
 Ludovicus Patriarcha Aquileienſis. 281
 Ludovicus P. Imp. confeſſorem ſibi adſcivit Aldricum Episcopum Cenomanenſem. 1
 Proficiſcitur ad Cenomanicam civitatem. 6
 De Aquitania revertitur. 14.
 27. Moritur. 145. Dictus ſecundus Francorum Imperator. 140
 Ludovicus Rex Germaniæ. 145
 Ludus alcarum non decet Episcoporum. 184
 Lugdunum in pago Cenomanico. 104
 Luminaria Eccleſiæ. 95. 102.
 107 *et seq.* 112.
 Lupi mons 455
 Lupus Cadolonenſis Episcopuſ. 137
 Lupus Hurtado 380
 Lutchus. *Vide* Antoniuſ.
 Luſeti impietas. 454
- M
- M** Achinatio. 63. 101
 Maſſuccoſ Canoniciſ Tolletanuſ. 371
 Madrid, olim Vrfaria. 394
- Maginarius Notariuſ. 43. 123. 126
 Magiſtri Canonicoꝝ. 67. 76
 Magnetis lapidicina. 398
 Maieſtatiſ ciimen. 124
 Maimacenſe monaſterium. 104
 Malabora, turriſ ſic dicta. 398.
 Malareſta. *Vide* Caroluſ.
 Maledictio pſalmi c i x. 21
 Maledictioneſ in benedictioneſ convertere. 211
 Mallariuſ Diaconuſ Cenomanenſiſ. 18
 Mallen oppidum. 366
 Malluſ publicuſ. 42
 Mancipia. 19
 Mancipia partiꝝ. 119
 Manettuſ auctoꝝ vitæ Nicolai V. Papæ. 264
 Manſio ad habitandum. 61
 Manſionariuſ. 121
 Manſioneſ facere. 41. 95. 102
 Manſioneſ circa monaſterium conſtructæ. 87
 Manſionilia. 61. 87. 89
 Manſiuncula. 85. 89
 Manſo Episcopuſ Piceſiſ. 121
 Manſuſ Adæ. 221
 Manuel Chryſoloraſ. 253
 Manuſ laica. 189
 Marcelliacenſiſ biojaluſ. 19
 Marchio Saxoniæ patriæ 104
 Marcoarduſ Abbaſ. 130
 Mare hitoriatum. 336
 Marga humuſ. 462
 Margariſe inſulæ. 384
 S. Margariſe corpꝝ ubi Martiri. 31
 S. Martialiſ Lemovicenſiſ Eccleſia. 216

I N D E X.

- S. Martialis Lemovicentis. monasterium erat congregationis Cluniacensis. [473](#)
 S. Martialis collegium Avinionense [320](#)
 S. Martini Turonensis Ecclesia. [216](#)
 Martini V. decretum de Cardinalibus secretis. [303](#)
 Martuel oppidum. [463](#)
 Massiliensis litora. [383](#)
 Matrimonia inter cognatos olim cohabitabant auctoritate Romani Pontificis. [482](#)
 Mauri chorizantes. [366](#)
 Mauritij Burdini Archiepiscopi Bracarensis vita. [471](#)
 Mauritius Episcopus Conimbricensis. [193](#)
 Maurorum terra. [187](#)
 Mediolanense bellum. [227](#). [241](#)
 Mediomatricis civitas. [3](#)
 Meduana fluvius. [62](#)
 Mel pro censu. [25](#). [31](#)
 Memoria rerum & verborum. [228](#)
 Memoriae sanctorum. [73](#). [109](#)
 Memoriale sive relatio. [114](#). [126](#). [140](#)
 Mendacium ferre non poterat Capranica. [289](#)
 Mercatura etiam à nobilibus exercetur. [452](#)
 Mercimonia indigna sunt homine militari. [237](#). [239](#)
 Metrices & canes. [45](#)
 Merolus Episcopus Cenomanensis. [100](#). [161](#). & seqq.
 Mellanæ portus. [420](#)
 Metis civitas [3](#). Schola. [4](#). Primicerius *Ibid.* Cantor. *I. id.*
 Meterius Presbyter. [20](#)
 S. Michaëlis Archangeli memoria in periculo magis. [216](#)
 Mido Archidiaconus Bracarensis. 189. Praetor Bracarensis. [193](#)
 Milicia fluviolus. [61](#)
 Militare in mansuetudine Episcopi. [85](#)
 Militem non decent mercimonia. [237](#). [239](#)
 Militia secularis & spiritualis. [5](#)
 Millarum Italicarum numerandarum ratio. [454](#)
 Mimi & larvæ exhibitæ Adriano Papæ. [394](#)
 Ministeriales. [90](#)
 Ministri Canonorum. [67](#). [76](#)
 Minoratio. [29](#). [87](#). & seq.
 Minoratum. [69](#)
 Miracula sæpe fiunt per malos. [425](#)
 Miracula patrata in dedicatione Ecclesiarum Cenomanensis. [15](#). & seq.
 Mirandæ Comes, Princeps Navarræ. [356](#)
 Missa pro Episcopo. [148](#)
 Missale officium. [49](#)
 Missarum celebratio frequens. [184](#)
 Missi dominici. [97](#). Srenus & fideles. [16](#). [141](#)
 Missus palatinus. [117](#)
 Modia aquæ. [6](#)
 Moduinus Episcopus Ostundensis. [136](#)
 Molina duo. [48](#). [74](#)
 Moranco oppidum. [464](#)
 Morachæ sacratæ ab Aldrico. [110](#)

INDEX.

Monachæ secundum regulam S.

Benedicti.

16. 84

Monachi à patre facti filij.

46.

Monachi subiecti sunt Episcopis.

132

Monachi vagi & fures.

131

133. & seq.

Monachorum quorundam impudentia.

429

Monago municipium.

385

Monasteriales Presbyteri.

51.

13. 67. 84.

Moneta publica in civitate Cernomanensi.

100

Monjui

463

Mons Christi, insula.

398

Mons Iovis.

463

Monferratenſe cœnobium.

463.

465

Monsfalcus oppidum ducatus Spoletani.

273

Monteroso oppidum.

450

Montisfalconis urbs.

451.

453.

Mors à tergo instat.

251

Mortui indigent precibus viventium.

52

Moyſſiacum cœnobium.

179.

476.

Mulierum Romanarum rarus egressus.

436.

modestia. Saonensium

391.

mores. Genuensium

459

Multrones.

144

Mundana lex.

119

Mundana negotia.

135

Mundeburdus vel defensor.

115. 175

Munus beneficium.

27

Musica contemptor Capranica.

290.

N

Najara urbs.

362. 469

Nannes Stroza Eques

Florentinus.

227. & seqq.

Nantarius Vassus Dominicus.

130

Natalitia Episcoporum.

51

Navarret, locus.

363. 469

Nautæ assumunt nomina san-

ctorum pro tesserae signo.

381

Negotia ecclesiastica & mun-

dana.

133

Neustria data Karolo Calvo.

140. 145

Nica municipium.

384

Nicolaus V. sit Papa.

277.

Cellam in Vaticano ædifi-

cat. Abalienatus ani-

mo à Capranica.

284. Ejus-

vita scripta à Mañetto.

264.

Nicolaus Estensis.

236

Nicolaus Niculus.

250

Niviardus Diaconus ac de-

fensor.

21

Nivium magna copia.

356.

358

Nobilitas vera quæ.

253

Nogasiola datur Ecclesiæ Bra-

carensi.

191

Nola civitas.

460

Nonæ & decimæ.

26. & seq. 86. 104.

29. 31. 83. & seq. 86. 104.

177

Nonnanes.

85

Norho Archiepiscopus Arc-

latensis.

136

Novavilla.

6. 14. 29. 40

Novitatum cupidi natura su-

mus.

367

Noxus Diaconus.

10

Nuncius apostolicus, vir con-

INDEX.

- jugatus. [371](#) Ortiz Doctor. [446](#)
 Nutrimenta animalium. [31](#) Ortizius. *Vide* Blasius. [466](#)
 O Obedia. [179.](#) & *seqq.* Oicensis episcopus. [466](#)
 Obdientialis actio. [102](#) Osculum pacis in electione Pa-
 Oblatæ, id est, panes pro con-
 secratione. [14. 67](#) pæ. [344](#)
 Oblatio fidelium ab Episcopis [462](#)
 dispensanda est. [136](#) Ostundenfis Episcopus. [136](#)
 Oblationes. [147](#) Ostlinga Saxonie. [62](#)
 Obsequia divina. [49](#) Oxomensis pagus. [61.](#) & *seq.*
 Obvenit legibus. [168.](#) & *seq.* [35. 88.](#)
 S. Octaviani reliquie. [388](#)
 Octavianus Fregolus Genuen-
 sium Dux. [394](#)
 Odorricus Vassus dominicus.
 130
 Oeconomus institutus juxta
 canones. [175](#)
 Officia vespertina. [15](#)
 Officina fratrum. [45. 16](#)
 Officiorum libri. [12](#)
 Officium vespertinale & ma-
 rutinale. [42](#)
 Ognezinorum factio. [361](#)
 Oion oppidum. [356](#)
 Olei census. [29](#)
 Olive Balearicæ. [389](#)
 Oracula divina. [6](#)
 Orandi pro defunctis necessi-
 tas. [51](#)
 Oratoria. [71](#)
 Ordinabiliter. [23](#)
 Ordinandi Episcopi licentia
 petita à proprio ipsius Epis-
 copo [142.](#) & *seq.*
 Ordinationes Clericorum ab
 Aldrico factæ. [110](#)
 Ordo canonicus. [64. 70](#)
 Ordonius, villicus Hentici Go-
 mitis. [189](#)
 Oretum, nunc Calatrava. [371](#)

P

- P Acare. [116](#)
 S. Paduini sepulcrum. [28](#)
 Paginola donationis. [18](#)
 Palamox portus. [381](#)
 Palentinum Concilium. [183](#)
 Pallum, plenitudo pontifica-
 lis officij. [348.](#) Ejus neces-
 sitas. [476](#)
 Palmarum benedictio. [367](#)
 Pampilo, civitas Navarræ.
 366.
 Pampilonensis episcopus.
[466](#)
 Papæ electio ad quos perti-
 neat [309. 323. 338.](#) Ejus
 electio unde confirmetur.
[344.](#) & *seq.* Eam non im-
 pedit hæresis præcedens.
[343.](#) Ordinari olim non
 poterat absque consensu
 Imperatoris. [489.](#) & *seqq.*
 An aliquid expedire possit
 ante suam coronationem.
[368. 406.](#) Omnia jure po-
 test. [371.](#) Nihil tamen po-
 test facere per quod Eccle-
 sia notorie scandalizetur.
[312.](#) Neque potest ad libi-
 tum detrahare bona Eccle-
 siarum. [317.](#) Quomodo uti
 debeat plenitudine potesta-

INDEX.

| | |
|---|--|
| tis <u>336</u> . Ejus judicium tale esse debet ut non possit nec valeat periclitari. <u>335</u> . An possit deponere absentes. <u>488</u> . An possit bellum facere <u>423</u> . <u>431</u> . An possit pacem imperare Principibus sub pœna excommunicationis. <u>429</u> . Ejus auctoritas non implorabatur olim in dispensationibus matrimonialibus. <u>481</u> | Pediola villa. <u>365</u> |
| Papatum tollere <u>101</u> | Pelagius Peiri. <u>186</u> |
| Paradisus <u>145</u> | Pennalua oppidum. <u>466</u> |
| Paratas facere. <u>41</u> . <u>95</u> . <u>102</u> | Pensantes. <u>168</u> |
| Pares. <u>138</u> . <u>169</u> | Pensiones super beneficijs ecclesiasticis. <u>434</u> |
| Parisiacus pagus. <u>89</u> | Pœdonata. <u>31</u> |
| Partiri mancipia. <u>119</u> | Peregrinatio religiosa. <u>213</u> |
| Parturientes juvare solet sancta Rosa. <u>451</u> | Peremptorium edictum. <u>123</u> |
| Paschalis I I. Papa. <u>183</u> . Ejus memoria defenditur. <u>485</u> | Perpetualiter. <u>23</u> . <u>76</u> . <u>78</u> . <u>91</u> |
| Pascuaria & pastiones. <u>31</u> | Perpetuitas imperij <u>69</u> |
| Passus est mensura quatuor pedum. <u>454</u> | Petunacia. <u>135</u> |
| Pastionatica. <u>31</u> | Pescaræ Comes. <u>193</u> . <u>395</u> |
| Patriocinia sanctorum. <u>73</u> | Pestis acetrima Romæ. <u>415</u> |
| Patruinus Præpositus S. Vincentij Cenomanensis. <u>168</u> | <u>421</u> |
| S. Pavanius confessor. 13. Episcopus Cenomanens. <u>108</u> . <u>111</u> | Petitio falsa non valet. <u>138</u> . & seqq. |
| Pauli sententiæ. <u>123</u> | Petrarcha natus Aretij. <u>253</u> . Ejus vita ab Aretino scripta <u>264</u> |
| Pauperes reficiendi. <u>123</u> | Petrucius Cardinalis. <u>397</u> |
| Pauperum ululatus. <u>43</u> | S. Petrus Papa orbis & urbis. <u>318</u> . Ejus navicula perire non potest. <u>349</u> |
| Peccaminum pondus. <u>69</u> . <u>74</u> . 50. moles. <u>72</u> | Petrus S. R. E. Cancellarius. <u>505</u> |
| Pecunia pro canonizatione sanctorum. <u>418</u> | Petrus de Alliaco Cardinalis. <u>321</u> |
| Pecunia ; id est, animalia. <u>33</u> . & seq. <u>211</u> . & seq. | Petrus de Fuxo Cardinalis. <u>304</u> |
| Pedes Romani Pontificis mortui deosculantes consequuntur plenariam indulgentiam. <u>435</u> | Petrus Paciecus Cardinalis. <u>435</u> |
| | Petrus Episcopus Bracarensis. <u>181</u> |
| | Petrus Episcopus Lodovensis. <u>207</u> |
| | Petrus Alzarran. <u>209</u> |
| | Petrus Abbas Mansiæ. <u>221</u> |
| | Petrus filius Matchionis de Montemajori. <u>457</u> |
| | Petrus Barbizius Capellanus Papæ. <u>417</u> |
| | Petrus Navarrus Comes. <u>393</u> . & seq. |

Petrus

INDEX.

| | | | |
|---|---|---|------------|
| Petrus de Roma, homo in-tractabilis. | 369 | inviolata. | 149 |
| Philippus Dux Mediolani. | 261. | Poggius fuit scriptor literarum apostolicarum. | 254. |
| 269. 273. 283. | | iterum secretarius Papæ | 293. |
| Philippus Decius utriusque juris Doctor. | 455 | ciuitate & censu donatus à Florentinis. | 252 |
| Physici, id est, medici. | 432 | Pogibonium. | 454 |
| Piceninus <i>Vile</i> Iacobus. | | Pogio municipium. | 454 |
| Picavis ciuitas. | 43. 170. 173. 176. | Polancus Licentiatu. | 371 |
| Picinus gesta Florentinorum primus scripsi. | 269 | Polectici. | 144 |
| Pignora sanctorum. | 9. 11. 46 | Poledri. | 89. & seq. |
| Pincerna Pipini Regis. | 115 | Polybius Latinè versus ab Arcino. | 258 |
| Pinna oppidum. | 374 | Pontius Abbas Cluniacensis. | |
| Pantiana cancellaria. | 373 | Pontius Abbas Salvanensis. | |
| Pipinus filius Ludovici Pij. | 106. 225 | Pontius de Larazio. | 105. 107. |
| 133. in Cenomanica patria. | 115 | 221. 223 | |
| Pisarum urbs. | 455 | Poppo Comes. | 119 |
| Pisanorum commercium. | 398 | Populeti cœnobium. | 455 |
| Piscationes. | 31 | Populomus Presbyter. | 20 |
| Pius II. Papa. <i>Vide</i> Aeneas. | | Porcaræ. | 87 |
| Placitum. | 42. 117. 120. & seq. 131. 158. 160. 164 | Porcatij. | 25 |
| Placitum suberfuge. | 114 | Portella hominis. | 192 |
| Planosa insula. | 398 | Portusi portus. | 325 |
| Platinæ lucubrationes, nonnullæ. | 164 | Portus. | 25 |
| Platonis quædam Latinè versa ab Arcino. | 258 | Portus marinus. | 387 |
| Pienaria Ecclesiæ. | 29. 40. 144. | Portus de sant Felio. | 381 |
| Piumbinum Etruriæ oppidum. | 273. 398 | Posteriora non derogant prioribus. | 138 |
| Pluralitas resolvitur in singularitatem. | 346 | Posturnum. | 144 |
| Pluralitas beneficiorum. | 445 | Potestativè & legaliter. | 33 |
| Plurarchi opuscula quædam Latinè versa ab Arcino. | 258 | Potio quæ dicitur alixona. | 66 |
| Pœnitentia insignis Pontij de Larazio. | 209. & seq. | Potio de siniculo. | 66 |
| Poggij & Arcini amicitia | | Potio quæ dicitur Silvia. | 66 |
| | | Præbenda. | 3. 52 |
| | | Præcepta Principum falsa si quis derulerit. | 139 |
| | | Præceptio. | 167 |
| | | Præceptum emunitatis. | 127. |
| | | & seq. | |
| | | Præfectus urbis conceditur ad vitam ejus qui donat. | 416 |

INDEX.

- Præfectus Vibis coronam imponit Imperatori. 416
 Prægoſtor eduliorum. 437
 Prælati ſunt ſucceſſores Apoſtolorum. 339
 Prælium in pago Altiſiodorenſi. 141
 Præpoſiti Canonicorum. 67.
 26
 Præpoſiti monaſterij. 59
 Præſentaliter. 104. & ſeq. 156. & ſeq. 172. 177
 Præſumptivus egreſſus 131
 Precaria. 75. 127 & ſeqq. per quinquennium renovata. 159. & ſeqq.
 Præcatæ uno tenore conſcriptæ. 155. 162. 170
 Præbyter Cardinalis. 141. & ſeq.
 Præbyteri ordinatio quomodo fieret olim. 4
 Præbyteri civitis & ſuburbani. 49. & ſeqq. 67. 76. 84
 Primicerij officium. 180
 Primicerius Meiſenſis. 142. ſeq. Caput totius cleri. 4
 Procopius Latinè verſus ab Arcimino. 258
 Procuratores Eccleſiæ. 33
 Prodigium Romæ. 419
 Proliacenſis terminus. 18
 Promiſſio monachorum. 131. 134
 Proprium ſuum tradere ad monaſterium. 46
 Proprium Imperatoris 115. 118. & ſeq. 134
 Proſper Columna Cardinalis. 293. 303
 Proſper Columna generalis copiarum Imperatoris. 438
 Proſperus Columna. 395
 Provinciæ civitas principalis 383
 Proviſor, id eſt, Vicarius generalis. 355. 469
 Provocatio à Papa ad Concilium. 274
 Pſalterium. 6. 49. 106
 Pſalmodia. 179
 Pſalmos omnes per ordinem memorietæ retinere. 2
 Puberrenus. 2
 Publicier. 120
 Publicum. 22. 24. & ſeq. 316. 361
 Puebla oppidum. 316. 361
 Puſcare. 42
 Puſſatio. 101. 114. 125
 Puſſatus in iudicio ſi adeſſe noluerit. 123
 Pureus olim nullus erat in civitate Cenomanica. 6
- ## R
- Radulphus Comes. 129
 Radulphus Vaſſus dominicus 130. 170
 Ragenaldus Comes. 171
 Ragenarius Comes palatii. 130. 171
 Ragenarius Epicoſopus Ambianenſis. 116
 Rainaldus Comes. 129
 Rammulſus Comes palatii. 171
 S. Raphaëlis monaſterium. 504
 Rarum omne pretioſius eſt 367
 Rataldus Epicoſopus Sueſſionenſis. 129
 Rationem deducere. 69. 91. 32
 Ravenna accedit Romanæ Eccleſiæ. 389

INDEX.

| | | | | |
|---|----------------|---|-----------------------|----|
| Raymundus de Pireto. | 109 | Ribahorada. | 468 | |
| Raymundus Petri de Aguan- tico. | 214 | Ribuaria lex. | 119 | |
| Redezila, locus. | 469 | Ricardus Cardinalis Romæ. | 183 | |
| Redibitiones requirere. | 95. | Ricoto Abbas. | 130 | |
| 102 | | S. Rigomerus confessor. | 11. | |
| Redorta, vinculum ligneum. | 210 | Ejus cellula. | 40. monaste- rium. | 28 |
| Refectio plena & optima. | 14 | Rioia provincia. | 362 | |
| Refectio Canonico:um. | 29. | Rivus Calidus. | 192 | |
| 48. & seq. 54. 57. 71. | | Robertus Vassus dominicus | 130 | |
| Refectorium. | 45. & seq. 49. | Robertus Rufus. | 210 | |
| 51. 54. 16. 67. & seq. | | Roborare. | 81 | |
| Referendariorum restrictio. | 411 | Roca, pagus Catalonia. | 463 | |
| Reformatio Ro. Ecclesiæ fieri non potuit ab Adriano V I. | 412 | Rodericus de Cabredo. | 364 | |
| Regale & commune servitium. | 89 | Rodericus Mendocius Episco- pus Salamanticensis. | 436 | |
| Regula S. Benedicti. | 135 | Rodericus de Mendoça Epif- copus Salmanticensis. | 372 | |
| Regulæ Cancellariæ. | 366 | Rodericus Tenorio Canonicus Toletanus. | 372 | |
| Regum Portugalliæ cimiteri- um. | 198. | Rodolphus Cardinalis. | 397 | |
| Relatio five memotiale. | 114 | Rogerus Rex five Dux Si- liæ. | 222 | |
| Reliquiæ. 8. & seqq. 66. 73. | 127 | Roma vastata ab exercitu Ca- roli V. Imperatoris | 467 | |
| Reliquiæ S. Vincentij | 18 | Romana lex. | 123 | |
| Repetitio. | 136 | Romanus populus jurat obe- dientiam Karolo M. | 491 | |
| Reservationes revocantur ab Adriano VI. | 356. 363 | Romanus, nepos sancti Iuliani Episcopi Cenomanensis. | 108 | |
| R fidere in parrochia. | 175. | Romulus Diaconus. | 20 | |
| & seq. | | Rorigo Comes Turonensis. | 5. | |
| Restauraciones Ecclesiarum | 26. | 117 | | |
| & seq. 29. 31 | | S. Rosæ corpus ubi. | 451 | |
| Restitutio bonorum per vim occupatorum. | 209 | Rosæ, portus. | 382. 461. & seq. | |
| Reverentia metui æquipara- tur. | 337 | Rota Romæ clausa. | 421. | |
| Revestire legibus. | 141 | aperta. | 422 | |
| Reus judicium nocens subter- fugit. | 121 | Rotgarius filius fratris Almu- ci Episcopi Cenomanensis. | 88 | |
| Rhodanus fluviolus. | 58 | Rotgarius Vassus dominicus. | 171 | |
| Rhodium excidium | 412 | Rua. | 61 | |

INDEX.

| | | | |
|-------------------------------|------------|-------------------------------|------------|
| Ruz. | <u>84</u> | Scabellum Paparum. | <u>512</u> |
| Ruba. | <u>25</u> | Scalus, id est, architrach- | |
| Ruenga insula. | <u>388</u> | nus. | <u>437</u> |
| Ruifellou oppidum. | <u>450</u> | Schapha, vulgò vergantin. | <u>376</u> |
| Rumaldus Comes. | <u>130</u> | Schilma vitandum sicut vene- | |
| Ruicnonensis comitatus in Ca- | | num. | <u>426</u> |
| talonia. | <u>464</u> | Schilma Cardinalis de Car- | |
| Ruthenensis urbs. | <u>216</u> | vajal. | <u>390</u> |
| Ruyellum comitatus. | <u>464</u> | Schismatici dantur Pontifici- | |

S

| | | | |
|---------------------------------------|------------------------|-------------------------------------|------------|
| S accharo unicè delectabatur | | Schola Metensis. | <u>4</u> |
| Capranica. | <u>286</u> | S. Scholasticæ monasterium. | <u>28</u> |
| Sacerdotes civitatis & subur- | | Scudulæ. | <u>144</u> |
| bani. | <u>49. & seqq.</u> | Securiarj. <u>89.</u> id est asini. | <u>90</u> |
| Sacramento verum aliquid fa- | | Secretarij Papæ. | <u>268</u> |
| cere. | <u>120</u> | Secretarius pontificius. | <u>255</u> |
| Sacramentorium. | <u>49</u> | Sedes episcopalis. | <u>112</u> |
| Sacrarium. | <u>126</u> | Segobrigensis episcopatus. | <u>466</u> |
| Salama Vassus dominicus. | <u>130</u> | Senatum civitas. | <u>454</u> |
| Salica lex. | <u>119</u> | Senense Concilium dissolvi- | |
| Salicæ, olim Iliberris. | <u>465</u> | tur. | <u>268</u> |
| Salvanienſis monasterij exor- | | Seneschalchus Imperatricis. | |
| dium. 105. <u>222.</u> Ejus Ab- | | <u>117.</u> | |
| bates. | <u>225</u> | Seuex adeo nemo est quin an- | |
| Sanctorum memoriæ. | <u>73</u> | num speret se esse victu- | |
| Sanctorum corpora inventa ab | | rum. | <u>255</u> |
| Aldrico Episcopo Cenoma- | | Senior, id est, dominus. | <u>140</u> |
| neusi. | <u>107</u> | Senlitenſis Episcopus. | <u>137</u> |
| Sanctuarium Dei à laicis he- | | Senodochia. | <u>210</u> |
| reditario jure non debet | | Senfaticum. | <u>144</u> |
| possideri. | <u>192</u> | Sententia ultionis. | <u>114</u> |
| Saonenſis civitas. | <u>388.</u> | Servitia regalia & communia | |
| situs. | <u>391</u> | <u>89. 117. 118. 119</u> | |
| Sarraceni. | <u>187</u> | Servitium regium impedit of- | |
| Sa theanum. | <u>273</u> | ficiū Episcopi. | <u>174</u> |
| Sascha fluvius. 6. & seqq. <u>19.</u> | | Seuonechus Diaconus. | <u>20</u> |
| & alibi passim. | | Sforza. Vide Franciscus. | |
| Sasoria, locellus Cataloniæ. | <u>462</u> | Sicbaldus Abbas Anisolz. | <u>128</u> |
| Saturniacensis pagus. | <u>18</u> | Sicoris fluvius. | <u>464</u> |
| Saxonia erat olim in Francia. | <u>1</u> | Sicbaldus Abbas sancti Car- | |
| Saxonie. patriæ Marchio. <u>104</u> | | lephi. | <u>115</u> |
| | | Sgale. | <u>144</u> |
| | | Sigimundus Abbas Annisolz. | |
| | | <u>133. 137. 140. & seqq.</u> | |

INDEX.

- Sigismundus Abbas S. Carilephi. [114](#). [116](#)
 Signa ex metallis optimo. [109](#)
 Sigrannus Abbas Anisole. [127](#)
 S. Ientio favore errori. [122](#)
 Siliceus. *V. de* Ioa. Martinus.
 Silva Follicionis. [65](#)
 Silvester [11](#). factus Papa ab
 Otone III. Imp. [492](#)
 Silvia, porionis genus. [66](#)
 Simcon Episcopus. [139](#)
 Simo Presbyter & Abbas. [24](#)
 Sinus de Leon. [461](#)
 Sion, pater Aldrici Episcopi
 Cenomanensis. [1](#)
 Sociante frico. [169](#)
 Soderinus Cardinalis. [424](#)
 Solatium. [7](#). [11](#). [61](#)
 Solon portus. [380](#)
 Sonnis legitima. [120](#)
 Soraetis mons. [273](#). [298](#)
 Spene portus. [396](#)
 Spoletanus Ducatus [270](#). [273](#).
[290](#)
 Stabilitatis promissio. 131. [133](#).
& seq.
 Stadum quid sit. [456](#). [463](#)
 Stephanus Comes. [129](#)
 Stephanus Episcopus. [137](#)
 Sterile oppidum. [462](#)
 Stodilo Abbas. [140](#)
 Straniacus supra Rhodanum.
[162](#)
 Stroza Florentini. [235](#)
 Strumenta chartarum. [33](#). [38](#)
 Stupa incendenda mos in con-
 fectatione Pontificis. [408](#).
[444](#)
 Stupidiutis signa. [257](#)
 Suavius Menandi. [192](#)
 Suburbani Presbyteri. [42](#). *&*
[197](#). [67](#). [76](#) *&* 4
 Suctionense monasterium puel-
 larum. [108](#)
- Sufusum. [144](#)
 Suoleucus Abbas S. Vincen-
 tij Cenomanensis. [21](#)
 Supplicationes examinatae ius-
 su Adriani VI. [369](#)
 Surtium oblietur. [508](#). *& seq.*
 Synaxis matutina & vesperti-
 nalis. [15](#). [51](#). [148](#)
 Synodi quotannis celebrentur.
[280](#)
 Synoderum frequentia quomo-
 do utilis. [183](#)
 Synodus Episcoporum & sa-
 cerdorum. [133](#)
 Synodus Cenomanica. [147](#)
 Synodochium S. Mariz. [28](#)

T

- Talipiacum monasterium.
[58](#)
 Tanica fluvius. [197](#)
 Taraconensis provincia unde
 dicta. [464](#)
 Taraconis descriptio. [377](#)
 Tarraga, & proverbium de
 ejus leuca. [464](#)
 Tegumina. [59](#)
 Teilo Archidiaconus Conim-
 bricensis. [475](#)
 Telonum. [25](#). [42](#). [95](#). [102](#).
 Teoro Comes. [129](#)
 Teoro Vallus dominicus. [130](#)
 Testes veri & boni. [116](#). [118](#)
 Testes falsos facere. [119](#)
 Tetghildus Comes. [130](#)
 Tethaldus Abbas. [130](#)
 S. Tevestina virgo. [108](#)
 Teuzo Cardinalis. [496](#)
 Tharasia Regina Portugal-
 liz. [185](#). [187](#). [203](#)
 Theobaldus Comes Campa-
 niz. [222](#)
 Theodericus Episcopus Ca-

INDEX.

v

V Accartina dominicata. 31
V valafridus Diaconus.

137

Valentia rebellat adversus
Cæsarem. 370

| | |
|----------------------|-----|
| Vvalfredus Comes. | 117 |
| Vvani furio sublati. | 8 |

| | |
|---------------------|-----|
| Vvaringarius Abbas. | 130 |
| Vvarinus Comes. | 119 |

| | | |
|-----------------------|-----|----|
| Vvarnarius Episcopus. | 69. | 79 |
| Vassalli dominici. | | 26 |

| | |
|-----------------|-----|
| Vassi dominici. | 64 |
| Vetula oppidum. | 467 |

Venatio non decet Episcopum. 184

Verbum Pipini. 158. Karoli.
160. 163

Veritas se ipsam facit de-
monstrare. 376. 387. 397.

magis splendescit. 122. 473
Vesperorum solennia. 278. ho

| | |
|-----------------------------|-----|
| <i>Vestibulum tortuosum</i> | 378 |
| <i>ra.</i> | 381 |
| <i>Vestigium Ecclesiae</i> | 32 |

Vestitura legitima. 118. 166
plena & legalis. 125. 67 *Tea*

141
Vexillifer, supremus Floren

| | |
|------------------------|-----|
| tiæ magistratus. | 256 |
| Vexillum Romanæ urbis. | 49 |

Viaticum dominici corpori

INDEX.

| | | | |
|---------------------------------|---------|---------------------------------|---------------|
| & sanguinis. | 214 | Vivericia. | 37 |
| Vicaria Diablentica. 161. Ga- | | Vizcayæ comitatus. | 452 |
| bronensis. | 162 | S. Vltacius Confessor. 13. Ejus | |
| Vicini, id est, cives. 451. 462 | | sepulcrum. 47. 75. cellula | |
| Victoria civitas. 355. & seq. | 40 | | |
| 358 | | Vltronis sententia. | 124 |
| S. Victorij Episcopi Ceno- | | Vlulatus pauperum. | 45 |
| manensis tumulus, 28. ejus | | Vngaria vultur à Turcis. | |
| limina. * | 20 | 413. 418 | |
| Vicus Canonicus. | 40 | Vngariæ Episcopus quidam | |
| Vido Comes & Missus do- | | ejectus. | 373 |
| minicus. | 12. 167 | Vocatus Episcopus. | 143 |
| Vido tyrannus. | 146 | Vrbanus II. belli sacri au- | |
| Vidua fluviolus. | 86 | tor. | 474 |
| Vigiliæ festivitatum. | 67 | Vrbs vetus. Vide Centumcel- | |
| Viladus Episcopus. | 129 | læ. | |
| Villicus Episcopus. | 129 | Vrgellensis Ecclesia. | 465 |
| Villafranca de Montefruda. | | Vrna, id est, theca reliquia- | |
| 469 | | rum. | 111. |
| Villafianca de Niça. | 385 | Vrraca Regina Castellæ & | |
| Villena in Parisiaco. | 89 | Aragonæ. | 481. |
| Vilorado municipium. | 469. | Vrsaria, id est, Madrid. | 194 |
| Vimaranz. | 185 | Vrsicinus Diaconus. | 20 |
| S. Vincentij Cenomanensis | | Vismarus Archiepiscopus Tu- | |
| monasterium. 59. 88. 161. | | ronensis. 59. 69. 79. 83. | |
| 163. An pertineat ad Re- | | 89 | |
| gem vel ad Episcopum. 16. | | Vsare. | 155. 162. 170 |
| & seqq. | | Vserca oppidum Lemovicum. | |
| Vincentius, Secretarius Papæ. | 473 | | |
| 268 | | Vserensis monasterij privile- | |
| Vinea indominita. 48. 74 | | gia confirmata. | 504 |
| Vinum S. Martini. | 420 | Vsitare. * | 161 |
| Vinnmarus Vassus dominicus- | | Viufructuarius ordo. 158 160. | |
| 130 | | 163 | |
| Vir non habet potestatem cor- | | Vvasta. | 18 |
| poris sui, sed uxor. | 208 | Vvssena oppidulum. | 453 |
| Virorum illustrium vitz scri- | | Vvlterranus Cardinalis. Vide | |
| bendæ. | 264 | Franc. Soderinus. | |
| Virtutes multæ apparuerunt. 15 | | | |
| Vvribaldus Vassus dominicus. | | | |
| 130 | | | |
| Vvtribium civitas. | 450 | | |
| Vvtria sæpe se iugerunt sub | | | |
| prætextu virtutum. | 447 | | |

X

X Enopiontis liber de ty-
ranno versus Latinè ab
Atheno. 258

INDEX.

| | |
|--|--|
| Z | Zamora capta à Rege Ferdinandò. 363. Obfella à Gallis. 364 |
| Z Accharo unicè delectabatur Capranica. 256 | Zamorenfis Epifcopus captivus. 363 |

Extrait du Privilege du Roy.

LE Roy par fes Lettres patentes données à ſaint Germain en Laye le 19. Avril 1679. ſignées L O V I S , & plus bas , *Par le Roy, COBERT*, & ſcellées du grand ſceau de cire jaune, a permis à Etienne Baluze Prieur de Beauvais de faire imprimer un Ouvrage intitulé *Miscellanea Stephani Baluzii* en un ou pluſieurs volumes, & autant de fois que bon luy ſemblera pendant le temps & eſpace de trente années, à compter du jour que chacun deſdits volumes ſera achevé d'imprimer pour la premiere fois; avec défenſes à toutes ſortes de perſonnes, autres que celui ou ceux qui auront été choiſis par ledit Baluze, de les imprimer ou faire imprimer, vendre ni débiter pendant ledit temps, à peine de dix mille livres d'amende, de conſiſcation des exemplaires contrefaits, & de tous dépens, dommages & intérêts; comme il eſt plus à plein porté par leſdites Lettres.

Regiſtré ſur le Livre de la Communauté des Libraires & Imprimeurs de Paris le 19. May 1679. Signé, COVERTOT Syndic.

Et ledit Sieur Baluze a cédé ledit Privilege pour ce troiſième volume à François Muguet, Imprimeur & Libraire ordinaire du Roy, pour en jouir ſelon ſa forme & teneur.



